

〔清〕徐赤撰

傷寒論集註  
十卷外篇四卷

清乾隆十七年蔣榮刻本

# 陽明論集註

瓜涇徐氏  
本宅藏板

序

先聖開物成務以來醫雖小道最不易言者何也凡物出乎覆載而天地包乎陰陽苟非學究天人洞徹陰陽回互之機然後潛心於君臣辨論之旨推原夫草木良毒之功出其緒餘爲生民補偏救弊不可以輕言之也去軒岐之世二千餘年篤生張長沙者慧海無邊智燈獨耀集大成而繼道統著書垂教精微粹美讀其書證其心民可無天枉之虞矣猶有孫葛許陶朱張劉李之輩紛紛出世立說明道饒益生民豈淺鮮哉無如去長沙又千餘年鑿道之荒唐至不可以理窮數究也蓋謂至於今日以家學言者其父之學早已心目俱盲傳於其子有不倍盲者乎以師承言之其師之學不特盲於目抑且盲於心授於其弟槩可知矣嗟嗟父師盲於前子弟盲於後以盲引盲舉世之鑿無不盲矣使

止盲於目者治人猶不可況并盲於心者耶有  
憫世之心者必先治其醫然後可使以治人治  
醫之道其在書乎不然其荒唐之至於不可以  
理窮數究何術以救之哉吾友徐君五成多學  
博聞材兼衆藝樂善好生思有以振之爰取長  
沙之微言妙論條疏節解更與吳子申培叅互  
而成之天地間遇合有數書成而不流傳著猶  
不著也適徐君館於復園甚久書亦成於復園

序

二

復園主人之樂善好生尤深於徐君今徐君墓  
木拱矣復園主人恐其書不傳亟付之剞劂且  
使予序之以予於徐與吳皆舊交也世有盲  
於目而併不盲於心者購其書而讀之於生民  
之疾苦不無小補云

乾隆壬申四月仙誕日同學弟一瓢薛雪拜撰



### 徐五成先生傷寒論序

歲在己亥癸始從徐先生授經家塾先生  
教最嚴爲人端謹純慤不妄交遊與外舅  
何義門先生最爲莫逆枕經藉史寢子饋  
集百家雜說無不綜舉而晚年尤精於醫  
先是先生游歷都下設帳於王侯邸第聲  
名特達冠時宜不難捷通仕籍顧終柄鑿

序

一

於有司之尺度而秋風瑄璫之際獨先生  
漠然不措意著書立說不偷爲一切自炫  
炫人之作務求實益於斯人之徒若所註  
傷寒論發仲景先生所未及亦其一也昔  
范文正少時嘗曰吾不爲良相必爲良醫  
以醫可救人也陸宣公晚年家居尤留心  
醫學聞有秘方手自鈔錄曰此亦活人之

一術也夫以二公之監立足以蓋當時而垂後世宜若視方技爲不足道而其用意顧如此可知此事之所關實聖賢利濟之餘業是故耽精研道不得一見乎世者往往樂以此自名其家榮惜師學之不獲大展於時又懼遺書之失傳無以爲當今醫學折其衷也謹加編校壽梓以行將此書

序

二

出而陰陽審導奉模楷以拯無窮吾生以後不笏而成先生亦可無憾於存沒之際矣

乾隆壬申歲小春月受業門人蔣榮謹識



傷寒題辭

六經者傷寒之畛域也太陽與陽明六經之始終也太陽爲諸陽主氣函蓋諸經陽明爲後天根本滋養四旁故外邪之來太陽先受之四旁有病入胃則不傳夫風寒二氣分屬陰陽其着人爲病則必相因中風有汗宜桂枝湯以解肌而中風不得汗

自序

一

亦用麻黃傷寒無汗宜麻黃湯以發汗而傷寒汗自出亦用桂枝若表熱與裏熱相持汗不出而煩躁非石膏之辛涼徹熱汗何能出此大青龍爲太陽表熱裏熱之兩解法也若爲風寒兩傷而設則麻黃湯亦何嘗不風寒兩解乎又麻黃桂枝小柴胡三湯該貫三陽三陰表證及半表半裏證



仲景就太陽經中開門起例舉其一隅而時或見於各經條內學者不能觀其會通是以不省耳夫太陽爲諸經之表表中自有裏焉裏者何膀胱爲太陽之本邪犯膀胱氣分有五苓諸症邪入膀胱血分有桃仁承氣抵當湯丸諸症是爲太陽之裏然太陽病有因汗下而至振寒脈微細者有

自序

二

不因誤治而脈反沉者是少陰爲太陽之雌而太陽不能爲之蔽則有四逆湯證是亦太陽之裏也陽明中土爲萬物所歸是爲在裏然亦有表焉陽明之表有二汗出惡寒與無汗而喘皆陽明初受風寒之表與太陽同治亦宜麻桂二湯汗出不惡寒反惡熱是陽明內熱達外之表治宜解表

和裏則有梔子豉湯一法是陽明之表也進此則爲陽明在經至胃家實則入腑矣胃者水穀之海以津液爲重在表而汗之在經而清之所以保其津液不使胃家實也胃家實而下之宜緩宜急皆爲存其津液爾斯治陽明之節度也而陽明亦有虛寒證白露太陰根柢者則又在溫補之例

自序

三

矣少陽胆經或從太陽轉入或本經自受總在半表半裏半表半裏之中又分表裏往來寒熱半表半裏之表也經也腰痛脇急半表半裏之裏也腑也總宜和解頭痛發熱似在表也脈見弦細便忌發汗沉緊之脈似屬裏也柴胡證具卽應和解故太陽陽明二經兼涉少陽卽從少陽治是謂

汗吐下三禁也蓋胆屬甲木與肝臟相連脾胃之土受其節制治不得法邪陷於肝或陷於脾或干於胃如柴胡證不罷復與柴胡湯升舉之使邪還半表而愈不然則爲壞病矣三陰有可下之證有急下之證有當溫之證有急溫之證有可汗之證蓋以三陰皆能入胃皆有直中真寒皆有自

自序

四

感表邪故爾自感表邪亦掠太陽而入三陰入胃亦從陽明而出但陰經攻下不同陽明之猛陰經表汗不如太陽之洩若夫少陰表證用麻黃附子細辛湯引之使從太陽出太陰表證用桂枝湯引之使從陽明出厥陰表證用小柴胡湯引之使從少陽出所謂神而明之存乎其人也至於按

日傳經雖古有定說要其中病實不拘此非敢斷之胸臆蓋有本於聖經也雍正五年長至日瓜涇徐赤書於拙政園之銀杏樓



自序

五

傷寒論集註凡例

仲景傷寒論西晉太醫令王叔和撰次宋成無已註釋嗣後歛人方有執之條辨西昌喻昌之尙論篇各自分章著論非無卓識然亦主張太過矣後人效之師心自用轉搬不已則傷寒一書何日始有定本今六經原文悉仍叔和之舊學者誠能熟而復之則觸緒俱靈其中條理自出

六經原文出自仲景之手是經也脈法等篇叔和所序譬則翼也林成二家編脈法爲第一殊失先經後傳之義今依方氏移置六經之後

傷寒論集註凡例

一

仲景自序曰爲傷寒雜病論合十六卷雜病卽傷寒之類故以傷寒冠之叔和序例明是傷寒雜病論序乃寫書者譌雜爲卒後人遂謂全書散亡獨存傷寒論因以序例爲專序傷寒於是方氏譏其不與傷寒相協而削之喻氏病其橫插異氣而駁之殊不知叔和原爲傷寒雜病作也知序例之爲傷寒雜病作則方喻無所置其喙而序例得掛經端矣

林億校正傷寒論乃混編序例於卷二使後人莫辨其孰爲仲景孰爲叔和是誰之過歟今以弁諸卷首不入卷目千古之疑城可破

先哲緒論互有進退去其瑕而存其瑜有錄全文者有摘一二語者有參取其意者皆一一標出不敢攘古人之瑜也舊註之下有以己意足之者則以愚按或某按別之正註之下有總括章義之處或更有別解俱置之圈外則註家舊例也其直起而無標識者皆出自己也

輯錄舊說正註居前論議居後有不得以世次拘者解經爲重也

三陽三陰篇至辨發汗吐下後病證凡十卷此本論篇目也自可溫以下本論原無門目皆採集金匱玉

傷寒論集註凡例

二

函經脈經千金方麗安常總病論朱奉議活人書郭白雲補亡論及條辨尙論篇等書別爲外篇四卷不敢以增入者亂古人篇目也

赤於斯道既無師授復寡見聞是集之紕謬良多正其非是而教訓之實所望於三益

五成徐先生所集前人諸註并出自心裁之語其隱微精奧闡括已盡本無容增補但

大訥於翻閱

之下偶有所得或見他說有所發明義有可取者竊附於後仍標出大訥按云其原註悉照舊詳錄不敢以己意稍加移易也

仲景製方皆有治病深意原集目錄止載六經脈證及諸病名並不出方今將各經證中所出之方隨載於後以便學者易於查閱至原集偶有未採方解者大訥亦間取前人論議附於方後以見古人用藥不妄

傷寒論序例

陰陽大論云春氣溫和夏氣暑熱秋氣清涼冬氣冷冽此則四時正氣之序也冬時嚴寒萬類深藏君子固密則不傷於寒觸冒之者乃名傷寒耳其傷於四時之氣皆能爲病以傷寒爲毒者以其最成殺厲之氣也中而卽病者名曰傷寒不卽病者寒毒藏於肌膚至春變爲溫病至夏變爲暑病暑病者熱極重於溫也是以辛苦之人春夏多溫熱病者皆由冬時觸寒所致非時行之氣也凡時行者春時應暖而復大寒夏時應熱而反大涼秋時應涼而反大熱冬時應寒而反大溫此非其時而有其氣是以一歲之中長幼之病多相似者此則時行之氣也夫欲候知四時正氣爲病及時行疫氣之法皆當按斗曆占之九月霜降節後宜漸寒向冬大寒至正月雨水節後宜解也所以謂之雨水者以冰雪解而爲雨水故也至驚蟄二月節後氣漸和暖向夏大熱至秋便涼從霜降以後至春分以前凡有觸冒霜露體中寒卽病者謂之傷寒也其冬有非節之暖者名曰冬溫冬溫之毒與傷寒大異冬溫復有先後更相重沓亦有輕重爲治不同證如後章從立秋節後其中無暴大寒又不冰雪而其人壯熱爲病者此屬春時陽氣發於冬

傷寒論序例

時伏寒變爲溫病從春分以後至秋分節前天有暴寒者皆爲時行寒疫也三月四月或有暴寒其時陽氣尙弱爲寒所折病熱猶輕五月六月陽氣已盛爲寒所折病熱則重七月八月陽氣已衰爲寒所折病熱亦微其病與溫及暑病相似但治有殊耳十五日得一氣於四時之中一時有六氣四六名爲二十四氣也然氣候亦有應至而不至或有未應至而至者或有至而太過者皆成病氣也但天地動靜陰陽鼓擊者各正一氣耳是以彼春之暖爲夏之暑彼秋之忿爲冬之怒是故冬至之後一陽爻升一陰爻降也夏至之後一陽氣下一陰

傷寒論序例

二

氣上也斯則冬夏二至陰陽合也春秋二分陰陽離也陰陽交易人變病焉此君子春夏養陽秋冬養陰順天地之剛柔也小人觸冒必嬰暴疹須知毒烈之氣留在何經而發何病詳而取之是以春傷於風夏必殄泄夏傷於暑秋必痲痺秋傷於濕冬必咳嗽冬傷於寒春必病溫此必然之道可不審明之傷寒之病逐日淺深以施方治今世人傷寒或始不早治或治不對病或日數久淹困乃告醫醫人又不依次第而治之則不中病皆宜臨時消息制方無不效也今搜採仲景舊論錄其證候診脈聲色對病真方有神驗者擬防世急也又土地

溫涼高下不同物性剛柔食居亦異是故黃帝興四方之問岐伯舉四治之能以訓後賢開其未悟者臨病之工宜須兩審也凡傷於寒則爲病熱熱雖甚不死若兩感於寒而病者必死尺寸俱浮者太陽受病也當一二日發以其脉上連風府故頭項痛腰脊強尺寸俱長者陽明受病也當二三日發以其脉挾鼻絡於目故身熱目疼鼻乾不得臥尺寸俱弦者少陽受病也當三四日發以其脉循脇絡於耳故胸脇痛而耳聾此三經皆受病未入於府者可汗而已尺寸俱沉細者太陰受病也當四五日發以其脉布胃中絡於噤故腹滿而噤乾尺

傷寒論序例

三

寸俱沉者少陰受病也當五六日發以其脉貫腎絡於肺繫舌本故口燥舌乾而渴尺寸俱微緩者厥陰受病也當六七日發以其脉循陰器絡於肝故煩滿而囊縮此三經皆受病已入於腑可下而已若兩感於寒者一日太陽受之即與少陰俱病則頭痛口乾煩滿而渴二日陽明受之即與太陰俱病則腹滿身熱不欲食譫語三日少陽受之即與厥陰俱病則耳聾囊縮而厥水漿不入不知人者六日死若三陰三陽五臟六腑皆受病則營衛不行府藏不通則死矣其不兩感於寒更不傳經不加異氣者至七日太陽病衰頭痛少愈也八日陽

明病衰身熱少歇也九日少陽病衰耳聾微聞也十日太陰病衰腹減如故則思飲食十一日少陰病衰渴止舌乾已而噦也十二日厥陰病衰囊縱少腹微下大氣皆去病人精神爽慧也若過十三日以上不問尺寸陷者大危若更感異氣變爲他病者當依舊壞病證而治之若脉陰陽俱盛重感於寒者變爲溫瘧陽脉浮滑陰脉濡弱者更遇於風變爲風溫陽脉洪數陰脉實大者遇溫熱變爲溫毒溫毒爲病最重也陽脉濡弱陰脉弦緊者更遇溫氣變爲溫疫以此冬傷於寒發爲溫病脉之變證方治如說凡人有病不時卽治隱忍冀差以成

傷寒論序例

四

痼疾小兒女子益以滋甚時氣不和便當早言尋其邪由及在腠理以時治之罕有不愈者患人忍之數日乃說邪氣入臟則難可制此爲家有患備慮之要凡作湯藥不可避晨夜覺病須臾卽宜便治不等早晚則易愈矣若或差遲病卽傳變雖欲除治必難爲力服藥正如方法縱意違師不須治之凡傷寒之病多從風寒得之始表中風寒入裏則不消矣未有溫覆而當不消散者不在證治擬欲攻之猶當先解表乃可下之若表已解而內不消非大滿猶生寒熱則病不除若表已解而內不消大滿大實堅有燥屎自可除下之雖四五日不能

爲禍也若不宜下而便攻之內虛熱入協熱遂利煩躁諸變不可勝數輕者困篤重者必死矣夫陽盛陰虛汗之則死下之則愈陽虛陰盛汗之則愈下之則死夫如是則神丹安可以誤發甘遂何可以妄攻虛盛之治相背千里吉凶之機應若影響豈容易哉况桂枝下咽陽盛則斃承氣入胃陰盛以亡死生之要在乎須臾視身之盡不暇計日此陰陽虛實之交錯其候至微發汗吐下之相反其禍至速而醫術淺狹懵然不知病源爲治乃悞使病者殞歿自謂其分至今冤魂塞於冥路死屍盈於曠野仁者鑒此豈不痛歟凡兩感病俱作治有先

傷寒論序例

五

後發表攻裏本自不同而執迷妄意者乃云神丹甘遂合而飲之且解其表又除其裏言巧似是其理實違夫智者之舉錯也常審以慎愚者之動作也必果而速安危之變豈可詭哉世上之士但務彼翕習之榮而莫見此傾危之敗惟明者居然能護其本近取諸身夫何遠之有焉凡發汗溫服湯藥其方雖言日三服若病劇不解當促其間可半日中盡三服若與病相阻卽便有所覺重病者一日一夜當晬時觀之如服一劑病證猶在故當復作本湯服之至有不肯汗出服三劑乃解若汗不出者死病也凡得時氣病至五六日而渴欲飲水飲

不能多不當與也何者以腹中熱尙少不能消之便更  
 與人作病也至七八日大渴欲飲水者猶當依證與之  
 與之常令不足勿極意也言欲飲一斗與五升若飲而  
 腹滿小便不利若喘若噦不可與之忽然大汗出是爲  
 自愈也凡得病反能飲水此爲欲愈之病其不曉病者  
 但聞病飲水自愈小渴者乃強與飲之因成其禍不可  
 復數也凡得病厥脈動數服湯藥更遲脈浮大減小初  
 躁後靜此皆愈證也凡治溫病可刺五十九穴人身之  
 穴三百六十有五其三十九穴灸之有害七十九穴刺  
 之爲災并中髓也凡脈四損三日死平人四息病人脈

傷寒論序例

六

一至名曰四損脈五損一日死平人五息病人脈一至  
 名曰六損脈六損一時死平人六息病人脈一至名曰  
 六損脈盛身寒得之傷寒脈虛身熱得之傷暑脈陰陽  
 俱盛大汗出不解者死脈陰陽俱虛熱不止者死脈至  
 乍疎乍數者死脈至如轉索者其日死讖言妄語身微  
 熱脈浮大手足溫者生逆冷脈沉細者不過一日死矣  
 此以前是傷寒熱病證候也

傷寒論序例

傷寒論集註目錄

卷一

辨太陽病脈證并治法上

桂枝湯

桂枝加葛根湯

桂枝加厚朴杏子仁湯

桂枝加附子湯

桂枝去芍藥湯

桂枝去芍藥加附子湯

桂枝麻黃各半湯

桂枝二麻黃一湯

白虎加人參湯

桂枝二越婢一湯

桂枝去桂加茯苓白朮湯

傷寒論集註目錄

一

甘草乾薑湯

芍藥甘草湯

調胃承氣湯

辨太陽病脈證并治法中

葛根湯

葛根加半夏湯

葛根黃連黃芩湯

麻黃湯

大青龍湯

小青龍湯

乾薑附子湯

桂枝新加湯

麻黃杏仁甘草石膏湯

桂枝甘草湯

茯苓桂枝甘草大棗湯

厚朴生薑甘草半夏人參湯

茯苓桂枝白朮甘草湯	芍藥甘草附子湯	茯苓甘草湯	梔子豉湯	梔子生薑豉湯	梔子厚朴湯	梔子乾薑湯	卷二		辨太陽病脉證并治法下	小柴胡湯 <small>有加減法</small>	大柴胡湯	傷寒論集註 目錄		桃核承氣湯	桂枝去芍藥加蜀漆牡蠣龍骨救逆湯	桂枝加桂湯	抵當湯	大陷胸湯	小陷胸湯	白散	柴胡桂枝乾薑湯	十棗湯	附子瀉心湯
							二			小建中湯	柴胡加芒硝湯			柴胡加龍骨牡蠣湯	桂枝甘草龍骨牡蠣湯	抵當丸	大陷胸丸	文蛤散	柴胡桂枝湯	半夏瀉心湯	大黃黃連瀉心湯	生薑瀉心湯	

甘草瀉心湯	赤石脂禹餘糧湯	旋覆花代赭石湯	桂枝人參湯	瓜蒂散	黃芩湯	黃芩加半夏生薑湯	黃連湯	甘草附子湯	桂枝附子湯	炙甘草湯	卷三		辨陽明病脉證并治法	大承氣湯	小承氣湯	白虎湯	猪苓湯	傷寒論集註		四逆湯	蜜煎導法	猪膽汁法	茵陳蒿湯	吳茱萸湯	麻仁丸	梔子蘗皮湯	麻黃連軀赤小豆湯	辨少陽病脉證并治法	卷四		辨太陰病脉證并治法	桂枝加大黃湯	桂枝加芍藥湯	辨少陰病脉證并治法	麻黃附子細辛湯	麻黃附子甘草湯
																		目錄																		
																		三																		



黃連阿膠湯	附子湯
桃花湯	猪膚湯
甘草湯	桔梗湯
苦酒湯	半夏散及湯
白通湯	白通加猪膽汁湯
真武湯 <small>有加減法</small>	通脈四逆湯 <small>有加減法</small>
四逆散 <small>有加減法</small>	
卷五	
辨厥陰病脈證并治法	
烏梅丸	當歸四逆湯
傷寒論集註 目錄	四
四逆加吳茱萸生薑湯	
麻黃升麻湯	乾薑黃連黃芩人參湯
白頭翁湯	
卷六	
脈法上篇	
脈法下篇	
卷七	
辨瘧濕喝病脈證并治法	
附補亡論辨瘧瘕論	
龐氏葛根加麻黃湯	倉公當歸湯

桂枝加括蕒根湯	麻黃加獨活防風湯
小續命湯	大巖蜜湯
小巖蜜湯	
附補亡論辨濕病論及千金方說	
麻黃加白朮湯	防己黃芪湯
白朮附子湯	搐鼻瓜蒂散
麻黃杏仁薏苡甘草湯	
白虎加蒼朮湯	七物附子湯
八物附子湯	
附補亡論辨暑喝熱病論	
傷寒論集註 目錄	五
清暑益氣湯	橘皮湯
辨霍亂病脈證并治法	
四逆加人參湯	理中丸 <small>有加減法</small>
四逆加猪膽汁湯	
附補亡論并千金活人等書	
厚朴葛根飲 <small>方缺</small>	葛根薺苳飲
治中湯	四順湯
竹葉湯	人參湯
附子粳米湯	香薷散
辨陰陽易差後勞復病脈證并治法	

燒視散	枳實梔子豉湯
牡蠣澤瀉散	竹葉石膏湯
附素問千金補亡論等語	
二灰散	薤根鼠屎湯
豶鼠屎湯	竹葉湯
乾薑散	青竹茹湯
當歸白朮湯	赤帛燒散
鼠屎豉湯	梔子香豉鼠屎大黃湯
麥門冬湯	葱豉鼠屎湯
葛根薑豉湯	梔子石膏香豉湯
傷寒論集註目錄	六
蘆根湯	附子黃耆湯
卷八	
辨不可汗病脉證并治法	
附補亡論所錄王叔和及朱龐二家說	
防風白朮散	李根湯
奔豚湯	茯苓湯
小半夏湯	栝葉艾葉湯
小柴胡加芍藥地黃湯	
萎蕤湯	溫中湯
辨可發汗病脉證并治法	

附龐氏發汗諸說	
桂枝石膏湯	葛根龍膽湯
麥奴丸	知母麻黃湯
辨發汗後病脉證并治法	
附補亡論問答九條千金方論二條	
辨不可吐病脉證并治法	
辨可吐病脉證并治法	
附千金方論及龐氏總病論	
小半夏加橘皮湯	四味橘皮湯
黃耆加茵陳蒿湯	竹皮湯
傷寒論集註目錄	七
大橘皮湯	枳實散
補遺	
芍藥地黃湯	止汗溫粉方
卷九	
辨不可下病脉證并治法	
辨可下病脉證并治法	
附總病論補亡論說	
卷十	
辨發汗吐下後病形證治	
傷寒論集註目錄終	

傷寒論集註外篇四卷目錄

卷一

病可溫證

病不可灸證

病可灸證

病不可刺證

病可刺證

不可水證

水證

病不可火證

傷寒論集註目錄

病可火證

傷寒兩感證

附總病論補亡論說

陰陽交證治論

附補亡論說

合病并病

結胸證

附諸家說

心下痞證

附活人書說

八

卷二

瘀血便血清血證

附補亡論說

衄血吐血證

附諸家說并方

犀角地黄方

藥皮湯

狐惑病證治

附愚病

苦參湯洗方

雄黃散熏方

赤小豆當歸散

桃仁湯

黃連犀角湯

雄黃銳散

附補亡論說

傷寒論外篇目錄

九

百合病證治

附趙氏衍義論

百合知母湯

滑石代赭湯

百合雞子湯

百合地黃湯

百合湯洗方

括蕞根牡蠣散

百合滑石散

又附趙氏衍義說

附千金方論補亡論及程氏說

陽毒陰毒證

升麻鱉甲湯

附諸家說	陽毒升麻湯	陰毒甘草湯
反陰丹	附子飲子	
陰毒硫黃丸	金液丹	
發斑證	葛根橘皮湯	
黑膏		
又附補亡論說	玄參升麻湯	
化斑湯	猪膽雞子湯	
大青四物湯		
發黃證		
傷寒論外篇	目錄	十
麻黃醇酒湯	瓜蒂散	
附補亡論說		
穀疸丸	桂枝黃耆湯	
卷三		
痰病食積虛煩脚氣證		
柴胡半夏湯	金沸草散	
大半夏湯	五積散	
黑神丸	竹葉湯	
橘皮湯	枳榔散	
越婢湯	薏苡仁酒法	

木瓜散	脾約丸
溫瘧	
大五補湯	
酒病	
溪毒	
郭氏傷寒溫疫論	
萎蕤湯	知母葛根湯
括蕤根湯	漢防已湯
又附補亡論說	
彈鬼丸	螢火丸
傷寒論外篇	目錄
華佗赤散	聖散子
芫根湯	香豉湯
喻氏論春溫大意并辨四變之非	
喻氏論溫疫	
卷四	
婦人傷寒	
桂枝紅花湯	黃芩芍藥湯
柴胡當歸湯	大黃黃連瀉心湯
乾地黄湯	
妊娠傷寒	

石膏前胡湯	生蘆根湯
竹葉石膏湯	葱白湯
葛根汁 <small>以上二方 見正文內</small>	阿膠散
白朮散	伏龍肝散
吞雞子法	阿膠散 <small>以上三方俱 見麗氏正文</small>
人參黃耆湯	葱白湯
前胡湯	柴胡石膏湯
三物枳實湯	旋覆花湯
麥門冬湯	梔子大青湯
陽旦湯	竹葉防風湯
傷寒論外篇目錄 七	
三物黃芩湯	鹿角屑湯
益母草汁	地黃藕汁湯 <small>以上三方 見正文內</small>
紅花散	石膏括蕒湯
小兒傷寒	
麥門冬湯	葛根竹瀝飲
桃葉湯	雄鼠屎湯
土瓜根汁	青麥汁
韭根汁	小豆瓜蒂散 <small>以上七方 見正文內</small>
惺惺散	鼠粘子湯
四順散 <small>有加 減法</small>	連翹飲

霜紫丸	洗心散
升麻湯	升麻黃芩湯
甘露飲子	石膏麻黃湯
葛根芍藥湯	半夏黃連括蕒湯
粉霜散	鈎藤大黃湯
蛇皮湯	蘆根湯
犀角黃耆湯	
傷寒論外篇目錄 三	
傷寒論集註外篇目錄終	

傷寒論集註卷一

漢張機仲景著

東吳徐

大訥吳

長洲蔣榮誦先甫參較

姪秉鈞衡望

男維鈞衡範

辨太陽病脈證并治法上

太陽之為病脈浮頭項強痛而惡寒

病之始脈浮者主表也凡太陽經中脈但浮浮者受

而強痛凡太陽經中脈但浮者受太陽之會頭項強

寒發熱而發熱不與者有未發熱者也故脈浮頭項強

傷寒論集註卷一

痛惡寒八字為太陽一經之提綱即是六經之提綱

太陽病發熱汗出惡風脈緩者謂浮名為中風

和風中風之風必夾寒也風寒中淺則中衛熱易發汗

自出脈浮緩是衛病營不病也衛病營不病則主風言

猶曰名為中風是不惡寒者而獨以惡風言者主風而

故曰名為中風是立言之體也後凡言中風者倣此

太陽病或已發熱或未發熱必惡寒體痛嘔逆脈陰陽

俱緊者名曰傷寒

結而不行則熱不易發或已發熱或未發熱隨人本氣

之強弱耳故發熱有先後而惡寒則一也寒凝氣滯則

體痛胃口呆滯則嘔逆脈以尺寸言緊者縱有

傷寒者義亦倣此

脈數急者為傳也

太陽病頭痛至七日以上自愈者以行其經盡故也若

欲作再經者鍼之陽明

陽明所專故獨言之七日以上包一二六日言也自愈

者行盡太陽本經而愈也欲作再經自太陽而再傳一

路使陽明之經不受太陽之熱則愈

傷寒二三日陽明少陽證不見者為不傳也

錯本經邪盛常旁溢他經今二三日陽明少陽證不見

太陽邪淺也亦不行盡其經矣○大訥按不傳有二一

終只在太陽一經者乃不可拘於日數也

傷寒論集註卷一

太陽病發熱而渴不惡寒者為溫病

溫為春令之氣氣

至或應至而不至故冬夏亦有溫而要以春為正其證

發熱而渴不惡風寒方為是感於溫而病也此條是溫

病之提綱與名曰中風名曰傷寒二條鼎峙而觀後凡

發熱而渴不惡寒者皆此條統之若論方治則白虎豬

苓黃連阿膠黃

若發汗已身灼熱者名曰風溫風溫為病脈陰陽俱浮

自汗出身重多眠睡息必齟齬言難出若被下者小便

不利直視失溲若被火者微發黃色劇則如驚癇時痰

癰若火熏之一逆尚引日再逆促命期

而正其名且詳其脈證也脈陰陽俱浮自汗出熱由內

而達表也身重多眠內風壅滯而氣昏也鼻齟齬言難

微則發黃火炎土燥其色奪也劇則如驚癇時痰癰火盛而生風也先會被光為一逆更以火重為再逆一逆猶可持日再逆則天人之天年矣施治者何可不審也○大訥按痰筋脈急而縮也癰筋脈緩而伸也一縮一伸手足相引如嬰孩之相引發搐相似

病有發熱惡寒者發於陽也無熱惡寒者發於陰也發

於陽者七日愈發於陰者六日愈以陽數七陰數六故

也發熱惡寒者寒傷陽也陽經有三太陽陽明少陽也

此條義該全部傷寒論三陽三陰皆能自受邪也陽屬

火火成數七陰屬水水成數六陽病七日愈火數足也

陰病六日愈

太陽病欲解時從巳至未上巳午未太陽乘王也

傷寒論集註卷一

風家解表而不了了者十二日愈謂之楚方言每疾愈或謂之楚或謂之了

傷寒論集註卷一

風家解表後大勢已除而餘邪未盡覺不甚快慢者俟

十二日經氣和則自愈此教人靜養以待勿喜功而滋

也

病人身大熱反欲得近衣者熱在皮膚寒在骨髓也身

大寒反不欲近衣者寒在皮膚熱在骨髓也此以皮膚

裏而言之皆不預臟腑若統臟腑言則皮膚骨髓皆屬

表無裏之可言也○大訥按活人云表熱裏寒者脈須

沉遲手或微厥下痢清穀也所以陰病亦有發熱者四

逆湯通脈四逆湯主之表寒裏熱者脈必滑而厥口燥

舌乾也所以少陰惡寒而踰時時自

煩不欲厚衣用大柴胡下之而愈

太陽中風陽浮而陰弱陽浮者熱自發陰弱者汗自出

蒿蒿惡寒析惡風翁翁發熱鼻鳴乾嘔者桂枝湯主

之此釋太陽病發熱汗出惡風脈緩之義而出其治也

陽浮而陰弱狀脈之緩也發熱汗出之義云何惟其

脈之陽浮所以熱自發惟其脈之陰弱所以汗自出蓋風寒中衛其氣外浮脈是以陽浮陽性本熱無所閉鬱而自蒸發故陽浮者熱自發營無邪其氣內弱脈是以陰弱陰弱不能內守陽強不能內固汗不待蓋覆而自出故陰弱者汗自出太陽惡寒而亦惡風者蓋其內氣餒弱漸者形其外體疎風動而寒生寒生而膚粟惡則俱惡故經文皆互言之翁翁發熱言熱候輕微如是稱前文之未備桂枝湯以解肌而出入加減則隨乎其證也節條辨文

桂枝湯方

桂枝 三兩 芍藥 三兩 甘草 二兩 生薑 三兩

大棗 十二枚

右五味咬咀水七升微火煮取三升去滓適寒溫服

一升服已須臾飲熱稀粥一升餘以助藥力溫覆令

傷寒論集註卷一

一時許通身熱熱微似有汗者益佳不可令如水流

漓病必不除若一服汗出病差停後服不必盡劑若

不汗更服依前法又不汗後服當小促其間半日許

令三服盡若病重者一日一夜服周時觀之服一劑

盡病證猶在者更作服若汗不出者乃服至二三劑

禁生冷粘滑肉麵五辛酒酪臭惡等物盧氏復曰在

地之未合德傷人必奏脾胃而動濕土之化其為治

妙在不治風木但使脾土氣化流行風雖起我乘我

反為我用故藥皆兼甲已合化之味芍藥冬芽氣酸

而屬甲甘草色黃味甘而屬已生薑辛透而屬甲大

棗甘平而屬已桂枝輕出眾木之上專入太陽能伐

風木然亦木也屬甲藥後啜粥開胃氣然亦土也

屬已三者皆甲已之物服之則一身皆濕土之令風

木雖強不得不與之而俱化是以陰陽自和正汗周

桂枝	三兩	芍藥	二兩	甘草	二兩	葛根	四兩
----	----	----	----	----	----	----	----

若酒客病不可與桂枝湯得湯則嘔以酒客不喜甘故



也。酒性濕熱，胃家有濕熱者，無逾於酒。客喜辛惡甘，此其常也。桂枝味甘，故得湯而即嘔。舉酒客一端，欲人推類以盡其餘耳。大納按酒客病是好飲之人，過飲為病也。頭痛發熱，汗出嘔吐，與中風相類，此乃濕熱薰蒸之病，非風邪也。誤與桂枝，則嘔以酒客不喜甘故也。

凡服桂枝湯吐者，其後必吐膿血也。桂枝辛甘大熱，胃不受氣，湧上逆而吐出也。母病傳子，胃熱鬱蒸，既久其後必傳於肺，吐膿血者，金逢火化也。金匱要略曰：熱在上焦，為肺萎，是也可見桂枝之誤，不獨在解肌發汗也。臨證之時，先審藏無他病，忌是藥者，以何藥易之，其後知犯何逆，以何法治之。豈獨桂枝然哉？

喘家作桂枝湯加厚朴杏子仁佳。本是桂枝證，故作桂枝厚朴杏子仁以桂枝證其人素有喘病而加之耳。後章下後微喘者，以桂枝證其故亦以桂枝加厚朴杏子仁湯主之。大納按程交倩曰：喘之一證，有表有裏，不可不辨。下後汗出而喘，其喘必盛，屬裏熱壅逆，火炎故也。下後微喘，則汗必不致大出，傷寒論集註

卷一

七

屬表邪閉遏氣逆故也。仍用桂枝湯解表，內加朴杏以下逆氣。

桂枝加厚朴杏子仁湯方

於桂枝湯方內加厚朴二兩，杏仁五十個，去皮尖餘。

依前法

太陽病發汗遂漏不止，其人惡風，小便難，四肢微急，難以屈伸者，桂枝加附子湯主之。太陽病汗自出者，當用解肌之法，而反發其汗，遂漏不止，其人惡風者，衛陽虛而玄府不閉也。小便難者，亡津液，陽氣不化也。液脫者，四肢微急，骨屬屈伸不利。夫固表飲液，無出桂枝之右，而欲復陽益氣，故加附子。柯韻伯曰：離中陽虛不能斂液，當用桂枝湯補心之陽，陽密則漏汗自止。惡風則小便自利，四肢不能行矣。又曰：汗漏不止，與大汗出同，而來由則異。服桂枝湯後，大汗出而大煩渴是陽陷於裏，急當滋陰，故以白虎

加人參和之用。麻黃湯遂漏不止，是陽亡於外，急當扶陽。故用桂枝加附子以固之。要知發汗之劑，用桂枝不當則陽陷於裏，用麻黃不當則陽亡於外。因桂枝湯中有芍藥而無麻黃，故雖汗大出而玄府仍能自閉，斷不至亡陽於外耳。大納按此條與後脈浮自汗出小便難，心煩微惡寒，腳攣急一條病證相類。此言表邪因發汗太過，遂至漏不止，非言自汗也。因其邪未盡而惡風，以溫經解邪，補血舒筋，與後條之誤投桂枝一證大相逕庭。

桂枝加附子湯方

於桂枝湯方內加附子一枚，炮去皮破八斤餘，依前法。龐安常曰：小便數切不可行此湯，宜用芍藥甘草湯。若誤行桂枝加附子湯，攻其表則得之便厥咽中乾煩躁吐逆矣。

中乾煩躁吐逆矣

傷寒論集註

卷一

八

太陽病下之後，脈促胸滿者，桂枝去芍藥湯主之。若微惡寒者，去芍藥方中加附子湯主之。太陽下後，早邪欲內之，促是促為陽盛也。今以下後陽虛而脈促，雖不結胸而太陽之邪已入客胸中而滿矣。仍以桂枝散邪，而芍藥之酸寒益陰，非下後所宜，故去之。若更微惡寒，則去芍藥湯中加附子以溫之。夫同一下後，脈促而汗出者，復用芍藥連之苦寒，胸滿者至去益陰之芍藥，且以微惡寒而加附子為表裏純陽之劑，彼為陽盛此為陽虛，誰不云然？然何以諦審於毫釐千里之間，是在學者於脈證中參觀而得之。

桂枝去芍藥湯方

於桂枝湯方內去芍藥，餘依前法。大納按周禹載曰：有所停陽邪傳於陽位，遂令微滿，設仍用芍藥幾何不領陽邪下入胸滿者，變為腹滿乎？故去之而使桂枝生薑之屬速盡其長立行表散以去其微結耳。

桂枝去芍藥加附子湯方

於桂枝湯方內去芍藥加附子一枚炮去皮破八片

餘依前法

大誦按誤下擾亂陰陽之氣則脈促邪入

枝湯單提胸膈之邪使從表解去芍藥者惡其酸收引邪內入故也若脈促胸滿而微惡寒通虛而胸悶然傷風下後之惡寒與未下之惡寒迥別而汗後之惡寒與未汗之惡寒亦殊

太陽病得之八九日如瘧狀發熱惡寒熱多寒少其人

不嘔清便欲自可一日二三度發脈微緩者爲欲愈也

脈微而惡寒者此陰陽俱虛不可更發汗更下更吐也

面色反有熱色者未欲解也以其不能得小汗出身必

傷寒論集註

卷一

九

瘧宜桂枝麻黃各半湯

麻黃發桂枝止一發一止汗不

日如瘧狀發熱惡寒熱多寒少十六字爲自初至今之病下文乃是疑病防變之辭當分作三截看若其人不可更表裏向和不須治若脈微而惡寒此陰陽俱虛不可更汗更下更吐也此一節宜溫之若面色反有熱色者未欲解也以其不能得小汗出身必痒宜桂枝麻黃各半湯此一節必待汗出而愈活人身必痒宜桂枝麻黃各半湯清便欲自可待汗出而愈活人身必痒宜桂枝麻黃各半湯下文並脫略而不言取此證反繫以各半湯治之而何也可見仲景文法必須句句味之字字詳之得其意義所在而後治之不差也

桂枝麻黃各半湯方

桂枝一兩十芍藥

甘草炙

麻黃各一兩去節

杏仁廿四粒生薑切一兩

大棗四枚

右七味以水五升先煮麻黃一二沸去上沫內諸藥

煮取一升八合去滓溫服六合

大誦按周禹載曰風而邪之鬱於肌表者豈得自散故面熱身疼有由來也於是立各半湯減去分兩使之小汗豈非以邪微而正亦

太陽病初服桂枝湯反煩不解者先刺風池風府却與

桂枝湯則愈

膜理強固之人服桂枝湯挑引其邪未得以通其經却與桂枝湯自能解其肌

而愈矣治病不可不因人之氣體也

服桂枝湯大汗出脈洪大者與桂枝湯如前法若形如

瘧日再發者汗出必解宜桂枝二麻黃一湯

大誦按以太陽爲主虎湯證矣以未有煩渴脈雖洪大猶當以太陽爲主此傷寒論中大法也若形如瘧以下仍接首句說來

傷寒論集註

卷一

十

桂枝二麻黃一湯方

桂枝一兩十芍藥一兩

麻黃十六枚

杏仁十六個

甘草一兩二生薑一兩

大棗五枚

右七味以水五升先煮麻黃一二沸去上沫內諸藥

煮取二升去滓溫服一升日再服

大誦按周禹載曰此湯與各半湯品味不異而分兩則殊以風多寒少故再服桂枝邪不盡解終爲微寒所持也乃略用麻黃而寒自解矣然

後脈反洪大欲藉此以飲之也

服桂枝湯大汗出後大煩渴不解脈洪大者白虎加人

參湯主之

此比上條更加大煩渴不解正白虎加人參故汗大出熱燥津液故大煩渴引飲邪盛而實故脈洪大火炎土燥終非苦寒所能治經曰甘先入脾又曰甘

以渴熱以是知甘寒之品乃瀉胃火生津液之上劑也  
石膏甘寒勝熱甘入脾金能生水故以爲君知母氣  
寒主降苦以泄肺火辛以潤腎燥故以爲臣甘草爲中  
官舟楫能土中瀉火寒藥得之緩其寒使沉降之品皆  
得留戀於胃梗米溫和稟容平之德稼穡作甘得二味  
爲佐陰寒之物庶無傷損脾胃之慮加人參以補中而  
生津液協甘草梗米制石膏  
知母之寒是操萬全之術也

### 白虎加人參湯方

於白虎湯方內加人參三兩餘依白虎湯法

太陽病發熱惡寒熱多寒少脈微弱者此無陽也不可

更汗宜桂枝二越婢一湯太陽病發熱惡寒熱多寒少

爲胃行其津液宜揚脈道是以謂之無陽也脾爲卑臟故謂之婢越婢者發越其脾氣使四布條達也與發汗之意迥殊陽明篇胃氣生熱其陽則絕謂胃氣獨治脾不能輪化津液而偏滲於小腸故脾爲之約當與此條

### 傷寒論集註 卷一

之無陽對看但此屬表宜達之彼屬裏宜通之耳

桂枝二越婢一湯方

桂枝 芍藥

甘草

麻黃各十八

石膏二十四銖

生薑一兩三

大棗四枚

右七味咬咀以水五升煮麻黃一二沸去上沫內諸

藥煮取二升去滓溫服一升

服桂枝湯或下之仍頭項強痛翕翕發熱無汗心下滿

微痛小便不利者桂枝湯去桂加茯苓白朮湯主之治

表又治裏治皆不對仍頭項強痛翕翕發熱此非桂枝證乃屬飲家也何以言之無汗水不外越小便不利水亦不下泄但停心下滿而微痛病不在表亦不在裏但宜逐飲故以去桂加茯苓白朮湯主之可見此停飲以

胃虛故無汗耳。柯韻伯曰汗出不徹而下之表證仍在而反無汗更見心下滿痛病機向裏即當究其裏滿而不鞭痛而微此非結熱必水氣凝滯而然當問其小便若不利者微利者邪未犯本病仍在表仍須汗散問其小枝證未罷也欲利小便者不行故營衛之津液不出而非桂功非復幸甘發散之劑矣此水結中焦可利而不可散所以與小青龍五苓不同法但得膀胱水去而太陽表裏之證悉除此爲治病必求於本耳經曰血之尚汗異小便由氣化也桂枝是血分藥但能發表不能利水按五苓散云多服暖水汗出愈此云

桂枝去桂加茯苓白朮湯方

於桂枝湯方內去桂枝加茯苓白朮各三兩餘依前

法煎服小便利則止服

### 傷寒論集註 卷一

傷寒脈浮自汗出小便數心煩微惡寒脚攣急反與桂

枝湯欲攻其表此誤也得之便厥咽中乾煩躁吐逆者

作甘草乾薑湯與之以復其陽若厥愈足溫者更作芍

藥甘草湯與之其脚即伸若胃氣不和譫語者少與調

胃承氣湯若重發汗復加燒鍼者四逆湯主之自汗出

表裏滲泄則陰陽俱虛汗乃心之液汗出多則煩心不虛則微惡寒液脫而骨屬不利則脚攣急病在陰虛不在此表邪明矣反與桂枝湯攻其表誤也得之便厥以下是在誤汗所增病也本應芍藥甘草湯以養其陰今以誤汗亡陽而厥故先用甘草乾薑湯以復其陽而後養陰以伸其脚少與調胃承氣以和胃而止其譫語誤汗之治當如此然桂枝之攻表病雖增劇亡陽猶未甚祇宜甘草乾薑湯以回陽設若重發汗以攻表復加燒鍼者其亡陽必更甚非甘草乾薑湯所得而勝其任也是常四逆湯主之矣。柯韻伯曰按傷寒脈浮自汗出微惡寒

是陽明表證心煩小便數脚攣急是陽明裏之表證斯時用梔子豉湯則胃陽得升惡寒自罷心煩得止汗自不出矣上焦得通津液得下小便自利其脚自伸矣反用桂枝發表所以亡陽其咽中乾煩躁吐逆是梔子生薑豉湯證祇以亡陽而厥急當回陽故改用甘草乾薑湯後仍作芍藥甘草湯以和陰少與調胃承氣以和裏皆因先時失用梔豉如此挽回費力耳

### 甘草乾薑湯方

甘草 四兩 乾薑 二兩

右咬咀以水三升煮取一升五合去滓分溫再服  
按周禹載曰桂枝非冷藥何以得之便厥本風多寒少之證乃自汗以至攣急虛候種種盡屬陽衰可復攻其表乎遂一一顯無陽之裏證也而咽乾吐逆陰亦傷矣然中州大寒非細故也作甘草乾薑湯者正以甘溫之應不致劫陰而陽自復豈非厥速而溫亦易乎

### 傷寒論集註

卷一

三

### 芍藥甘草湯方

白芍 四兩 甘草 四兩

右二味以水三升煮取一升半去滓分溫再服  
禹載曰足既溫矣其攣急者如故也夫諸寒皆傷於足經乃足之得溫而攣急者必由脾陰不足亦因肝不養筋是以用芍藥欬陰入肝甘草補脾益胃陽復之後又得益陰營衛之正一復而脚有不伸者乎

### 調胃承氣湯方

大黃 四兩 芒硝 各二兩

右三味以水三升煮取一升去滓內芒硝更上火微煎令沸少少溫服  
大誦按程扶生曰太陽篇云發汗後不惡寒但惡熱者實也當和胃氣與調胃承氣湯胃氣不和譫語者少與調胃承氣陰脈微者下之而解宜調胃承氣主之過經不解譫

語者以有熱也調胃承氣湯主之過經十餘日胸中痛大便反溼微滿微煩先時自極吐下者與調胃承氣湯合此五條觀之則知調胃承氣為調胃和熱之藥而非若大小承氣之用枳朴以下鞭滿也陶氏吳氏上中下三焦之說似不其然學者詳之

問曰證象陽旦加附子 按法治之而增劇厥逆咽中

乾兩脰拘急而譫語師曰夜半手足當溫兩脚當伸後

如師言何以知此答曰寸口脈浮而大浮則為風大則

為虛風則生微熱虛則兩脰攣病證象桂枝因加

附子參其間 此舉誤 增桂令汗出附子溫經亡陽故也

桂枝湯本以攻表加附增桂益令汗厥逆咽中乾煩躁

出則附子之溫經適以亡其陽也 陽明內結譫語煩亂 此舉更飲甘草乾薑湯夜半陽氣

### 傷寒論集註

卷一

四

還兩足當熱脰尚微拘急重與芍藥甘草湯爾乃脰伸  
以承氣湯微瀉則止其譫語 此舉治法 故知病可愈前  
之發汗漏不止與此條之自汗出其為表虛一也但津  
液外泄自不下滲小便難為無過用桂枝湯加附子固  
表飲液以助陽氣是治法之正也此條既自汗出又小  
便數表裏滲泄陰分大虧桂枝湯增桂加附不惟不能  
固表飲液而適成發汗亡陽之誤矣所謂按法治之者  
正其法之反也然則兩證之異全在小便之一難一數  
耳辨證施治其可不慎於毫釐千里哉

### 辨太陽病脈證并治法中

太陽病項背強几几無汗惡風葛根湯主之 項背強几  
無異同在太陽則見證同也無汗乃前條汗出之反對  
表氣虛實之辨別也惡風者惡寒之互辭以前條桂枝  
加葛根例之此當麻黃加葛根為是而却用葛根湯者  
蓋以病不作喘故去杏仁既不用麻黃全湯自不得以

麻黃加葛根爲名而實則不出麻黃加葛根之規制也參方氏條辨

### 葛根湯方

葛根 四兩

麻黃 三兩

桂枝

芍藥

甘草 各二兩

生薑 三兩

大棗 十二枚

右七味咬咀以水一斗先煮麻黃葛根減二升去沫內諸藥煮取三升去滓溫服一升覆取微似汗不須啜粥餘如桂枝法將息及禁忌

太陽與陽明合病者必自下利葛根湯主之合病者兩經同受邪而齊病也寒邪客於二陽方外實而不主裏則裏氣虛故必下利與葛根湯以散經中其邪參成氏註

太陽與陽明合病不下利但嘔者葛根加半夏湯主之

### 傷寒論集註

卷一

五

成氏曰邪氣外甚陽不主裏裏氣不和但下行而不上逆則下利而不嘔上逆而下行則但嘔而不下利。赤按下利雖裏病然以邪實二陽裏虛而下行邪不在裏也葛根湯散二陽之邪本非治利故此條不下利但嘔者不更他藥止加半夏

### 葛根加半夏湯方

葛根 四兩

麻黃 三兩

桂枝 二兩

甘草 炙

芍藥 各二兩

半夏 半升

生薑 三兩

大棗 十二枚

右八味以水一斗先煮葛根麻黃減二升去白沫內諸藥煮取三升去滓溫服一升覆取微似汗

太陽病桂枝證醫反下之利遂不止脈促者表未解也

喘而汗出者葛根黃芩黃連湯主之太陽桂枝證而反下之虛其陽胃中熱所乘遂利不止促爲陽盛知表未解之意參成氏註。熱氣逆所致葛根芩連亦表裏兩解之意參成氏註。柯韻伯曰桂枝證脈本緩誤下後而反促陽氣重可知邪束於表陽擾於內故喘而汗出利遂不止者是暴注下迫屬於熱也故君葛根以解肌而止利佐芩連以止汗而除喘加甘草以和中先煮葛根後內諸藥解肌之力緩而清中之氣銳冠葛根於瀉心之首而不名瀉心加葛根者爲表未解耳涼中亦能散表涼中亦能止利仲景製兩解方神化乃爾

### 葛根黃芩黃連湯方

葛根 半斤

甘草 炙

黃芩 各二兩

黃連 三兩

右四味以水八升先煮葛根減二升入諸藥煮取二升去滓分溫再服

### 傷寒論集註

卷一

六

太陽病頭痛發熱身疼腰痛骨節疼痛惡風無汗而喘者麻黃湯主之太陽經營血不利故身疼腰痛骨節疼痛。大論按太陽之邪從皮毛入鬱逆肺氣以致作喘且寒主收斂傷於營則腠理閉密故用麻黃湯主之

麻黃 三兩

桂枝 二兩

甘草 一兩

杏仁 七十粒

右四味以水九升先煮麻黃減二升去上沫內諸藥

煮取二升半去滓溫服八合覆取微似汗不須啜粥餘如桂枝法將息盧氏曰寒屬水凌犯心氣麻黃發中空直透味苦性溫生處不聚霜雪其通心氣可知用之爲君兼以桂枝之宣通如用圭璧杏爲心果仁透端倪三物體用微妙心火決遂開通即可假勉我之寒與太陽標氣之寒爲癸配以甘草之甘及桂枝

辛中之甘而為戊三氣交互用賊攻賊化液成汗陰陽勝美火氣大得通周於百體而寒之有無又安問哉。柯韻伯曰此為開表逐邪發汗之峻劑也麻黃中空外直宛如毛竅骨節能驅骨節之風寒悉從毛竅而出為衛分發散之第一品桂枝支條縱橫如經別孫絡能入心化液通經絡而出汗為營分解散風寒之第一品杏仁為心果溫能助心散寒苦能入心下氣為逐邪定喘之第一品甘草甘平外拒風寒內和氣血為安內攘外之第一品飲入於胃行氣於玄府輸精於皮毛斯毛脈合精而濇濇汗出在表之邪得盡去而不留痛止喘平寒熱頓解不須發汗以藉汗於穀也其不用薑棗者以薑性橫散得麻黃之迅升棗性泥滯碍杏仁之速降此欲急於直達稍緩則不迅橫散則不峻矣然此純陽之劑過於發散如單刀直入之將用之却當一戰成功不當則不戢而名禍故可一而不可再如汗後不解便當以桂枝湯代之若猶留連皮毛又有麻黃各半麻黃一桂枝二之妙用若陽盛於內喘而汗出者又有麻黃杏子甘草石膏湯此仲景用方之心法也

傷寒論集註

卷一

七

太陽與陽明合病喘而胸滿者不可下宜麻黃湯胸為太陽之裏陽明之表喘而胸滿者二陽之氣不宜洩則壅而逆也陽明之病在胃家實此以胃家未實雖太陽與陽明合病當從太陽治故曰不可下也

太陽病十日已去脉浮細而嗜臥者外已解也設胸滿脇痛者與小柴胡湯脉但浮者與麻黃湯治傷寒不得十日已去而太陽始罷設胃滿脇痛則轉少陽可與小柴胡矣若太陽病不解而脉但浮日數雖多仍是麻黃湯證也。大誦按王宇泰曰此條當是表邪已解合病也胸滿雖與前同而脉浮細嗜臥則為表邪已解脇痛為表邪在少陽故與柴胡湯脉但浮者又當先治太陽也此設為變通之言非謂服柴胡而脉浮

太陽中風脉浮緊發熱惡寒身疼痛不汗出而煩躁者大青龍湯主之若脉微弱汗出惡風者不可服服之則

厥逆筋惕肉瞤此為逆也脉浮弱汗出惡風是桂枝湯無汗是麻黃湯證此加不汗出而煩躁方是大青龍湯証煩者作汗之兆汗不出則煩而加躁蓋表熱與裏熱交盛熱盛傷氣所以汗不得出與麻黃證之寒鬱其氣而無汗不同也是必通表裏而大徹其熱汗一泄而內外清矣斯大青龍之能事也石膏性大寒恐內熱除而倍甘草以和中加薑棗以調營衛為太陽經表裏兩解之快劑若桂枝湯證而誤用此以發汗則真陽亡矣胃氣不至於四肢則厥逆衛陽不周於一身則筋惕肉瞤是以深戒也。建安許氏曰先師伯榮黃公謂此一證全在不汗出三字一不字上藏機是欲汗而不得出因生煩躁與寒勝而無汗者不同着此一不字是古人智人自不省耳

大青龍湯方

麻黃六兩去節

桂枝二兩

甘草二兩炙

杏仁四十箇去皮尖

傷寒論集註

卷一

六

石膏如雞子大碎

生薑三兩切

大棗十二枚擘

右七味以水九升先煮麻黃減二升去上沫內諸藥煮取三升去滓溫服一升取微似汗汗出多者溫粉撲之一服汗者停後服汗多亡陽遂虛惡風煩躁不得眠也大誦按大青龍治風寒外壅而鬱熱於經者故加石膏於發汗藥中此為峻劑也。又按大青龍湯治中風見寒脉證與麻黃湯治太陽傷寒脉證相類但麻黃證無煩躁青龍證有煩躁之異耳

傷寒脉浮緩身不疼但重乍有輕時無少陰證者大青龍湯發之少陰不得有汗而亦有煩躁今脉浮緩身不疼但重乍有輕時而無少陰之欲寐大青龍之證始諸也前條冠以中風此條冠以傷寒五言之也。一日脉浮緊一日脉浮緩憑脉不如憑證之確也。柯韻伯曰麻黃湯證熱全在表桂枝證之自汗大青龍證之煩躁皆兼裏熱仲景於太陽經中用芍藥石膏以清

火是預保陽明之先着。用薑棗以培中氣。又慮夫轉屬太陰。苦心良法。有如此者。

傷寒表不解。心下有水氣。乾嘔發熱。而欬或渴。或利。或

噎。或小便不利。少腹滿。或喘者。小青龍湯主之。外感寒邪。內傷

冷飲。所謂形寒飲冷。則傷肺也。水寒相搏。肺壅氣逆。故

乾嘔發熱。而欬。水氣內漬。無所不傳。故有或為諸證。小

青龍湯。表裏兩解。藥也。麻黃桂枝甘草以發表。乾薑半

夏細辛以消寒飲。剛燥之品。恐傷其陰。白芍五味子以

護營血。而固腎水。乃監

制之法。製方之妙也。

傷寒心下有水氣。欬而微喘。發熱不渴。小青龍湯主之。

此句舊本在寒去欲解也。之服藥已渴者。寒去欲解也。

下今從郭白雲補亡論訂正。服藥已渴者。寒去欲解也。

欬而微喘者。水寒射肺也。發熱不渴者。表未罷而內水

停也。服藥已而渴者。裏氣溫。水寒散為欲解也。參成氏

註。柯韻伯曰。大小青龍皆兩解表裏之法。大青龍是

裏熱。小青龍是裏寒。故發表之藥相同。而治裏之藥則

傷寒論集註 卷一 尤

殊也。表不解而心下有水氣。與五苓證相似。在五苓治

水畜不行。故利水而微發其汗。是水鬱折之也。小青龍

治水之動而不居。故備辛溫以散

水并酸苦以安肺。培其化源也。

小青龍湯方

麻黃 去節

桂枝

甘草

乾薑 各三

半夏 半升

細辛

芍藥 各三

五味子 半升

右八味以水一斗。先煮麻黃減二升。去上沫。內諸藥

煮取三升。去滓。溫服一升。

加減法

若微利者。去麻黃。加薤花如雞子大。熬令赤。色下利

者。不可攻其表。汗出必脹滿。麻黃發其陽水。漬入胃

必作利。薤花下十二水。水去利則止。

若渴者。去半夏。加括蕒根三兩。半夏辛而燥。津液非

渴者所宜。故去之。括蕒味苦而生津液。故加之。

若噎者。去麻黃。加附子一枚。炮經曰。水得寒氣。冷必

相搏。其人即餒。加附子溫散水寒。病人有寒。復發汗

胃中冷。必吐。蛇去麻黃。惡發汗也。

若小便不利。少腹滿。去麻黃。加茯苓四兩。水畜下焦

不行。為小便不利。少腹滿。麻黃發津液於外。非所宜

也。茯苓泄畜水於下。加所當也。

若喘者。去麻黃。加杏仁半升。去皮尖。金匱要略曰。其

傷寒論集註 卷一 辛

人形腫。故不內麻黃。內杏子。以麻黃發其陽。故也。喘

呼形腫。水氣標本之疾。

大納按。越以德曰。溢飲之證。金匱云。當發其汗。小青

龍湯治之。蓋水飲溢出於表。營衛盡為之不利。必微

傷寒營衛兩傷之法。發汗以散其水。而後營衛行。

經脈通。則四肢之水亦消。必以小青龍為第一義。

太陽病外證未解。脈浮弱者。當以汗解。宜桂枝湯。弱浮

衛強營弱也。大納按。方中行曰。外證未解。謂頭痛項

強惡寒等。猶在也。浮弱即陽浮而陰弱。此言太陽中風

凡在未傳變者。仍當從解

肌益嚴。不得下早之意。

太陽病下之微喘者。表未解也。桂枝加厚朴杏子湯主

之。下後大喘。裏氣脫也。下後微喘。氣上逆也。邪不傳裏

湯解表。加厚朴杏仁

以下逆氣。節成氏註。



太陽病外證未解者不可下也下之爲逆欲解外者宜

桂枝湯主之外證未解者不可下此論中大法也下之爲逆已含結胸痞氣協熱下利裏虛圖穀不止等變矣解肌之法無有出於桂枝一湯者也

太陽病先發汗不解而復下之脈浮者不愈浮爲在外

而反下之故令不愈今脈浮故知在外當須解外則愈

宜桂枝湯先已發汗雖下之不爲逆然脈尚浮浮爲在

未解也復與桂枝湯解其外則愈

太陽病脈浮緊無汗發熱身疼痛八九日不解表證仍

在此當發其汗麻黃湯主之此句舊在陽氣重故也之下今從郭白雲補亡論訂

正服藥已微除其人發煩目瞑劇者必衄衄乃解所以

傷寒論集註卷一

然者陽氣重故也寒邪沉滯至八九日而表證仍在當發其汗以無煩躁則表陽盛而裏無熱故不用大青龙而主以麻黃湯微除言病勢雖減而所減甚微發煩目瞑而至劇作衄之兆也鼻爲肺竅而主氣陽邪上盛氣載血行而逆出於鼻血亦汗類也所以得隨衄解散

太陽病脈浮緊發熱身無汗自衄者愈此比上條之證爲輕以見自衄者不治自愈○大誦按傷寒脈浮緊與麻黃湯發汗醫者不與或與而藥力微不能發汗邪無從出故迫血妄行而成衄也既衄矣則不須治而自愈

二陽併病太陽初得病時發其汗汗先出不微因轉屬

陽明續自微汗出不惡寒若太陽病證不罷者不可下

下之爲逆如此者可小發汗設面色緣緣正赤者陽氣

怫鬱在表當解之熏之若發汗不微不足言陽氣怫鬱

不得越當汗不汗其人躁煩不知痛處乍在腹中乍在

四肢按之不可得其人短氣但坐以汗出不微故也更

發汗則愈何以知汗出不微以脈濇故知也二陽指太

併者歸併之義併之既盡邪歸一經併之未盡邪歸兩

經當太陽初得病時發其汗汗微而邪去則不併於陽

明矣乃發汗不微因轉屬陽明續自微汗出不惡寒是

太陽欲罷而陽明內熱將達於表是可消息胃實而爲

治若太陽證而陽明內熱將達於表是可消息胃實而爲

小發其汗以微未微而下之早爲治之逆也如此者尚須

緣緣正赤太陽證未罷而表方可一意於陽明設使面色

當用解劑且兼熏法從外蒸以助其汗所以然者陽氣

重故也若在腹中或在四肢經漫無出路故其人躁煩痛無

常處或在腹中或在四肢經漫無出路故其人躁煩痛無

是太陽本經表氣大盛併病中無此也併病之邪滯於

二陽之際但見短氣一證便可坐以汗出不微其與陽

氣怫鬱者不侔矣則解之熏之之法一無可用當更其

傷寒論集註卷一

大發汗之劑爲小發汗斯爲合法平脈濇者表陽已不

甚盛徒以二陽之邪耗其陰而脈道不得宣揚是以知

其汗出不微也

脈浮數者法當汗出而愈若下之則身重心悸者不可

發汗當自汗出乃解所以然者尺中脈微此裏虛須表

裏實津液自和便自汗出愈脈浮數者句內已含尺中

日法當汗出而愈也若下之身重心悸者下後陰虛則

者不可發汗何以知之然以營氣不足血少故也脈浮



疼痛寒邪在表也宜以汗解之謂當發汗也假令尺中  
脈遲則營血不足可知甲乙經曰奪血者無汗故不可  
發汗前條下後無甚變證則不須治  
此條在汗前當見別證故不定治法

脈浮者病在表可發汗宜麻黃湯大訥按方中行曰表

不緊而浮則邪在表而欲散可知矣發汗而  
而出之也麻黃湯者乘其欲散而拓出之也

脈浮而數者可發汗宜麻黃湯太陽寒鬱其氣無汗惡

脈浮此條之脈浮數則脈皆在表故皆  
可以麻黃湯發汗豈必拘於浮緊哉

脈浮而緊浮則為風緊則為寒風則傷衛寒則傷營

衛俱病骨節煩疼可發其汗宜麻黃湯脈浮而緊傷寒

風仲景於傷寒病中指出經緯故云浮則為風緊則為  
寒風則傷衛寒則傷營是釋營衛俱病之故後人不知

遂有中風見寒脈傷寒見風脈之謬豈知中淺者汗自  
出宜桂枝以解肌中深者無汗宜麻黃以發汗汗不出

傷寒論集註 卷一 三

而煩躁宜大青龍以發汗對證下藥尤為的確至於脈  
浮緩浮緊浮數或脈但浮人之素稟不同何可拘泥哉

病常自汗出者此為營氣和營氣和者外不諧以衛氣

不共營氣諧和故爾以營行脈中衛行脈外復發其汗

營衛和則愈宜桂枝湯此釋風寒中衛所以自汗出之

而衛淺也淺則自汗出矣是桂枝湯證也。郭白雲曰  
平人營衛之氣常自和也設衛中於風而營不中於寒

是衛有邪氣而營無邪氣也而邪氣強無邪氣弱一強  
一弱故營不得與衛氣諧和而獨和則衛氣無所依以

慄悍之氣又以邪濟之兩感益溢谷不能容營深衛  
淺衛氣於皮膚間不得內合於營而外見隙穴則出為

自汗也用桂枝湯以解其肌則衛之邪氣去  
衛無邪氣則其氣自然內與營和而汗止矣

病人臟無他病時發熱自汗出而不愈者此衛氣不和

也先其時發汗則愈宜桂枝湯主之臟無他病慮周於

病人之宿疾如素

有痞及淋家汗家衄家等類是也時發熱者發熱無定  
時也自汗出而不愈此衛氣不共營氣諧和故也與其  
時發汗者迎其機而奪之則易愈若當其邪盛而與之  
爭則熱愈熾而精神憤亂不惟無益而反傷正氣矣故  
投藥不可不審其時也

傷寒脈浮緊不發汗因致衄者麻黃湯主之自衄者愈

若點滴不成流者仍  
未解也麻黃湯主之

傷寒不大便六七日頭痛有熱者未可與承氣湯舊無

二字今從宋本金  
其人不小便清者知不在裏仍在表也

常須發汗宜桂枝湯此句舊在頭痛者必衄下今

痛者必衄頭痛者邪上盛也衄則自愈矣。大訥按傷

不在裏而尚在表明矣仍須發汗宜桂枝湯若醫不  
由此致邪閉於經無從而出則亦如前條太陽病脈浮

傷寒論集註 卷一 三

緊之迫血妄行而為衄矣若先與桂枝湯則  
表邪必散頭痛必愈何至血妄行而為衄哉

傷寒發汗已解半日許復煩脈浮數者可更發汗宜桂

枝湯主之發汗已解與前服藥微除參看半日許復煩

變數也彼所感重則衄此所感輕則不衄故以桂枝湯  
解其餘邪。傷寒解後或以表疎而復為外風所襲則

亦用桂枝湯。郭白雲曰須言半日許者  
以過此而復煩即屬勞復不用桂枝湯也

凡病若發汗若吐若下若亡津液陰陽自和者必自愈

三部脈同等為陰陽和郭氏曰言凡者不止謂傷寒  
也若傷寒未和者當待其和或須藥則隨證治之

大下之後復發汗小便不利者亡津液故也勿治之得

小便利者必自愈小便不利以汗下亡津液故也得小

便言反也未汗而先下已下而再汗皆謂之反既下又

汗即是重亡津液小便自不利非病變也故曰勿治若

治以利小便便是反害之而  
增變矣切須慎之戒之

下之後復發汗必振寒脉微細所以然者以內外俱虛

故也太陽既誤下復誤汗內外俱虛而至振寒脉微細病已轉屬少陰矣少陰為太陽之裏是太陽之根

帶也太陽以陽為主治不如法陽盛則轉陽明陽衰則轉少陽陽虛則轉太陰若陽亡則轉少陰矣

下之後復發汗晝日煩躁不得眠夜而安靜不嘔不渴

無表證脉沉微身無大熱者乾薑附子湯主之此陽亡而轉屬

少陰者也脉在少陰則沉微邪入少陰則煩躁煩躁雖

六經皆有而多見於太陽少陰者太陽為真陰之標少

陰為真陽之本也未經汗下而煩躁屬太陽是煩躁為

盛躁為陰虛汗下後而煩躁屬少陰是煩躁為陰虛為

陰極今先下後汗於治為逆而表證反解內不嘔渴似

乎陰陽自和而實妄汗亡陽所以虛陽擾於陽分豈則

煩躁不得眠陽虛不得入於陰故脉沉微而夜靜是真

陽將脫而煩躁也薑附生用則力更銳不用甘草則勢

傷寒論集註 卷一 五

更猛是方比四逆為峻回陽當急也。尤怡潛居錄曰

三條均是汗下之後然小便不利者傷其陰也振寒脉

微細者陰陽俱傷也晝日煩躁不得眠者

傷陽而不傷陰也於此見病變之不同

乾薑附子湯方

乾薑 一兩 附子 一枚生用去皮破八片

右二味以水三升煮取一升去滓頓服

發汗後身疼痛脉沉遲者桂枝加芍藥生薑各一兩人

參三兩新加湯主之身疼痛者表邪未盡也脉沉遲者營血不足也故與桂枝湯以解之

桂枝新加湯方

桂枝湯內加白芍一兩通前三兩為四兩加生薑一

兩通前三兩為四兩人參三兩以水七升煎至四升

去滓適寒溫服一升不必取汗

發汗後不可更行桂枝湯汗出而喘無大熱者可與麻

黃杏仁甘草石膏湯主之發汗後汗雖出而喘猶未除雖無大熱而熱猶未罷此時

不可更行桂枝也可與麻杏甘石湯微其餘邪

此與發汗過多而以桂枝固表者義不相悖也

麻黃杏仁甘草石膏湯方

麻黃 四兩 杏仁 五十個 甘草 二兩 石膏 半斤碎

右四味以水七升先煮麻黃減二升去上沫內諸藥

煮取二升去滓溫服一升大訥按汗後無大熱而喘用桂枝而用此麻杏甘石湯者乃上焦餘邪未盡故不

膏為清火之重劑青龍白虎皆賴以建功然用之不

當適足以招禍故青龍以無汗煩躁得薑桂以宣衛

外之陽白虎以有汗煩渴須梗米以存胃中之液今

但內熱而無外寒故不用薑桂喘不在胃而在肺故

不需梗米其意重在存陰不慮其亡陽也故於麻黃

湯去桂枝之監制取麻黃之專開杏仁之降甘草之

和倍石膏之寒除內蘊之實熱斯泰泰之汗出而內

外之煩熱悉除矣

發汗過多其人叉手自冒心心下悸欲得按者桂枝甘

草湯主之發汗過多則衛外之陽虛一心似無外邪故叉手自冒且心下悸而欲得按也桂枝外解故

湯所以固表而和中也柯韻伯曰桂枝本營分藥得麻

黃生薑則令營氣外發而為汗從辛也得芍藥則收斂

營氣而止汗從酸也得甘草則補營氣而養血從甘也

故此方以桂枝為君獨任甘草為佐以補心之陽汗雖

桂枝 四兩 甘草 一兩炙

右二味以水三升煮取一升去滓頓服

未持脉時病人叉手自冒心師因教試令欬而不欬者

此必兩耳聾無聞也所以然者以重發汗虛故如此

陽氣於胸中發汗亡陽胸中陽氣不足故病人叉手自冒心又教試令欬而不欬者耳聾也陽氣虛精氣不得上通故爾

發汗後其人臍下悸者欲作奔豚茯苓桂枝甘草大棗

湯主之

汗後心下悸者以心陽既虛臍下動悸腎邪欲上凌心將作奔豚之為茯苓桂枝伐腎邪泄奔豚土以制腎

茯苓桂枝甘草大棗湯方

傷寒論集註 卷一

三

茯苓 半斤 甘草 三兩 桂枝 四兩 大棗 十五枚擘

右四味以甘瀾水一斗先煮茯苓減二升內諸藥煮

取三升去滓溫服一升日三服作甘瀾水法取水二

斗置大盆內以杓揚之水上有珠子五六千顆相逐

取用之不助腎邪也

發汗後腹脹滿者厚朴生薑甘草半夏人參湯主之

後則邪已解矣腹脹滿不關邪也脾胃氣虛壅而為滿故以厚朴薑半醒脾而泄滿人參甘草補正而和中

厚朴生薑甘草半夏人參湯方

厚朴 半斤去皮 生薑 切 半夏 各半斤洗

人參 一兩 甘草 二兩炙

右五味以水一斗煮取三升去滓溫服一升日三服

傷寒若吐若下後心下逆滿氣上衝胸起則頭眩脉沉

緊發汗則動經身為振振搖者茯苓桂枝白朮甘草湯

主之

治傷寒吐下不如法皆能引動臟氣使外邪挾飲主之上下心胸頭目至於脉沉緊而發汗即不動臟亦必動經津液外亡則經脉失養無所主持身為之動搖矣此其誤治不一致變亦異而皆主以苓桂朮甘湯者一以補土制水一以固衛和營治法雖同其義不同也

茯苓桂枝白朮甘草湯方

茯苓 四兩 桂枝 三兩 白朮 二兩 甘草 二兩

右四味以水六升煮取三升去滓分溫三服

發汗若下之病仍不解煩躁者茯苓四逆湯主之

傷寒論集註 卷一

天

附則煩躁而煩躁之中又當以汗下之先後表證之解不解為之詳辨則陰陽之差多差少不致混淆夫先汗後下於法為順而病仍不解是妄下亡陰陰陽俱虛而煩躁也製茯苓四逆因陰以收陽茯苓咸太和平之氣化不假根苗而成能補先天無形之氣安虛陽外脫之煩故以為君人參能回元氣於無何有之鄉通血脈於細微之際故以為佐以人參佐茯苓補下焦之元氣以乾薑配生附回下焦之元陽調以炙甘草之甘比四逆為緩也

茯苓四逆湯方

茯苓 六兩 人參 一兩 甘草 二兩 乾薑 半兩

附子 一枚生用去皮破八片

右五味以水五升煮取三升去滓溫服七合日三服

四逆湯以補陽加茯苓人參以益陰

發汗病不解反惡寒者虛故也芍藥甘草附子湯主之  
成氏曰發汗後病解則不惡寒病不解而表實亦不惡寒今反惡寒者營衛俱虛也芍藥甘草附子湯以補營衛。大誦按周禹載曰既發汗病不解者知其身熱尚在也身熱則不惡寒今反惡寒其為陽虛無疑矣陽虛當用附子回陽不宜用陰藥飲陰仲景乃以芍藥為主治何耶本是傷寒即非誤汗身熱常解而不解者知其為營氣素虛之人不宜徑行發汗者也蓋營素虛則陽無偶繞一發汗而營衛交虛耳爾時徒補其陰則惡寒愈甚但回其陽則陰愈却矣若早用建中而後發汗豈至此哉

芍藥甘草附子湯方

芍藥 三兩 甘草 三兩 附子 一枚炮去皮破八片

右三味以水五升煮取一升五合去滓分溫服

發汗後惡寒者虛故也不惡寒但熱者實也當和胃氣

傷寒論集註 卷一 完

與調胃承氣湯 承上文又言汗後不惡寒但熱者為裏實裏實則轉陽明矣

太陽病發汗後大汗出胃中乾煩燥不得眠欲得飲水

者少少與飲之令胃氣和則愈若脈浮小便不利微熱

消渴者與五苓散主之 或犯太陽之本病機之變由於

人之臟氣也。栢鄉魏氏本義曰發汗後大汗出所謂

如水淋漓也胃中津液受傷而乾因乾而燥因燥而煩

因煩燥而不得眠此一串事也於是標出欲得水飲病

情以見非傳裏之煩不必妄生別治也但少少與飲之

令胃氣和則愈又有飲水同而迥非此證此治者則太

陽犯本也脈浮微熱知其邪猶在經飲水即消而猶渴

而又不小便不利知其熱已入府是宜五苓散兩解也仲

景列為一條婆心切哉。大誦按張潔古曰外證已解邪傳裏而煩渴者用白虎今脈浮微熱而渴乃表邪未全解故用桂枝之辛和肌表苓術之甘淡以潤虛燥也

五苓散方

猪苓 十八銖 澤瀉 一兩六銖 茯苓 十八銖 桂 半兩

白朮 十八銖

右五味為末以白飲和服方寸七日三服多飲暖水

汗出愈

發汗已脈浮數煩渴者五苓散主之 汗後脈浮數太陽表未解也煩渴則

入腑矣故主五苓兩解之法

傷寒汗出而渴者五苓散主之不渴者茯苓甘草湯主

之以茯苓甘草桂枝生薑和衛氣以解表

茯苓甘草湯方

茯苓 二兩 桂枝 二兩 甘草 一兩 生薑 三兩切

傷寒論集註 卷一 辛

右四味以水四升煮取二升去滓分溫三服

中風發熱六七日不解而煩有表裏證渴欲飲水入

則吐者名曰水逆五苓散主之 煩者邪欲入裏也表指

裏五苓太陽兩解表裏之藥也裏熱甚則能消水裏熱

不甚不能消水停積不散因而吐也五苓之解表裏

正所以散停飲。大誦按水逆者

飲水則吐如不飲水則不吐也

發汗後飲水多必喘以水灌之亦喘 飲水多而喘者飲

洗而喘者形寒傷肺也常器之曰

可與麻黃杏仁甘草石膏湯也

發汗後水藥不得入口為逆若更發汗必吐下不止

亡陽胃中虛冷故水藥入口即吐逆若更發汗則愈損

陽氣胃氣益虛故吐下不止。方氏曰桂枝甘草藥也麻黃湯中有桂枝亦甘草也以發汗藥皆有桂枝之甘與胃家濕熱之人不對也水藥不得入口為逆乃得湯則

嘔之甚者也胃已受傷又復以前湯而重傷之則吐下更無止期是言桂枝之不對以致深戒之意

發汗吐下後虛煩不得眠若劇者必反覆顛倒心中懊

憺梔子豉湯主之若少氣者梔子甘草豉湯主之若嘔

者梔子生薑豉湯主之

以汗吐下而致虛虛則邪熱乘於胸中中心陽不得降腎陰不得升是以煩耳不得眠反覆顛倒心中懊憺備言煩熱之狀也梔子色赤象心能降離中之陰香豉色黑象腎能升坎中之陽一升一降而使胸中之邪熱自散少氣加甘草熱傷氣者甘以補之也嘔加生薑氣上逆者辛以散之

也

散之

梔子豉湯方

梔子十四枚擘

香豉四合綿裹

右二味以水四升煮梔子得二升半內豉煮取一升

傷寒論集註

卷一

主

半去滓分溫二服

梔子甘草豉湯方

卽前方加甘草二兩餘依前法

梔子生薑豉湯方

卽前方內加生薑五兩餘依前法

發汗若下之而煩熱胸中窒者梔子豉湯主之

陽受氣於胸中

發汗若下使陽氣不足熱乃客之故煩熱而胸中窒梔子豉湯利其升降之氣所以解煩熱而消胸中之窒

傷寒五六日大下後身熱不去心中結痛者未欲解也

梔子豉湯主之

大下後身熱已去而心中結痛者結胸也身熱不去心中結痛者虛煩也結胸爲熱結胸中爲實熱氣已收斂於內則外身熱去虛煩爲熱客胸中未結爲實散漫爲煩是以身熱不去六七日

爲熱客胸中未結爲實散漫爲煩是以身熱不去六七日

日爲當解之時而猶爲虛煩故曰未欲解也梔子豉湯利其升降之氣則結消而熱散矣猶前條之義云爾

傷寒下後心煩腹滿臥起不安者梔子厚朴湯主之

邪

胃腹之間梔子厚朴湯上下分消之法也

大誦按程扶生曰此治虛煩兼泄裏實法也下後但腹滿而不心煩則邪氣入裏爲裏實但心煩而不腹滿則邪在胸爲

虛煩既煩且滿而臥起不安則是邪乘胸腹之間有無可奈何之象也故取梔子以快湧其煩而合厚朴枳實以泄胸中之滿亦表裏兩解法減香豉者爲其滿故欲泄而不欲和也

梔子厚朴湯方

梔子十四枚擘

厚朴

四兩薑汁炙

枳實

四枚水浸去穢炒

右三味以水三升半煮取一升半去滓分溫二服

傷寒醫以丸藥大下之身熱不去微煩者梔子乾薑湯

傷寒論集註

卷一

主

上之丸藥不能除熱但損正氣邪乘而留於胸中則熱不去而微煩梔子乾薑通寒熱而和之

程扶生曰此治虛煩兼溫中法也丸藥者巴豆牽牛之屬大下之徒傷中氣而不能去邪幸而表熱未去但見微煩則急以梔子湯其熱乾薑溫

其中庶誤下之邪不至深入也

梔子乾薑湯方

梔子十四枚擘

乾薑

右二味以水三升煮取一升半去滓分溫二服

梔子豉湯並非吐藥本文原無吐字註家以瓜蒂散中有香豉而說之也胃中實可以瓜蒂散吐之此是汗吐法以虛其虛乎

凡用梔子湯病人舊微溲者不可與服之

梔子性寒又微溲者忌之

大誦按方中行曰梔子酸寒而湧泄病人舊微溲者裏氣本虛而臟腑寒也裏虛則易湧內寒

則易泄故  
此示禁

太陽病發汗汗出不解其人仍發熱心下悸頭眩身瞤

動振振欲擗地者真武湯主之太陽中風陽浮陰弱汗出惡風例雖曰發汗義

則實在解肌服桂枝湯法曰遍身絳微似汗者蓋佳

不可令如水淋漓病必不除苟至如水淋漓豈惟不除

多見亡陽而虛甚也中虛則心忪上虛則頭眩經虛則

身瞤動振振欲擗地者形容其身無外護欲得實地而

據之之狀真武一湯所以復陽而斂液也方見少陰篇

○尤治潛居錄曰按此不特汗出亡陽之故亦陰水之

氣上逆陽位所致頭眩心忪身瞤動

皆其驗也故不用四逆而用真武

咽喉乾燥者不可發汗咽喉乾燥者津液不足故不可發汗

淋家不可發汗發汗必便血膀胱聚熱則淋發汗則亡

瘡家雖身疼痛不可發汗表虛血熱則生瘡雖有身疼

傷寒論集註卷一

傷寒論集註卷一

傷寒論集註卷一

傷寒論集註卷一

傷寒論集註卷一

傷寒論集註卷一

傷寒論集註卷一

傷寒論集註卷一

傷寒論集註卷一

傷寒論集註卷一

供之發汗正其所忌也補其不足而化其所因則邪自  
退此仲景言外之旨學者宜一會心焉前條用桂枝湯  
發汗必曰病人無他病正此意也○大誦按禹餘糧  
九許學士本事方云治水氣腹脹之要藥朱丹溪亦云  
而方咸謂乃偏考方書見宋陳無擇三因方有之疑  
即此也然不敢漫入是集姑述之以俟明哲者訂正  
病人有寒復發汗胃中冷必吐蚘有寒謂有裏寒也傷

應發汗證法先溫裏而反發汗寒家裏有寒者雖有

以損其陽則胃中寒必吐蚘也

本發汗而復作反下之此為逆也若先發汗治不為逆

本先下之而反汗之為逆若先下之治不為逆感而即

傷寒其邪自表傳裏法當先汗而反先下之治之逆也

若已汗而復下之治不當先下而反先汗之治

邪自裏達表法當先下而反先汗之治

之逆也若已下而復汗之治不為逆也

傷寒論集註

卷一

黃

傷寒論集註卷一 終

傷寒論集註卷第二

東吳徐

大訥吳

漢張機仲景著

長洲蔣榮誦先甫參較

姪秉鈞衡望

男維鈞衡範

辨太陽病脉證并治法下

傷寒醫下之續得下利清穀不止身疼痛者急當救裏

後身疼痛清便自調者急當救表救裏宜四逆湯救表

宜桂枝湯

傷寒論集註卷二

身疼痛者尚在則以桂枝湯救表觀此可見清穀雖止

小便未調猶未可救表也何也小便未調則津液未生

津液未生則裏氣未和為穀氣之未充也汗出於穀穀

不充則未可以強發汗也發汗則亡陽之證作矣愚按

下後裏氣虛寒下利清穀不止而身疼痛者亡津液而

骨屬不利也故當救裏用四逆湯以復陽而收陰若下

後身疼痛而小便清大便調者裏氣和而營衛不和也

故當救表用桂枝湯以固衛而和營此太陽誤下之後

表裏虛實不同兩兩開

說非謂先裏而後表也

未和然後復下之

裏而邪無從出其人因致胃弱而後復發汗治之不諱徒虛其表

邪散而表和矣裏以二便言或前或後得未和之候而

後施其治。大訥按胃弱為鬱胃忽如死人狀身不動搖

口閉目瞤然不知人也移時即瘳此由汗之過多而血

少氣併於血陽獨上而不下氣壅不行乃如死狀得氣

過血還陰陽復故則瘳矣此為鬱胃婦人更多此病名

用當歸白微散

太陽病未解脉陰陽俱停必先振慄汗出而解但陽脉

微者當汗出而解但陰脉微者下之而解若欲下之宜

調胃承氣湯

調胃承氣湯也太陽病久未得解脉陰陽俱停三部皆微

戰汗而解也是邪從表解也若從裏解其必振慄自

利可知矣惟其三部皆微故或從表或從裏未可定也

若但陽脉微知必戰汗而解若但陰脉微知必振慄自

下利而解蓋人身惟虛處容邪亦惟虛處易出耳若不

傷寒論集註卷二

自下而欲下之則調胃承

氣和之而已無事大攻也

血弱氣盡腠理開邪氣因入與正氣相搏結於脇下正

邪分爭往來寒熱休作有時默默不欲飲食臟腑相連

其痛必下邪高痛下故使嘔也小柴胡湯主之

中風五六日往來寒熱從太陽傳變而來此條旁頭便

說血弱氣盡腠理開邪氣因入當是婦人新產或經水

初淨腠理開邪之際邪氣因入遂得與正氣分爭

往來寒熱也邪在膈經而痛引肝分是熱入血室也

臟腑相連之故治法但與小柴胡湯以解經邪而牽連

小柴胡湯方

柴胡半斤

半夏升

黃芩

人參



甘草 炙

生薑 切各三兩

大棗 十三枚 擘

右七味以水一斗二升煮取六升去滓再煎取三升溫服一升日三服

加減法

若胸中煩而不嘔去半夏人參加括蕒實一枚

若渴者去半夏加人參合前成四兩半括蕒根四兩

若腹中痛者去黃芩加芍藥三兩

若脇下痞鞭去大棗加牡蠣四兩

若心下悸小便不利者去黃芩加茯苓四兩

若不渴外有微熱者去人參加桂三兩溫覆取微汗

傷寒論集註 卷二

三

愈

若欬者去人參大棗生薑加五味子半升乾薑三兩

服柴胡湯已渴者屬陽明也以法治之

證其未服柴胡湯而渴者則與柴胡湯去半夏加括蕒根

日仍與小柴胡湯得其便

堅方可用調胃承氣湯

得病六七日脉遲浮弱惡風寒手足溫

此正小柴胡證邪在半表半裏

未為實也醫二三下之不能食而脇下滿痛面目及身黃

則胃虛故不能食脇下滿痛頸項強表未小便難者

水停也面目及身黃濕鬱也後謂大便本渴飲水而嘔者

也與小柴胡湯後必下重

此屬飲家

柴胡湯不中與也食穀者噦乾嘔不同

本是小柴胡湯證以醫屢下之使胃氣虛不能消水遂至水停脇下小便難身目黃渴飲而嘔食穀而噦此時柴胡湯已不中與矣若以脇痛嘔噦為柴胡證仍在而却與小柴胡湯則誤矣可必其大便下重而絕不見升舉之功也。大訥按小柴胡為和解之劑亦微汗藥也若裏虛胃寒安可服乎醫不辨病在何經而妄投必至誤矣。假如病六七日脉遲浮弱惡風寒而手足溫則邪在半表裏也若二三下之虛其胃氣自不能食蘊熱於內蒸發於外則脇滿痛而面目身黃外未解而頸項強內亡津液而小便難當另用和解法若與小柴胡復損其津液必增下重矣是宜深戒也若本渴而飲水嘔者為停飲治當解表散水其食穀而噦者為氣逆停滯柴胡俱不中與也故古

人有柴胡三禁之說

傷寒五六日身熱惡風頸項強脇下痛手足溫而渴者

小柴胡湯主之

傷寒論集註 卷二

四

之樞而小柴胡為樞機之劑

傷寒陽脉濇陰脉弦法當腹中急痛者先與小建中湯

不差者與小柴胡湯主之

腑相連其痛必下者也若作裏有虛寒與小建中湯治

之不差也以小柴胡湯升舉其邪斯為正治。柯韻伯

曰此亦肝乘脾也先與小建中安脾繼以小柴胡疏木

小建中是桂枝湯加芍藥以平肝飴糖以緩急為厥陰

傷寒驅邪發表和中止痛之神劑也不差者中氣虛而

不勝邪向流連繼以小柴胡補中發表令木邪直走少

陽使有出路所謂陰出之陽則愈

也亦是令厥陰轉屬少陽之機

傷寒中風有柴胡證但見一證便是不必悉具

凡柴胡湯病證而下之若柴胡證不罷者復與柴胡湯

也



必蒸蒸而振却發熱汗出而解也本柴胡湯病證而誤以他藥下之邪氣內陷則寒熱不作矣若柴胡證有不罷者復與柴胡湯升舉之俟邪還於表必蒸蒸而振却發熱汗出而解也若使柴胡證全罷誰復知其潛藏隱伏之病而藥之耶大抵少陽下陷之邪不入於脾即入於肝蓋土為木制肝與胆連也則有腹痛腰痛痞結等變遷延日久投藥萬無一當幸則留為痼疾是在智能之士審其致變之由得其所犯之逆而施援本塞源之治要不出於復與小柴胡之意而加減出入與病情委蛇相就則庶乎其可矣然則仲景當日立法示禁其可犯乎

傷寒二三日心中悸而煩者小建中湯主之二三日邪氣虛而心中悸血虛而心煩是其人本虛也與小建中湯先建立其中氣而後施傷寒之治則不至有汗漏亡陽之患矣

小建中湯方

傷寒論集註 卷二

桂枝 甘草 炙 生薑 切各 芍藥 六兩

大棗 十二枚 膠飴 一升

右六味以水七升煮取三升去滓內膠飴更上微火消解溫服一升日三服嘔家不可用建中湯以甜故也

太陽病過經十餘日反二三下之後四五日柴胡證仍在者先與小柴胡湯嘔不止心下急鬱鬱微煩者為未

解也與大柴胡湯下之則愈太陽病以日數多而下之表邪未罷故云反也不必鑒定是承氣枳朴之類亦是下藥三誤承氣而不致變者未之有也後四五日柴胡證仍在則二三日前原有少陽證可知今屢下邪陷似可即行大柴胡兩解之法然宜先與小柴胡提其邪出半表若嘔止小安為欲解

即不必用大柴胡矣若嘔不止則少陽之表邪猶在心下急鬱鬱微煩則少陽之裏熱方盛為未解也然後以大柴胡湯兩解之斯為合法矣

大柴胡湯方

柴胡 半斤 黃芩 三兩 芍藥 三兩 半夏 半升

枳實 四枚 生薑 切五兩 大棗 十二枚

右七味以水一斗二升煮取六升去滓再煎溫服一升日三服論中亦無大便秘不大便之文大柴胡乃氣分之下藥不關胃也後人因下之二字而妄加大黃膠矣柯氏論之甚詳削去大黃以復仲景原方今從之

傷寒十三日不解胸脇滿而嘔日晡所發潮熱已而微

傷寒論集註 卷二

利此本柴胡證下之而不得利今反利者知醫以丸藥

下之非其治也潮熱者實也先宜小柴胡湯以解外後

以柴胡加芒硝湯主之成氏曰傷寒雖已十三日而邪猶在半表半裏故胸脇滿而嘔

此為柴胡證當時若下柴胡湯則更無潮熱自利醫反以丸藥下之虛其腸胃邪氣乘虛入腑日晡所發潮熱已而微利也潮熱雖為熱實然胸脇之邪未已故先與小柴胡以解外後與柴胡加芒硝以下胃熱。亦按下藥與表藥同行者以未離表也柴胡加芒硝湯是下少陽膽腑之實熱故用芒硝大柴胡是下少陽無形之邪故無大黃

柴胡加芒硝湯方

於小柴胡方內加芒硝六兩餘依前法不解更服

按周禹載曰外證未除本當以柴胡主治然已利矣而復加芒硝者何耶蓋醫以大辛熱之藥取快攻下

是以火濟火而熱更結欲利而愈不快矣故用芒之大寒者以蕩毒熱則庶乎其可也

傷寒十三日過經譫語者以內有熱也當以湯下之若

小便利者大便當鞭而反下利脉調和者知醫以九藥

下之非其治也若自下利者脉當微厥今反和者此為

內實也調胃承氣湯主之過經不解而譫語當以大柴胡通表裏而下之乃其治也

若小便利者大便當鞭而反下利以其脉和知非裏寒

乃醫以九藥下之為非其治耳若裏寒自利脉當微厥

為協熱利也故與調胃承氣下其胃熱

太陽病不解熱結膀胱其人如狂血自下下者愈其外

不解者尚未可攻當先解外外解已但少腹急結者乃

可攻之宜桃核承氣湯太陽位最高膀胱居太陽之下極為太陽司血者也太陽陽邪

傷寒論集註卷二

下利入於膀胱熱與血結是為熱結膀胱邪滯血海神

魂不寧不狂而有似狂其血自下者熱隨血出而自

愈若其血蓄而不行勢必攻之然外不解者尚未可攻

當先解外外解已但少腹急結者乃可攻之用桃仁入承

氣以達血所加桂枝以分腹外邪正恐外邪或有未解

其血得以留戀不行耳此太陽隨經瘀血之輕劑也

桃核承氣湯方

桃仁五十個去皮尖桂枝二兩 大黃四兩 芒硝二兩

甘草二兩

右五味以水七升煮取二升半去滓內芒硝更上火

微沸下火食前溫服五合日三服當微利大訥按理扶生日此

傷寒八九日下之胸滿煩驚小便不利譫語一身盡重

不可轉側者柴胡加龍骨牡蠣湯主之胸為太陽之裏陽明少陽之表

身半以上之樞也傷寒八九日表熱未解誤下而致胸

滿雖無痞結而邪逼心君神明幾乎不守正虛邪滯病

端至於旁見而側出皆從樞機而發必從樞機而解重

任柴胡一味且以柴胡名湯以其為樞機之藥也若夫

鉛丹龍牡之安神而鎮驚煩桂枝薑棗之和營而去身

重參之大力為之握樞而運而桂枝不得擅其發表之

權大黃亦自泯其攻下之能蓋不失為從中治也可謂

處方之神

柴胡加龍骨牡蠣湯方

柴胡四兩 半夏二合 人參 龍骨

牡蠣煨 鉛丹 茯苓 桂枝

傷寒論集註卷二

生薑一兩半 大黃二兩 大棗六枚

右十一味以水八升煮取四升內大黃切如棊子更

煮一二沸去滓溫服一升大訥按理扶生日下而心

腹也下而胸滿煩驚治以龍牡為邪入心也火劫

而致煩驚治以桂枝龍牡挽心陽之外越也因下而

致煩驚治以柴胡龍牡解心陽之內塞也大小陷胸

以高下緩急別之諸瀉心湯以寒熱虛實辨之半苓

治痰苓連降逆樞機諸瀉心湯以寒熱虛實辨之半苓

附回陽虛下後大法備於斯矣

傷寒腹滿譫語寸口脉浮而緊此肝乘脾也名曰縱刺

傷寒發熱齋齋惡寒也肺病大渴欲飲水勝肝氣其腹必滿

肝行乘肺自汗出小便利其病欲解此肝乘肺也名曰

橫刺期門發熱惡寒似太陽之表此却為肺病者肺主

大渴非轉屬陽明未經妄下而腹滿惡寒也未經大下而

木邪亢極水精不上歸於肺故大渴肺不能通調水道

故腹滿是傷所不勝寡於畏也金行制木木反乘金為

不直故名曰橫刺期門使肝肺氣平外作自汗出內為

小便利則病為欲解。大納按自汗出小便利其病欲

解三句是已得汗出便利內外皆解矣何復用刺刺期

門三字是補出從前治法非已愈而尚須刺也

太陽病二日反躁反熨其背而大汗出大熱入胃胃中

水竭躁煩必發讞語十餘日振慄自下利者此為欲解

也故其汗從腰以下不得汗欲小便不得反嘔欲失溲

傷寒論集註卷二九

足下惡風大便鞭小便當數而反不數及多大便已頭

卓然而痛其人足心必熱穀氣下流故也二日邪在表

反躁者熱氣行於裏也火熨逼汗則火邪入胃胃中水

竭躁煩必發讞語連延十餘日振慄自下利者陰氣得

復火邪得泄方為欲解所以然者邪從外散則易從下

走則難逾十餘日以病情惟在腰以下不得汗故欲

解而難上越也欲失溲者邪欲從前陰出也足下惡風大

邪欲上越也欲失溲者邪欲從前陰出也足下惡風大

迫血陰虛則小便難熱搏於內陰陽俱虛竭身體則枯

燥熱消血氣不飽頭汗出劑頸而還熱氣炎上搏陽腹

滿微喘熱氣口乾咽爛火熱或不大便久則讞語入胃

消耗津液胃中鬱口乾咽爛火熱或不大便久則讞語入胃

燥熱則發讞語甚者至噦其聲噦手足躁擾捻衣摸床

火熱太甚則小便利者其人可治。此舉火劫發汗之

手足擾亂小便利者其人可治。此舉火劫發汗之

弊以示非傷寒之正治其致變有如此之甚者未揭小

便利者可治一句以見此證之可治不可治全在津液

之存否耳邪風被火熱至失其常度是函蓋全條語也

發黃以下乃擬其變而備言之非謂一人一時悉具其

也變

傷寒脈浮醫以火迫劫之亡陽必驚狂起臥不安者桂

枝去芍藥加蜀漆牡蠣龍骨救逆湯主之無論中風傷

傷寒論集註卷二

也非火熱傷陰如上條即逼汗亡陽而驚狂也汗乃心

之液汗多亡陽則心神浮越故驚狂而起臥不安也桂

枝解之辛以散火邪龍骨牡蠣之瀉以固陽氣否則奔豚

發矣。尤怡潛居錄曰火劫亡陽驚狂陽者心之陽火

氣通心神被逆而肉不守也與發汗亡陽不同發汗者動

其腎則厥逆筋惕肉瞤故當用四逆被火者

傷其心則驚狂臥起不安故當用龍骨也

桂枝去芍藥加蜀漆牡蠣龍骨救逆湯方

桂枝 三兩 甘草 二兩 牡蠣 五兩 龍骨 四兩

蜀漆 三兩 生薑 三兩 大棗 十二枚 棗

右以水一斗二升先煮蜀漆減二升內諸藥再取三

升去滓溫服

形作傷寒其脈不弦緊而弱弱者必渴被火者必讞語

弱者發熱脈浮者解之當汗出愈形作傷寒發熱也脈不弦緊而弱弱者發熱也脈弱而發熱是裏熱也裏熱者必渴若被火氣火邪入胃必發譫語弱者發熱而偷得脈浮則邪還於表矣當以辛涼解散使汗出愈。常器之曰可救逆湯

太陽病以火熏之不得汗其人必躁到經不解必清血

名為火逆陰虛被火不得汗邪無從出其人必發躁到經不解必清血此火邪迫血下行也清作圓

則也。大誦按郭白雲曰宜犀角地黃湯

脈浮熱甚而反灸之此為實實以虛治因火而動必咽

燥唾血脈浮熱甚此為表實反灸之是實以虛治也血因火動可必其咽燥唾血此火邪迫血上行也

○常器之曰可救逆湯

微數之脈慎不可灸因火為邪則為煩逆追虛逐實血

傷寒論集註 卷二 七

散脈中火氣雖微內攻有力焦骨傷筋血難復也微數之脈

為熱慎不可灸也因火為邪則為煩逆灸以追虛而乃以逐熱熱則傷血加以火氣使血散脈中不能濡潤筋骨故曰火氣雖微內攻有力焦骨傷筋血難復也

脈浮宜以汗解用火灸之邪無從出因火而盛病從腰

以下必重而痺名火逆也火性炎上腰以下陰氣獨治故重而痺

欲自解者必當先煩煩乃有汗隨汗而解何以知之脈

浮故知汗出解也欲自解而先煩汗出之兆也脈浮故知汗出解也若脈不浮則煩為入裏

矣火邪諸條亦有在表入裏之不同

燒鍼令其汗鍼處被寒核起而赤者必發奔豚氣從少

腹上衝心者灸其核上各一壯與桂枝加桂湯更加桂

二兩燒鍼發汗損陰血而驚動心氣鍼處被寒氣聚而衝心是也先灸核上以散寒次與桂枝加桂湯以泄奔豚之氣節成氏註

桂枝加桂湯方

於桂枝湯方內更加桂二兩共五兩餘依前法

火逆下之因燒鍼煩躁者桂枝甘草龍骨牡蠣湯主之

用灸以取汗不得汗而致火逆以下除之而邪仍不服又加燒鍼火與邪通故生煩躁治病當求於本仍以桂枝甘草辛甘發散其邪加龍骨牡蠣者以飛騰之性從潛伏之性而同歸海底則逆氣收而躁乃靜矣

桂枝甘草龍骨牡蠣湯方

桂枝一兩 甘草 龍骨 牡蠣各二兩

右為末以水五升煮取二升半去滓溫服八合日三

傷寒論集註 卷二 七

服

太陽傷寒者加溫鍼必驚也火先入心心主血而藏神血如水也神如魚也火熱湯沸則魚驚躍不安矣腎氣因而乘之將作奔豚乎

太陽病當汗熱今自汗出反不惡寒發熱關上脈

細數者以醫吐之逆也一二日吐之者腹中飢口不能

食三四日吐之者不喜糜粥欲食冷食朝食暮吐以醫

吐之所致也此為小逆太陽表證有發汗解肌之法全不傷動胃氣舍此而妄用吐法

吐中原有發散之義故不惡寒發熱然已傷動胃氣矣

關上脈脾胃之位也細則為虛數則為熱所以知其

誤吐也一二日表邪尚寒吐之則表寒乘虛入胃故腹中飢而不能食三四日表邪成熱吐之則表熱乘虛入胃故不喜糜粥欲食冷食朝食暮吐者食晨入於胃以胃虛不能消化至暮胃氣行裏與邪氣相搏則胃氣反

逆而食吐出矣病變由於誤治而要未為大逆當靜調以俟餘邪之自去胃氣之自復參成方二家

太陽病吐之但太陽病常惡寒今反不惡寒不欲近衣

此為吐之內煩也此亦誤吐之變太陽本惡寒今反不惡寒不欲近衣邪熱乘虛入胃外不

顯熱而熱在裏故為內煩

病人脉數數為熱當消穀引食而反吐者此醫發其汗

令陽氣微膈氣虛脉乃數也數為客熱不能消穀以胃

中虛冷故吐也

本熱而脉數則能消穀引食陽受氣於胸中今以發汗令陽氣微膈氣虛則為客熱而脉數也客熱不能消穀故脉數而反吐也

太陽病過經十餘日心下溫溫欲吐而胸中痛大便反

澹腹微滿鬱鬱微煩先此時自極吐下者與調胃承氣

傷寒論集註

卷二

三

湯若不爾者不可與但欲嘔胸中痛微澹者此非柴胡

證以嘔故知極吐下也

心中溫溫欲吐鬱鬱微煩胸中痛當責邪熱客於胸中大便反澹腹微滿則邪熱已下於胃也日數雖多未經吐下邪

傳表裏之間未可下當與柴胡湯以除上中二焦之邪若其先曾極吐下者邪氣乘虛入胃為實宜與調胃承

氣以下胃熱若使不由吐下則不可與也但此之欲嘔等證實由吐下而來非柴胡證也何以知之以嘔故知

也參成氏註

太陽病六七日表證仍在脉微而沉反不結胸其人發

狂者以熱在下焦少腹當鞭滿小便自利者下血乃愈

所以然者以太陽隨經瘀熱在裏故也抵當湯主之

陽太

主上不下主下主表不主裏下焦與裏指膀胱也以在太陽故雖瘀熱在裏而表證仍在所謂隨經者也膀胱居

太陽之下極故脉微而沉以脉微而沉知其太陽之裏以少腹滿小便不利知為血證若小腹滿而小便不利則又屬上焦之氣化不行為五苓證而非血證矣然表證仍在何不先解其外攻藥中何不兼用桂枝蓋以脉微而沉又不結胸知邪不在上焦也抵者至也水蛭蟲之重劑至當不

易之定法也

抵當湯方

水蛭 三十個 熬 蠅虫 三十個 熬 去翅足

大黃 三兩 酒浸

桃仁 二十個 去皮

尖及雙仁者

右四味以水五升煮取三升去滓溫服一升不下再服

服

太陽病身黃脉沉結少腹鞭小便不利者為無血也小

傷寒論集註

卷二

四

便自利其人如狂者血證諦也抵當湯主之

言身黃脉滿三者本為下焦畜血之候然尚與發黃之證相隣必

如上述之小便自利其人如狂者而後血證始諦也蓋胃中瘀熱與膀胱瘀血俱有身黃脉沉

結小腹俱滿但以小便利不利為分別耳

傷寒有熱少腹滿應小便不利今反利者為有血也當

下之不可餘藥宜抵當丸

膀胱瘀熱小便不利則小腹氣化自行而小腹滿者允為有形之蓄血此二條反覆

辨證見血證為重證抵當為重藥恐人辨認不清故申重其義如此易湯為丸者熱雖盛而未狂小腹滿而未

鞭宜小其制以緩治之耳○尤怡潛居錄曰利水逐血為治膀胱兩大法門利水分清溫五苓豬苓

是也逐血分微甚桃仁承氣抵當湯丸是也

抵當丸方

水蛭 二十個

蠅虫 二十個

大黃 三兩

桃仁 二十個 去皮尖

右四味枰分爲四九以水一升煮一丸取七合服之

時當下血若不下更服大誦按程郊倩曰夫滿固

應小便不利今反利者則知其氣分而畜及津液者

也血因熱而滿結故用抵當湯變易爲丸煮而連滓

服之使之直達血所以下舊熱盡新熱乃除根耳

○又按周禹載曰藥不易也分數則減服法亦殊變

之爲丸特以湯者蕩也九者緩也本證較前條爲輕

則法不得概施然猶不離乎湯煮而連滓服之其

欲緩不緩不蕩而蕩之意歟故云不可餘藥謂桃仁

承氣則不足抵當湯復過之酌於二者之間而得其

中矣時時

太陽病小便利者以飲水多必心下悸小便少者必苦

裏急也太陽病小便利者以飲水多必心下悸心爲火

水停不行故苦裏急也○大誦按太陽初病不欲飲水

若欲傳陽明便欲飲水此其常也今太陽初病即飲水

傷寒論集註卷二

多必其人本自胃熱可知設胃陽不衰則所飲之水必

能敷布於外作汗而解今胃陽虛而飲水多雖小便利

亦必停於中焦而爲心下悸若小便

少則水必更停下焦而苦裏急矣

問曰病有結胸有臍結其狀何如答曰按之痛寸脉浮

關脉沉名曰結胸也何謂臍結答曰如結胸狀飲食如

故時時下利玉函經作寸脉浮關脉小細沉緊名曰臍

結舌上白胎滑者難治成氏曰結胸者邪結在胸臍結

乘虛入裏所致下後邪氣入裏與陽相結爲結胸以陽

受氣於胸中故爾與陰相結爲臍結以陰受之則入五

臟故爾。喻嘉言曰臍結一證難於辨識借結胸以詳

其脉證而明外邪盛者爲難治其脉之寸浮關沉沉與結

胸無異而臍結之關沉更難細察者寸實往來之要衝

焦之界外邪由此下結內邪由此上干實往來之要衝

所以病在下而脉反因於中也此證全以外受之邪定

輕重舌上有白胎滑則所感深重其互結之勢方熾

表單裏與表裏兩解之法俱不可用故云難治然溫中

散邪俾陰氣漸下而內消客邪漸上而外散則良工之

爲其所難乎○常

氏曰可刺關元穴

臍結無陽證不往來寒熱一云寒其人反靜舌上胎滑

者不可攻也言當臍結之時表已罷除故無陽證

來寒熱其人反靜無陽明之譫妄也既無表裏之證而

舌上仍有胎滑此爲何故則以外感之陽邪挾氣而

反在下素痞之陰寒挾熱勢而反在上所謂丹田有熱

胸中有寒也熱反在陰寒反在陽陰陽悖逆故不可攻

是則調其陰陽使之相入胎滑退而後攻之則庶幾乎

○大誦按別本註曰臍結無三陽證不發熱無太陽也

不往來寒熱無少陽也其人反靜無陽明也舌胎滑白

胸中有寒故可溫不可攻也又按程扶生曰經於臍結

白胎滑者祇言難治未嘗言不可治也祇言臍結無熱

舌胎滑者不可攻未嘗言臍結有熱舌胎不滑者亦不

可攻也意者丹田有熱胸中有寒之證必有和解其熱

溫散其寒之法俾內邪潛消外邪漸解者斯則爲良工

傷寒論集註卷二

之心乎

病發於陽而反下之熱入因作結胸病發於陰而反下

之因作痞所以成結胸者以下之太早故也三陽入胃

宜下三陰入胃爲陰結亦宜下下早均謂之反三陽未

全入胃而反下之熱入而作結胸則有大小陷胸等證

三陰未全入胃而反下之亦成虛熱虛痞則有五瀉心

等證作痞不言熱入陰經無熱入也末句言結胸而不

及痞者省文也然發於陽而下早未嘗無病發於陰而

下早亦有結胸病機變幻良由人之氣體不同是故若

子道其常而善學者貴通其變也○程郊倩曰病發於

陽者從發熱惡寒而來或熱多寒少者亦是也脉浮於

動數是未下時之來路下之而表熱少者亦是也脉

陽所格兩陽相結因來路下之而表熱少者亦是也脉

發於陰者從無熱惡寒而來或寒多熱少者亦是也脉

浮而緊是未下時之來路下之而陰邪內陷亦爲臍中

之陽所拒陰陽相搏因作痞痞爲虛邪故或輕或不輕

而總不痛然痞雖屬陰邪亦有表裏之分屬表者緊反

入裏之謂屬裏者無陽獨陰之謂故痞證雖有乾嘔煩躁皆因邪擾而無熱入也結胸則熱因邪陷而入入則熱與液結而成實矣以其人津液素盛也痞症誤在下結胸誤在下之太早

太陽病脈浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣躁煩心中懊憹陽氣內陷心下因鞭則為結胸大陷胸湯主之若不結胸但頭汗出餘無汗劑頸而還小便不利身必發黃也病在太陽其脈自浮動數從浮虛上見而頭痛發熱汗出惡寒脈證俱為在表而太陽本有汗而曰盜汗本惡寒而曰反惡寒因其持久而云也醫反下之而動數變遲者以其胃中空虛也浮而不改以邪乘陽分脈不得沉也膈內拒痛以客氣動膈之故短氣躁煩心中懊憹備見心君之不寧皆是客傷寒論集註卷二

### 大陷胸湯方

大黃 六兩

芒硝 一升

甘遂 一錢

右三味以水六升先煮大黃取二升去滓內芒硝煮

一兩沸內甘遂末溫服一升得快利止後服大納按日低者舉之高者陷之以平為正結胸為高邪陷下以平之故曰陷胸利藥之中此為峻劑傷寒錯結胸為甚非此不能通利劑大而數少須其迅速分解邪結也。方中行曰陷胸湯平邪蕩寇將軍之職也

以大黃為君誠能軟堅以芒硝為臣徹上徹下破結逐水以甘遂為佐惟大實者乃為合法如挾虛或脈浮者不可輕試

傷寒六七日結胸熱實脈沉而緊心下痛按之石鞭者大陷胸湯主之胸為太陽之裏六七日表熱陷入熱聚於此而心下痛按之石鞭也結胸證關脈本沉此復加緊者因痛得之耳亦從清陽之分一下其熱而結氣自開故以大陷胸湯主之。大納按汪琥曰或問脈沉緊為知非寒實結胸答曰胸中者陽氣之所聚也邪熱當胸而結直至心下石硬且痛則脈不沉而沉緊甚至有伏而不見鳥可以脈沉緊為非熱耶大抵辨結胸之法但當憑證最為有準。又按喻嘉言曰熱實二字形容結胸之狀甚明見邪熱填結於胸而不散也浮緊主傷寒無汗沉緊主傷寒結胸此與中風之陽邪結胸迥別所以不言浮也又曰陽邪誤下成結胸陰邪誤下成痞然中風間有痞證傷寒間有結胸又不可不知

### 傷寒論集註

卷二

六

傷寒十餘日熱結在裏復往來寒熱者與大柴胡湯但結胸無大熱者此為水結在胸脇也但頭微汗出者大陷胸湯主之胸脇之分太陽少陽分主之少陽熱結在裏必胸脇脹滿然復往來寒熱半表之邪自在祇可與大柴胡湯兩解表裏若但結胸裏無大熱亦無往來之寒熱其胸之結鞭而下連於脇緣胸為清陽所主氣蒸而為津液所謂上焦如霧者也一為邪結則凝而為水清者變濁是為水結在胸脇也頭微汗出水氣上蒸使然此惟大陷胸湯從高達下為合法不得以胸脇之證相似而彼此誤施也。朱奉議曰水結胸小半夏加茯苓湯小柴胡加牡蠣亦主之

太陽病重發汗而復下之不大便五六日舌上燥而渴日晡所小有潮熱從心下至少腹鞭滿而痛不可近者大陷胸湯主之汗下兩亡其液而邪液反結於胸勢必腸胃燥實故兼見陽明內實之證然必



詳其痛在何部若從心下連及小腹者自與陽明實積不同仍從太陽下例由胸膈而腸胃蕩滌無餘痰飲蠲而陽明自治大陷胸湯所以不可易也

結胸者項亦強如柔痙狀下之則和宜大陷胸丸

緊迫勢連於上至項亦強狀如柔痙是必去邪液然後可以和解也故云下之則和然載之從心而連及中下二焦者緩急之形稍殊則湯丸之製頓改硝黃甘遂不可移易而以杏仁葶藶為載上之舟楫更加白蜜之和緩作丸而制小其服使過宿始下是又以攻劑為和劑也

### 大陷胸丸方

大黃 半斤 葶藶 半斤 杏仁 半升 芒硝 半升

右四味搗篩二味內杏仁芒硝合研如脂和散取如

彈子大一枚別搗甘遂末一錢匕白蜜一合水二升

### 傷寒論集註 卷二 亢

煮取一升溫頓服之一宿乃下如不下更服取下為

### 效禁如藥法

結胸證其脈浮大者不可下下之則死此言結胸證關

結也本義曰陽邪不從表驅而誤下則成結胸然脈不止於寸浮而關上亦不見沉且兼見浮大是邪陽上盛而仍

欲透表可知雖在結胸證中當求治表之道也知雖在

也然兼見浮大必真陽下衰而思欲飛越下之則上邪

結胸證中當求回陽之道也亦不可下也下之則上邪

盛者愈陷而不出下真衰者愈脫而不返其死必矣不

出方者正以邪上盛與下真衰主治不同耳

結胸證悉具煩躁者亦死結胸證悉具而無復浮大之

延津液盡亡必至煩躁此時下之以存津液苟或遷

亦死不下亦死正虛邪實故也

小結胸病正在心下按之則痛脈浮滑者小陷胸湯主

之正在心下不至小腹也按之則痛不按則不痛也脈

浮滑者關脈亦不沉也此正小陷胸湯證也○大納

按故雖結胸而小結胸無實熱之邪但微熱而痰飲為

患故雖結胸而痛診之脈不沉惟浮而輕淺不能石

實痛惟按之痛診之脈不沉惟浮而輕淺不能石

虛而結阻而痛診之脈不沉惟浮而輕淺不能石

下堅軟輕重浮沉之間病機治法昭然矣又云痞為陰

邪結胸為陽邪然於陽邪中又有大小之分學者審之

凡寒熱雜合之證無大實大

熱俱宜斟酌下法勿孟浪也

小陷胸湯方

黃連 一兩 半夏 半升 栝蒌實 一個

右三味以水六升先煮栝蒌取三升去滓內諸藥煮

取二升去滓分溫三服程扶生曰此熱結在心下不

傷寒論集註 卷二 亢

痛比手不可近為輕脈之浮滑又緩於沉緊但痰飲

素盛挾熱邪而內結所以脈見浮滑也半夏之辛以

散之黃連之苦以瀉之栝蒌實之苦潤以滌之皆所

治上之法也

太陽病二三日不能臥但欲起者心下必結其脈微弱

者此本有寒分也反下之若利止必作結胸利未止者

四日復下之此作協熱利也太陽病二三日邪當在表

非太陽表證必其心下邪聚結而其人不能臥但欲起此

非表脈此素有寒痰積於心膈之分一遇外邪即氣壅

上逆為痰所滯而脈不宣揚也醫有見於心下之結不

顧脈之微弱因而下之則誤矣利止者邪不下行必作

寒實結胸利未止者裏寒挾表而下利此作協熱利也

四日復以溫藥下其寒則二證可作一治矣○常氏口

增損中丸



太陽病下之其脉促不結胸者此爲欲解也脉浮者必結胸脉緊者必咽痛脉弦者必兩脇拘急脉細數者頭痛未止脉沉緊者必欲嘔脉沉滑者協熱利脉浮滑者必下血有強弱不同也太陽病下之而脉促者陰暴去而陽暴張也邪隨陽盛而外薄則欲解此誤下而與其人之本氣暗合者也若脉浮而不促是其人之正氣本虛邪必陷入而成結胸此結胸脉浮不可下者也以下脉無沉字者俱貫浮字看脉緊者陷入之邪逆而上擊比結胸之邪更高故咽痛然與內熱之喉痺不同脉弦者陷入之邪束於少陽之裏故兩脇拘急亦與少陽入裏同治脉細數者誤下傷氣脉轉細數太陽之邪仍在故頭痛未止勿因細數而改其太陽之治若脉沉滑者寒入裏也寒欲入裏而不得遂入則上逆而嘔脉沉滑者熱干下焦也熱干下焦則爲協熱利至於脉浮滑者陽邪宜擾陽分而必其動血者誤下傷陰故也與裏陰自病而脉沉者自異頭痛與協熱利皆在本經故無必

傷寒論集註

卷二

三

字餘皆按脉而必之也太陽誤下脉證之不同如此讀書臨證者宜熟思而審處之

病在陽應以汗解之反以冷水嚥之若灌之其熱被卻不得去彌更益煩肉上粟起意欲飲水反不渴者服文蛤散若不差者與五苓散寒實結胸無熱證者與三物小陷胸湯白散亦可服在陽爲表未罷熱未除也嚥噴之也灌漑之也被蒙也言邪蒙胃於嚥灌之水鬱閉而不散熱煩惱益甚也粟起言邪蒙膚上粒起如粟水寒鬱留於表而然也意欲得水而不可得者邪熱雖甚而反爲水寒所制也文蛤即海蛤之有文理者鹹寒走腎而利水故獨任之不差者水雖內漬猶有外被者故用五苓兩解也飲本寒又得寒水兩寒搏結伏熱爲實謂之寒實結胸無熱證者外無熱而熱悉收斂於內也小陷胸湯固小結胸之主治然白散者桔梗貝母能消飲而開膈巴豆辛溫能散寒而逐水所以寒結或重小陷胸湯不能解者則此又可服也參成方二家。大訥按其熱被卻卻猶退也或作劫非詳考

白散下又寒實結胸無熱證者龐氏作與三物白散蓋小陷胸湯不言三物又非無熱證此必當時書寫之悞矣

文蛤散方

文蛤 五兩

右一味爲散以沸湯和一錢七服湯五合

白散方

桔梗 三分 貝母 三分 巴豆 一分去心熬黑研如脂

右三味爲末內巴豆更於臼中杵之以白飲和服強人半錢弱者減之病在膈上者必吐在膈下必利不利進熱粥一杯利不止進冷粥一杯身熱皮粟不解

傷寒論集註

卷二

三

欲引衣自覆者以水嚥之洗之益令熱却不得去當

汗不汗則煩假令汗出已腹中痛與芍藥三兩大訥按柯韻伯曰太陽表熱未除而反下熱邪與寒水相結成熱實結胸太陰腹滿時痛而反下之寒邪與寒藥相結成寒實結胸無熱證者不四肢煩疼也名曰三白者三物皆白別於黃連小陷胸也若作三物陷胸投之恐陰盛則亡矣况黃連巴豆寒熱天淵豈不誤人又曰貝母主療心膈鬱結桔梗能開提氣血利膈寬胸然非巴豆之辛熱斬關而入何以勝硝黃之苦寒使陰氣流行而成陽也白飲和服者甘以緩之取其留戀於胸中不使速下耳散者散其結塞比湯以蕩之更精

太陽與少陽併病頭項強痛或眩冒時如結胸心下痞鞭者當刺大椎第一間肺俞肝俞慎不可發汗發汗則譫語脉弦五六日譫語不止當刺期門肝與胆合刺肝俞瀉少陽之太

引故母攻下以犯胃氣邪不在表故母發汗以犯上焦邪未滿結故母刺期門以犯中焦必自愈者以經行則熱隨血去何以發汗為犯上焦發汗則動衛氣衛氣出上焦故也何以刺期門為犯中焦刺期門則動營氣營氣出中焦故也。尤怡潛居錄曰第一條是血室空而熱乃入空則熱不聚而游其部故胸脇滿第二條熱邪與血俱結於血室血結亦能作寒熱柴胡亦能去結血不獨和解之謂矣第三條是熱邪入而經尚行經行則熱亦行而不留故必自愈

傷寒六七日發熱微惡寒支節煩疼微嘔心下支結外

證未去者柴胡桂枝湯主之

支節四肢之節也心下支結邪結於心下之兩旁在少陽之分也發熱至微嘔太陽之表所謂外證未去也此條以小柴胡為主治以太陽之邪未去故合桂枝以和解之

柴胡桂枝湯方

傷寒論集註 卷二

柴胡 四兩

黃芩

人參

桂枝

芍藥 各一兩半

半夏 二合

甘草 一兩

生薑 一兩

大棗 六枚

右九味以水七升煮取三升去滓溫服

傷寒五六日已發汗而復下之胸脇滿微結小便不利

渴而不嘔但頭汗出往來寒熱心煩者此為未解也柴

胡桂枝乾薑湯主之

傷寒五六日已經汗下則當解今胸脇滿微結三陽之邪留滯於上中二焦也小便不利膀胱不清也渴而不嘔胃熱而氣不逆也頭汗出者三陽之熱甚於上而氣不下行也往來寒熱心煩者少陽之邪出入不常也此為未解也柴胡黃芩除往來之寒熱桂枝甘草和未罷之表邪牡蠣之鹹以輻其結乾薑之辛以散其滿括蕒根苦以滋其渴涼以徹其熱此三陽平解之法也

柴胡桂枝乾薑湯方

柴胡 半斤

桂枝

乾薑

黃芩

牡蠣 三兩

甘草 二兩

括蕒根 四兩

右七味以水一斗二升煮取六升去滓再煎取三升

溫服一升日三服初服微煩復服汗出便愈

傷寒五六日頭汗出微惡寒手足冷心下滿口不欲食

大便鞭脈細者此為陽微結必有表復有裏也脈沉亦

在裏也汗出為陽微假令純陰結不得復有外證悉入

在裏此為半在裏半在外也脈雖沉緊不得為少陰病

所以然者陰不得有汗今頭汗出故知非少陰也可與

傷寒論集註 卷二

重

小柴胡湯設不了了者得屎而解

三陽入胃為陽結惟微結三陰入胃為陰結不難外證謂之純陰微結三陽微結三陰微結此條是少陽併陽明為陽微結之證因有少陰純陰結之疑故反覆辨之也傷寒五六日是少陰發病之期微惡寒手足冷是少陰之證脈細是少陰之脈脈法曰不能食大便反鞭名曰陰結今少陽陽微亦不欲食而大便鞭陰陽疑似幾於辨之無可辨矣惟頭汗一證與少陰絕異陽主五液入心為汗少陰受病液不上升不得有汗此為陽微結者以陽微假令純陰結何得復有外證當悉入在裏矣此則半在裏半在外也既半在外雖得少陰脈之沉緊終不得為少陰病況今之脈細乎總之握機在有汗也而汗祇在頭又非少陰亡陽之通身汗出故知非少陰也於少陰脈證之中反覆推詳頭汗之義可與小柴胡湯而無疑矣和之而不了了當消息胃實而為治或自得大便而解脈沉脈沉緊因脈細推言之也

傷寒五六日嘔而發熱者柴胡湯證具而以他藥下之

柴胡證仍在者復與柴胡湯此雖已下之不爲逆必蒸  
蒸而振却發熱汗出而解若心下滿而鞭痛者此爲結  
胸大陷胸湯主之但滿而不痛者此爲痞也柴胡不中  
與之宜半夏瀉心湯太陽誤下則成結胸與痞此柴胡證仍在者義與前條無異若柴胡證罷亦有結胸與痞之變前賢有謂誤下之後重則成結胸輕則成痞者此之謂也其心下滿而鞭痛者此爲結胸大陷胸湯主之矣其但滿而不痛者此爲痞則宜半夏瀉心湯黃連爲君苦入心以泄之黃芩爲臣降陽而升陰也半夏乾薑之辛溫爲使辛能散結也人參甘草大棗之甘以緩中而益脾胃之不足使氣得平上下升降陽和而邪誤下散矣然則半夏瀉心湯者乃瀉其半表半裏之邪誤下成痞大便自通者用之也

傷寒論集註

卷二

三

半夏瀉心湯方

半夏半升

黃芩

乾薑

人參

甘草炙各三兩

黃連一兩

大棗十二枚擘

右七味以水一斗煮取六升去滓再煮取三升溫服

一升日三服王又原曰此即小柴胡湯以乾薑易生薑以黃連易柴胡耳小柴胡以和表裏

此以微上下而必推半夏爲君者痞從嘔得來辛以破結主病之藥也

太陽少陽併病而反下之成結胸心下鞭下利不止水

漿不下其人心煩太陽之邪結於胸則心下鞭少陽之邪入於腸胃則下利不止結胸下利

兩虛其胃故水漿不下而心煩太陽少陽併病當刺大椎肺俞肝俞一則曰不可發汗發汗則譫語脈弦是藏語脈弦者誤汗之變也再則曰慎勿下之此條乃出其誤下之變也。常器之曰可半夏生薑二瀉心湯。大訥按喻嘉言曰誤下之變乃至結胸下利上下交征水漿不入心煩待斃傷寒顧可易言治哉併病即不誤用

汗下已如結胸心下痞硬矣况加誤下乎此比太陽一經誤下之結胸殆又甚焉其人心煩似乎不了之語然仲景太陽經謂結胸證悉具煩躁者亦死意者謂此其人心煩者死乎

太陽中風下利嘔逆表解者乃可攻之其人黎黎汗出

發作有時頭疼心下痞鞭滿引脇下痛乾嘔短氣汗出不惡寒者表解裏未和也十棗湯主之中風之人痰飲陰氣不得上升則下利上焦陽氣不得下降則嘔逆是當以十棗湯攻之而必俟其表解也其人黎黎汗出而不惡寒表已解矣心下痞鞭滿引脇下痛乾嘔短氣則邪熱協飲而裏未和也主之以十棗湯郭白雲曰十棗湯太峻後人未易用當抵櫛湯代之。魏氏本義曰太陽陽明之交必辨表裏而施汗下與此無二理也但陽明之在裏宜下爲邪熱與糟粕相結爲實此之在裏宜下爲邪熱與水飲相結爲虛是大不同也黎黎汗出發作有時八字作一句讀言有時汗出有時無汗也中風汗止則邪衰傷寒得汗則邪散有表無表已見一斑矣

傷寒論集註

卷二

三

猶恐水飲上衝之頭痛誤爲在表之頭痛必於汗出不惡寒審之而後無表證爲大明矣再徵諸裏證何以見其與結胸胃實異耶心下滿而鞭痛者爲結胸今心下痞而痛在脇下則非結胸可知下利則非胃實可知所以同爲在裏宜下而十棗湯之下法迥異

十棗湯方

芫花熬

甘遂

大戟

大棗十枚擘

右三味等分各別搗爲散以水一斗半先煮大棗

肥者十枚取八合去滓內藥末強人服一錢七弱人

服半錢溫服之平旦服若下少病不除者明日更服

加半錢得快下利後糜粥自養大訥按周禹載曰心下痞鞭滿脇下痛水

飲迫處上中二焦衛氣不固正氣阻逆故嘔汗短氣不惡寒所由來也於是芫花消胸中痰水者爲主

治甘遂大戟之主五水十二水者為臣大棗之佐十  
二經者為佐既和藥性復補中氣使所積之飲席卷  
而下尚虞有  
膠滯之患耶

太陽病醫發汗遂發熱惡寒因復下之心下痞表裏俱  
虛陰陽氣並竭無陽則陰獨復加燒鍼因胸煩面色青

黃膚瞶者難治今色微黃手足溫者易愈太陽病始初發汗不如法

徒虛其表而邪不除因復誤下致心下痞原其成痞之  
故以汗而表虛以下而裏虛則表裏俱虛也雖曰裏陰  
表陽之氣並竭要其所以謂之痞者實由心下無陽陰  
獨痞塞也痞者否也天地不交之謂也於此不思傾否  
之法而復加燒鍼擾其陽切其陰更致胸煩也使其人  
面色青黃膚瞶動陽氣大虛則為難治若面色微黃手  
足溫陽氣得復則為易愈蓋始之發汗一誤中之下之  
再誤也終而燒鍼三誤也其誤治同變痞同而難治與  
易治有不同則人有強弱衰旺之不同此非人力所能  
為惟是施治之初慎勿令誤則醫者之責不可他諉也

傷寒論集註 卷二 二

脈浮而緊而復下之緊反入裏則作痞按之自濡但氣

痞耳脈浮而緊寒邪在表也宜汗之而反下之緊脈之邪反入於裏此痞之所由作也濡言不鞭不痛而

柔軟也痞言氣隔不通而否塞也此

揭痞證之源為諸瀉心湯作元起耳

心下痞按之濡其脈關上浮者大黃黃連瀉心湯主之

關上脈所以候心胸也結胸熱實則關沉今虛熱之氣  
聚於心下故心下痞按之軟其脈關上浮也以無惡寒  
知其表解可攻痞也大黃黃連二物瀉以疎熱去滯  
但借二黃無形之氣不用其有邪之味是泄虛熱以傾  
蓋關上脈浮其陽勃動欲動是陽為陰格也故仲景名  
之曰氣痞痞者陽也若以陽藥濟之陽益浮於上不幾  
成關格之證乎惟急瀉其陰而陽亦隨之而降陰邪凝  
結者去而真陽於是乎流布矣即關格證中進退黃連  
湯之意也。大瀉按傷寒下之太早心下痞者寒不足邪  
於營血也心主血邪入其本故成心下痞心氣不足邪  
熱客之以苦瀉其熱即以其苦補其心一舉兩得仲景之

法誠神矣哉又按王宇泰曰結言胸痞言心下結言按  
之石鞭病言按之濡結言寸浮關沉痞不言寸但曰關  
上浮可以知二病之分矣。又按金鑑註曰此承上條  
以互明之也按之自濡但氣痞耳心下痞按之不濡為  
可攻之熱痞也然其脈關上不沉緊而浮則是所結之  
熱亦淺未可峻攻也故以大黃黃連瀉心湯主之又曰  
按濡字上當有字若按之濡乃虛痞也補之不暇豈  
可用大黃瀉之之理乎

大黃黃連瀉心湯方

大黃 二兩 黃連 一兩

右二味以麻沸湯二升漬之須臾絞去滓分溫再服

大黃黃連之苦寒以導瀉心下之虛熱但以麻沸湯漬

服者取其氣薄而泄虛熱尤氏潛居錄曰成氏所謂虛熱者對燥屎言也蓋熱邪與糟粕相結為實熱不與糟粕相結為虛熱本方用二黃而不用枳朴等益以泄熱非以瀉實也

傷寒論集註 卷二 二

心下痞而復惡寒汗出者附子瀉心湯主之心下痞虛惡寒汗出本為表證此則表既解而復惡寒汗出是為陽氣外虛另煎附子汁和服率領二黃以瀉心而瀉熱

之中實具回陽之力故以附子名湯其脈關上浮則與  
上條同也。建安許氏曰此方後人添入黃芩非也黃  
連瀉心氣大黃引之下泄惡寒則加附子故無黃芩也  
。王又原曰心下痞惡寒者表未解也當先解表而後  
攻痞今心下痞而復惡寒汗出為續見之證明係陽氣  
外亡急當固陽附子則煮汁者取二黃之氣輕附子之  
力重也胃居心下不曰瀉胃而曰瀉心恐誤

以治陽明之法治之也此仲景之微旨也

附子瀉心湯方

大黃 二兩 黃連 一兩 附子 一枚炮去皮破

右大黃黃連二味如前條以麻沸湯漬須臾絞去滓

內附子汁分溫再服從許氏削去黃芩以復古方

附子 一枚炮去皮破

八片別煮取汁

本以下之故心下痞與瀉心湯痞不解其人渴而口燥煩小便不利者五苓散主之本以下之而成痞但其人其水飲內蓄津液不行而心下痞非熱痞也故主之以五苓散若以瀉心之法治之不解也。大訥按別本解有云本以下之早故成心下痞如係結熱成實之病則宜大黃黃連瀉心湯以寒攻之也如係外寒內熱之病則宜附子瀉心湯散飲之法也如係虛熱而嘔之病則宜生薑瀉心湯折逆之法也如係虛熱而嘔之病則宜甘草瀉心湯緩急之法也今以諸瀉心湯審證與之而證不解則審其人若渴而口燥心煩小便不利者非辨病不解耳宜五苓散外發內利汗

傷寒汗出解之後胃中不和心下痞鞭乾噦食臭腸下有水氣腹中雷鳴下利者生薑瀉心湯主之胃為水穀之主陽氣

傷寒論集註 卷二

三

之根傷寒大出汗後外亡津液所以胃中空虛客氣上逆心下痞鞭也胃虛則不能消穀故令乾噦食臭土弱則不能制水故腸下有水氣腹中雷鳴下利也與瀉心湯以傾痞君生薑以益胃

生薑瀉心湯方

生薑四兩切 甘草炙

人參 黃芩各三兩

半夏半升洗 乾薑 黃連各一兩 大棗十二枚擘

右八味以水一斗煮取六升去滓再煎取三升溫服

一升日三服

傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣

上逆故使鞭也甘草瀉心湯主之邪方在表醫反下之也下利完穀腹鳴嘔煩皆為誤下胃虛之咎正恐醫者不知以為結熱而復下之其病必益甚故重以胃中虛客氣上逆昭揭病情而瀉心湯中去生薑而君甘草義有攸當也。復下之謂用大黃黃連瀉心湯也。魏氏本義曰痞鞭而滿腹鳴下利陰沉於下也乾嘔心煩不得臥陽浮於上也法仍用二黃以瀉心而主以甘草佐以大棗甘不益滿而反以治滿補其中心虛也乾薑半夏救屢下虛寒之誤而痞之為痞自除

甘草瀉心湯方

甘草四兩 黃芩 乾薑 人參各三兩

半夏半升洗 黃連一兩 大棗十二枚擘

右七味以水一斗煮取六升去滓再煎取三升溫服

一升日三服建安許氏內臺方有人參但去生薑今從之。大訥按方解曰方以甘草命名

傷寒論集註 卷二

三

者取和緩之意也用甘草大棗之甘補中之虛緩中之急半夏之辛降逆止嘔芩連之寒瀉陽陷之痞熱乾薑之熱散陰凝之痞寒緩中降逆瀉痞除煩寒熱並用也

傷寒服湯藥下利不止心下痞鞭服瀉心湯已復以他藥下之利不止醫以理中與之利益甚理中者理中焦

此利在下焦赤石脂禹餘糧湯主之復利不止者當利

其小便湯藥即下藥也誤下而利不止心下痞鞭服瀉心湯則可已承上條言之也反以他藥下之不能與心中之痞毫無干涉且使開關盡徹利無休止醫以理中與之欲以開痞止利而利益甚理中者治中焦

虛寒下利者也此利在下焦不約赤石脂禹餘糧固脫而重修其關開而猶復不止則是勝脫不滲而水穀不

別也利其小便則無餘治矣節尚論篇文

赤石脂禹餘糧湯方

赤石脂禹餘糧湯方

赤石脂一斤

禹餘糧一斤

右二味以水六升煮取三升去滓日三服

大誦按周禹載日利

在下焦何以必取石脂餘糧乎赤脂甘酸辛大溫主下利赤白能治大腸寒滑則收之中有散也餘糧甘寒亦主利赤白療小腸結痛則降之中有石性本沉并可去心下之痞硬也又按柯韻伯曰甘薑參朮可以補中宮元氣之虛而不足固下焦脂膏之脫此利在下焦未可以理中之劑收功也然大腸之固仍責在胃關門之不緊仍責在脾此二味皆土之精氣所結能實胃而泄腸蓋急以治下焦之標者實以培中宮之本也要之此證是土虛而非火虛故不宜於薑附若水不利而濕甚復利不止者則又當利其小便矣

傷寒吐下後發汗虛煩脈甚微八九日心下痞鞭脇下

痛氣上衝咽喉眩冒經脈動惕者久而成痙

治傷寒吐下發汗混

傷寒論集註

卷二

三

施前有苓桂朮甘湯之法矣此則陰虛而證增心煩陽亡而脈轉甚微於此失治至八九日後心下逆滿者變為痞鞭更加脇下作痛厥逆之氣上衝咽喉入高顛則頭目眩冒津液散亡痰飲團結久不能榮養經脈向之身為振搖者今至經脈動惕矣雖云上盛下虛實則正虛邪踞兩足必先痿廢謂當對病急治不可因循以釀成痙疾

傷寒發汗若下若吐解後心中痞鞭噫氣不除旋復代

赭石湯主之

大邪雖解以曾發汗吐下胃氣弱而伏飲上逆故心下痞鞭噫氣不除用法以養正

而兼散餘邪大意重在噫氣不除上蓋以胃氣上逆有升無降代赭領人參甘草下行以鎮安其氣微加旋復半夏生薑大棗散邪滌飲以共濟於大寧

旋復代赭石湯方

旋復花 三兩 人參 二兩

半夏 半升

代赭石 一兩

甘草 三兩

生薑 五兩

大棗 十二枚

右七味以水一斗煮取六升去滓再煎取三升溫服

一升日三服 羅天益曰汗吐下解之後邪雖去而胃氣已虧矣胃氣既虧三焦因之失職清無所歸而不升濁無所納而不降是以人參甘草飲為逆故心下痞鞭噫氣不除也方中以人參甘草養正補虛生薑大棗和脾養胃所以安定中州者至矣更以代赭石之重使之斂浮鎮逆旋復花之辛用以宣氣滌飲佐人參以歸氣於下佐半夏以蠲飲於上濁降則痞鞭可消清升則噫氣可除矣觀仲景治少陰水氣上凌用真武湯鎮之治下焦滑脫不守用赤石脂禹餘糧湯固之此胃氣虛而失升降復用此法理之則胸中轉否為泰其為歸元固下之法各極其妙如此

下後不可更行桂枝湯若汗出而喘無大熱者可與麻

黃杏子甘草石膏湯

下後不可更行桂枝湯以無桂枝證也前章下後微喘者桂枝湯內

傷寒論集註

卷二

三

加厚朴杏子以桂枝證具也。汗出無大熱熱勢已解而猶喘者邪獨盛於肺乎

太陽病外證未除而數下之遂協熱而利利下不止心

下痞鞭表裏不解者桂枝人參湯主之

表未解者辛以散之裏不足者

甘以緩之此以裏氣大虛所以表裏不解加桂枝於理中湯是又兩解之一法也大柴胡湯瀉也桂枝人參湯補也皆治下利心下痞鞭虛實補瀉之間宜精思而審處之

桂枝人參湯方

桂枝 四兩

人參

白朮

乾薑 各三兩

甘草 四兩

右五味以水九升先煮四味取五升內桂枝更煮取

三升溫服一升日再夜一服

傷寒大下後復發汗心下痞惡寒者表未解也不可攻  
痞當先解表表解乃可攻痞解表宜桂枝湯攻痞宜大  
黃連瀉心湯內經曰從外之內而盛於內者先治其  
外而後調其內故表未解者不可攻痞  
也然傷寒汗後未解之表與傷寒病初之表不同宜用  
桂枝解肌固衛之法解其不為汗衰之表表解已後乃  
以大黃黃連瀉心湯泄其  
心下之痞斯為合法矣

傷寒發熱汗出不解心下痞嘔吐而下利者大柴胡  
湯主之發熱汗出則表證未解心下痞嘔吐在胃口  
不在胃中嘔吐亦屬半表半裏下利則地道已  
通大柴胡兩解表裏然  
中不用大黃其理曉然

病如桂枝證頭不痛項不强寸脉微浮胸中痞鞭氣上  
衝咽喉不得息者此為胸有寒也當吐之宜瓜蒂散痰

傷寒論集註 卷二

三

內動身有汗而發熱惡寒全似桂枝證但頭不痛項不  
强太陽經中無外入之風寒明非桂枝證也寸候身半  
以上微浮邪自內出滯於胸中也痰飲塞膈則胸為痞  
鞭氣上衝咽喉不得息痰壅上焦聲如曳鋸也寒以痰  
言吐胸中之痰以瓜蒂散者瓜蒂苦寒能吐頑痰而快  
膈小豆酸平善湯風涎而逐水香豉起信潮汐佐二物  
而主治稀糜則又承載二物之舟楫所以  
為吐寒痰之對藥在上者因而越之也

瓜蒂散方

瓜蒂 一分 熬黃

赤小豆 一分

右二味各別搗篩為散已合治之取一錢匕以香豉  
一合用熱湯七合煮作稀糜去滓取汁和散溫頓服  
之不吐者少少加得快吐乃止諸亡血虛家不可與

瓜蒂散

病脇下素有痞連在臍旁痛引少腹入陰筋者此名臍  
結死素宿昔也臍旁陰分也病人有宿昔之痞連在臍  
旁傷寒外邪入裏與之相結其痛可知引小腹而  
入陰筋邪結腎肝之臟而仍  
不可攻所以於法為死也

傷寒病若吐若下後七八日不解熱結在裏表裏俱熱  
時時惡風大渴舌上乾燥而煩欲飲水數升者白虎加

人參湯主之傷寒吐下後七八日不解者以熱結在裏  
所以表熱不除故云表裏俱熱與發熱無  
汗之表熱不同也時時惡風者汗後表罷時時有惡風  
之意與表證之惡風寒不同也况舌上乾燥而煩大渴  
欲飲水數升者明是白  
虎湯證其得而拘泥乎

傷寒無大熱口燥渴心煩背微惡寒者白虎加人參湯  
主之無大熱猶前條之表熱也口燥渴心煩即前條之  
熱結在裏也背為人身至陰之地雖表退尚有餘  
寒與前條之惡風同義主之  
以白虎湯亦不得拘泥也

傷寒論集註 卷二

三

傷寒脉浮發熱無汗其表不解者不可與白虎湯渴欲

飲水無表證者白虎加人參湯主之此承上二條為白  
虎湯審慎之意脉  
浮而不滑發熱無汗風寒之表在也則不可與渴欲飲  
水該燥煩說無表證謂無惡寒無汗頭身疼痛等證非  
謂表無熱也大意與  
上條同故主治不異

太陽少陽併病心下鞭頸項强而眩者當刺大椎肺俞

肝俞慎勿下之前太少二陽併病既云不可發汗蓋以  
發汗偏攻太陽則邪歸少陽木邪干胃  
而作譫語脉弦當刺肺俞肝俞以瀉二經之邪斯為正  
治此條又揭太少之見證而治法與前條同特戒切勿  
下之以見下之  
則證成危惡也

太陽與少陽合病自下利者與黃芩湯若嘔者黃芩加



半夏生薑湯主之治病以偏重者為主太陽陽明合病少陽合病自利裏證為多可與承氣湯下之此太陽之一氣也下奪則利上逆則嘔若嘔者加半夏生薑以散逆氣參成氏註柯韻伯曰太陽少陽合病是熱邪已入少陽之裏膽火上遊移熱於脾故自下利與黃芩湯酸苦相濟以存陰也熱不在半表故不用柴胡熱已入半裏故用黃芩主之雖下利非胃虛故不須人參兼痰飲則嘔故仍用半夏生薑○栢鄉魏氏曰太少合病其利與黃芩湯受其邪其少陽邪多者風木干於胃土則下利與黃芩湯以苦洩少陽之邪而陽明得下行其太辛散太陽之邪而陽明不上逆此黃芩即治協熱利之法使邪或從上越或自下洩耳

黃芩湯方

黃芩 三兩

芍藥

甘草 炙各二兩

大棗 十二枚擘

傷寒論集註

卷二

美

右四味以水一斗煮取三升去滓溫服一升日再夜

一服

黃芩加半夏生薑湯方

於黃芩湯內加半夏半升生薑一兩半餘依前法

傷寒胸中有熱胃中有邪氣二句腹中痛欲嘔吐者

黃連湯主之下焦之陰氣不升而獨治於下為下寒所謂胃中有邪氣也故腹中痛上焦之

陽氣不降而獨治於上為胸中熱所謂胸中有熱也故欲嘔吐上熱者泄之以苦黃連之苦以降陽下寒者散之以辛薑桂半夏之辛以升陰人參甘草大棗之甘以益胃參成氏註程郊倩曰熱在胸中有煩躁鬱悶之證可知胃中反有邪氣以寒邪被格在下故也此證寒熱俱有較之大青龍之寒熱已向近裏一層故其證不見之表裏際而見之上下際陰不得上而腹中痛陽不得降而欲嘔吐此為上下相格則治法亦寒熱並施辛

寒易以苦寒辛熱加以苦熱更用人參半夏以補宣中氣升降陰陽自此條而互及瀉心諸湯皆其法也

黃連湯方

黃連

乾薑

甘草

人參 二兩

半夏 半升洗

大棗 十二枚擘

右七味以水一斗煮取六升去滓溫服一升日三服

夜二服

傷寒八九日風濕相搏身體疼煩不能自轉側不嘔不

渴脈浮虛而瀉者桂枝附子湯主之煩者風也身疼不

嘔不渴無裏證也經曰風則浮虛又曰脈來瀉者為病

寒濕今脈得浮虛而瀉身有疼痛知風濕在經也桂枝

附子湯散表風濕是以主之節成氏註○大訥按程

扶生曰濕與風相搏流入關節身疼極重而無頭痛嘔

渴等證脈浮虛者風也瀉者寒濕也風在表者散以桂

枝甘草之辛甘濕在經絡者逐以附子之辛熱薑棗辛

甘行營衛通津液以和表蓋陽虛則濕不行溫經助陽散濕多藉附子之大力也

桂枝附子湯方

桂枝 四兩

附子 三枚炮去皮

甘草 二兩

右五味以水六升煮取三升去滓分溫三服

若其人大便鞭小便利者去桂枝加白朮湯主之論

言傷寒則寒該風言風濕則風該寒是風寒濕三氣合

而成痺也風為濕滯不得獨行於表濕為風持不能純

淫周身而為煩疼重著之病此浮虛而瀉之脈所由來

也治用桂枝湯易芍藥以附子散風濕之在經疾驅而

迅掃之若大便鞭小便利者濕雖盛而津液自滲大



便之類非關胃實桂走津液故去之加白木引津液還入胃中使風無所戀用木以燥濕即藉木以滋乾也。趙以德曰自病而察藥自藥而審病因知身之不能自轉側者非惟濕邪所致亦為陽氣不充筋脈無養故動之不能也欲去陽氣不充之濕者必以辛熱氣味之藥則可補其陽而逐其濕與治寒濕同法是證之用附子殆以此歟於是雖大便堅而非結熱者亦宜之如後條身痛不能屈伸用附子甘草湯治者亦此意。

風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之。

成氏曰風濕相搏兩邪亂經故骨節疼痛掣痛出短氣惡風不欲去衣為風在表濕勝則水氣不行小便不利或身微腫為濕外薄也甘草附子湯散濕而固衛。按此方即前桂枝湯仍不去桂但去薑棗為汗出更不發之仍加白木以去濕收汗也前條之風濕相搏有傷寒為根脚此條之風濕相搏屬在兩停甘草附子湯乃祛風勝濕平治之法也。

傷寒論集註

卷二

彙

甘草附子湯方

甘草

白木

各二兩

附子

二枚炮

桂枝

四兩

右四味以水六升煮取三升去滓溫服一升日三服

初服得微汗則解能食汗出復煩者服五合恐一升

多者宜服七八合

傷寒脉浮滑此表有熱裏有寒白通湯主之

舊作白虎湯今從宋本玉函經訂正玉函經有王叔和注云一作白虎湯者誤。白通湯方見少陰篇。大誦按傷寒脉浮滑表熱裏寒而用白虎湯必有誤字前賢諸解曲為回護終屬未妥蓋表熱是外未解裏寒是裏未解何可用白虎治之也如太陽病發汗後大汗出胃中乾煩躁不得眠欲飲水者少少與之胃氣和則愈此時方可用白虎又如脉浮小便不利微熱而渴者五苓散主之以其未成實熱上焦乾燥故少與水以潤之攻守調和如此細密謹

論此裏寒之證敢用白虎湯乎考之補亡論郭白雲曰當是白通湯之誤誠哉有見

傷寒脉結代心動悸炙甘草湯主之

成氏曰結代之脉動而中止能自還者名曰結不能自還者名曰代由氣血虛衰不能相續也心中動悸知真氣內虛也炙甘草湯益虛補氣血而復脉亦曰

復脉湯

炙甘草湯方

甘草

四兩

人參

二兩

桂枝

三兩

生地

一斤

麥冬

半升

阿膠

二兩

生薑

三兩

大棗

十二枚

麻子仁

半斤

右九味以清酒七升水八升先煮八味取三升去滓

內膠烱消盡溫服一升日三服

傷寒論集註

卷二

彙

脉按之來緩而時一止復來者名曰結又脉來動而中

止更來小數中有還者反動名曰結陰也脉來動而中

止不能自還因而復動名曰代陰也得此脉者必難治

此釋上條結代之脉中有還者反動反動者復來也中有還言本臟之自還也代不能自還因而復動他臟代之動也。成氏曰結代之脉一為邪氣留結一為真氣虛衰脉來動而中止若能自還更來小數止是邪氣留結名曰結陰若動而中止不能自還因其呼吸陰陽相引復動者是真氣衰極名曰代陰為難治之脉經曰脉結者死代

病欲吐者不可下

者死

太陽病有外證未解者不可下下之為逆

此二條是太陽病中行之此於早下之禁而申言之重致叮嚀之意也夫所謂治病之道者即其病之所在從而療理之求

所以去之之謂也如病在外而求之內於理則爲逆經曰從外而之內者治其外正謂此也○大論按此條別本原文於下之爲逆之下有欲解外者宜桂枝湯主之二句係原文未可刪也宜增之程交倩曰若下後外證未解者仍當解外有是證用是藥不可以既下而遂謂桂枝湯不中與也

傷寒論集註卷第二終

罕

傷寒論集註卷三

東吳徐

大訥吳士

長洲蔣

榮誦先甫參校

漢張機仲景著

姪秉鈞衡望

男維鈞衡範參閱

辨陽明脈證并治法

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便難是也

傷寒論集註卷三

玉照堂

他經首條皆揭本經之證或並載其脈陽明篇首獨不然者陽明以攻下爲正治而太陽少陽俱有攻下之禁則所謂太陽陽明正陽陽明少陽陽明者不得不設問答以明其義也太陽陽明者其人脾臟素強腸胃燥結三五日所受之穀省約至一二彈丸而出風寒一犯太陽即熱燥津液不待傳變便當以丸藥潤之此乃病之陽見不在傳經之常例也惟正陽陽明乃是熱歸胃腑當爲陽明之正治者也若少陽陽明者邪傳少陽經之得法木邪干胃轉入陽明之腑而成燥實亦非傳經之正也三者並提而問平分而答口氣之中自具低昂而然矣○大論按夫傳經傷寒之常也如太陽病不傳陽明而即傳入胃者太陽陽明也少陽病不傳三陰而竟傳入胃者少陽陽明也成氏曰胃爲水穀之海主養四旁四旁有病皆歸於胃入胃則更不復傳夫曰入胃即是入府絕無表證但見燥煩胃實識語而已攻之自愈

陽明之爲病胃家實也

此條乃正揭陽明之爲病也○柯韻伯曰胃家實不是竟指燥

屎堅鞭只對下利言下利則胃家不實矣又曰胃家之實有風寒外來熱不得越而實者有妄汗吐下重亡津液而實者有從本經熱盛而實者有從他經轉屬而實者此但舉其病根在實而勿得以胃實即為可下之證

問曰何緣得陽明病答曰太陽病發汗若下若利小便

此亡津液胃中乾燥因轉屬陽明不更衣內實大便難

者此名陽明也

此言太陽治不得法亡津液而轉屬陽明至胃家實者也古人入廁必更衣故不大便日

問曰陽明病外證云何答曰身熱汗自出不惡寒反惡

熱也

陽明病外證云何猶曰胃家實之外證云何爾身熱汗自出不惡寒反惡熱是陽明內熱外達之表證非中風傷寒之表證只因有胃家實之病根故見證如此然此但言病機發見非即可下之證也

問曰病有得之一日不發熱而惡寒者何也答曰雖得

傷寒論集註卷三 玉照堂

之一日惡寒將自罷即自汗出而惡熱也

陽明病當二日受之亦有得之一日者不從太陽轉入也陽明當身熱汗自出不惡寒今得之一日不發熱而惡寒者陽明初受風寒與太陽同也惡寒將自罷即自汗出而惡熱者

表寒既散不終日而即顯胃家實之外證也

問曰惡寒何故自罷答曰陽明居中主土也萬物所歸

無所復傳始雖惡寒二日自止此為陽明病也

惡寒自入腑之機因此發明陽明中土為萬物所歸三陽三陰皆有入胃之理而後收轉本章惡寒自罷之本旨也

本太陽初得病時發其汗汗先出不微因轉屬陽明也

此由太陽發汗不微而轉屬陽明者也

傷寒發熱無汗嘔不能食而反汗出濇濇然者是轉屬

陽明也

發熱無汗嘔不能食太陽傷寒也而反汗出濇濇然者此太陽自轉屬陽明者也濇濇濕潤貌。

大訥按反汗出之反字應作後字看蓋始而無汗其後轉入陽明方始濇濇然汗出義甚明顯無可疑也

傷寒三日陽明脉大

此補揭陽明之脉也陽明氣血俱多又邪并於經是以脉大二日陽

明當受邪此云三日則太陽已過脉必不浮若涉少陽

則脉又兼弦故特著之曰傷寒三日陽明脉大其實不

以日數拘也。柯韻伯曰陽明傷寒祇在一二日即寒

去熱生三日見陽明之脉大則全無寒氣便是陽明之

病熱而非復前日之傷寒始雖由於傷寒

今不得再稱傷寒以傷寒之劑治之矣

傷寒脉浮而緩手足自溫者是為繫在太陰太陰者身

當發黃若小便自利者不能發黃至七八日大便鞭者

為陽明病也

傷寒脉浮緩渾似太陽中風之脉乃不以脉主四末手足溫者脾陰之中具有胃陽也陽明氣

盛則太陰不顯故表而出之曰是為繫在太陰脾臟相

連濕熱相併當發身黃以小便利利不能發黃至七八

日大便鞭者轉屬陽明也浮緩之脉當轉為沉大手足

傷寒論集註卷三 三

之溫且濇然汗出矣此太陰入胃之明文謂之太陰陽明可也

傷寒轉屬陽明者其人濇濇然微汗出也

傷寒則無汗傷寒而轉屬陽明故其人濇濇然微汗出也此申設轉屬陽明者以起下條陽明有自受之風寒也

陽明中風口苦咽乾腹滿微喘發熱惡寒脉浮而緊若

下之則腹滿小便難也

陽明中風發熱惡寒脉浮而緊在表之風邪方盛而口苦咽乾腹滿微喘已見陽明之熱證以有胃家實之根源在內也於此不行解表而裏之法而反下之則邪入裏而腹

加滿亡津液而小便難是引邪入室而胃實成矣

陽明病能食名中風不能食名中寒

風則傷衛寒則傷營猶之太陽而陽明又以食為辨者以胃為水穀之海也衛屬陽邪中陽陽能殺穀故能食營屬陰邪入陰陰不殺穀故

不能食

陽明病若中寒不能食小便利手足澀然汗出此欲作固瘕必大便初鞭後溏所以然者以胃中冷水穀不別故也陽明中寒則寒不殺穀故不能食津液不化故小便難陽明法多汗此手足汗而身無汗以胃中冷因欲作固瘕初鞭後溏也久而不止為固瘕錄曰不下利故得稱陽明病而不在太陰之徵但以中寒陰手足澀然汗出大便已鞭胃中已實之徵但以中寒陰病而又小便利不利則是胃有堅積而水寒漬之所以知其欲作固瘕胃中成聚傳為久泄也。常器之曰可理中湯

陽明病欲食小便利反不利大便自調其人骨節疼翕翕如有熱狀奄然發狂澀然汗出而解者此水不勝穀氣

與汗共併脈緊則愈風為陽邪胃得之而益熱則消穀而骨疼大便自調則熱不結聚而散漫於身翕翕如有熱狀以其胃強脈健開發有力忽然狂作而濕與熱隨

傷寒論集註

卷三

四

汗而并得解散不失為胃家實也。尤怡潛居錄曰中寒陰病雖有堅屎而仍作固瘕中風能食雖有水寒而忽從汗散觀此可以知陰陽病變之機此條疑是風濕為痺之證金匱云濕痺之候小便不利大便反快又濕病關節疼痛而煩是也奄然發狂者胃中陽氣勝經所謂怒狂出於陽也澀然汗出者穀氣內盛汗出於穀也水寒不能勝之則隨汗外出故曰與汗共并汗出邪散則脈緊亦解故曰脈緊則愈

陽明病欲解時從申至戌上土旺於申酉戌

陽明病不能食攻其熱必噦所以然者胃中虛冷故也

以其人本虛故攻其熱必噦陽明中寒故不能食雖有熱象不可妄攻攻之必噦

以其人本虛又攻其熱故令噦也胃中虛冷亦得稱陽明病者以其有身熱汗自出不惡寒反惡熱之熱象在也。大納按凡人得熱病若飲食素少胃氣素弱者皆不可以大攻不獨陽明病之不能食者也

陽明病脈遲食難用飽飽則微煩頭眩必小便利難此欲

作穀瘕雖下之腹滿如故所以然者脈遲故也陽明中食矣以其人脈遲故難用飽飽則消融不及而食煩風眩若小便利不能發黃今津液不化而小便難穀與濕熱相并將蒸身為黃欲作穀瘕則腹已滿下之徒去其糟粕腹滿如故雖誤下濕家不至陷入太陰而下利故得為陽明病亦不失為胃家實也。常器之曰可五苓散散郭白雲曰已發黃者茵陳蒿湯

陽明病法多汗反無汗其身如虫行皮中狀者此以久虛故也陽明主肌肉腠理開發法當多汗今無汗寒邪者明其所以欲達而不能透所以身如虫行皮中狀也言久虛小發其汗。尤怡潛居錄曰其身如虫行皮中狀者氣內蒸而津不從也。郭白雲曰宜桂枝

陽明病反無汗而小便利二三日嘔而欬手足厥者必苦頭痛若不欬不嘔手足不厥者頭不痛陽明法多汗反無汗而小便利二三日嘔而欬手足厥者必苦頭痛若不欬不嘔手足不厥者頭不痛

傷寒論集註

卷三

五

便利津液既不通表勢必下滲將大便鞭而入腑乎今二三日嘔欬肢厥必苦頭痛未入腑也若不嘔欬肢厥頭亦不痛則必入腑矣陽明主裏頭痛非其本證且在二三日而不在得病之一日因於嘔欬而不因於外邪則陽明頭痛又與太陽不同矣。常器之曰可與小柴胡湯。郭白雲曰手足厥者宜小建中湯

陽明病但頭眩不惡寒故能食而欬其人必咽痛若不欬者咽不痛陽明病但風旋目眩而不惡寒已是裏熱故能食而欬者氣逆也咽門者胃之系胃熱氣逆則攻咽而痛是陽明內熱之標也若按法以清之胃氣不逆則不欬其咽亦不痛

陽明病無汗小便不利心中懊憹者身必發黃陽明法反無汗小便又不利熱蘊不得越故心中懊憹熱氣鬱蒸必發黃也。常器之曰可五苓散茵陳蒿湯。大納按發黃一證是係濕熱之邪鬱不得發而致懊憹身黃也喻嘉言曰濕停熱鬱而煩燥有加勢必發黃若汁出

則熱從外越小便多則熱從下泄而發黃皆不可免矣倘  
誤攻之其熱邪內陷津液愈傷汗與小便愈不可得發  
黃之變安能免乎發黃與穀瘵證本相同但彼因脈  
逆胃冷而得與固瘕及噦證同源而與此為異派

陽明病脈浮而緊者必潮熱發作有時但浮者必盜汗

出柯韻伯曰太陽之脈浮而緊者熱必不解陽明之脈  
浮而緊者必潮熱發作有時太陽之脈但浮者必無  
汗陽明病之表證表脈不同如此

陽明病口燥但欲漱水不欲嚥者此必衄成氏曰陽明  
絡於口陽明裏熱則渴欲飲水此口燥但欲漱水不欲  
嚥者是陽明上焦熱盛而裏熱未盛也陽明多血熱迫  
之而妄行必作衄也

陽明病本白汗出醫更重發汗病已差尙微煩不了了  
者此大便秘鞭故也以亡津液胃中乾燥故令大便秘

傷寒論集註

卷三

六

當問其小便日幾行若本小便日三四行今日再行故

知大便不久出今為小便數少以津液當還入胃中故

知不久必大便也陽明內熱達表故自汗出醫不識陽  
明之表因而重發其汗外亡津液遂  
成胃家之實而令大便秘此時當問其小便日幾行若  
本小便日三四行今日再行小便數少津液當還入胃  
中津回則腸潤故知不久必大便也此戒人勿妄攻之  
意所以治陽明者識陽明之表則不誤汗矣識陽明之  
裏則不妄攻矣

傷寒嘔多雖有陽明證不可攻之

嘔多者尙在少陽雖有陽明證何可驟攻

○常器之曰  
宜小柴胡湯

陽明病心下鞭滿者不可攻之攻之利遂不止者死利

止者愈陰而下利利不止者正氣脫而死也利止者胃

家論實則可愈

陽明病面合赤色不可攻之必發熱色黃小便不利也

陽明雖有可攻之證而面色通赤胃未實也不可攻之  
必發熱而轉色黃外熱悉入於裏胃熱乘實至小便不  
利乃可攻之色黃對赤  
色言之非謂發黃也

陽明病不吐不下心煩者可與調胃承氣湯成氏曰吐

之內煩下後心煩謂之虛煩今陽明病不吐不下而心  
煩則是胃有鬱熱也調胃承氣所以其鬱熱。大訥  
按周西載曰此太陽經入陽明府候也未經吐下忽然  
心煩則是煩為熱邪內陷之徵與調胃下之庶熱去而  
煩自止耳然不言宜而曰可與者明以若吐後則肺氣  
受傷若下後則胃氣已損其不可與之意已在言外雖  
然調胃亦有在吐下後可與者正多蓋吐下後可與必  
有腹滿便鞭等證也不吐下者反不可與必有乾嘔欲  
吐等證也

傷寒論集註

卷三

七

陽明病脈遲雖汗出不惡寒者其身必重短氣腹滿而

喘有潮熱者此外欲解可攻裏也手足濇然而汗出者

此大便已鞭也大承氣湯主之若汗多微發熱惡寒者

外未解也其熱不潮未可與承氣湯若腹大滿不通者

可與小承氣湯微和胃氣勿令大泄下陽明風寒之表  
遲雖汗出不惡寒身重短氣腹滿而喘猶是胃家實之  
外證胃尚未實也當審其有潮熱者方為外欲解可攻  
裏也再審其手足濇然汗出方始信其大便已鞭大承  
氣湯主之矣若汗雖出而猶有微熱惡寒則是其熱不  
潮外仍未解也何可驟與承氣湯即使腹大滿不通止  
可與小承氣微和胃氣勿令大泄下也既慮醫者不識  
陽明之裏而妄攻此仲景喫緊為人處

大承氣湯方

大黃四兩 厚朴半斤去皮炙 枳實五枚炙 芒硝三合

右四味以水一斗先煮二物取五升去滓內大黃煮取二升去滓內芒硝更上火微一二沸分溫再服得下餘勿服

小承氣湯方

大黃四兩 厚朴二兩炙去皮 枳實三枚大者炙

右三味以水四升煮取一升二合去滓分溫二服初

服湯當更衣不爾者盡飲之若更衣勿再服柯韻伯曰諸病皆因於氣穢物之不去由於氣之不順故攻積之劑必用氣分之藥因以承氣名湯方分大小有二義焉厚朴倍大黃是氣藥為君名大承氣大黃倍厚朴是氣藥為臣名小承氣味多性猛制大其服欲令大泄

傷寒論集註 卷三 八

下也因名曰大味寡性緩制小其服欲微和胃氣也因名曰小且煎法更有妙義大承氣用水一斗煮枳朴取五升去滓內大黃再煮取二升內芒硝蓋以生者氣銳而先行熟者氣純而後緩仲景欲使芒硝先化燥屎大黃繼通地道而後枳朴除其痞滿小承氣三味同煎不分次第同一大黃而煎法不同此可見微和之意也。大訥按王海藏論大承氣湯云厚朴去痞枳實泄滿芒硝軟堅大黃泄實必痞滿燥實四證全者方可用之

陽明病潮熱大便微鞭者可與大承氣湯不鞭者不可與若不大便六七日恐有燥屎欲知之法少與小承氣湯湯入腹中轉矢氣者此有燥屎乃可攻之若不轉矢氣者此但初頭鞭後必澀不可攻之攻之必脹滿不能食也欲飲水者與水則噦其後發熱者必大便復鞭而

少也以小承氣湯和之不轉矢氣者慎不可攻也此條下藥以見不獨太陽下早有結胸痞氣之變即陽明已入於腑至六七日不大便猶有初鞭後澀不可攻者攻之虛其胃氣必脹滿不能食也胃燥則欲飲水水寒入胃胃熱格拒則噦其後却發熱者熱氣還復聚於胃中必大便復鞭而少也以小承氣湯和之若不轉矢氣者慎不可攻通前說為一義也。大訥按方中行曰以潮熱轉矢氣訣人當下之候轉矢氣出也脹滿藥寒之過也噦亦是寒傷胃也硬而少重下故也未句重致叮嚀之意

夫實則譏語虛則鄭聲鄭聲重語也王宇泰曰神有餘數數更端神不足則無機變而只守一語也。大訥按婁氏曰譏語者氣虛獨語也素問云脫陽者見鬼余用參芪溫補活者數百十人不可藥以譏語為實也

直視譏語喘滿者死下利者亦死成氏曰直視譏語邪實正虛也喘滿為氣

傷寒論集註 卷三 九

上脫下利為氣下脫是皆主死

發汗多若重發汗者亡其陽譏語脉短者死脉自和者不死發汗多若重發汗亡陽胃燥則必譏語脉短者津液已絕脉和者正氣未衰。大訥按方中行曰汗本血之液陽亡則陰亦虧脉者血氣之道路短則其道窮矣和則病雖劇而血氣未竭也故知可以回生。又按喻嘉言曰太陽經無譏語之例必日久而少陽兼陽明方有譏語故此言太陽經得病時發汗過多及傳陽明重發其汗亡陽而譏語也亡陽之人所存者陰氣耳故神魂無主而妄見妄聞與熱邪乘心之候不同况汗多則大邪必從汗解止慮陽神飛越難返脉短而陰氣不附脉和則陰陽未離其生死俱從脉定耳。門人問亡陽而譏語因逆湯可用乎答曰亡陽同必回陽然邪傳陽明必審胃熱之熾否津液之竭否裏證之實否俱不可知設不辨悉欲回其陽先竭其陰矣此仲景所以不言藥也然得于此問而妙義愈彰

傷寒若吐若下後不解不大便五六日上至十餘日日

瞽所發潮熱不惡寒獨語如見鬼狀若劇者發則不識人循衣摸牀惕而不安微喘直視脈弦者生瀉者死微者但發熱識語者大承氣湯主之傷寒吐下不如法徒傷津液病仍不解不

陽明病其人多汗以津液外出胃中燥大便必鞭鞭則識語小承氣湯主之若一服識語止更莫復服陽明病不但大承氣湯不可過服即小承氣湯亦當中病即止勿令過也以其人多汗外亡津液故也

傷寒論集註 卷三

十

陽明病識語發潮熱脈滑而疾者小承氣湯主之因與承氣湯一升腹中轉矢氣者更服一升若不轉矢氣勿更與之明日不大便脈反微瀉者裏虛也為難治不可更與承氣湯也識語潮熱脈滑疾而不實早有裏虛之慮少投小承氣湯一升蓋已慎之矣

陽明病識語有潮熱反不能食者胃中必有燥屎五六枚也若能食者但鞭耳宜大承氣湯主之熱當消穀引食反不能食者胃中熱實有燥屎也宜大承氣湯下之

陽明病下血識語者此為熱入血室但頭汗出者刺期

門隨其實而瀉之澱然汗出則愈陽明故有識語以其而不在胃也血行故雖但頭汗出而不責其汗實

乃可下之下之若早語言必亂以表虛裏實故也下之則愈宜大承氣湯陽明方澱然汗出正屬表證而已見燥屎在胃中耳此為胃風自扇陰血久虧之故既有燥屎固須下之今風家有汗表邪在經必俟其過經入有乃可下之若早下則內風益肆神明擾而語言必亂故凡表罷而虛裏熱而實者大承氣湯下之斯愈矣

傷寒論集註 卷三

二

傷寒四五日脈沉而喘滿沉為在裏而反發其汗津液傷寒四五日脈沉因下早而表邪乘虛入胃之故豈有更與承氣之理

尿發汗則識語下之則額上生汗手足逆冷若自汗出者白虎湯主之腹滿身重難以轉側口不仁識語者陽

不約表裏有邪而獨攻其表則識語有加表裏有邪而獨攻其裏則表熱內陷必額上汗出而手足逆冷今三陽合病陽明證多經邪熱盛汗大泄者與白虎湯以散內外之邪則得矣參成氏註。柯韻伯曰三陽合病法在獨取陽明陽明之地清肅則太少兩路之陽邪不攻自解所謂內寇寧而外患自息此白虎所由奏捷耳三陽以陽明為內地也。程扶生曰三陽病而列之陽明以熱入陽明裏也。腹滿陽明經熱合於前也。身重太陽經熱合於後也。難以轉側少陽經熱合於側也。三陽見而一身之前後左右俱熱氣滿漫矣口不仁而面垢熱



合少陽之府也胆熱上溢則木剋土而口不仁清陽不升而面垢鍼經曰少陽病甚則面微塵是也識語熱合陽明之府也遺尿熱合太陽之府也三證見而身內之上中下俱熱氣充塞矣大抵三陽主外三陰主內陽實於外則陰虛於內故不可發汗以耗其陰液陽浮於外則陰孤於內故不可下之以傷其微陽惟白虎一湯解熱而不礙表裏然非自汗出則表邪抑塞亦未可用也○并病是病之傳者合病是病之別矣○魏氏曰此證與溫病之邪熱同一理而特有蓄發久暫之分

白虎湯方

知母 六兩 石膏 一斤 甘草 二兩 粳米 六合

右四味以水一斗煮米熟湯成去滓溫服一升日三

服 柯韻伯曰邪入陽明故反惡寒熱越故汗出因邪熱鏢其精液故渴欲飲水邪盛而實故脈洪大半猶在經故兼浮滑然火炎土燥終非苦寒所能治經曰甘先入脾又曰甘以瀉之以是知甘寒之品乃瀉

傷寒論集註 卷三 三

胃火生津液之上劑也石膏甘寒勝熱甘入脾又質剛而主降備中土生金之體色白通肺質重而含脂其金能生水之用故以爲君知母氣寒主降苦以泄肺火辛以潤腎燥故以爲臣甘草爲中宮舟楫能土中瀉火寒藥得以緩其寒使沉降之性皆得留連於胃梗米氣味溫和平之德作甘稼穡得二味爲佐陰寒之物庶無傷損脾胃之慮煮湯入胃輪脾歸肺水精四布大煩大渴可除矣

二陽并病太陽證罷但發潮熱手足漿漿汗出大便難

而識語者下之則愈宜大承氣湯 太陽併於陽明而太

邪已在陽明也一身汗出爲熱越今手足漿漿汗出是熱聚於胃必大便已鞭而識語也宜大承氣湯下之則愈○大納按柯韻伯曰太陽證罷是全屬陽明矣先獨二陽併病者見未罷之時便有可下之證今太陽一罷則種種皆下證矣

陽明病脈浮而緊咽燥口苦腹滿而喘發熱汗出不惡

寒反惡熱身重若發汗則煩躁心憤憤反識語若加燒

鍼必怵惕煩躁不得眠若下之則胃中空虛客氣動膈

心中懊憹舌上胎白者梔子豉湯主之 陽明經氣極盛

脈見浮緊而寒從熱化即見咽燥口苦腹滿而喘之裏熱發熱汗出不惡寒反惡熱身重之表熱此時發汗則內熱益甚煩躁心憤憤反識語也則汗之不可燒鍼則損動陰氣怵惕煩躁不得眠也則燒鍼不可下之則胃虛邪客心中懊憹而不安也則下之不可審其經邪之熱驗之舌胎之白當行解表和裏之法惟梔子豉湯爲諦至誤治之後亦惟此湯可以救逆末句出方總爲全條說也陽明以裏證爲重故敘證先裏而後表○大納按妻氏曰梔子豉湯專指下後心中懊憹者說

若渴欲飲水口乾舌燥者白虎加入參湯主之 大納按

曰凡傷寒時氣等證欲飲水者爲欲愈蓋得水則能和其胃氣汗出而解不與水則乾燥無由作汗或致悶亂

傷寒論集註 卷三 三

而死但不可太過耳

若脈浮發熱渴欲飲水小便不利者猪苓湯主之 大納按

宇泰曰此浮字誤活人云脈浮者五苓散脈沉者猪苓湯則知此證於若脈字下脫一不字也但南陽欲區別二藥之分遂以沉對浮致使後人疑三陽證中不當言脈沉更不復疑經文之有闕亦不爲無失若曰脈浮者五苓散不浮者猪苓湯則得之矣

陽明病汗出多而渴者不可與猪苓湯以汗多胃中燥

猪苓湯復利其小便故也 清陽明內熱之表有三法梔

虎加入參湯主陽明中焦之熱猪苓湯主陽明下焦之熱皆所以存津液而不令胃家實也其汗多胃燥者已入腑矣豈可復利其小便此又爲猪苓湯示戒也○程郊倩曰猪苓湯之治與五苓散頗同在太陽爲寒水氣化不避桂朮者從寒也處方至此已極精微猶復以利小滑石阿膠者從燥也



便為暴液亡汗者禁則知證在陽明疏競以保津液為第一義矣

猪苓湯方

猪苓 去皮

茯苓

甘阿膠

滑石 碎

澤瀉 各一兩

右五味以水四升先煮四味取二升去滓內阿膠烱

消溫服七合日三服

脉浮而遲表熱裏寒下利清穀者四逆湯主之

裏寒之脉下利清穀正是裏寒之證此當急救其裏寒雖有表熱渾不為意耳故以四逆湯主之清與圓通後凡言清穀清血者做此

若胃中虛冷不能食者飲水則噦

傷寒論集註

卷三

古

此二條另是寒邪直中於胃真寒證也陽明主熱此屬寒證故不冠以陽明病。大論按喻嘉言曰表熱裏寒法當先救其裏太陽經中下利不止身疼痛者已用四逆湯不為過其在陽明之表熱不當牽制更可知矣此證比前陽明病不能食一條虛寒更甚故不但攻其熱必噦即飲以水亦必噦矣

四逆湯方

甘草 二兩

乾薑 一兩

附子 一枚生用去皮破八片

右三味以水三升煮取一升二合去滓分溫再服

脉浮發熱口乾鼻燥

助陽血

陽明病下之其外有熱手足溫不結胸心中懊憹若飢不能食但頭汗出者梔子豉湯主之

有熱而手足不甚熱邪雖內陷而不深故不作結胸而心中懊憹飢不能食為虛煩也熱自胸中薰蒸於上故但頭汗而身無汗邪不在胃故飢邪在胸中故不能食參成氏註

陽明病發潮熱大便溏小便自可

與小柴胡湯

據次第傳經之說必陽明始傳少陽

陽明病脇下鞭滿不大便而嘔舌上白胎者可與小柴

胡湯上焦得通津液得下胃氣因和身濇然而汗出解

也木邪干胃提起少陽之邪胃氣因和所謂上焦得通津液得下也。柯韻伯曰此已屬陽明而少陽未罷也蓋少陽之氣遊行三焦因脇下之邪盛令上焦之治節不行水精不得四布故舌上白胎而嘔與小柴胡湯轉少陽之樞則上焦氣化始通津液得下胃家不實而大便自輪矣身濇然而汗出解上焦津液所化蒸膚澤

傷寒論集註

卷三

五

毛若霧露之溉與胃熱薰蒸而汗出者不同也

陽明中風脉弦浮大而短氣腹都滿脇下及心痛久按

之氣不通鼻乾不得汗嗜臥一身及面目悉黃小便難

有潮熱時時噦耳前後腫刺之小差外不解病過十日

脉續浮者

湯若不尿腹滿加噦者不治

泥失治遂至風邪充斥滂溢太少脉浮者必兼弦大內

阻塞難處方乃遵用內經熱耳前後腫刺之小差外不解

獨取少陽即通三陽而解之則小柴胡湯之治可施否則不得小差不尿腹滿加噦即不可治小柴胡湯

亦無用矣由是觀之陽明中風不得汗當脈但浮無餘證之時早與麻黃湯發其汗必不至風壅於經如此之劇也全條喫緊在不得汗三字對病下藥

陽明病自汗出若發汗小便自利者此為津液內竭雖鞭不可攻之當須自欲大便宜蜜煎導而通之若土瓜

根及與大豬膽汁皆可為導陽明以津液為重自汗及發汗肌腠大開汗出必多

汗出多者小便當少若又小便自利此為津液內竭大便雖鞭不可攻之當俟其自欲大便而後以導法通之否則日數雖多并不用導也況於攻乎

### 蜜煎導方

### 蜜七合

一味內銅器中微火煎之稍凝似飴狀攪之勿令焦

### 傷寒論集註

卷三

六

欲可先併手捻作挺令頭銳大如指長二寸許以內穀道中大便時去之

### 豬膽汁方

### 大豬膽一枚

瀉汁和醋少許以灌穀道中如食頃當大便出

陽明病脈遲汗出多微惡寒者表未解也可發汗宜桂

枝湯陽明初受風寒表氣虛則脈遲汗出多微惡寒是陽明者表邪未解仍宜桂枝解肌也病屬陽明脈雖不浮而遲猶有緩意焉則為風邪未解況有微惡寒之證故仍用桂枝解表

陽明病脈浮無汗而喘者發汗則愈宜麻黃湯陽明初受風寒

表氣實則脈浮無汗而喘是陽明之麻黃證前條病得之一日不發熱而惡寒者即此二條是已。柯韻伯曰陽明之表有二有外邪初傷之表有內熱達外之表外邪之表在一二日間其證微惡寒汗出多或無汗而喘是也內熱之表在一二日後其證身熱汗自出不惡寒反惡熱是也表因風寒外來故仲景亦用麻桂二湯汗之表因內熱外發故仲景更製梔子豉湯因其勢而泄之後人不識治陽明之初法又廢棄陽明解表和裏之法必待熱深實極以白虎承氣投之是養虎遺患也

陽明病發熱汗出者此為熱越不能發黃也但頭汗出身無汗劑頸而還小便不利渴飲水漿者此為瘀熱在裏身必發黃茵陳蒿湯主之柯韻伯曰太陽陽明俱有發黃證但頭汗而身無汗則熱不外越小便不利則熱不泄故瘀熱在裏然裏有赤小豆湯為涼散法心胸是太陽陽明之裏當寒以勝之用梔子柏皮湯乃清火法腸胃為陽明之裏當瀉之

### 傷寒論集註

卷三

七

於內故立本方是逐穢法茵陳蒿湯北方之色經冬不凋傲霜凌雪偏受大寒之氣故能除熱邪留結率梔子以通水源大黃以調胃實令一身內外瘀熱盡從小便而出腹滿自減腸胃無傷此陽明治水之聖劑也又曰仲景治小便不利用二苓者何本論云陽明病汗出多而渴者不可與豬苓湯則汗不出而渴者津液先虛更不可用明矣此以推承致新之茵陳佐以曲屈下行之梔子不用枳朴以承氣與芒硝之峻利則大黃但可潤胃燥而大便不據行必一宿而腹始減黃從小便出而不由大腸立法之妙何其神也

### 茵陳蒿湯方

茵陳蒿 六兩

梔子 十四枚 擘

大黃 二兩 去皮

右三味以水一斗先煮茵陳減六升內二味煮取三升去滓分溫三服尿如皂角汁狀色正赤一宿病減

黃從小便去也

陽明證其人喜忘者必有畜血所以然者本有久瘀血故令喜忘尿雖鞭大便反易其色必黑宜抵當湯下之心為清虛之府有久瘀血則氣不清而神明亂矣故令喜忘津液少則大便鞭以血在內故雖鞭而反易其色黑者血因火燥而色變其始如褐色久乃黑也

陽明病下之心中懊憹而煩胃中有燥屎者可攻腹微滿初頭鞭後必溏不可攻之若有燥屎者宜大承氣湯下之心中懊憹而煩必是未有燥屎而攻之早也。大納按柯韻伯曰下後心中懊憹而煩梔子豉湯證若腹大滿不通是胃中燥屎上攻也

病人不大便五六日繞臍痛煩躁發作有時者此有燥傷寒論集註卷三 六

屎故使不大便也言必如此而後攻之則無他變矣與發作有時是日晡潮熱之時二

病人煩熱汗出則解又如瘧狀日晡所發熱者屬陽明也脉實者宜下之脉虛者宜發汗下之與大承氣湯發

汗宜桂枝湯病人每煩熱汗出則解此陽明病狀也又具猶必審其脉實為入腑而宜下若脉虛浮則邪為在表而宜汗此就陽明感邪審脉而辨其表裏證同而治法迥殊臨證者詎可妄乎

大下後六七日不大便煩不解腹滿痛者此有燥屎也所以然者本有宿食故也宜大承氣湯

大下之後胃弱七日不大便則宿食已結而發煩熱腹滿痛此有燥屎也宜大承氣以下之。婁氏曰大下之後又下之宜審

其虛實而用之不如梔子枳實為穩

病人小便不利大便乍難乍易時有微熱喘胃不能臥

者有燥屎也宜大承氣湯本條諸證未定其有燥屎也

之。大納按王氏曰此證不宜妄動必以手按之如大便有硬塊喘胃不得臥方可攻之何也乍難乍易故也若虛者用梔子枳實為穩當

食穀欲嘔者屬陽明也吳茱萸湯主之得湯反劇者屬

上焦也食穀欲嘔胃家寒也吳茱萸湯溫其胃而得湯為之拒格而不內也或者當以熱因寒用之法導引之乎

吳茱萸湯方

吳茱萸一升 人參 三兩 生薑 六兩 大棗 十二枚 洗切 擘

傷寒論集註卷三 六

右四味以水七升煮取二升去滓溫服七合日三服

太陽病寸緩關上小浮尺弱其人發熱汗出復惡

寒不嘔邪在表但心下痞者此以醫下之也如其不下病

人不惡寒而渴者此轉屬陽明也小便數大便必鞭不

更衣十日無所苦也渴欲飲水者少少與之但以法救

之渴者宜五苓散小腸偏滲則大便必鞭雖不更衣十

津回腸潤大便自出也渴欲飲水者不可不當攻之俟其

與稍與之以救其煩渴斯為法也渴者宜五苓散一句

與上文不屬亦是太陽篇中小便不利微熱消渴與五苓散之意

脉陽微而汗出少者為自和也汗出多者為太過陽脉實因發其汗出多者亦為太過太過為陽絕於裏亡津

液大便因鞭也陽明一經以津液為重脈微者邪氣少也汗出少者為自和出多者為太過  
若陽脈實者表熱甚也因發其汗出多者為太過  
和則邪解矣太過為津液絕於內大便因鞭也  
伯曰陽明之熱自內達表清裏熱而表熱自除後人不  
能於仲景書中尋出陽明之表因不識仲景陽明治表  
之法而反發陽明之汗若上而鼻衄下而便鞭是引賊  
破家矣要知是風寒之表則用麻桂而治如是內熱之  
表即刺荊芥薄荷皆足  
以亡津液而成胃實

脈浮而芤浮為陽芤為陰浮芤相搏胃氣生熱其陽則  
絕此專主脾胃之脈浮陽花陰陰陽二字以臟腑陰陽  
言也浮於肌肉之上而中候則空狀如芤葉所謂浮  
芤相搏也其浮者為胃芤者為脾脾不能為胃行其津  
液而胃氣獨治津液不能四布所謂胃氣生熱其陽則  
絕也。尤怡潛居錄曰津液為陽之  
根汗出過多津液竭矣故云陽絕

跌陽脈浮而濇浮則胃氣強濇則小便數浮濇相搏大  
傷寒論集註 卷三 干

便則難其脾為約麻仁丸主之成氏曰跌陽者脾胃之脈診浮為陽知胃氣強  
濇為陰知脾為約內經曰飲入於胃游溢精氣上輸於  
脾脾氣散精上歸於肺通調水道下輸膀胱水精四布  
五經並行是脾主為胃行其津液者也今胃強脾弱約  
束津液不得四布但輸膀胱致小便數而大便鞭其脾  
約為

### 麻仁丸方

麻子仁 二升 芍藥 半斤 大黃 一斤去皮

厚朴 一斤炙 去皮 枳實 半斤 杏仁 一斤去皮尖

右六味為末煉蜜為丸如桐子大飲服十九日三服  
漸加以和為度

太陽病三日發汗不解蒸蒸發熱者屬胃也調胃承氣

湯主之大誦按方中行曰此概言陽明發熱之大意三  
騰達於外猶蒸炊然  
潮胃和陽明之正也

傷寒吐後腹脹滿者與調胃承氣湯內經曰諸腹脹大  
焦則吐吐後不解復腹脹滿者胃熱盛也調其  
胃熱使不至大滿大實所以全其津液者多矣

太陽病若吐若下若發汗後微煩小便數大便因鞭者  
與小承氣湯和之愈吐下汗三字開說非串說微煩者  
則以津液少而成胃實矣小  
承氣和之勿令大泄下也

得病二三日脈弱無太陽柴胡證煩躁心下鞭至四五  
日雖能食熱未實以小承氣湯少少與微和之令小安

至六日與承氣湯一升若不大便六七日小便少者雖  
傷寒論集註 卷三 圭

不能食熱實則但初頭鞭後必溇未定成鞭攻之則溇  
須小便利屎定鞭乃可攻之宜大承氣湯甲乙經曰脈

日雖淺而胃將實也無太陽柴胡證則在陽明矣或和  
或攻隨熱之淺深而輕重以治之要皆慎用攻之意也  
○大誦按喻嘉言曰此段之雖能食雖不能食全與辨  
風寒無涉另有二義雖能食者見不可以胃強而輕下  
也雖不能食者見不可以胃弱而輕下也

胃中有燥屎而輕下也  
傷寒六七日目不了了睛不和邪熱內甚無表裏證大

便難身微熱者表熱則身微熱此為實也急下之宜大  
承氣湯甲乙經曰熱病日不微熱此為實也急下之宜大

承氣湯了了睛不和證近危惡故須急下節成氏註  
大誦按喻嘉言曰此條辨證最微細大便難則非久秘  
裏證不急也身微熱則非大熱表證不急也故曰無表

裏證只可因是而驗其熱邪在中耳熱邪在中亦不為  
急但其人目中不了了睛不和則急矣以陽明之脈絡

於日絡中之邪且盛則在府之邪

更可知矣故惟有急下之而已

陽明病發熱汗多者急下之宜大承氣湯

陽明病發熱汗不解腹滿痛者急下之宜大承氣湯

而腹即滿痛傳之迅也故須急下凡急

下者皆所以救胃家之實而全津液也

腹滿不減減不足言當下之宜大承氣湯

雖有小減時其減甚微不足云

陽明少陽合病必下利其脈不負者順也負者失也互

相尅賊者名曰負也

利則胃已困若脈不弦為土不負弦者為土負必死

魏氏曰人知陽明胃土受木氣之尅賊不知陽明燥金

亦受相火之尅賊故曰互相尅賊名曰負也按乾剛至

健之氣運於地外而貫於地中所以統天地而資始生

胃中燥金即乾金之貫於坤土以生化者也標本受制

補救之法其在小柴胡一湯乎柴胡以攻木使之自退

以甦燥金之氣

脈滑而數者有宿食也當下之宜大承氣湯

一證相連脈經另列宿食為一條郭白雲曰脈滑數有

宿食故可用承氣湯若胃為木賊因而下利豈有用承

氣之理惟合病下利關治

法今以負不負宜理中丸

病人無表裏證發熱七八日雖脈浮數者可下之假令

已下脈數不解合熱則消穀善飢至六七日不大便者

邪熱入腑

迫津液將竭

發汗

不解

減不足言申

謂

明

不減也謂

明

不減也謂

明

不減也謂

明

不減也謂

明

不減也謂

明

不減也謂

明

不減也謂

明

不減也謂

畜血於下為瘀血也。許學士叔微曰凡傷寒當下之

證皆從在經之邪入於腑今不言陽明病而云病人無

表裏證明非自表之裏而病

也但為可下故編入陽明篇

若脈數不解而下不止必協熱而便膿血也

下後脈數

利不止者為熱得下泄迫血下行必便膿血也

金方通前條為一證。常器之口可白頭翁湯

傷寒發汗已身目為黃所以然者以寒濕相搏在裏不

解故也以為不可下也於寒濕中求之

傷寒發汗已則

亦不當身目為黃所以然者以其人素有濕邪在裏表

寒雖經發汗其為陰濕所持者仍在裏而無從解故也

發汗後之寒雖已成熱而寒濕鬱蒸之熱宛非實熱

故不可下當於寒濕中求其或淺或深而治之下三條

是也

傷寒七八日身黃如橘子色小便不利腹微滿者茵陳

傷寒論集註

卷三

重

蒿湯主之

傷寒至七八日寒與濕俱從熱化身黃如橘

而腹微滿當從裏一透開結導滯利小便

傷寒身黃發熱者梔子檨皮湯主之

傷寒而見身黃雖

濕鬱蒸之熱依然在表表裏之間宜從中治清解和中

以斷寒熱之漸則二邪不能相合而表裏分消矣梔子

檨皮湯之治寒濕

又一和解決也

梔子檨皮湯方

梔子十五

甘草一兩

黃檨二兩

右三味以水四升煮取一升半去滓分溫再服

傷寒瘀熱在裏身必發黃麻黃連軀赤小豆湯主之

傷

瘀熱在裏由濕蒸而來故必發黃然小便利腹亦不

至微滿瘀熱未深祇從表一邊開其鬱滯麻黃連軀赤

湯

傷

瘀熱在裏由濕蒸而來故必發黃然小便利腹亦不

至微滿瘀熱未深祇從表一邊開其鬱滯麻黃連軀赤

湯

傷

瘀熱在裏由濕蒸而來故必發黃然小便利腹亦不

至微滿瘀熱未深祇從表一邊開其鬱滯麻黃連軀赤

小豆爲主治而散熱除濕之品佐之以共濟此三條皆於寒濕中求之者也太陽篇之風濕相搏皆來陽虛此裏熱故治法迥異

### 麻黃連軹赤小豆湯方

麻黃二兩

赤小豆一升

連軹二兩連翹根也

甘草一兩

杏仁四十粒

生梓白皮一斤

生薑二兩

大棗十二枚擘

右八味以潦水一斗先煮麻黃再沸去上沫內諸藥

煮取三升分溫三服半日則盡

傷寒中風五六日往來寒熱胸脇苦滿默默不欲飲食

心煩喜嘔或胸中煩而不嘔或渴或腹中痛或脇下痞

### 傷寒論集註

卷三

四

鞭或心下悸小便不利或不渴身有微熱或欬者小柴

胡湯主之風寒之邪在表則寒在裏則熱在半表半裏

伏飲搏聚則胸脇苦滿胸膈既滿穀難消化則默默不

需飲食邪熱挾飲湧而上逆則心煩喜嘔邪之出入不

常於胸而氣不甚逆也渴者熱耗其津液也腹中痛者

聚於胸而氣不甚逆也渴者熱耗其津液也腹中痛者

甲木之氣乘其已土也脇下鞭滿邪引肝之分也心下

悸小便不利水停而不行也不渴者熱未耗其津液也

身有微熱者太陽之邪未罷也要以小柴胡湯和解爲

主治隨證加減之耳柴胡入膽經能通表裏祛三陽

不退之邪用之爲君黃芩能泄三陽之熱清心降火用

之爲臣人參甘草大棗三者性平坐鎮中焦助正祛邪

者也半夏生薑能散能消用以爲佐使各顯其長上通

天庭下徹地戶至爲靈應非智謀之士孰能變化而通

### 辨少陽病脈證并治法

此條應入少陽病條中今悞書於此

少陽之爲病口苦咽乾目眩也成氏曰足少陽膽經也

曰膽痺甲乙經曰膽者中精之府五臟取決於膽咽爲

之使少陽之脈起於目銳眥故少陽受病口苦咽乾目

眩也柯韻伯曰少陽處半表半裏司三焦相火之遊

行口咽目三者藏府精氣之竅能開能闔恰合爲樞之

象不可謂之表半裏者乾眩者皆相火入裏裏之出表處

正所謂半表半裏苦乾眩者皆相火入裏裏之出表處

風寒雜證咸有之所以爲少陽一經之總綱也若目赤

兩耳無聞胸滿而煩只舉得中風一證之半表裏內經

之胸脇痛而耳聾只舉得熱病一證之半表裏故提綱不與焉

### 傷寒論集註

卷三

五

少陽中風兩耳無所聞目赤胸中滿而煩者不可吐下

吐下則悸而驚此少陽自中風也胸滿而煩似可吐下

傷氣氣虛者悸以下除滿而示之禁也以吐除煩吐則

之頭痛發熱其不可吐下不待言矣大誦按方中行

曰少陽之脈上抵頭角下耳後其支者從耳後入耳中

出走耳前其支者下胸中貫肝膈主目膽爲之合風爲

傷寒論集註

陽而氣耳無聞者風壅則氣塞也目赤者風熱則氣

昏也胸滿而煩者風鬱則胸熱也少陽本無吐下法其

經又多氣少血吐下復傷其經則血愈少而虛血虛則

心虛所以神識昏亂怔忡而驚也或云中風宜小柴

胡湯悸而驚則宜小柴胡湯

傷寒脈弦細頭痛發熱者屬少陽少陽不可發汗發汗

則譫語此屬胃胃和則愈胃不和則煩而悸此少陽自

痛發熱本應發汗以其脈弦細則屬少陽故不可發汗

燥木邪之易誤之處而昭其禁也發汗亡津液胃中乾

散津回胃氣因和否則津枯飲結必煩而悸也大誦

按王海藏云少陽半表裏用小柴胡名三禁湯然亦須

辨表裏證孰多又云按此宜用小承氣湯成註以調胃

承氣主之者非

本太陽病不解轉入少陽者脇下鞭滿乾嘔不能食往

來寒熱尚未吐下脉沉緊者與小柴胡湯特標太陽病不解轉入少陽可見上二條為本經自受之風寒也邪傳少陽之經隨入少陽之府而未全陷也脇滿不欲食少陽之裏也解而往來寒熱而嘔吐沉弦之表也經也以其未全犯本經之禁以生變而脉沉弦正當用和解之法全條是小柴胡證恐人以脉沉緊而生疑故告之曰柴胡證具且無吐下之變脉雖沉緊必與小柴胡湯也

若已吐下發汗溫鍼譴語柴胡湯證罷此為壞病知犯

何逆以法治之少陽邪在表裏之間不行和解之法而妄施吐下發汗溫鍼木邪不服而干於

胃必發譴語若柴胡湯證不罷不為逆柴胡證罷此為壞病當求所犯何逆而以法治之參成氏註○大訥按王宇泰曰救壞病助榮衛生津液於桂枝湯中求之有云犯溫鍼壞者桂枝甘草龍骨牡蠣湯

三陽合病脉浮大上關上不言弦者隱但欲眠睡目合

則汗成氏曰關脉以候少陽之氣太陽之脉浮陽明之脉大浮大之脉上關上是三陽合病也熱則睡

傷寒論集註卷三

美

少陰但欲眠睡而陰不得有汗今日合則汗知三陽合病熱盛於經日合則陽入陰中故通之而汗出魏氏曰此證宜急救其陰

傷寒六七日無大熱表欲能也其人躁煩者邪欲傳也此為陽去

入陰也表為陽裏為陰○柯韻伯曰陽去入陰指陽邪下膈言非專指陰經也或入太陽之府而熱結

膀胱或入陽明之府而胃中乾燥或入少陽之府而脇下鞭滿或入太陰而暴煩下利或入少陰而口苦燥乾

或入厥陰而心中疼熱皆入陰之謂後人拘於傳經之次因不知有入陰轉屬之義

傷寒三日三陽為盡三陰當受邪其人反能食而不嘔

此為三陰不受邪也柯韻伯曰陽明為三陰之表故三

邪者藉胃為之蔽其外也胃氣和則能食不嘔故邪自解而三陰不病胃陽虛邪始得入三陰故太陰受邪腹滿而吐食不下少陰受邪欲吐不吐厥陰受邪飢不能食食即吐衄若胃陽亡則水漿不入而死要知三陰受

邪關係不在太陽少陽而全在陽明又曰陽明以太陰為裏是指牝臟言太陰亦以陽明為裏是指轉屬言也腎者胃之關木者土之賊故三陰亦得以陽明為裏三陰為三陽之裏而三陰反得轉屬陽明為裏故三陰皆得從陽明而下則陽明又是三陰實邪之出路也既為三陰之表以禦邪又為三陰之裏以逐邪陽明之關係重矣

傷寒三日少陽脉小者欲已也謂脉小而平勻也

少陽病欲解時從寅至辰上成氏曰內經云陽中之少陽通於春氣寅卯辰少陽

木旺之時

傷寒論集註卷三終

傷寒論集註卷三

毛



傷寒論集註卷第四

東吳徐 赤五成甫集註

大訥吳士鎮申培甫增訂

漢張機仲景著

長洲蔣 榮誦先甫參較

姪秉鈞衡望甫 參閱

男維鈞衡範甫

辨太陰病脉證并治法

太陰之爲病腹滿而吐食不下自利益甚時腹自痛若

下之必胸下結鞭此揭太陰本病也太陰主脾所生病

滿痛而吐利也脾主濕又主輸故云太陰之爲病腹

太陰本無下證下證是轉屬陽明爲太陰之標病矣若

傷寒論集註 卷四 一 玉照堂

本病而下之豈止胸下結鞭已哉末句主標病言也即

後條說當用大黃芍藥者宜減之意胸下結鞭非陽

密處之。大訥按此當是直入陰經之陰邪非是陽邪

傳入於裏者也然陽邪內熾不爲解散或反以寒藥清

其熱令胃氣虛而且結遂至邪陷入陰而自利自利者

多難治蓋其始邪在經時當用辛甘之藥

溫散之邪當自解至自利則入臟腑而危

太陰中風四肢煩疼陽微陰濇而長者爲欲愈太陰脾

榮四末四肢煩疼風淫末疾也風脉本浮浮爲陽脉陽

脉微知風邪當去濇則少氣少血故中風濇而轉長則

氣治爲欲愈柯韻伯曰濇與長不並見也。此條太陰

風中於經表證也下條太陰病脉浮者可發汗宜桂枝

湯四肢煩疼之下可參也

太陰病欲解時從亥至丑上太陰土也王於亥子

太陰病脉浮者可發汗宜桂枝湯此爲太陰表證辨脉

出方發凡起例也。

柯韻伯曰脉從病見太陰中風則脉浮不從臟之陰而

從風之陽也浮爲麻黃湯脉而用桂枝者以太陰中風

是裏之表證桂枝是裏之表

藥因脾主肌肉是宜解肌耳

自利不渴者屬太陰以其藏有寒故也當溫之宜服四

逆輩此爲太陰寒中藏者發凡起例也其證必腹滿時

痛吐利食不下也其脉當沉細。大訥按張氏曰

章字謂藥性之同類惟輕重優劣不同耳四逆乃大熱

之劑未易輕用所以仲景不爲定擬也莫若以理中輩

循循用

之爲穩

傷寒脉浮而緩手足自溫者繫在太陰太陰當發身黃

若小便自利者不能發黃至七八日雖暴煩下利日十

餘行必自止以脾家實腐穢當去故也脾家實者太陰

邪不能容太陰傷寒而絕無藏寒之脉證全不似太陰

故曰繫在太陰太陰當溫鬱而發黃乃小便自利而不

傷寒論集註 卷四 二 玉照堂

能發黃至七八日暴煩似有作汗之機以在太陰終不

汗而下利也十日暴煩知其必自止者以其胃強脾健

自能逐邪下行而成太陰之開是謂脾家實腐穢當自

去也。大訥按補亡論於此條之上另有一條曰傷寒

三日太陰脉弱至四日太陰脉大麗安常曰脉大而胸

滿多痰者可吐之無此證者宜汗之郭白雲曰吐用瓜

蒂散汗用桂枝湯仍煩脉浮則可汗也

本太陽病醫反下之因爾腹滿時痛者屬太陰也桂枝

加芍藥湯主之大實痛者桂枝加大黃湯主之此東垣

下傳也腹滿時痛者已傳太陰太陽未解也大實痛者

已傳陽明太陽未解也由此觀之太陽與太陰亦有併

病焉。柯韻伯曰腹滿爲太陰陽明俱有之證然位同

而職異太陰主出病則腐穢之出不利故滿而時痛陽

明主內病則腐穢燥而不行故大實而痛大實痛是陽

明病不是太陰病仲景因表證未解陽邪已陷入於太

陰故倍芍藥以益脾而除滿此用陰和陽之法也若表

證未解而陽邪陷入於陽明則加大黃以潤胃而除其



桂枝加芍藥湯方

於桂枝湯內加芍藥三兩通前爲六兩餘依桂枝湯

法大誦按周字載曰太陽悞下太陰受傷矣何也以毫不被邪之脾忽然而下使清陽之氣不能四布因而時痛於是仍以本方解表倍加芍藥以救太陰之逆以收太陰之液者正因外邪之入者淺也

傷寒論集註  
卷四

桂枝加大黃湯方

桂枝 二兩  
大黃 一兩  
芍藥 六兩

甘草二兩  
炙  
生薑三兩  
切  
大棗十二  
枚擘

右六味以水七升煮取三升去滓溫服一升日三服

大訥按此言實痛宜攻也喻氏曰大實大痛自可攻之然陽分之邪初陷太陰未可峻攻但於桂枝中少加大黃七表三裏以分殺其邪可也婁氏曰表邪未解而誤下乘虛傳裏因而腹滿大實痛此方爲宜

太陰爲病脉弱其人續自便利設當行大黃芍藥者宜

減之以其人胃氣弱易動故也。重提太陰爲病申首條之義也。脈弱積久便利是其胃氣弱也。設當行大黃芍藥者宜減之。又爲太陰宜下者。周其慮也。太陰脈弱。知胃氣易動。故如此叮嚀耳。按喻嘉言曰。此段叮嚀與陽明篇中互發。陽明曰。不轉失氣。曰先鞭後澹。曰未定成硬。皆是恐傷太陰。

氣此太陰證而脉弱便利減用大黃芍藥又是恐傷陽明胃氣也

辨少陰病脉證并治法

少陰之爲病脉微細但欲寐也

之下故其象微而細也但欲寐者嗜臥也猶之天地之氣行於陽則闢而曉行於陰則闢而夜也○魏氏本義曰提少陰脉沉對太陽之浮太陰脉微對陽明之微厥陰脉細對少陽之弦少陰處三陰之中脉本沉兼微爲太陰之少陰兼細爲厥陰之少陰猶之陽明處三陽之中脉本大兼浮爲太陽陽明兼弦爲少陽陽明也沉微細雖三陰俱有而少陰之沉不待言必兼太陰之微厥陰之細而少陰欲寐是其候爲智巧所出邪入而失其智巧之司沉沉欲寐所以未辨寒熱之邪先著少陰之證陽皆能致此仲景所以未辨寒熱之邪先著少陰之證此至訣也沉微細之脉而見遲是少陰直中之寒沉微細之脉而見數是少陰傳經之熱故脉微細但欲寐六字爲少陰之總脉總證○柯韻伯曰少陰一經兼水火

傷寒論集註

卷四

四

二氣寒熱雜居故爲病不可捉摹其寒也證類太陰其熱也證似太陽仲景以微細之病脉欲寐之病情爲提綱立法於象外使人求法於病中凡證之寒熱與寒熱之真假做此義以推之其陰陽虛實見矣又曰少陽爲陽樞少陰爲陰樞弦爲木象弦而細者是陽之少也微爲木象微而細者陰之少也衛氣行陽則寤行陰則寐其行陽二十五度常從足少陰之分間行藏府少陰病則樞機不利故欲寐也少陽喜嘔嘔主出陽在外也少陰欲寐寐主入陰在內也喜嘔是不得嘔欲寐是不得寐皆在病人意中得樞機之象如此

少陰病欲吐不吐心煩但欲寐五六日自利而渴者屬少陰也虛故引水自救若小便色白者少陰病形悉具

小便白者以下焦虛有寒不能制水故令色白也。欲吐不吐  
心煩者寒中少陰之經欲入少陰臟之形證也。但欲寐  
少陰病情也。自利而渴猶屬少陰之經。若小便色白則  
寒入少陰臟矣。故曰少陰病形悉具。此寒中少陰由  
經入臟之際。入臟卽爲四逆吐利之裏證矣。小便色白

裏熱已見其端而飲水自  
救浮陽猶在上而未罷也

病人脉陰陽俱緊反汗出者亡陽也此屬少陰法當咽

痛而復吐利脉法曰假令舊有伏氣當須脉之若脉微

喉中痛雖爾今復欲下利然則此條乃伏氣病也病人云實

皆不覺其爲病也脉微弱是少陰本脉邪伏未露至脉

陰陽俱緊則伏氣已發也病發於陰不當有汗反汗出

爲亡陽然此屬少陰伏氣猶爲少陰半表半裏陰陽錯

雜之證未可以亡脫論也微脉轉緊亦是病進之

脉又當與後條緊脉轉微對看。方中行曰咽痛者少

陰之脉循喉嚨也其臟屬水所以不惟咽痛而復吐利

所以陰不得有汗仲景治少陰之表於麻黃細辛中加

附子是升腎液而爲汗也若真陰爲邪熱所逼則水隨

火越故反汗出仲景治少陰之裏附子湯中任人參是

補腎液而止汗也

傷寒論集註 卷四 五

少陰病欬而下利讞語者被火氣劫故也小便必難以

強責少陰汗也欬而下利邪傳少陽之經當和之溫之

也難

少陰病脉細沉數病爲在裏不可發汗熱邪傳裏故脉

表不可發汗發汗則動其經氣而有奪血亡陽之變。

大誦按周禹載曰病在少陰已入裏矣今云在裏何耶

此對入府而言邪在陰經者亦每轉歸陽明府蓋沉細

少陰本脉也而數則入胃矣入胃者可汗乎況陰經無

汗法如此則麻黃附子不可用溫經亦不可用也當於

四逆中求之又王宇泰曰陰脉沉細今帶數恐人以爲

熱故舉以告人蓋此數乃沉細而數如經曰數爲虛者

是也非數則煩數之數或云此無發熱證故不可汗

少陰病脉微不可發汗亡陽故也陽已虛尺脉弱瀉者

復不可下之此二條爲少陰汗下者辨證辨脉而防其

誤也。既不可汗又不可下當用溫法可

知。柯韻伯曰少陰脉微不可發汗亡陽故也脉細沉  
數病爲在裏不可發汗然可汗之機亦見於此夫微爲  
無陽數則有伏陽矣須審其病爲在裏而禁汗不得拘  
沉爲在裏而不發汗也發熱脉沉者是病爲在表以無  
裏證故可發汗若脉浮而遲表熱裏寒下利清穀是遲  
爲無陽病爲在裏又不得以浮爲在表而發汗矣要之  
陰中有陽沉亦可汗  
陽中有陰浮亦可溫

少陰病脉緊至七八日自下利脉暴微手足反溫脉緊

反去者爲欲解也雖煩下利必自愈少陰脉緊至七八

微得無陰邪勝乎今詳其手足反溫則知其脉緊去而

暴微爲欲解也煩爲利家所忌今以正勝并煩亦換陽

之吉兆也故曰雖煩下利必自愈。又按緊脉轉微是

復少陰之本脉即少陰來復之陽也手足溫亦是脾家

實與機當去故得轉太陰而自解正與太陰病七八日

暴煩下利自止同陰病見陽脉者生又當如此看。大

誦按柯韻伯曰反是反正之反玩反溫前此已冷可知

微本少陰脉煩本少陰證至七八日陰盡陽復之時緊

傷寒論集註 卷四 六

去微見所謂穀氣之來也徐而和矣頃則陽已反於中

宮溫則陽已敷於四末此陰平陽秘故煩利自止耳

少陰病下利若利自止惡寒而踴臥手足溫者可治此

上條皆陰退陽回之候可治謂可用溫法也常器之曰

可當歸四逆湯。柯韻伯曰少陰是太陽之裏太陽惡

寒故少陰吐利必惡寒陰從陽也太陽手足溫者必暴

煩下利而自愈是太陽藉胃腕之陽少陰吐利亦必手

足溫者可治手足厥者不治是下焦之虛寒既侵迫於

中宮而胃腕之陽仍得敷於四末斯知先天之元陽仍

賴後天之胃氣培植也

少陰病惡寒而踴時自煩欲去衣被者可治喻嘉言曰

衣被真陽擾亂不寧然尚未

至出亡在外故可用溫法也

少陰中風脉陽微陰浮者爲欲愈成氏曰少陰中風陽

也陰脉當沉而浮裏氣和也陽中有陰陰中有陽陰陽調  
和故爲欲愈。魏氏本義曰少陰有直中之寒無直中

之風風中腎臟之病與傷寒之傳經直中俱不相涉今言少陰中風乃是少陰忽轉太陽宛似太陽中風之脈證也陽微陰浮即太陽中風之陽浮陰弱於此知其陰出之陽裏邪達表將必發熱汗出而自愈亦按少陰者太陽之門戶也若太陽傳邪還表不更順乎

少陰病欲解時從子至寅上一陽生於子陰得陽則解

少陰病吐利手足不逆冷反發熱者不死也婉詞脈不至

者急詞也灸少陰七壯少陰始得病即見吐利寒中臟也故不死設吐利而脈不至逆冷反發熱者陽已回也其陽太鬆穴在足內踝後跟骨動脈中柯韻伯曰傷寒以陽為主不特陰證見陽脈者生亦陰病見陽證者可治也凡跪臥四逆吐利交作純陰無陽之證全賴一陽來復故反煩者可治手足反溫反發熱者不死

少陰病八九日一身手足盡熱者以熱在膀胱必便血

傷寒論集註 卷四 七

也腎與膀胱一臟一腑相為表裏少陰病至八九日忽而上一身手足盡熱者腎移熱於膀胱陰出之陽下行極陰中樞之象與太陽熱結膀胱血自下者見證同而病因異又按陰從陽化裏熱達表陽盛陰虛法當滋陰與二三日無裏證者不侔

少陰病但厥無汗而強發之必動其血未知從何道出

或從口鼻或從目出是名下厥上竭為難治下厥者少

熱深也上竭者少陰之血盡從上而越竭也少陰下而故云難治蓋下厥是少陰本病上竭則發汗所致強發其汗究竟汗不得出而但動其血下條黃連阿膠湯似可用以救其上竭即可以治其下厥用鐵於此以俟知者。大納按常器之曰可用芍藥地黃湯郭白雲曰芍藥地黃湯止治上竭而不治下厥然下不厥則上不竭先以常歸四逆湯治下厥仍灸太鬆三陰交及湧泉三穴以止少陰之厥可也又按王宇泰曰但厥無汗熱入裏而外寒甚也當溫之而強發其汗則衛寒甚而汗不能出必內傷其榮血而妄行也

少陰病惡寒身踈而利手足逆冷者不治調直中少陰言曰陰盛無陽即用四逆等法回陽氣於無何有之鄉其不能回者多矣。郭白雲曰灸太鬆仍與四逆等法。大納按周禹載曰四逆白通溫經回陽諸劑必其人真陽未至衰絕故藥力尚有所施但於危者扶之使有以自立非於無者造之使

可以作有也故云不治

少陰病吐利煩躁四逆者死直中少陰臟。陰寒吐利

擾亂更加四肢逆冷是中州之土先敗上下交征中氣立斷故主死也參方喻二家。麗安常曰煩躁者內煩躁也與吳茱萸湯正宜細審其生死也。郭氏曰此正仲景吳茱萸湯證不當不治仍灸太鬆穴。尤氏潛居錄曰少陰病吐利煩躁四逆者死為陰盛而陽絕也少陰病吐利手足厥冷煩躁欲死者吳茱萸湯主之謂陰盛而陽爭也病證同而辨之於爭與絕之間蓋亦微矣

少陰病下利止而頭眩時時自冒者死而眩冒仍為生

傷寒論集註 卷四 八

候蓋陰亡於下陽無依附浮越於上而神明散亂也可見陽回而利止則生陰盡而利止必死參方喻意少陰病四逆惡寒而身踈脈不至不煩而躁者死踈而

陰主屈也陰寒證具而脈不至是陽已去矣陽去故不煩然尚可施回陽之法而收之於萬一若復加躁則孤

陰垂絕基址已壞不能回也參方喻二家。郭白雲曰宜吳茱萸湯當歸四逆加吳茱萸湯仍灸太鬆穴

少陰病六七日息高者死真氣上浮不歸氣海自有一

腎為生氣之源呼吸之門少陰病六七日不愈而息高者生氣絕也

少陰病脈微沉細但欲臥汗出不煩自欲吐至五六口

自利復煩躁不得臥寐者死脈微沉細但欲寐少陰之汗出今汗出不煩無陽也自欲吐陰邪上逆也當急溫之失此不圖至五六日自利有加復煩躁不得臥寐者腎中真陽擾亂頃刻奔散即溫之亦無及矣參方喻二家。柯韻伯曰六經皆有煩躁而少陰更甚者以其陰

之虛也蓋陽盛則煩陰極則躁煩躁屬氣躁屬形煩發於內躁見於外是形從氣動也先躁而後煩是氣為形役也躁而後煩是陽和漸回故可治不煩而躁是五臟之陽已竭惟魄獨居故死故少陰以煩為生機躁為兆死

少陰病始得之反發熱脈沉者麻黃附子細辛湯主之

少陰表證也。龐安常曰少陰脈沉不知何沉也沉緊發汗則動經沉數為病在裏不可發汗此脈或沉而微或沉而濡是表中之寒而裏不消脈應裏而發熱在表故以小辛之藥溫散而微取汗也

少陰病得之二三日麻黃附子甘草湯微發汗以二三日無裏證故微發汗也

趙嗣真曰少陰發汗二湯其第一證以少陰本無熱今發熱故云反也蓋發熱為邪在表而當汗又脈沉屬陰而當溫故以附子溫經麻黃散寒而微取汗解微加細辛是汗劑之重者第二證既無裏寒之可溫又無表熱之可汗求其所以用麻黃附子之義則是脈沉方不可名少陰

傷寒論集註 卷四 九

傷寒論集註 卷四 九  
病身亦發熱方可行發汗藥又得之二三日病向淺比之前證亦稍輕故不重言脈證而但曰微發汗所以去細辛而加甘草是汗劑之輕者。赤按陰邪入裏則吐利厥逆不得謂之表證矣。何以可以發汗又有少陰本熱從化裏熱達表又不待謂之無裏證矣如何可以溫經上條始得之故不言及裏證此條二三日必詳其無裏證而後可施溫經散寒之治但以證有微甚而治分輕重耳。柯韻伯曰少陰主裏應無表證初受寒邪即便發熱似乎太陽而屬之少陰者以頭不痛而但欲寐也蓋少陰為太陽之雖太陽陽虛則不能主外內傷其陰之氣便露出少陰之底少陰陰虛則不能主內外傷太陽之氣便假借太陽之面目此陰陽表裏相應之機也陰陽疑似之際證難辨而脈可憑內經曰逆冬氣則少陰不藏腎氣獨沉故身雖熱而裏則沉也病以太陽而脈反沉便用四逆湯以急救其裏此少陰病而表反熱則一陽無故陰邪始得以內侵孤陽固之象二陰不藏則一陽無故陰邪始得以內侵孤陽固之而外越故發熱無汗太陽之表不得以不開沉為在裏少陰之樞又不待不固設用麻黃開腠理細辛散浮熱而無附子以固元陽則少陰之津液越出太陽之微陽外

亡去生便遠惟附子與麻黃並用則寒邪散而陽不亡精自藏而陰不傷此裏病及表脈沉而當發汗者與病在表脈浮而發汗者迥庭也若表微熱則受寒亦輕故以甘草易細辛而微發其汗甘以緩之與辛以散之者同矣

麻黃附子細辛湯方

麻黃 去節 細辛 各二兩 附子 一枚炮去

右三味以水一斗先煮麻黃減二升去上沫內諸藥

煮取三升去滓溫服一升日三服

麻黃附子甘草湯方

麻黃 二兩 附子 一枚炮去 甘草 二兩

右三味以水七升先煮麻黃一二沸去上沫內諸藥

傷寒論集註 卷四 十

煮取三升去滓溫服一升日三服

少陰病得之二三日以上心中煩不得臥黃連阿膠湯

主之與上條之二三日無裏證對看若二三日表熱入裏腎水耗而心火熾一水不勝二火故心中煩不得臥前條二三日無裏證則乘其在表而微汗之此二三日已入裏為之滋其陰以和其陽腎水生而君相之火自息。柯韻伯曰此少陰之瀉心湯也凡瀉心必藉芩連而導引有陰陽之別病在三陽胃中不和而心下痞鞭虛則加入參甘草補之實則加大黃以泄之病在少陰而心中煩不得臥既不得用參甘以助陽亦不得用大黃以傷胃故用連芩以直折心火佐芍藥以收斂神明所以扶陰而抑陽也然以但欲寐之病情而不得臥以微細之病脈而反見心中煩非得血氣之屬以交合心腎甘平之品以滋陰和陽不能使水升而火降若苦從火化而陰火不得歸其部則少陰之熱不除難子黃稟離宮之色入通於心可以補心中之血用生者攪和取潤下之義也驢皮稟北方之色入通於腎可以補坎宮之精濟水內合於心而性急趨下與之相溶而成膠

足降火歸源之妙劑也經曰火位之下陰  
精承之陰平陽秘精神乃治斯方之謂歟

### 黃連阿膠湯方

黃連 二兩 阿膠 三兩 黃芩 一兩

芍藥 二兩 雞子黃 二枚

右五味以水五升先煮三物取二升去滓內膠烺盡  
少冷內雞子黃攪令相得溫服七合日三服

### 少陰病得之一二日口中和其背惡寒者當灸之附子

湯主之少陰病得之一二日無表熱無裏熱而即顯真  
寒之象當先灸之以益火而消陰而後主之以  
附子湯扶陽而培陰蓋三陰以少陰爲樞設扶陽而不  
培陰陰虛而陽無所附非治法之善也方中君生附二  
枚取其力之銳也且以益少火之陽鼓腎間之動氣禦  
外侵之陰翳以人參爲佐者所以固生氣之原更用白

### 傷寒論集註 卷四

上

術以堅太陰之土芍藥以滋厥陰之木茯苓以利少陰  
之水水利則精自藏土堅則水有所制木調則水有所  
生制生則化矣此仲景溫補之第一方爲少陰固  
本禦邪之劑。常器之曰當灸臍俞及關元穴

### 附子湯方

附子 二枚 人參 二兩 白朮 四兩  
去皮

茯苓 芍藥 各三兩

右五味以水八升煮取三升去滓溫服一升日三服

王宇泰曰背惡寒者陰寒氣盛此條是也又或陽氣  
內陷有背微惡寒者所謂傷寒無大熱口燥渴心煩  
背微惡寒白虎加人參湯主之是也一爲陰  
寒氣盛一爲陽氣內陷當於口中潤燥辨之

### 少陰病身體痛手足寒骨節痛脈沉者附子湯主之

表證身體疼痛則手足熱而脈浮此身體痛骨節痛而  
手足寒脈沉者是寒中少陰臟也腎主骨故骨節痛。

柯韻伯曰太陽少陰皆有身痛骨節痛之表太陽則脈  
浮緊而身發熱用麻黃湯發汗是振營衛之陽以和陰  
也少陰則脈沉而手足寒用附子湯溫補是扶坎中之  
陽以配陰也又曰此與麻黃附子湯皆直治少陰表證  
而有出入之不同內經曰少陰之陰其入於經也從  
於陽部注經也其出者從陰內注於骨發熱脈沉無裏證者  
從陽也從陽注經是表熱裏虛病從內出故溫而兼補又與真  
武湯似同而實異倍附子白朮去薑而用參全是溫補  
以壯元陽真武湯用生薑而無人參尙是溫  
散以逐水氣補散分岐只在一味之轉旋也

### 桃花湯方

### 傷寒論集註 卷四

三

赤石脂 用一片一半全 乾薑 一兩 粳米 一升

右三味以水七升煮米令熟去滓每服七合內赤石  
脂末方寸七日三服若一服愈止後服

### 少陰病二三日至四五日腹痛小便不利下利不止便

膿血者桃花湯主之腹痛裏寒小便不利水穀不別也  
上條既起其端此乃備言日數與  
寒脫之象而申說其方。大誦按方中行曰腹痛裏寒傷  
胃也小便不利下利不止者胃傷而土不能制水也便  
膿血者下焦滑脫也石脂之澁固腸虛之滑脫乾薑之  
辛散胃虛之裏寒粳米甘草和中而益胃故三物者所  
以爲少陰下利便

### 少陰病下利便膿血者可刺

此條之下利便膿血日未  
久熱未變寒可刺經穴以  
瀉其熱以難用寒藥故另開一出邪之路耳。常器之  
曰刺幽門交信。大誦按周禹載曰二條俱是便膿血

而此用刺者夫刺所以通經氣也桃花湯所以固脫也乃一法通因通用一法通因通用者固病情有虛實之別歟不可不加審也

少陰病吐利手足厥冷煩躁欲死者吳茱萸湯主之

言曰腎中之陰氣上逆將成危候用茱萸以下逆氣人參藟以厚土則陰氣不復上干此之溫經兼以溫中矣。郭白雲曰少陰病四逆而煩躁者先宜服四逆湯四逆下利脈不出者先宜服通脈四逆湯此三者治少陰之大要藥也

少陰病下利咽痛胸滿心煩者猪膚湯主之

方中行曰猪膚本草不載然猪屬亥宜入少陰膚乃外薄宜能解外其性則涼固能退熱邪散而熱退煩滿可除也白蜜潤燥以利咽痛可愈也白粉益土以勝水利可止也意者義在斯乎。大訥按周禹載曰猪為水畜取膚明是潤燥一切苦寒概不敢投腎惡燥也佐以粉蜜是培土和金斯咽痛愈而利可止也

傷寒論集註 卷四 三

猪膚湯方

猪膚一斤

右一味以水一斗煮取五升去滓加白蜜一升白粉

五合熬香和相得溫分六服

大訥按猪膚一味因本氏以為猪皮吳氏以為為猪刮下黑膚無可依據因思華陀曰傷寒一日在皮二日在膚則皮下為膚膚下為肉是膚深於皮一層矣若以此為定評則當用厚皮愚見如此明者察焉

少陰病二三日咽痛者可與甘草湯不差與桔梗湯

諸條皆伏氣病熱邪所發甘草以和緩之不差加桔梗以開提之風邪挾痰半夏散以滌飲散邪甚則苦酒湯以滌飲潤咽消腫斂瘡。大訥按張氏曰六經傷寒惟少陰有咽痛咽傷之患蓋少陰之脈上貫肝膈入肺循喉嚨係舌本經曰腎所生病者咽腫上氣喘乾及痛此經脈所係邪氣循行而致然也

甘草湯方

甘草二兩

右一味以水三升煮取一升半去滓溫服七合日三

服大訥按徐忠可曰甘草一味單行最能和陰而清其能清少陰客熱可知所以為咽痛專方也

桔梗湯方

桔梗一兩

甘草二兩

右二味以水三升煮取一升去滓分溫再服

大訥按日設服前湯而不除非藥之不勝病也正以少陰之火挾邪上攻則併其母亦病故加苦桔梗以開之而愈矣

傷寒論集註 卷四 丙

少陰病咽中傷生瘡不能語言聲不出者苦酒湯主之

大訥按方中行曰咽傷生瘡比痛為重不能語言者少陰之脈入肺絡心心通竅於舌心熱則舌不掉也聲不出者肺主聲而屬金金清則鳴熱則昏塞也半夏主咽而開痰結苦酒消腫而斂咽瘡雞子甘寒而除伏熱連敘三條證同而治殊蓋各適其宜耳

苦酒湯方

半夏洗破如棗核 雞子酒着雞子殼中

右二味內半夏着苦酒中以雞子殼置刀鐮中安火

上令三沸去滓少少含嚥之不差更作三劑服之

大訥按程扶生曰卵白象天卵黃象地前黃連阿膠湯用雞子黃義取入腎滋陰此苦酒湯用雞子白義取入肺潤瘡

少陰病咽中痛半夏散及湯主之諸條皆伏氣病但寒熱微甚不同耳。大  
納按陰精不虧則陰火不升更得時邪之火侵之漸次  
入經而腎陰更自消燼夫少陰之經上循喉嚨陰火上  
逆挾痰攻咽故咽痛也雖為陰精之不足實為火邪之  
內薄故以半夏為君不嫌其燥桂枝為臣怯散其邪佐  
以甘草緩急而下火使火不復  
升則痰壅咽痛皆隨藥而愈矣

半夏散及湯方

半夏洗

桂枝

甘草炙

右三味各等分為末合治之白飲和服方寸匕日三  
服若不能散服者以水一升煎七沸內散一兩方寸  
匕更煎三沸下火令小冷少少嚥之

少陰病下利白通湯主之

直中少陰臟客邪不能制水故自利。喻嘉言曰下利無

傷寒論集註

卷四

五

陽證純陰之象恐其陰盛格陽故用白通湯以通其陽而消其陰也

白通湯方

附子一枚生用去

乾薑一兩

葱白四莖

右三味以水三升煮取一升去滓分溫再服

大謫按徐忠可

曰少陰病既無熱脈微下利是陰寒凝結統攝無主  
並無疑似之陽證凝結之寒漫無欲散之機故以生  
附配乾薑辛熱而迅發從邪中鼓動一陽以成開  
泰之功其用葱白者隆冬稟列百草皆萎患不在虛  
而在陽氣之不接故以葱白之最通陽界者主陽之  
名謂陽春布德必先葭管飛灰東風透谷而後凍解  
暉生否則單恃辛熱不足以引有  
脚之陽適足以益丹鼎之燥耳

少陰病下利脈微者

為前條補脈

與白通湯利不止厥逆無

脈乾嘔煩者白通加豬膽汁湯主之服湯脈暴出者死

微續者生寒中少陰而白利脈微恐其內寒陽氣不得通於裏故與白通湯以通陽氣而利猶不止  
陽氣反為之逆亂厥逆無脈乾嘔而煩者寒甚格陽也  
當加人尿胆汁從其氣類而和之服湯脈暴出者正氣  
因發泄而脫也脈微  
續者陽氣漸復也

白通加豬膽汁湯方

附子一枚生去

皮破八片

乾薑一兩

葱白四莖

人尿

五合

豬膽汁一合

已上三味以水三升煮取一升去滓內膽汁人尿和  
令相得分溫再服無膽汁亦可用大謫按別本云若無豬膽羊膽汁亦可  
可用又按徐忠可曰白通湯本取通脈而沉者起微  
者盛反厥逆無脈乾嘔而煩是葱白能通上而不能  
通下是微陽之欲散未散者因葱而上越故為嘔為  
煩非徒無益而又害之也然非葱白薑附之辛熱猝

傷寒論集註

卷四

六

難宣發則葱白之用豈為過乎貴在無向導矣故以人尿豬膽汁引之但炎上之火收之極難故脈忌暴出謂與下之凝寒竟不相屬則相離而絕也

少陰病二三日不已至四五日腹痛

寒內甚小便不利

行四肢沉重疼痛

濕外白下利者

本集無或嘔者真武

湯主之

方中行曰真武者北方陰精之宿職專司水之神以之名湯義取主水然陰寒甚而水泛溢由陽困弱而土不能制伏也宋與荅燥土勝濕芍藥附子利氣助陽生薑健脾以煥土。柯韻伯曰太陽少陰皆有水氣為患太陽之水屬上焦小青龍汗而發之陰水當從外散也少陰之水屬下焦真武湯溫而利之陰水當從下泄也。大謫按別本原文俱是或小便利或下利此則曰小便不利并無或下利三字觀成氏註云腎主水腎病不能制水水飲停為水氣腹痛者寒濕內甚也四肢沉重疼痛寒濕外甚也小便不利自下利者濕



勝而水穀不別也內經曰濕勝則濡泄與真武湯益陽氣散寒濕等語則必小便不利而下利者方與此湯蓋腹中痛小便不利四肢重痛此腎中真陽不能制水而利濕勝而水穀不別也身重痛濕流關節也欬嘔水氣上逆也以附子益火以白木培土以茯苓利濕以生薑散寒皆所以制水也至芍藥之用亦以和腹痛之逆邪而引水下利則是當從小便不利自下利為是故仍增祈明者之訂定

真武湯方

茯苓

芍藥各三兩

白朮二兩

附子一枚炮去皮破八片生薑切三兩

右五味以水八升煮取三升去滓溫服七合日三服

加減法

傷寒論集註

卷四

七

欬者加五味子半升細辛乾薑各一兩

小便利者去茯苓

下利者去芍藥加乾薑二兩

嘔者去附子加生薑足前成半斤

少陰病下利清穀裏寒外熱手足厥逆脈微欲絕身反

不惡寒其人面赤色或腹痛或乾嘔或咽痛或利止脈

不出者通脈四逆湯主之此條之寒證較前條之下利

顯格陽之象故於四逆湯倍加薑附與葱以入陰而逆

陽已返舍益以外不惡寒真陽尚在軀殼通其脈而即

出始為休徵設脈出難遲其陽已隨勢而外散矣節節

論篇

通脈四逆湯方

附子一枚生去皮破八片乾薑三兩強甘草三兩

右三味以水三升煮取一升二合去滓分溫再服其

脈即出者愈

加減法

面赤色者加葱九莖

腹中痛者去葱加白芍藥二兩

嘔者加生薑二兩

咽痛者去芍藥加桔梗一兩

利止脈不出者去桔梗加人參一兩

傷寒論集註

卷四

六

大誦按徐忠可曰寒見寒證無見熱證此其常也寒熱證並見是陰寒隔陽於外不能內返也故少陰病下利清穀厥逆脈微腹痛寒也而反外熱不惡寒面赤乾嘔咽痛則為陰陽相格而元陽飛散之機即於四逆加蔥以入陰而迎陽又倍乾薑以壯溫煖之氣加甘草一兩以和調之用蓋通之於外正攝之於內也甚至戴陽汗出者亦用之則合甘草乾薑大甘大熱之間有妙用耳雖汗出而不忌葱可知此證之急務妙在通之也故藥同四逆而另作湯名重在加減也至於利止脈不出正經所謂脈微而利亡血也又非一通可愈故更加以人參然觀面色赤加葱九莖則知隔陽之證當以戴陽為確矣

少陰病四逆其人或欬或悸或小便不利或腹中痛或泄利下重者四逆散主之熱邪深入少陰而裏未結實盧氏復曰少陰為病但欲寐陽去入陰之象循致四肢逆冷則熱已深入為治之法入者出之大凡氣之欲出須從太陰始太陰主開也芍藥冬芽而氣酸為甲木甘草色黃而味甘為已土甲已合化既得開出之機兼以



血達之柴胡橫膈之枳實翻身外轉氣都向陽則陰邪無地可容向之自外入者開之使從內出此四逆散之義也。赤又按此方尤為陽邪陷入厥陰之對劑厥陰篇中厥熱相尋宜於升陽達表者當與小柴胡湯互衡而審處之

四逆散方

芍藥 甘草 柴胡 枳實 炙乾

右四味各十分搗篩孫思邈錄兩說二錢五分爲一分白飲和服方

寸七日三服

加減法

欬者加五味子乾薑各五分并主下痢

悸者加桂枝五分

傷寒論集註 卷四 充

小便不利者加茯苓五分

腹中痛者加附子一枚炮令拆

泄利下重者先以水五升煮薤白三升煮取三升去滓以散三方寸七內湯中煮取一升半分溫再服

大誦按周禹載曰下重氣滯也薤白疏泄也陽邪陷入則大腸氣滯故調氣則後重自除薤白能通手陽

明經氣也

少陰病下利六七日欬而嘔渴心煩不得眠者猪苓湯

主之下利嘔渴心煩不得眠知非裏寒乃協熱利也

趙羽皇曰仲景製猪苓一湯以行陽明少陽二經水熱

然其旨全在益陰不專利水益傷寒在表最忌亡陽而

裏虛又患亡陰亡陰者亡腎中之陰與胃家之津液也故陰虛之人不但大便不可輕動即小水亦忌過於滲

泄方中河膠養陰生新去瘀於腎中利水即於腎中養陰滑石甘滑而寒於胃中不熱即於胃家養陰佐以二苓之淡滲既疏濁熱而不留其瘀壅亦潤真陰而不苦其枯燥源清而流有不清者乎

少陰病得之二三日口燥咽乾者急下之宜大承氣湯

得病纔二三日而熱邪已入少陰腎水不供因轉屬陽

明胃火上炎故口燥咽乾也急下之穀氣下流則津液

得升矣

少陰病自利清水色純青心下必痛口乾燥者急下之

宜大承氣湯喻嘉言曰熱邪傳入少陰逼迫津水注爲

暴虐反與陰邪相似惟陽邪傳自上焦心下必痛口必

乾燥故宜急下以救陰。柯韻伯曰自利純青水心下

痛口乾燥者是土燥火炎脾氣不濡

胃氣反厚水去而穀不去故宜急下

少陰病脉沉者急溫之宜四逆湯初頭脉沉未有形證

傷寒論集註 卷四 辛

溫之醫門所

以貴上工也

少陰病飲食入口即吐心中溫溫欲吐復不能吐始得

之手足寒知非邪脉弦遲者此胃中實不可下也當吐之

若膈上有寒飲乾嘔者不可吐也急溫之宜四逆湯少

病始得之手足寒脉弦遲其故有二寒熱鬱於胸中有

物而不能吐手足出與夫寒飲停於膈上無物可吐而但乾

嘔皆能使手足寒脉弦遲也一則吐之以舒其胸中之

陽氣一則溫之以消膈上之陰翳則手足當溫而弦遲

之脉亦平矣其當吐者不可下也當溫者不可吐也脉

少陰病下利脉微瀉而汗出必數更衣反少者當溫其上灸之下利脉陽微而陰瀉為真陰真陽兩傷之候嘔者陰邪上逆也汗出者陽虛不能固外陰弱不能內守也數更衣反少者陽虛則氣下墜陰弱則其陰然後陰得安靜不擾而下利自止設用藥以溫下寧不劫其陰乎前論篇文。郭白雲曰自利者三陰證也仲景以自利不渴者屬太陰渴者屬少陰何也蓋太陰脾之經也其脉布胃中與胃為表裏脾本惡濕加以胃中寒故不渴也少陰腎之經也腎屬水故惡燥經中邪則腎當大燥於是引水自救故渴也是以太陰無渴證少陰有渴證也

傷寒論集註卷四終

傷寒論集註卷四

主

傷寒論集註卷第五

漢張機仲景著

東吳徐  
大訥吳士  
長洲蔣  
姪秉鈞衡望  
男維鈞衡範  
參閱

辨厥陰病脉證并治法

厥陰之為病消渴木盛水虧氣上撞心中疼熱肝氣饑而木為水下利不止厥陰屬木木為水

不飲食食則吐衄木邪下利心下痞滿木為水肝氣通心故上衝於心中疼熱也胃司食而屬土受

傷寒論集註卷五

一 玉照堂

制於木木實土虛故饑而不欲食食則吐衄若以其熱渴而下之則邪在厥陰而反虛陽明木益賊其所勝而母盛則子實故氣衝心而疼熱然足經之邪終與手經有別雖仰開而攻究不能入心之邪郭亦至胃則受俯陵之勢無可逃避食則吐而下則利不止矣。柯韻伯曰兩陰交盡名曰厥陰又陰之絕陽是厥陰宜無熱矣然厥陰主肝而胆藏肝內則厥陰熱證皆少陽相火內發也少陽厥陰同一相火相火鬱於內是厥陰病相火出於表為少陽病少陽相火鬱於內是厥陰病相火滿即氣上撞心之兆心煩即乾即厥陰消渴之機胸脇苦滿即氣上撞心之兆心煩即乾即厥陰消渴之機胸脇饑不欲食之根喜嘔即吐衄之漸故少陽不解轉屬厥陰而病危厥陰病衰轉屬少陽而欲愈厥陰中風脉微浮為欲愈不浮為未愈柯韻伯曰浮為風脉此云不浮為未愈是厥陰中風脉反沉矣此木猶陰處風入地中木鬱不舒故未愈微浮是風行地上草木發陳復厥陰故愈也

成氏曰厥陰木也王於丑寅卯向王故爲欲解

亦然先四逆而後厥者陰寒獨盛也先發熱而

厥者不可下之是兼虛寒  
應下之是專指厥深熱亦

之愈  
柯韻伯曰厥陰肝木  
熱甚於內欲竊母氣

可以平亢火多與之反以  
忌水漬入胃耳又曰渴欲飲

1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100  
101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200  
201  
202  
203  
204  
205  
206  
207  
208  
209  
210  
211  
212  
213  
214  
215  
216  
217  
218  
219  
220  
221  
222  
223  
224  
225  
226  
227  
228  
229  
230  
231  
232  
233  
234  
235  
236  
237  
238  
239  
240  
241  
242  
243  
244  
245  
246  
247  
248  
249  
250  
251  
252  
253  
254  
255  
256  
257  
258  
259  
260  
261  
262  
263  
264  
265  
266  
267  
268  
269  
270  
271  
272  
273  
274  
275  
276  
277  
278  
279  
280  
281  
282  
283  
284  
285  
286  
287  
288  
289  
290  
291  
292  
293  
294  
295  
296  
297  
298  
299  
300  
301  
302  
303  
304  
305  
306  
307  
308  
309  
310  
311  
312  
313  
314  
315  
316  
317  
318  
319  
320  
321  
322  
323  
324  
325  
326  
327  
328  
329  
330  
331  
332  
333  
334  
335  
336  
337  
338  
339  
340  
341  
342  
343  
344  
345  
346  
347  
348  
349  
350  
351  
352  
353  
354  
355  
356  
357  
358  
359  
360  
361  
362  
363  
364  
365  
366  
367  
368  
369  
370  
371  
372  
373  
374  
375  
376  
377  
378  
379  
380  
381  
382  
383  
384  
385  
386  
387  
388  
389  
390  
391  
392  
393  
394  
395  
396  
397  
398  
399  
400  
401  
402  
403  
404  
405  
406  
407  
408  
409  
410  
411  
412  
413  
414  
415  
416  
417  
418  
419  
420  
421  
422  
423  
424  
425  
426  
427  
428  
429  
430  
431  
432  
433  
434  
435  
436  
437  
438  
439  
440  
441  
442  
443  
444  
445  
446  
447  
448  
449  
450  
451  
452  
453  
454  
455  
456  
457  
458  
459  
460  
461  
462  
463  
464  
465  
466  
467  
468  
469  
470  
471  
472  
473  
474  
475  
476  
477  
478  
479  
480  
481  
482  
483  
484  
485  
486  
487  
488  
489  
490  
491  
492  
493  
494  
495  
496  
497  
498  
499  
500  
501  
502  
503  
504  
505  
506  
507  
508  
509  
510  
511  
512  
513  
514  
515  
516  
517  
518  
519  
520  
521  
522  
523  
524  
525  
526  
527  
528  
529  
530  
531  
532  
533  
534  
535  
536  
537  
538  
539  
540  
541  
542  
543  
544  
545  
546  
547  
548  
549  
550  
551  
552  
553  
554  
555  
556  
557  
558  
559  
560  
561  
562  
563  
564  
565  
566  
567  
568  
569  
570  
571  
572  
573  
574  
575  
576  
577  
578  
579  
580  
581  
582  
583  
584  
585  
586  
587  
588  
589  
590  
591  
592  
593  
594  
595  
596  
597  
598  
599  
600  
601  
602  
603  
604  
605  
606  
607  
608  
609  
610  
611  
612  
613  
614  
615  
616  
617  
618  
619  
620  
621  
622  
623  
624  
625  
626  
627  
628  
629  
630  
631  
632  
633  
634  
635  
636  
637  
638  
639  
640  
641  
642  
643  
644  
645  
646  
647  
648  
649  
650  
651  
652  
653  
654  
655  
656  
657  
658  
659  
660  
661  
662  
663  
664  
665  
666  
667  
668  
669  
670  
671  
672  
673  
674  
675  
676  
677  
678  
679  
680  
681  
682  
683  
684  
685  
686  
687  
688  
689  
690  
691  
692  
693  
694  
695  
696  
697  
698  
699  
700  
701  
702  
703  
704  
705  
706  
707  
708  
709  
710  
711  
712  
713  
714  
715  
716  
717  
718  
719  
720  
721  
722  
723  
724  
725  
726  
727  
728  
729  
730  
731  
732  
733  
734  
735  
736  
737  
738  
739  
740  
741  
742  
743  
744  
745  
746  
747  
748  
749  
750  
751  
752  
753  
754  
755  
756  
757  
758  
759  
760  
761  
762  
763  
764  
765  
766  
767  
768  
769  
770  
771  
772  
773  
774  
775  
776  
777  
778  
779  
780  
781  
782  
783  
784  
785  
786  
787  
788  
789  
790  
791  
792  
793  
794  
795  
796  
797  
798  
799  
800  
801  
802  
803  
804  
805  
806  
807  
808  
809  
810  
811  
812  
813  
814  
815  
816  
817  
818  
819  
820  
821  
822  
823  
824  
825  
826  
827  
828  
829  
830  
831  
832  
833  
834  
835  
836  
837  
838  
839  
840  
84

自止見厥復利陽邪下陷於陰則厥

自止見厥則陽復入陰而

也其始無熱惡寒而復厥利

二 王照堂

外退而真寒內生厥利復

1. The first step is to identify the problem or question that needs to be addressed. This involves understanding the context and the specific requirements of the task.

而利凡厥利者當不能食

餅若發熱者熱者非從來

問在必愈恐暴熱來出而復

在者期之日日夜半愈所以

日復發熱三日并前六日亦

日日夜半愈後三日脉之而

故可必其愈也但恐熱來

脉之其熱續在陰陽相平則

之旦日夜半陽氣生長之時而愈若脉遲變數熱氣有餘厥陰主血熱與血結必發癰膿也。魏氏本義曰前

熱六日翻厥九日再熱三日陽入陰九日出陰亦九日  
一出入卽一屈一伸一屈一伸卽一曲一直木之本

性然也在少陽爲往來寒熱屬府故陽陷淺而往來之時暫在厥陰爲出入厥熱屬藏故陽陷深而出入之時

久旦日夜半決其愈者熱與厥相應陰陽兩停無過不及所以知其可愈設後三日脉之而脉數其熱不罷則

陽盛於陰爲熱氣有餘雖厥陰以熱爲貴而亦不宜過  
過則傷陰肝爲血臟熱入其中久與相溷釀爲癰膿可

見厥陰以陽陷爲病以陽升爲愈而陽升必以透表而散方爲全愈若仍在厥陰薰灼是升猶未升也仲景就

人知厥陰之治法也又曰原文言始發熱六日便知其

邪自少陰來何也少陰無發熱發熱卽爲愈機至傳厥陰必發熱以少陰在三陰爲陰經之裏熱不能發厥陰

與少陽相連故易發熱又曰仲景言曰紹略之辭但取其均平耳非定以九日爲準也

傷寒脉遲六七日而反與黃芩湯徹其熱脉遲爲寒今

傷寒論集註  
卷五  
三

與黃芩湯復除其熱腹中應冷當不能食今反能食此

名除中必死厥陽不熱正氣轉以目眦赤種似熱必不可以寒藥徹之今與黃芩湯余其熱胃中應冷當不能食今反能食明是胃陽垂絕

而暫焉發露其滅也忽焉故云必死腹中卽胃中也陰

去也。魏氏本義曰：傷寒，厚遲六七日，或熱少厥多，或下寒上熱，醫者不察，反以黃芩湯斂其熱，夫脉遲爲寒。

以寒益寒胃中應冷當不能食反能食者胃陽暴露名曰除中將見發熱汗出不止等證湯

已離根豈能復續所以決其必死

傷寒先厥後發熱下利必自止而反汗出咽中痛者其

喉爲痺發熱無汗而和必自止若不  
止必便膿血便膿

血者其嘔不痺下利木尅土也後發熱利必自止者火

越之故咽中痛而喉爲痺肝火內行而入脾火土合德

發熱無汗而利必自止若不汗是火邪內陷血室不寧  
必蒸為敗濁便膿血也便膿血者其喉不痺下利而熱  
復上也。魏氏本義曰傷寒有先厥而下利者自是熱  
下陰分即為陽陷陰中也及後發熱而利止此陽出陰  
分即陽升得上也而反汗出咽中痛者亦是熱氣有餘  
之故熱氣有餘則薰灼上焦為喉痺皆由治之無術  
不能使陽氣透表升散致為害空發也夫汗出應熱散  
矣乃不散而為喉痺是汗乃陰分之血為熱邪所逼而  
化者非透表升陽之汗適足以虧陰益熱而已其發熱  
無汗者亦為熱出陰中下利亦必自止又因無汗之故  
而熱不上衝抵能下注其下利即協熱之利熱不消利  
不得止甚之熏灼腸胃而便膿血是熱邪下注之證而  
陽未升散可知熱既下注則上不利其喉不痺蓋厥陰  
傳經熱邪一日不升陽達表必一日在內為患在陽升  
熱出向如此况熱後復厥熱相尋馴至陽微陰盛愈  
難治矣主治者安可坐視而不升降其陽宜導其熱乎  
。常器之曰喉痺可枯  
梗湯便膿血可桃花湯

傷寒一二日至四五日而厥者必發熱前熱者後必厥  
傷寒論集註 卷五 四

厥深者熱亦深厥微者熱亦微厥應下之而反發汗者  
必口傷爛赤 先厥者陽回必發熱也前熱者熱陷後必  
微者其發熱亦輕微此陰陽勝復之理也誤讀者謂手  
足厥深者其內畜熱亦深厥微者其內畜熱亦微大失  
論文本意厥應下之而誤汗者不能逐散外邪徒然引  
熱上升故令口傷爛赤若手足厥冷脈細欲絕此時外  
寒初感內熱未起又當發汗當歸四逆湯是厥陰傷寒  
發表藥也。魏氏本義曰熱微則陷者淺可以升降熱  
深則陷者深不可升降乘其陷入之勢與以蕩滌之施  
是厥應下之也喻氏謂用小承氣之深而反發汗并失  
其升降之義矣升降亦非用燥熱之品發汗亡津以重  
傷陰分之謂也妄施之必陽熱之邪  
愈熾火盛炎上口傷爛赤所必然矣  
傷寒病厥五日熱亦五日設六日當復厥不厥者自愈  
厥終不過五日以熱五日故知自愈 龐常日云若六  
日厥者必發熱愈

其仍下利也郭氏曰此恐論中語而諸書皆不見。魏  
氏本義曰厥五日陽入也熱亦五日陽出也設六日當  
復厥陽入也入也。不厥則陽不入而直出透表矣厥終不  
過五日者以前熱五日陰陽之氣適平所以知其能自  
愈又曰邪在少陰不發熱及傳厥陰則發熱故可因此  
一二日至四五日而識厥日之數以定厥熱之淺深也  
日熱證宜理熱邪如漸厥多熱少則又當理寒邪勿傷  
陽分矣然厥自各有專條也

凡厥者陰陽氣不相順接便為厥厥者手足逆冷是也  
陰氣獨盛不與陽相順接則厥陽氣深陷不與陰相順  
接則厥故曰凡厥者皆不達其源厥者逆也凡逆皆為厥  
傷寒所論乃手足厥逆之一證也其陰陽正氣偏勝而  
傷者一寒不復可熱一熱不復可寒傷寒之厥非本陰  
陽偏勝暫為寒邪所苦而然邪不復可寒傷寒之厥非本陰  
經不能容其邪必溢於陽故為寒厥邪不復可熱傷寒之  
陰衰陽經不能容其邪必溢於陰故為熱厥其手足逆

傷寒論集註 卷五 五

冷或有溫時手足雖逆冷而手足心必煖龐氏謂此非  
正厥皆寒氣之輕者也故可消息汗下或者以此便為  
熱厥非也其為熱厥寒厥一皆寒耳傷寒之證何如手足  
厥惟火炮烙或如入湯中是也傷寒有如此乎曰以理推  
之陽毒或有此證人湯中是也傷寒有如此乎曰以理推  
始於何時曰始於素問岐伯曰陽氣衰於下則為寒厥  
陰氣衰於上則為熱厥故陽氣勝則足下熱陰氣勝則  
從五指至膝下寒也曰經有言足如履冰時如入湯中  
一證豈寒熱并厥乎曰此為風痺淫燥陰陽二經俱不  
足邪氣乘虛而入於二經之間往來寒熱正氣不能與  
之爭邪氣日進正氣日衰所以不出三年死非厥也。  
又曰厥病發熱膿膿便膿血何也蓋以毒氣從三陰經走  
下於表者則發癰膿下於裏者則便膿血也便膿血則  
有可下逐之理免發癰膿下於裏者則便膿血也便膿血  
傷爛赤者以毒下而復之反汗則口  
傷寒脈微而厥至七八日膚冷其人躁無暫安時者此

為厥厥非就厥就厥

時煩此為厥寒就厥

煩者就開食臭出

又主久利

厥者木邪盛則胃中不和

而復止蓋就則胃中不和

也至七八日則陽氣衰

溫之而厥不至者主

因此而主久利者以

故主之微乃陽衰之

陽升之微乃陽衰之

冷而且膚冷其人躁

湯回陽安躁是也若

傷寒論集註

故其人當吐

躁無暫安時

分別治之也

臟字指胃內經

止得食而嘔

未至膚冷陰

氣而後已非

從緩治之寒

收以斂陰細

使陽不為陰

陽之緩劑學

烏梅圓方

烏梅三百 細辛 六兩 乾薑 十兩 黃連 一斤

當歸 四兩 附子 炮 桂枝 人參

黃蘗 各六兩 蜀椒 四兩 去子

右十味各搗篩合治之以苦酒漬烏梅一宿去核蒸

之五升米下飯熟搗成泥和藥令相得內臼中與蜜

杵二千下丸如桐子大先食飲服十九日三服稍加

至二十九禁生冷滑物臭食等

傷寒熱少厥微指頭寒默默不欲食煩躁數日小便利

色白者此熱除也欲得食其病為愈若厥而嘔胸脇煩

傷寒論集註 卷五 七

滿者其後必便血 熱少厥微手足不寒而但指頭寒厥

陰之象也不欲食而煩躁木邪侵胃腎水受燥也至數

日之後漸見小便利而色白是腎水不為木吸而裏熱

退也欲得食是木邪去胃而胃氣和也故曰其病為愈

若未得小便利則熱不除邪持不去且于其腑陰出之

陽而轉見少陽之證則除邪而胸脇煩滿也厥陰之邪亦

可乘此而外泄於此不得外泄其後熱氣更還於臟肝

主血必 致便血

傷寒發熱四日厥反三日復熱四日厥少熱多其病當

愈四日至七日熱不除者必便膿血 厥陰熱氣有餘下

膿血。魏氏本義曰傷寒發熱四日厥反三日復熱四

日發並不復厥厥少熱多其病當愈於是升降以釋散

之則當愈者必愈矣失此不治至七日之久而熱不除

是熱重於裏必有下注之患迨至便膿血則腸熱之利

傷寒厥四日熱反三日復厥五日其病為進寒多熱少陽氣退故為進也診厥陰病以陽為主故以寒多熱少為陽氣退而病進。魏氏本義曰厥四日熱反三日復厥五日陽陷陰分者漸深熱耗陰分者漸熾始惟陽陷至陽衰寒多熱少而陽氣退病不更進乎可見厥少熱多病為易治司命者當圖之於早也

傷寒六七日脈微手足厥冷煩躁灸厥陰厥不還者死

成氏曰傷寒六七日正氣當復邪氣當罷脈浮身熱為欲解若反脈微而厥則陰勝陽也煩躁者陽虛而爭也。柯韻伯曰厥者必發熱熱與厥相應熱深厥亦深熱微厥亦微此四證是厥陰傷寒之定局先熱後厥厥熱往來厥多熱少熱多厥少此四證是厥陰傷寒之變局皆因其人陽氣多寡而然

傷寒發熱下利厥逆躁不得臥者死魏氏本義曰發熱而利不止則非陽

傷寒論集註 卷五 八

升邪散之熱乃陽微為陰所逼之熱也熱後復厥自必下利如故遂至陰躁不得臥所謂無暫安時者也厥不復還矣故

傷寒發熱下利至甚厥不止者死魏氏本義曰發熱時利脫盡矣及至厥時厥遂不還不必陰躁已主死也。大訥按周禹載曰厥利止而發熱為陽復不止為陽脫陽既脫則雖不煩躁而亦主死矣

傷寒六七日不利便發熱而利其人汗出不止者死有

陰無陽故也魏氏本義曰治厥陰病凡見陽衰即宜急為扶助凡見陽微之端促而人不覺遂延誤其六七日不下利必露陽微之端促而人不覺遂延誤其扶陽之治而孤陽乃為盛陰所逼自內而出亡於外為汗為熱自而上而隨陰下泄為利頃刻陽不守舍是為陰無陽不惟與熱氣有餘之厥陰異而并與寒熱雜合之厥陰異此陽脫於陰而死之證也赤按厥陰有熱利當自止其熱不止而便膿血者熱氣下行有法有方見

於後條至有發熱下利邪氣獨盛或臟氣已竭惟獨居而躁不得臥或土敗木賊而利甚厥不止或陽虛外亡而汗出不止俱主死也。大訥按便字當作暴字解蓋始病時不熱不利後為陰邪所逼虛陽外越而暴熱暴利且至汗不止而陽亡故曰有陰無陽也

發熱而厥七日下利者為難治發熱而厥邪陷入陰也下利則真陽下泄而不復故為難治七日當正勝邪退而反

湯。魏氏本義曰陽邪陷入厥陰以升陽透表為法若聽其厥熱相尋不已其後陽氣必衰總欲升降無力振振於至四五日熱之時可謂久矣及至厥亦必自一二日至四五日厥之時可謂久矣此所謂厥深熱亦深之重證也乃至厥七日而不復熱又復下利則陽不惟陷陰不出且將入陰不起為陰所滅沒也豈易治之證乎。大訥按喻嘉言曰厥利與熱不兩存之勢也發熱而厥七日熱者自熱厥利者自利兩造其偏漫無相協之期故雖未現煩躁等證而己為難治蓋治其熱則協愈厥利治其厥利則愈熱不至陰陽兩絕不止矣

傷寒論集註 卷五 九

傷寒脈促手足厥逆者可灸之陽欲返以陰盛而陽不為之促若非灸陰以迎陽則陽外走而汗出必死矣。常器之曰灸太衝穴。魏氏本義曰此少陰中寒侵及厥陰陰盛陽微可急灸之經文不言灸於何穴則厥少兩經穴皆可灸也然必擇其寒邪盛重之處而灸法始用之無弊也

傷寒脈滑而厥者裏有熱也白虎湯主之滑以候熱此反見厥也故以白虎湯解其熱。柯韻伯曰厥陰脈微欲絕是傷寒所起之脈所謂不可下者是矣脈滑而厥是內熱閉鬱之脈所謂厥應下之是矣下之是下其熱非下其實泄利下重者四逆散欲飲水數升者白虎湯此厥陰之下藥所以利下無形之邪也若以承氣下之利不止矣

病者手足厥冷言我不結胸小腹滿按之痛者此冷結在膀胱關元也不結胸病不在上焦也小腹滿按之痛得無疑其熱結下焦乎以其手足厥冷

知爲冷結在膀胱關元也。魏氏本義曰此條是推原寒邪所以直中厥陰之故以其人腎陽素虛寒邪自下中寒病者手足厥冷言我不結胸小腹滿按之痛陰氣凝結於下尺脈必沉遲仲景揭之曰冷結在膀胱關元勝陽之陽寧足爲打乎所以直中厥陰而少陽之陽寧足爲打乎所以直中厥陰而爲病余故謂厥陰直中之寒起自少陰

傷寒五六日不結胸腹濡脈虛復厥者不可下此爲亡

血下之死不結胸腹軟視出上條之小腹滿也脈虛爲也下之則死。大誦按方中行曰腹濡邪在經而裏陰也血亦陰下之死者重亡其陰也

手足厥寒脈細欲絕者當歸四逆湯主之

細欲絕申上脈虛而甚之也當歸四逆湯通上二條而爲冷結膀胱關元之治也。大誦按周禹載曰經言亡

傷寒論集註卷五

血又言必便血總以肝爲藏血之臟凡病之深入厥陰者未有不傷血分者也經云脈綿綿如瀉漆之絕者亡其血也血傷則脈細傷之甚則細之甚而至於欲絕此非必吐衄下血而後如此也血爲邪傷營氣不流則亦象如此

若其人內有久寒者宜當歸四逆加吳茱萸生薑湯主

之柯韻伯曰手足厥冷脈細欲絕是厥陰傷寒之外證當歸四逆是厥陰傷寒之表藥夫陰寒如此而不用薑附者以相火寄於肝位雖寒而藏不寒故先厥者後必發熱手足愈冷肝位愈熱故厥深熱亦深所以傷寒初起脈證如此者不得遽認爲虛寒妄投薑附以遺患也

當歸四逆湯方

當歸 桂枝 芍藥 細辛

甘草 炙 通草 各二 大棗 十五

原缺第十一、十二葉

木甘之煥土燥濕歸芍藥之溫潤以宣揚其脈冬荷苓母之微熱以救肺共爲佐使使陽復本位而陰陽錯互之邪並從一汗而皆釋難治者何嘗不可治乎。魏氏曰此方之破陰升陽與烏梅丸同理而各有義焉烏梅升麻湯理肺熱以發汗意在緩以收功麻黃升麻湯方

麻黃 二兩半 升麻 一分 當歸 一分 知母

黃芩 去節 各十 石膏 碎綿 白朮

乾薑 芍藥 天門冬 去心 桂枝

茯苓 甘草 炙各 六銖

右十四味以水一斗先煮麻黃一二沸去上沫內諸

藥煮取三升去滓分溫三服相去如炊三斗米頃令

傷寒論集註卷五 三

汗出愈

傷寒四五日腹中痛若轉氣下趣少腹者此欲自利也腹中痛多屬虛寒與腹中實滿不同若更轉氣下趣小腹痛明是裏寒不能守而寒邪下迫將欲自利也明眼之士當圖功於未著矣參方喻二家

傷寒本自寒下醫復吐下之寒格更逆吐下若食入口

即吐乾薑黃連黃芩人參湯主之而平素胃寒下利之人寒藥吐之遂成格拒其吐下更逆矣若食入口即吐是也人參乾薑以正治其吐黃連黃芩反佐以通其格。魏氏本義曰傷寒熱浮於上爲上熱而平素陽微於下爲寒下傳經熱邪自少陰而轉厥陰則凡熱多厥少總爲可治之證升之舉之之不見何故吐之下之乎醫者認可見之熱在上不知不可見之寒在下吐下而勢愈逆陽愈微於是陰在陽外寒在熱上陰藥之寒性留於胸膈而上焦之陽氣傷於湧泄是之謂寒格惟其陽宜



人參各三兩

下利有微熱而渴脉弱者令自愈成氏曰下利反大熱者逆有微熱而渴裏  
氣方溫也脉弱  
者邪氣退矣

下利脈數有微熱汗出令自愈設復緊爲未愈成氏曰下利陰  
 病也脈數陽脈也陰病見陽脈者生微熱汗出陽氣得  
 通也利必自愈諸緊爲寒設復脈緊陰氣猶勝故云未

十四

解。柯韻伯曰下利有微熱汗出是中風本證裏證出表則風從外散故令自愈。大訥按此爲邪氣欲退而未盡正氣乍復而未盛補之尙恐阻滯餘邪攻之又恐再損正氣故宜節飲食適寒溫調養以令其自愈不可妄投藥劑矣。

下利手足厥冷無脉者陰氣獨勝陽氣大虛灸之不溫絕陽已若脉

不還反微喘者死無根之陽上升而脫此有陰無陽之候無可救也。大訥按方中行曰喘

言息短而聲不續陽氣衰絕也。喻嘉言曰灸之不溫脈不還固爲死證然或根柢未絕亦未可知設陽氣隨

火氣上逆胸有微喘則孤陽上脫而必死矣與少陰病六七日息高者死正同。柯韻伯曰此證不嘔不煩不

須反佐內服白通外灸少陰  
及丹田氣海或可救於萬一

少陰負跌陽者爲順也成氏曰少陰腎水跌陽脾土下利爲腎邪干脾水不勝土故爲

順也。喻嘉言曰：少陰中寒，腎水泛溢，吐利爲患。若跌

專爲少陰中寒明示以扶土爲先也。尙論篇編入少陰篇是也。魏氏本義口少陰負跌陽者謂跌陽盛大陰弱小也。少陰中寒腎陽素虧其弱者謂跌陽盛大則胃陽尙旺縱有寒邪不得直衝上焦可以惟扶溫而愈少陰傳經之脈必沉而見數數則熱矣若反盛於跌陽腎家之邪熱寧可撲滅乎故必熱勢衰微而少陰脈小真陰未竭邪熱可滌然則少陰負跌陽五字合傳經與直中而統爲一則也喻氏特見其偏耳或問靈樞動輸篇論動脈足少陰挾衝脈下行至跗上與足陽明衝陽之跗陽穴皆在跗上是二經所行近在一處將何以別其勝負曰浮沉候之浮取胃沉取腎

下利寸脉反浮數尺中自濇者必清膿血。浮爲虛數爲熱濇爲亡血。

寸脉浮數尺中脉濇知其下利必有膿血清與周通脉經曰痢也。尤氏潛居錄曰下利寸脉反浮數者陽之盛也尺中自濇者陰之虛也以陽加陰必固膿血。柯韻伯曰厥陰中風欲愈之脉當微浮今寸脉反浮數風去而熱不去尺中自濇者熱屬陰絡肝血不藏必便血也。

十五

下利清穀不可攻表汗出必脹滿下利者胃氣本虛發汗則傷其陽氣不行而胃益虛故脹滿也此卽下利身疼痛者先溫裏而後攻表之義。郭白雲曰下利清穀不可攻表宜通脈四

下利脉沉弦者下重也脉大者爲未止脉微弱數者爲

欲自止雖發熱不死

大而發熱則邪盛若脉微弱雖發熱不死以邪氣微也。  
魏氏本義曰下重卽滯下之病俗所謂痢者是也。蘇

陰肝經所屬之證亦以陽氣升降爲病之進退審之於脉脉必沉弦沉爲陽陷入陰弦爲風木本脉印爲下重

之證矣然沉弦之中按之而力愈大則陽之陷陰也深

陽之陷也淺陽故易升而病欲自止兼之見數則陷陰

之陽已盡。盡而動。上這矣。陽升者必發熱。雖下重不  
宜身熱。然脉微弱而數者。則發熱正見。病愈之機。故曰



風脈弦而大是風因火動故利未止脈微弱者風少火微故為自止雖發熱不死者陰出之陽也。大誦按王宇泰曰脈沉弦四逆之類脈大葛根黃芩黃連湯

下利脈沉而遲之裏寒其人面少赤身有微熱未解邪下利清穀者裏寒必鬱胃汗出而解裏氣先虛必鬱病人必

微厥所以然者其面戴陽下虛故也言曰下利脈沉遲裏寒也而少赤身微熱則仍兼外邪必從汗解但戴陽

之證必見微厥汗中大伏危機其用法迥異常法下條正其治也。魏氏本義曰厥陰病陽衰邪退而陽陷不

出漸有通陽出亡之勢下利脈沉遲自是寒邪為患矣其人面少赤身有微熱真寒通假熱於外也設為厥陰

熱利則身必盛熱若發熱而利下必便膿血豈有身微熱而通穀者乎惟其陽氣已衰為陰所逼上越頭目而

鬱汗出陽散而鬱胃解後又鬱胃鬱胃後又汗出則真陽寧不頃刻離脫乎其陽已無限陰甚深之根

其厥反微此至危之候也仲景明其所以然曰其面戴陽下虛故也然則戴陽之證詎可誤認為熱乎急引孤

陽俾安厥宅斯其治矣。大誦按不解者宜通脈四逆湯。又按方中行曰諸陽聚於面少赤亦陽回也故曰

戴陽鬱胃作汗也微厥邪正爭也下虛指利而言也下利清穀裏寒外熱汗出而厥者通脈四逆湯主之喻

言曰上條辨證此條用藥兩相互明少陰下利清穀面赤者已用此法矣要知通之即所以收之也不然豈

有汗出而加葱之理。此條舊本在後與上條各自一條喻氏以為上條辨證此條出其治因移此條與上條

從之相屬今

下利脈數而渴者令自愈設不差必清膿血以有熱故

也脈數而渴裏氣自溫故愈設脈數不解而下利不止

有實熱而便膿血也。大誦按柯韻伯曰脈數有虛液未復也若不差則數為實熱渴為邪火正熾矣

下利後脈絕手足厥冷時脈還手足溫者生脈不還

者死利後脈絕手足厥冷有陰無陽之候也時一週還手足必不溫真陽乃不回也故死

傷寒下利日十餘行脈反實者死下利裏實脈當微弱死。魏氏本義曰下利日十餘行而脈反堅實陰邪固

結無陽陰獨之象見於脈者已如此不久即見手足厥冷下利不止之證厥不復還脈遂至絕此陽為陰所內

滅更不能發熱汗出亡在外矣蓋傳經熱邪未路必至於此易不

圖之於早乎下利欲飲水者以有熱故也白頭翁湯主之魏氏本義

欲飲水者其為有熱無寒可知白頭翁秦皮解熱之性領連栢之苦寒入厥陰陰分陰氣開而陽出寒藥行而

熱退熱退而利止津復而渴止治厥陰熱氣有餘之神方也。柯韻伯曰凡脈浮為在表沉為在裏厥陰中風

其脈既沉其證亦為在裏此熱利下重是厥陰中風也太陽中風下利嘔逆是有水氣厥陰中風熱利下重是

傷寒論集註卷五 七

有火氣故以白頭翁為主以治風連芩為輔以清火佐秦皮以升九地之風則肝木欣欣向榮矣下利而渴欲

飲水是厥陰之消渴亦中風之煩所致也。大誦按戴元禮云大抵陽熱之利與陰寒之利自不同陽利黃色

必焦黃熱臭出作聲臍下必熱得涼藥則止得熱藥愈增陰利必洞下清穀糞色或白或淡黃臍下多寒宜溫

中止瀉之劑熱利下重者白頭翁湯主之魏氏本義曰熱氣有餘不

白頭翁湯解散而升陽苦寒以泄陰陽升陰降而下重可愈亦按此二條為篇內熱利諸條詳審而出其治也

。大誦按身不熱而自利手足溫者屬太陰若身冷四逆者則屬少陰厥陰其餘身熱下利皆屬陽經矣然陰

寒之利亦有反發熱者有初病時無熱利後反熱者有初病即得身熱後乃自利者證候不同治者察焉

白頭翁湯方

白頭翁 黃連 黃蘗 秦皮 各三

右四味以水七升煮取二升去滓溫服一升

太誦按  
白頭翁湯皆涼藥也然四者之中各有分治能逐  
血以療腸癖者白頭翁也前洗發肝家之熱以散其  
邪者秦皮也能去心火而厚腸胃者黃連也能除熱  
以利小腸即可以止泄者黃柏也合四者之長以治  
熱利下重而  
有不愈者乎

下利腹脹滿身體疼痛者先溫其裏乃攻其表溫裏宜

四逆湯攻表宜桂枝湯

太陽篇下後裏虛急當救裏下  
後裏和而表未解急當救裏兩  
兩開說此條裏氣虛寒表有陽邪先救其裏乃攻其表  
文法迥殊無得相混。魏氏本義曰此仲景為厥陰直  
中真寒開先溫裏後攻表之法門也下利為厥陰寒證  
腹脹滿為陰寒內結身體疼痛為寒邪在下則筋脈拘  
急而掣痛要知寒邪所以直中厥陰者由於少陰腎家  
之元陽先虛是以厥陰寒證端自少陰發源源頭之陽  
水既溫則灌漑於肝木者皆是春泉矣四逆湯以溫少  
陰是先治厥陰之本也既溫其裏矣而本經之陰寒尚

留滯而不能宣散於是用桂枝湯以攻表蓋桂枝長於  
和營衛而升陽於溫裏之後內陽既足乃借其透表行  
經之力敷布陽和之氣於周身使隧道之間  
無復陰寒之留滯斯誠治厥陰直中之定法

下利譫語者有燥屎也宜小承氣湯

厥陰入胃雖有燥  
屎不可用轉藥故  
宜小承氣湯。魏氏本義曰厥陰熱邪入胃則胃津乾  
而有燥屎汚濁之氣隨熱上逆斯神識昏憤譫語作矣  
此熱氣有餘之甚者也厥  
陰應下之證下之奚疑

下利後更煩按之心下濡者為虛煩也宜梔子豉湯

下  
則亡陰久利之後心氣不藏於腎腎水不注於心則虛  
煩也梔子象心而能降香豉象腎而取升故任之豈以  
利後虛煩反用吐以虛其虛乎。魏氏本義曰下利後  
不厥而更煩此熱上衝也按之心下濡則氣虛而熱留  
膈上必有痰飲相瀦不能使之自為升散是為虛煩也  
法當乘邪在上之時宜與梔子豉湯以香豉為升散以  
梔子為開瀉  
而病可已也

嘔家有癰膿不可治嘔膿盡自愈

喻嘉言曰厥陰之邪  
用茱萸湯以下逆氣若陰邪上逆結而為癰潰出膿血  
即不可治其嘔正恐人以茱萸湯治之耳識此意即用  
辛涼以開提其膿何不可乎。魏氏本義曰嘔家有熱  
邪衰退而向愈者熱不可平。魏氏本義曰嘔家有熱  
重傷其肺乎陽退更忌寒涼不如  
以不治治之待其膿盡而自愈

乾嘔吐涎沫頭痛者吳茱萸湯主之

厥陰故有頭痛以  
督脈會於巔也。魏氏本義曰厥陰病膈上有寒飲未  
嘗不乾嘔時又吐涎沫則虛寒可知吳茱萸湯溫中生  
陽使不至有陰無陽

亦所以預防之也

嘔而脈弱小便復利身微熱見厥者難治四逆湯主之

成氏曰嘔而脈弱邪氣傳裏也嘔而氣上逆小便不當不  
利小便復利者裏虛也身有微熱見厥者陰勝陽也為  
難治與四逆溫裏助陽。魏氏本義曰厥陰有嘔木火  
上升作逆也但嘔而脈弱小便復利身有微熱見厥諸

傷寒論集註 卷五 六

證俱屬虛寒微熱亦浮游之熱耳若不早為扶陽致成  
有陰無陽之證則救之無及矣急以四逆湯治之。大  
誦按柯韻伯曰嘔而發熱者小柴胡證此脈弱而熱微  
則非相火內無熱故小便利表寒甚故見厥膈上有寒  
飲故嘔也傷寒以陽為  
主陽消陰長故難治

嘔而發熱者小柴胡湯主之

厥陰病而見少陽證即主  
從少陽出也傷寒中風有柴胡證但見一證便是與本  
渴飲水而嘔柴胡不中與者宜互詳之。魏氏本義曰  
嘔而發熱亦不見厥知其熱氣有餘而上衝為患也厥  
陰血臟邪熱在斯熱發不已木火之性上行必嘔同於  
少陽之為病所謂藏府相連仍主少陽之柴胡湯以升  
清為透表發汗以降濁為下逆瀦邪悉如少陽之治此  
治厥陰之本方如太陽中風之桂枝湯  
胃家實之承氣湯一定而不移者也

傷寒大吐大下後極虛復極汗出者以其人外氣拂鬱

復與之水以發其汗因得嘔所以然者胃中寒冷故也

大訥按周禹載曰吐下兩傷其胃氣則中悉虛而衛不固矣然究未發汗則外氣必鬱而煩津液既傷則口中不和而渴可知設因煩躁而復與之水遂令寒氣入胃陽益外亡因而得嘔者胃中之寒為何如乎舍溫中無別法也

傷寒嘔而腹滿視其前後知何部不利利之則愈腹滿而氣上而不下也前小便也後大便也利之以降其氣。方中行曰此二條疑是太陽篇錯簡。柯韻伯曰診厥陰病以陽為主而治厥陰病以陰為主故當歸四逆不佐黃藥六兩復脈湯用地黃至一觔又佐麥冬八兩要知脈微欲絕手足厥冷者雖是寒盛亦不陽虛故即可表散外邪而不可固裏脈代結心動悸者似乎陽虛實為陰弱只可大劑滋陰而不可溫補所以然者肝之相火本少陽之生氣而少陽實出於坎中之真陰經曰陽予之正陰為主又曰陰虛則無氣又曰少火生氣壯火食氣審此則知治厥陰之理矣

傷寒論集註

卷五

辛

傷寒論集註卷五終

傷寒論集註卷第六

漢張機仲景著

東吳徐 赤五成甫集註

大訥吳士鎮申培甫增訂

長洲蔣 榮誦先甫參較

姪秉鈞衡望 參閱

男維鈞衡範

脈法上篇

問曰脈有陰陽者何謂也答曰凡脈大浮數動滑此名陽也脈沉濇弱弦微此名陰也凡陰病見陽脈者生陽病見陰脈者死

大浮數動滑五脈皆陽之性態故見則為陽氣至也沉濇弱弦微五脈皆陰之性態故見則為陰氣至也

傷寒論集註

卷六

玉照堂

體段故見則為陰氣至也陰病三陰之屬也見陽脈則陰消而陽長陽主生為換陽之吉兆也陽病三陽之屬也見陰脈則陽退而陰進陰主殺為入陰之危機也節方氏條辨文。凡陰病見陽脈者生陽病見陰脈者死注家只據傷寒立言觀此凡字知脈法不專為傷寒設亦不是承接上文擴充之脈以胃氣為本名陽名陰見此等脈狀尚是陰陽之名而非陰陽之實胃氣稍虛則陰陽偏重較之平脈有餘名陽不足名陰耳此陽病兼陰傷六氣言陰病兼內傷精氣言若專指傷寒之陰證陽證言則淺矣陽脈指胃氣之真陽內經所謂二十五陽者是也陰病見陽脈是胃氣來復五臟沖和之氣發見故主生內經云別於陽者知病起時也陰脈指五臟之真陰因胃脘之陽不至於手太陰五臟之真陰表見也陽病見陰脈是脈無胃氣故主死內經云別於陰者知死生之期也要知沉濇弱弦遲是病脈不是死脈其見於陽病最多陽病大浮數動滑不依即生是死脈陰病見大浮數動滑之脈多陰極似陽未必即生是死脈也若真臟脈至如肝脈之中外急心脈堅而搏肺脈大而浮腎脈如彈石脾脈如距脈皆反見有餘之象豈可以陽脈名之經曰邪氣來也緊而疾穀氣來也徐而和則

又不得以遲數論陰陽  
矣節柯氏傷寒翼文

問曰脉有陽結陰結者何以別之答曰其脉浮而數能

食不大便者此為實名曰陽結也期十七日當劇其脉

沉而遲不能食身體重大便反鞭名曰陰結也期十四

日當劇

如此而三陰入胃為實則為陰結其始脉浮而遲不能食

七日而陰不則劇陰結至十四日而陽不化則劇至十

七十四未詳尤氏潛居錄曰天人之氣十五日一更

更則結者常解設不解其病當劇云云七日陽結能食

故過則十四日者陰結不能食故不及期大納按陽

氣同結陰不得而雜之為陽結陰氣固結陽不得而雜

之為陰結結者不相雜也又按張令韶曰承上文而言

脉既有陰陽則陰陽又貴乎和也其有不和而純陰純

陽即謂之陽結陰結蓋脉始於足少陰腎生於足陽明

傷寒論集註卷六 二 玉照堂

胃是少陰陽明為脉之生始為陰陽之總司故必於少

陰陽明主氣之期而決其當劇也浮數陽脉也能食不

大便陽病也以陽病而又得陽脉全無陰氣以和之故

為實也一口太陽二日陽明至十七日又當少陰三傳

主氣之期而不得少陰之陰氣以濟之是陽氣固結已

甚病當劇也沉遲陰脉也不能食身體重陰病也陰病

當下利今反鞭陰氣固結不通也至十四日又當陽明

三傳主氣之期而不得陽明之陽氣以濟之是陰氣固

結已甚病當劇也此即所謂亢則害也

問曰病有灑淅惡寒而復發熱者何答曰陰脉不足陽

往從之陽脉不足陰往乘之曰何謂陽不足答曰假令

寸口脉微名曰陽不足陰氣上入陽中則灑淅惡寒也

曰何謂陰不足答曰假令尺脉弱名曰陰不足陽氣下

陷入陰中則發熱也

陽不足以勝陰而反從陰化則惡

寒陰不足以勝陽而從陽之化則

發熱。大納按上文言純陰純陽而為陽結陰結此言

陰陽交勝而彼此相乘也惡寒者陰勝也發熱者陽勝

也所以發熱者乃陰脉不足陽往乘其虛也陰陽相乘故惡寒而

復發熱也夫陽脉陰脉變化無端不可執一不於尺

寸見之亦無不可於寸見之故曰假令寸口假令尺

脉也此之不足彼即有以餘乘之是以陰氣乘陽之

足而上入則惡寒陽氣乘陰之不足而下陷則發熱陰

陽之不可以交勝者

如此節張令韶文

陽脉浮陰脉弱者則血虛血虛則筋急也

按張氏曰陰在內陽之守也陽在外陰之使也陽浮於

外不內顧其陰則陰脉弱矣陰脉弱則內守空虛而血

少矣血少則無以榮筋而筋

急矣此以脉而辨血之虛也

其脉沉者營氣微也

細字下當有而字轉出微

其脉浮而汗出如流珠者衛氣衰也

故知衛氣衰

傷寒論集註卷六 三

營氣微者加燒針則血流不行更發熱而躁煩也

言誤治之變蓋營氣微則陰虛而有熱加燒針則助陽

而損陰故血一往流去不能循環陽得其助更發熱而

煩躁也節方氏條辨文。大納按流一作留流

不行者猶言流不通也其義兩見以便初學

脉藹藹如車蓋者名曰陽結也

藹藹如車蓋狀浮而數

大納按此言浮

脉藹藹如循長竿者名曰陰結也

而遲也此陰結之脉

也。大納按此言

强硬引直之貌

脉瞢瞢如羹上肥者陽氣微也

瞢瞢過目暫見也如羹

無也脉見此

陽氣微也

脉榮榮如蜘蛛絲者陽氣衰也

榮榮猶繞繞也如蜘蛛

絲言柔弱而細也脉見

此知陽氣衰也。大誦按此三條皆言脈不能往來有欲絕之象。脈經病源千金外臺俱作脈連連如蜘蛛絲者。陽氣衰也。成氏未考其誤。順文爲注。

脈綿綿如瀉漆之絕者亡其血也。綿綿連綿而軟也。如瀉漆之絕者前大而後細也。脈來前大後細爲陽氣有餘。陰氣不足知亡血也。節成氏註。

脈來緩時一止復來者名曰結。脈來數時一止復來者

名曰促。促陽盛則促。陰盛則結。此皆病脈。邪盛於裏阻

之結邪盛於表欲有所傳。脈因之促。促結之脈皆病脈。非如代脈之主死。然退則吉。進則凶矣。大誦按成氏

曰傷寒結代之脈動而中止不能自還爲死。脈此結促之脈只是陰陽偏勝而有一止故云。病脈又按程扶生

曰促結之止去來有力其至數無定。代脈之止去來無神。其至數不復增減。蓋脾真欲絕之脈也。促者脈氣短促不能相續也。結者脈氣結滯也。皆痰食氣血內有所壅而然。蓋陽盛則促。陰盛則結。

傷寒論集註 卷六 四

陰陽相搏名曰動。陽動則汗出。陰動則發熱。形冷惡寒

者此三焦傷也。動者攢聚也。陰陽二氣相搏而虛者則

開後一分則陰虛。故發熱。若無汗出不發熱。而反形冷

惡寒者三焦傷也。三焦者原氣之別使。主行氣於陽三

焦既傷則陽氣不通而身冷惡寒也。方氏曰末二句

不相蒙疑有脫誤。大誦按陽動以搏陰則陰液泄而

汗出。陰動以搏陽則陽氣外越而發熱。汗出不已發熱

不止。勢必陰陽俱虛。無熱可發而形冷惡寒。此三焦不

能出氣以溫肌肉而三焦之氣傷也。

若數脈見於關上上下下無頭尾如豆大厥厥動搖者名

曰動也。見於關上者定其位也。上下無頭尾如豆大厥

出陰入以關爲界。數脈見於關上上下下無頭尾如豆大

厥厥動搖者名曰動也。正謂此也。王宇泰曰陰升陽

降上下往來於尺寸之間冲和安靜烏觀所謂動哉。惟

陽欲降而陰逆之陰欲升而陽逆之兩者相搏不得上

下鼓擊之勢。龍然高起而動之形著矣。

陽脈浮大而濡。陰脈浮大而濡。陰脈與陽脈同等者名

曰緩也。關前爲陽。關後爲陰。上下同等氣血和平。則脈

大爲陽。濡則爲陰。若陽脈陰脈俱得浮大而濡。是陽中

有陰。陰中有陽。陰陽相等不疾不徐和緩有情。胃氣柔

和之脈故名緩也。

脈浮而緊者名曰弦也。弦者狀如弓弦按之不移也。脈

緊者如轉索無常也。此辨弦緊之脈也。浮候之而盛有

定而不可動移也。轉索無常言左右旋轉而不可拘也。

弦者縱有挺直緊者橫有轉側。弦爲虛緊爲實。大誦

按許叔微曰少陽之氣通於春。春脈弦者以應春。陽時

令之脈也。如浮大而弦洪長而弦浮滑而弦沉數而弦

者皆爲陽也。若夫沉微而弦沉澁而弦沉細而弦皆爲

陰證之脈也。仲景以弦脈分陰陽二用之理其義微矣。

傷寒論集註 卷六 五

王宇泰曰弦緊之狀並如引繩此既以緊釋弦又恐

混而無別故又別之曰指下不移如弓弦按之不移即所謂端直

以長也。端直以長者不轉也。轉索無常者不端也。端直

便是有常無常便是有端直耳。

脈弦而大弦則爲減大則爲芤減則爲寒芤則爲虛寒

虛相搏此名爲革婦人則半產漏下男子則亡血失精

陽氣虧損則脈弦而減陰血衰竭則脈大而芤所謂減

則爲寒芤則爲虛也。婦人半產漏下男子亡血失精皆

爲失其常度故曰革。大誦按王宇泰曰經言有以沉

伏者革脈所居之位也。實而長微弦者革脈之形也。惟

其難乎沉伏實長故又有牢之意。此孫真人以革爲牢

也。方中行曰寒言陽氣減損而不足。此言陰血衰竭

而空虛。革言革易常度也。婦人陰血充足而能化則得

坤順之常。半產漏下則不足以言坤之資生矣。男子陽

精充盈而能施則得乾健之常。亡血失精則不足以言

乾之資始矣。天地之大德曰生。男不足以言資始。女不

足以言資生則人  
道大壞故口革也

問曰病有戰而汗出因得解者何也答曰脉浮而緊按  
之反托此爲本虛故當戰而汗出也其人本虛是以發

戰以脉浮故當汗出而解也脉浮者邪還表也緊爲寒持按之反托其入本虛邪得與正爭所以戰而汗出因得解也。大訥按王字泰曰虛不虛以脉之托不托別之托乃草之有孔者正如臥葱管於皮中輕取重取皆有而中取則無也經曰營行脉中故以托爲虛也

問曰病有不戰不汗出而解者何也答曰其脉自微此  
以曾經發汗若吐若下若亡血以內無津液此陰陽自  
和必自愈故不戰不汗出而解也曾經發汗若吐若下津液亦無作汗之邪血氣自平故不戰不汗出而解也

傷寒論集註 卷六

六

問曰傷寒三日脉浮數而微病人身涼和者何也答曰

此爲欲解也解以夜半脉浮而解者濺然汗出也脉數  
而解者必能食也脉微而解者必大汗出也傷寒三日脉浮數不傳陰也微者邪退也其人身涼和則爲欲解矣解以夜半陽生於子也脉浮而解者濺然汗出邪從外散也脉數而解者必能食胃氣回也脉微而解者必大汗出邪雖微而正亦虛故汗亦多也

問曰脉病欲知愈未愈者何以別之答曰寸口關上尺  
中三處大小浮沉遲數同等雖有寒熱不解者此脉陰

陽爲和平雖劇當愈脉病謂脉其病也同等者謂六部各見應得之脉。大訥按周禹載曰人身陰陽耳既無偏勝邪自不留故三部同等雖有邪不能害也

立夏得洪大脉是其本位其人病身體苦疼重者須發

其汗若明日身不疼不重者不須發汗若汗濺濺自出  
者明日便解矣何以言之立夏得洪大脉是其時脉故

使然也四時倣此脉應時而旺則病當自解舉夏而餘時可推也。大訥按周禹載曰洪大之脉見於立夏之後其人苦疼重或濕或風傷其體也幸涼小汗自得應藥而愈三時各有應時之脉爲病各異而易治則同。程扶生曰春弦夏洪秋毛冬石當其時得之則爲平脉內經曰脉得四時之順者病無他

問曰凡病欲知何時得何時愈答曰假令夜半得病明  
日中愈日中得病夜半愈何以言之日中得病夜半

愈者以陽得陰則解也夜半得病明日日中愈者以陰  
得陽則解也日中夜半子午相衝舉一以例餘時如卯酉寅申巳亥等皆是

傷寒論集註 卷六

七

脉遲此爲在臟也在經爲表故脉浮在臟腑爲裏故脉爲在腑沉而遲陰中之陰爲在臟腑陽而微陰也假令脉遲謂沉而遲也

跌陽脉浮而濇少陰脉如經也其病在脾法當下利何  
以知之若脉浮大者氣實血虛也今跌陽脉浮而濇故

知脾氣不足胃氣虛也以少陰脉弦而浮纔見此爲調  
脉故稱如經也若反滑而數者故知當尿膿也下利者泄瀉也爲脾病尿膿者滯下也爲腎病跌陽所以候脾胃若脉浮大爲氣實血虛今脉浮濇爲脾胃氣虛而少陰脉得如經故病不在腎而在脾法當下利也少陰屬水金生水水生木弦爲肝木浮爲肺金于母相生此爲調脉故稱如經若少陰脉滑而數則客熱在下焦血流腐而爲膿也參成氏註

寸口脉浮而緊浮則爲風緊則爲寒風則傷衛寒則傷

營衛俱病骨節煩疼當發其汗也此舉營衛俱病之汗不出而煩躁者大青龍湯發其汗其無汗而不煩躁者麻黃湯發其汗義該於此。大納按程扶生曰此辨中風傷寒脈之總訣也風為陽邪其氣揚故脈浮緩寒為陰邪其氣斂故脈緊急營衛皆表也但營氣行脈中則為陰衛氣行脈外則為陽陽邪從陽之類故風傷衛而汗出陰邪從陰之類故寒傷營而無汗衛得風則熱營得寒則痛故營衛兩傷則骨節煩疼此當發汗以逐其邪風傷衛者桂枝湯發之寒傷營者麻黃湯發之營衛俱傷者大青龍湯發之也

跌陽脈遲而緩胃氣如經也跌陽脈浮而數浮則傷胃數則傷脾此非本病醫特下之所為也營衛內陷其數先微脈反但浮其人必大便鞭氣噫而除何以言之本以數脈動脾如云動其數先微故知脾氣不治解便鞭

傷寒論集註 卷六

八

故大便鞭胃虛脾熱津液乾少氣噫而除脾氣善噫得後出餘氣則快然而衰今脈反浮其數改微邪氣獨留此又脾氣不治之故心中則飢則字作邪熱不殺穀潮熱發渴脾為熱燥數脈當遲緩言陽之脈本脈因前後度數如法變數變微皆法所應然病者則飢申言熱邪內陷數脈不時則生惡瘡也跌陽之脈本遲於脾則善飢數脈不時則生惡瘡也而緩因下之後變為浮數營衛內陷數復改微是脈因前後度數如法也數脈不時者為數當改微而復不改是邪不傳裏鬱於營衛中必出自肌皮為惡瘡也

師曰病人脈微而濇者此為醫所病也大發其汗又數大下之其人亡血病當惡寒後乃發熱無休止時夏月盛熱欲着複衣冬月盛寒欲裸其身所以然者陽微則

惡寒陰弱則發熱此醫發其汗令陽氣微又大下之令陰氣弱五月之時陽氣在表胃中虛冷以陽氣內微不能勝冷故欲着複衣十一月之時陽氣在裏胃中煩熱以陰氣內弱不能勝熱故欲裸其身又陰脈遲濇故知亡血也亡血之人病當惡寒後乃發熱一病之中有此二證經夏歷冬而無休止之時夏月盛熱欲着複衣謂暑月猶有熱不必重言其熱矣冬月盛寒欲裸其身謂寒月猶有寒不必重言其寒矣要其所以然者則以醫發其汗使陽氣微又大下之令陰氣弱則惡寒發熱時時有也五月陰氣在裏則陽氣內微者有時而惡寒故欲着複衣十一月陽氣在裏則陰氣內弱者有時而惡熱故欲裸其身此交互言之非五月病者獨見其亡血以其為醫所病而脈可憑也

傷寒論集註 卷六

九

者不令溲數溲數則大便鞭汗多則熱愈汗少則便難脈遲尚未可攻脈浮而大似不在裏也而心下反鞭有則攻之勿以其脈浮而大誤令發汗也有熱屬腑者胃家實之類是也可攻則攻之勿以為飲結而利其小便誤令溲數也溲數則津液偏滲大便益鞭矣發汗則汗多而裏熱愈甚即汗少亦使便難也故治法當從於攻下津脈遲尚未可攻耳

脈浮而洪脈來涌盛將去人體之兆身汗如油喘而不休正氣水漿不下盡胃氣形體不仁營衛絕乍靜乍亂正邪相爭此命絕也此條乃此章之綱領下五條乃五日也。大納按成氏以脈浮而洪為邪氣勝不仁為不知痛痒乍靜乍亂為神志無主皆不易之論也



為肺先絕也大誦按周禹載曰病深必入臟臟損必相傳未知何臟先受災也夫人之一身氣為主氣之所週肺為司假如喘而不休無復呼吸之正

衛外脫則汗出陽上脫則髮潤非肺絕之先徵乎

陽反獨留陰氣形體如烟熏於身不榮直視心脈系目搖頭者

絕而諸陽之會陰此為心絕也

唇吻反青唇吻者脾之候肝絕則四肢繫習者脾所主

肝絕則筋脈引急此為肝絕也

環口鰲黑脾主口唇絕柔汗發黃者脾為津液之本陽氣之宗脾絕則陽

脫而真色見也此為脾絕也

柔汗者冷汗也此為脾絕也

溲便遺失腎絕不狂言腎藏志在目反直視者骨之精

腎絕則骨精不榮於此為腎絕也

傷寒論集註卷六

又未知何臟陰陽先絕若陽氣前絕陰氣後竭者其人

死身色必青陰氣前絕陽氣後竭者其人死身色必赤

腋下溫心下熱也此條乃總結上文之詞方中行曰五臟絕之先後不可以上文之次第為

拘故復言臟氣之陰陽前後竭絕有以驗之於既死之

後則臟有勝負絕有遲速大率可見矣。成無已曰陽

主熱而色赤陰主寒而色青其人死身色青則陰未離

乎體故知陰氣後竭也其人死身色赤腋下溫心下熱

則陽未離乎體故知陽氣後竭也

寸口脈浮大而醫反下之此為大逆浮則亡血大則為

寒寒氣相搏則為腸鳴醫乃不知而反飲冷水令汗大

出水得寒氣冷必相搏其人即餒浮大之脈當發其汗而醫反下之使邪傳

乘虛而入此為大逆蓋脈浮而下之則亡其血脈大而

下之則寒入裏寒氣入裏腸為之鳴醫見脈大以為有

無欲以水寒勝熱而作大汗不知裏先虛寒又得涼水

水寒相搏其人必餒餒與噎通俗謂之餓參成氏註

跌陽脈浮浮則為虛浮虛相搏故令氣餒言胃氣虛竭

也脈滑則為嘔此為醫咎責虛取實守空迫血脈浮鼻

中燥者必衄也跌陽脈浮為嘔脈滑為嘔皆誤下傷陰

守血乃妄行以其脈浮

而鼻燥知其必衄也

諸脈浮數當發熱而瀝淅惡寒若有痛處飲食如常者

畜積有膿也邪氣逆於肉理則脈見浮數痛有定處發

不在裏故

飲食如常

脈浮而遲而熱赤而戰惕者六七日當汗出而解反發

熱者差遲遲為亡陽不能作汗其身必癢也脈浮而熱

傷寒論集註卷六

於表也脈遲而戰惕者本氣不足也六七日當汗出而

解之時乃反發熱者其差必遲為其裏虛津液不多不

能作汗故耳不能作

汗者其身必癢也

寸口脈陰陽俱緊者法當清邪中於上焦濁邪中於下

焦清邪中上名曰潔也濁邪中下名曰渾也陽中於邪

必發熱頭痛項強頸攣腰痛脰痠所為陽中霧露之氣

故曰清邪中上陰中於邪必內慄也表氣微虛裏氣不

守故使邪中於陰也陰中於邪至此二十三字舊在名



斷也中焦不治胃氣上衝脾氣不轉胃中爲濁營衛不  
 通血凝不流若衝氣前通者小便赤黃與熱相搏因熱  
 作使遊於經絡出入臟腑熱氣所過則爲癰膿若陰氣  
 前通者陽氣厥微陰無所使客氣內入噎而出之聲嗝  
 乙骨切咽塞寒厥相逐爲熱所壅血凝自下狀如豚肝陰  
 陽俱厥脾氣孤弱五液注下下焦不闔清便下重令便  
 數難臍築湫痛病將難全傷寒論中凡言寸口脉皆兼  
 關尺在內此條是口鼻感邪  
 與傷寒迥異獨寸口脉浮沉俱緊而關尺脉不見正與  
 前條寸口關上尺中三處同等句對看又與篇中三部  
 脉俱至句相應鼻氣過於天中露露之邪爲清邪口氣  
 過於地中水土飲食之邪爲濁邪曰潔曰渾以天地之  
 偏氣言也從鼻息而上入於陽則有發熱頭痛項強頸  
 攣等證從口舌而下入於陰則有內慄足膝逆冷便溺

卷六

妄出等語此上下二焦之定位也三焦相溷者口鼻所感之邪先入中焦而後分佈上下清邪中上之處亦夾濁邪濁邪中下之處亦夾清邪因而內外不通裏不得大便表不得汗也上焦怫鬱口燥食齟而下焦藏氣相重使然中焦不治胃氣上衝脾胃氣不轉亦下焦入胃爲濁使然不特營衛無形之氣遏而不通即腸胃中有形之血亦凝而不流周身藏府經絡無處非邪氣充塞之地矣其衛氣前通者先欲作汗也寃非清氣所升之汗故濁仍不降而小便赤黃可驗不過衛氣與熱氣相搏因熱作使遊於經絡出入藏府所以熱氣所過之處湊汗孔而爲癰膿其陰氣前通者先欲大便也寃非濁氣所降之便陽氣蹶微陰無所使故清仍不升而鼻嚏氣塞可驗不過表寒與裏厥相逐向者爲熱所壅之血凝自下如豚肝耳此其營衛得通賴有胃中陽氣自肝陰欲脫而陽持之陰欲寒而陽通之鬱滯之深毒氣連綿而猶非死候若脾胃虛寒之輩上焦之陽不與陰相順接下焦之陰不與陽相順接是謂陰陽俱厥脾胃氣於中孤弱不能獨運但有陰精下脫並無陽氣上持三焦無火求其相溷而內外不通者不可得也火敗土衰求其胃中爲濁者不可得也水穀入口其味有五津液各走

其道惟爲之提防土衰則五液俱下下焦不闔腎更  
不爲胃開由是腎失其閉藏肝失其疏泄清便下重痢  
者而不病便數且難淋而淋求其營衛不通血凝不流  
臍下莖中尾閭之湫道枯涸而牽痛如此者生氣絕尺  
難全矣此條通下四條看參喻程二家。寸口兼關尺  
言難經曰寸口者脈之大要會也後章水下二刻一周  
循環當復寸口皆謂手太陰之經渠穴也浮爲陽以候  
上焦沉爲陰以候下焦緊者邪盛也曰清曰濁曰潔曰  
渾以天地之偏氣言也陽脈緊清邪中於上焦始犯太  
陽也陰脈緊濁邪中於下焦直入少陰也陽中於邪則  
見太陽之證必外先發熱而頭痛項強頸攣腰痛脛痠  
太陽病形悉備也故曰清邪中上表虛而裏氣不守則  
邪中於陰而見少陰之證必內爲懼慄而足膝逆冷便  
溺妄出裏氣微急少陰病形悉具也故曰濁邪中下內  
經曰陽病者上行極而下陰病者下行極而上此上焦  
之邪甚則下干中焦下焦之邪甚則上千中焦由是三  
焦相溷也三焦主持諸氣三焦既相溷亂則內外之氣  
不得相通膈中爲陽氣之海氣因不得通於內外怫鬱  
而爲熱臍氣相熏口爛食艱內經曰膈熱不便上爲口

卷六

瘵中焦爲上下二焦之邪濁亂則不得平治中焦失治  
 胃氣因而上衝脾胃中水穀不消故胃中爲濁營者水穀之  
 今脾氣不轉胃中水穀不消故胃中爲濁營者水穀之  
 精氣也衛氣所壅則凝而不流營衛俱病不能一時俱  
 散布血爲熱所壅則凝而不流營衛俱病不能一時俱  
 通若衛氣前通則必先小便赤黃而後發爲癰膿蓋以  
 陽氣通而熱氣得行下焦之邪化而爲熱陰病變陽也  
 內經曰膀胱者州都之官津液藏焉氣化則能出矣今  
 小便赤黃知衛氣通也熱氣游於經絡經絡客熱則血  
 凝肉腐而爲癰膿此見其熱氣得行也若陰氣前通則  
 必先噎聲咽塞而後下血如豚肝蓋陽在外爲陰之  
 使今以陽氣厥微陰無所使上焦之邪化而爲寒陽病  
 變陰也內經曰陽氣者衛外而爲固也陽氣厥微不能  
 衛外而爲固寒氣因而客於肺噎而出之則聲咽塞  
 外邪爲寒內邪爲厥寒厥相逐上下皆寒向者爲熱所  
 壅之血凝自下狀如豚肝也是故上焦陽氣厥下焦陰  
 氣厥二氣俱厥不相順接脾氣孤弱不能行化氣血滋  
 養五臟致五臟俱虛而五液注下下焦氣脫而不閤數  
 至圓而下重也臍爲生氣之原臍築  
 痠痛生氣將絕也故曰命將難全

脉陰陽俱緊者口中氣出唇口乾燥踈臥足冷鼻中涕出舌上胎滑勿妄治也到七日以來其人微發熱手足溫者此為欲解或到八日以上反大發熱者此為難治設使惡寒者必欲嘔也腹內痛者必欲利也此以上條變者言也脉陰陽俱緊表裏受邪也口中氣出唇口乾燥陽邪在經也踈臥足冷鼻中涕出陰邪中臟也舌上胎滑陰陽未分之象也當此之時慎勿妄治到七日以來其人微發熱手足溫是陰去陽來之候此為欲解或到八日以上反大發熱是陰極變熱邪氣勝正故云難治陽脉緊者寒邪發於上焦上焦主外也陰脉緊者寒邪發於下焦下焦主內也設使惡寒是上焦寒勝必欲嘔也在表也若腹內痛下焦寒勝必欲利也入陰也○大訥按此條亦是三焦瀾亂陰陽雜合之證故未可妄投藥劑也

傷寒論集註

卷六

四

脉陰陽俱緊至於吐利其脉獨不解緊去人安此為欲

解若脉遲至六七日不欲食此為晚發水停故也為未

解食自可者為欲解此承上條欲嘔欲利而其既成吐利者言也脉陰陽俱緊寒邪中

於上下也至於吐利而脉緊不罷證變而脉獨在為不

解緊去則人安此為欲解若脉遲至六七日不欲食者

為以利後脾胃氣虛不能輸散水飲之氣因而內停故

也所謂晚發者後來更又發也若至六七日而食自可

者胃氣已和寒邪已散為欲解也

病六七日手足三部脉皆至大煩而口噤不能言其人

躁擾者必欲解也六七日者陰病陽病皆當差之日也煩者熱悶也經曰欲自解者必當先

煩今其人大煩至口噤不能言內作躁擾為陰陽爭勝

之候若手足三部脉皆至則正勝邪微必欲解也即陽

氣復而陰邪散也

若脉和其人煩目重臉內際黃者此為欲解也上條脉皆

至而不云和此則脉和矣治病以脉為憑目黃而大煩若脉不和為病進今脉和則知正氣已復故為欲解○大訥按濕熱之氣上蒸陽明故目重若臉內際黃則中土之色已見於外其人雖大煩而脉却得和象正是將欲解而煩也程扶生曰重字當作皆

脉浮而數浮為風數為虛風為熱虛為寒風虛相搏則

灑淅惡寒也惡寒下玉函經有而發熱三字。浮數之脉風邪并於衛也衛實則營虛衛為陽衛

氣實所以為熱營為陰營氣虛所以為寒風虛相搏此惡寒發熱之所以然也

脉浮而滑浮為陽滑為實陽實相搏其脉數疾衛氣失

度浮滑之脉數疾發熱汗出者此為不治汗出下當有

浮為邪盛於衛滑為邪盛於營邪盛於營衛則營衛行

速故浮滑之脉數疾也發熱汗出則當解不解者精氣

脫也此為不治○大訥按汗出而仍發熱者自是不治之證倒置而讀則得解矣

傷寒論集註

卷六

五

傷寒欬逆上氣其脉散者死謂其形損故也欬逆上氣病傳手太

陰肺經也散為心脉心火刑金脉來尅

病其主死者謂形見其損傷之脉也

脉法下篇

問曰脉有三部陰陽相乘營衛血氣在人體躬呼吸出

入上下於中因息遊布津液流通隨時動作效象形容

春弦秋浮冬沉夏洪察色觀脉大小不同一時之間變

無經常尺寸參差或短或長上下乖錯或存或亡病輒

改易進退低昂心迷惑動失紀綱願為具陳令得分

明師曰子之所問道之根源脉有三部尺寸及關營衛

流行不失衡銓腎沉心洪肺浮肝弦此自經常不失錄

傷寒論集註 卷六 六

太陰注手少陰手太陽手太陽注足太陽足少陰足少  
陰注手心主手少陽手少陽注足少陽足厥陰計呼吸  
二百七十息脉行一十六丈二尺漏下二刻爲一周身  
於是復還注於手太陰是寸口爲脉之經始而虛實死  
生皆於此見焉

變化相乘陰陽相干風則浮虛寒則牢堅沉潛水畜支  
飲急弦動則爲痛數則熱煩設有不應知變所緣三部  
不同病各異端太過可怪不及亦然邪不空見中必有  
奸審察表裏三焦別焉知其所舍消息診看料度臟腑  
獨見若神爲子條記傳與賢人

大誦按程扶生曰此言五行之變化相乘陰陽之邪相干其要可知也風爲陽故脈浮虛寒爲陰故脈牢堅沉則水積於下弦則支飲結於兩旁急弦爲飲者陰寒之氣與水飲相結也陰陽相搏則痛陽邪勝則熱煩。又曰脈以平和有胃氣爲無病太過不及皆有邪

初持脉來疾去遲此出疾入遲上句解名曰內虛外實

也初持脉來遲去疾此出遲入疾名曰內實外虛也大  
按脉以呼吸往來辨虛實氣之出爲呼氣之入爲吸脉  
亦隨呼吸以往來來爲陽去爲陰內虛外實者陽有餘  
而陰不足也內實外虛者陰有餘而陽不足也有餘則  
來疾而爲實不足則來遲而爲虛初持脉時最當以此  
爲樞

問曰上工望而知之中工問而知之下工脉而知之願

聞其說師曰病家人請云病人苦發熱身體疼痛病人自臥師到診其脉沉而遲者知其差也何以知之表有病

傷寒論集註  
卷六  
七

者脉當浮大今脉反沉遲故知愈也。大誦按程扶生曰望以觀之間以審

假令病人云腹內卒痛病人自坐師到脉之浮而大者

知其差也何以知之若裏有病者脉當沉而細今脉浮

大故知愈也

師曰病家人來請云病人發熱煩極明日師到病人向

壁臥此熱已去也假令脉下和處言已愈

誤蓋發熱煩極而脉不和則猶未愈矣

噤噤者此詐病也設令脉自和處言汝病大重當須服吐下藥鍼灸數十百處乃愈大誦按程扶生日彼以詐病此以詐治非良工不能具是智巧

師持脉病人欠者無病也陰陽相引則欠脉之呻者病是欠者無病也

也身有所苦則言遲者風也經絡急則揺頭言者裏痛也

也裏痛則欲言行遲者表強也筋脉引急則坐而伏者而頭爲之揺行步不利

短氣也裏不和故坐而下一脚者腰痛也

實護腹如懷卵物者心痛也護腹以按其痛如懷物者者身之大關節也腰痛則坐不能正故下一脚以護之

脚以護之心痛則不能伸仰故護腹以按之

師曰伏氣之病以意候之今月之內春分欲有伏氣假

傷寒論集註 卷六

今舊有伏氣主已發言當須脉之若脉微弱者少陰當喉中

痛似傷少陰之脉非喉痺也病人云實咽中痛雖爾今

復欲下利大誦按成氏曰冬時感寒伏藏於經中不即發者謂之伏氣

今月之內欲有伏氣假令伏氣欲發當須脉之審在何

經得脉微弱者知在少陰少陰之脉循喉嚨寒氣客之

必發咽痛腎司閫治在下焦陰邪內甚則開閫不治

下焦不約必成下利故曰復欲下利程扶生日伏寒爲

熱者發爲溫病其脉躁疾伏寒不熱者發爲喉痺其脉微弱

能爲熱者發爲喉痺其脉微弱

問曰人病恐怖者其脉何狀師曰脉形如循絲粟然其面白脫色也大誦按方中行曰恐怖惶懼也循理治也蓋內氣餒者則色外也絲言細也粟粟聯絡貌脫色猶失色奪所以有卒然之變也

問曰人不飲其脉何類師曰其脉自濇唇口乾燥也大誦

按人不飲則無以潤其枯故致唇口乾燥而脉亦見濇蓋爲陰脉濇者主津液之不足也王宇泰謂此節疑有闕文

問曰人愧者其脉何類師曰脉浮而面色乍白乍赤大誦

按人有愧色則神氣怯故脉浮而色乍白肺氣餒也乍赤者良心之外見心火暴升也

問曰經說脉有三菽六菽重者何謂也師曰脉者人以

指按之如三菽之重者肺氣也如六菽之重者心氣也

如九菽之重者脾氣也如十二菽之重者肝氣也按之

至骨者腎氣也五臟之氣互相灌注所謂五五二十五言下指輕重以候五臟氣也菽豆也下指如三菽之重與皮毛相得肺主皮毛也如六菽之重與血脉相得心主血脉也如九菽之重與肌肉相得脾主肌肉也如十二菽之重與筋骨相得肝主筋也腎則按之至骨舉指來

傷寒論集註 卷六

疾腎主骨也

假令下利寸口關上尺中悉不見脉然尺中時一小見

脉再舉頭者腎氣也若見損脉來至爲難治此條之上腎脉其形何似云云作問答起此乃其下文轉語一節也錯簡在此大誦按按此下利而寸口關上尺中悉不見脉則不獨胃氣虛冷欲脫矣惟尺中時一小見是腎中真陽之氣未絕脉之再舉頭也雖未至脫絕猶有可溫可補之法然已深慮其損脉之來而爲難治

問曰脉有相乘有縱有橫有逆有順何也師曰水行乘

火金行乘木名曰縱火行乘水木行乘金名曰橫水行

乘金火行乘木名曰逆金行乘水木行乘火名曰順也

前言脉原於五臟合五五而成部位之次第乃推明脉之所以始也此言脉具五行刑生制化之義乃五臟六

順吉凶生死之樞機脈之大要也節條辨文。大訥按順逆之證皆無大害縱橫相乘則為患最重成氏曰縱者言直縱其氣乘其所勝也橫者言其氣強橫反乘所不勝也子行乘母其氣逆也母行乘子其氣順也不順即謂之四塞

問曰脈有殘賊何謂也師曰脈有弦緊浮滑沉澹此六者名曰殘賊能為諸脈作病也言六者若見於各部之起病端也所謂邪不空見者此也節條辨文。大訥按方中行曰殘傷也賊害也浮滑陽盛也沉澹陰盛也陽盛為太過陰盛為不及皆可怪之脈能傷害氣血者也諸脈謂各部脈也作起也言此六者若見於各部則皆為病端如太陽病脈浮傷寒脈陰陽俱緊之類也

問曰脈有災怪何謂也師曰假令病人脈得太陽與形證相應因為作湯比還送湯如食頃病人乃大吐若下傷寒論集註卷六

辛

利腹中痛師曰我前來不見此證今乃變異是名災怪又問曰何緣作此吐利答曰或有舊時服藥今乃發作故名災怪耳大訥按此言舊時已服不合證之藥伏而未發今以脈證相對之藥與之而反生變異其災為可怪故名災怪臨證時須詢問曾服何藥庶不為他人分謗而反疑我用藥之誤

問曰東方肝脈其形何似師曰肝者木也名厥陰其脈微弦濡弱而長是肝脈也肝病自得濡弱者愈也方中行曰凡脈言濡皆讀軟微非脈名蓋脈以有胃氣為吉微微之弦有胃氣之謂也難經曰春脈者肝也東方木也萬物之所以始生也故其氣來栗弱輕虛而滑端直以長故曰弦蓋肝主筋故其脈如此此述素難而成文素難詳而此略且多錯誤

假令得純弦脈者死何以知之以其脈如弦直是肝臟

傷故知死也大訥按程共生日純弦則急勁而無胃氣如新張弓弦又曰中外急如循刀刃責責然如按琴瑟弦

南方心脈其形何似師曰心者火也名少陰其脈洪大

而長是心脈也心病自得洪大者愈也方中行曰心生故其脈洪大而長應萬物盛長之象也然素難言也

假令脈來微去大故名反病在裏也脈來頭小本大者

故名覆病在表也上微頭小者則汗出下微本大者則為關格不通不得尿頭無汗者可治有汗者死心脈來今來微去大故云反也微為正氣大為邪氣來以候表去以候裏來微則知表和去大則知裏病頭小本大者前小後大小為正氣大為邪氣邪氣先在裏今復還於表故名覆不云去而止云來是知在表汗者心之液上

傷寒論集註卷六

三

微為浮之而微頭小為前小表小中氣虛故主汗出心為在裏大為病進則邪甚下行格閉小腸使正氣不通故不得尿名曰關格陽氣上出汗見於頭關格而加之頭以陽氣未衰而可治汗出者主死也節成氏註

西方肺脈其形何似師曰肺者金也名太陰其脈毛浮也肺病自得此脈若得緩遲者皆愈若得數者則劇何

以知之數者南方火火剋西方金法當癰腫為難治也

方中行曰肺主皮毛上為華蓋故脈毛浮緩遲者脾肺也得緩遲為愈者金得土為逢生也數脈為火法當癰腫者金逢火化也。此下當有假令之轉語一節今脫落

問曰二月得毛浮脈何以處言至秋當死師曰二月之時脈當濡弱反得毛浮者故知至秋死二月肝用事肝

脉屬木應濡弱反得毛浮者是肺脉也肺屬金金來尅木故知至秋死他皆倣此成氏曰當春時反見秋脉爲金氣乘木肺來尅肝奪王脉而見至秋肺王肝氣則絕故知至秋死。方中行曰此復以四時脉氣屬五行生尅應病以主吉凶生死之理揭一以例其餘所以示人持脉之要法也

師曰脉肥人責浮瘦人責沉肥人當沉今反浮瘦人當

浮今反沉故責之。脉之反常者必有邪氣相干故責之。大誦按張令韶曰此節言人之五臟內稟五行而人之形質亦外象五行也土行之人肥木行之人瘦肥人質厚而重當得沉重之脉稟土之性也瘦人質薄而輕當得輕浮之脉肖木之質也今以肥人而得浮脉木性浮木尅土矣以瘦人而得沉脉金質沉金尅木矣故責之

師曰寸脉下不至關爲陽絕尺脉上不至關爲陰絕此

傷寒論集註 卷六

三

皆不治決死也若計其餘命生死之期以月節尅之

成氏曰脉經云陽生於寸動於尺陰生於尺動於寸也寸脉下不至關者爲陽絕不能下應於尺也尺脉上不至關者爲陰絕不能上應於寸也內經曰陰陽離決精氣乃絕此陰陽偏絕故皆決死期以月節尅之者謂如陽絕死於春夏陰絕死於秋冬。方中行曰餘命謂未盡之天年也月節尅之與前條二月得毛浮脉至秋死同

師曰脉病人不病名曰行尸以無正氣卒眩仆不省人

者短命則死人病脉不病名曰內虛以無穀神雖困無

苦大誦按程扶生曰言脉爲人之根本也內經曰形氣苦有餘脉氣不足死脉氣有餘形氣不足生。張令韶曰上章東方肝脉三節言四時俱以胃氣爲本此節又明四時當以旺氣爲本無胃氣曰死無旺氣亦曰死脉病人不病者雖脉損而形體充也精散神消僅存形骸耳故名行尸所以然者無四時之旺氣也無王氣者謂

春不弦夏不洪秋不毛冬不石也臟真損神氣傷譬如墮溺不可爲期故卒眩仆不識人短命則死也若精體病而經脉無傷此因內虛中焦水穀之神不能散精淫氣於經也雖無穀神尚有胃氣故曰雖困無苦穀神非即胃氣者乃水穀之精所以資養胃氣者也苦字別本作害

問曰翕奄沉名曰滑何謂也沉爲純陰翕爲正陽陰陽

和合故令脉滑關尺自平陽明脉微沉食飲自可少陰

脉微滑滑者緊之浮名也此爲陰實其人必股內汗出

陰下濕也。氣聚而脉盛之時奄忽之間卽已沉去是滑和合故令如此若其人陰實少陰脉獨滑滑者緊之浮名是轉索無常之浮非輕手便得有常之浮也以其陽大誦按翕合也奄忽也沉下也言滑脉之象也程扶生曰忽然而浮合於陽忽然而沉入於陰正以寫往來流利如珠轉旋之狀也

傷寒論集註 卷六

三

問曰曾爲人所難緊脉從何而來師曰假令亡汗若吐

以肺裏寒故令脉緊也假令欬者坐飲冷水故令脉緊

也假令下利以胃中虛冷故令脉緊也經曰諸緊爲寒又曰寒令脉急

蓋以陽舒緩陰縮急也。大誦按方中行曰此條一問三答以揭緊之爲寒而有三因之不同以見脉非一途可取之意

寸口衛氣盛名曰高營氣盛名曰章高章相搏名曰綱

大誦按程扶生曰營衛者一身之氣血所流行出入也故當於寸口察虛實焉衛爲陽陽浮於上浮而有力其脉爲高言營氣高亢也營爲陰陰血充足按之有力其之綱綱大目小言其氣力盛大也

衛氣弱名曰慄營氣弱名曰卑慄卑相搏名曰損程扶生曰

懶者怠怯之貌卑者不能自振之貌榮衛俱弱一身之氣血俱損矣

衛氣和名曰緩榮氣和名曰遲緩遲相搏名曰沉沉靜

○大訥按別本沉字作名曰強解曰陽氣和則緩陰氣和則遲陰陽俱和榮衛之氣行而不息矣故曰強易曰天行健君子以自強不息也此本作沉字未知孰是

寸口脈緩而遲緩則陽氣長其色鮮其顏光其聲商毛髮長遲則陰氣盛骨髓生血滿肌肉緊薄鮮鞭陰陽相

抱營衛俱行剛柔相均名曰強也高章者脈之太過慄之脈多屬平和此條釋上三句之義并結高章以下一段文字故復接寸口二字難經曰寸口者脈之大會手太陰之動脈五臟六腑之終始故取法於寸口

跌陽脈滑而緊滑者胃氣實緊者脾氣強持實擊強痛

傷寒論集註 卷六

五

還自傷以手把刃坐作瘡也胃氣實是邪實非本實也治病不刺量邪正以實持之以強擊之過於攻則自取傷耳深足痛也以手把刃坐作瘡也與此為醫咎同意痛者惜之也

寸口脈浮而大浮為虛正氣大為實邪氣在尺為關在

寸為格關則不得小便格則吐逆在尺則邪閉下焦裏氣不得下通故不得

小便在寸則邪拒上焦使食不得入故吐逆節成氏註

跌陽脈伏而濇伏則吐逆水穀不化濇則食不得入名

曰關格邪在下則關邪在上則格邪在中則關格成氏

吐逆而水穀不化濇則脾氣滯而不布邪拒上焦故食不得入

跌陽脈大而緊者大為虛當即下利為難治微小反緊

者邪勝也節成氏註

脈浮而大浮為風虛大為氣強風氣相搏必成癰瘡身

體為癢癢者名泄風久久為痼癰眉髮脫落身有乾瘡也。大訥按方中行曰素問云外在腠理則為泄風泄風之狀多汗汗出泄衣上口中乾上漬其風不能勞事身體盡痛則

寸口脈弱而遲弱者衛氣微遲者營中寒營為血血寒則發熱衛為氣氣微者心內飢飢而虛滿不能食也方行曰寒之為言虛也與貧之稱寒同氣血之在人身猶水火之在天地水乾則火熾也陽主化穀衛陽衰微不化穀故飢而虛滿不能食也

寸口脈弱而緩弱者陽氣不足緩者胃氣有餘噫而吞

傷寒論集註 卷六

五

酸食卒不下氣填於膈上也上一作下。胃氣有餘即定未消穀物正是治之以蘭以除陳氣之說。大訥按周禹載曰緩為胃脈何以反致為病惟弱而緩則弱為陽不足緩為物有餘弱而緩知有積蓄痰飲留滯於中故噫酸而氣填也然後知陽氣旺乃能消穀引食耳指為胃中有物其義亦通故兩存之

跌陽脈緊而浮浮為氣緊為寒浮為腹滿緊為絞痛浮

緊相搏腸鳴而轉轉則氣動膈氣乃下少陰脈不出其

陰腫大而虛也浮為胃氣虛虛緊為脾中寒胃虛則腹滿

之鳴而虛寒下趨於腎故少陰脈不出其陰腫大而虛

者下歸於少陰而少陰之氣不上交於跌陽而為病也

跌陽脈緊而浮乃陰寒氣盛而陽氣外越也故浮為氣

緊為寒浮為腹滿者氣外出而中土虛滿也緊為絞痛

者邪正相攻而陰氣盛也浮緊之氣兩相搏緊則氣從



脾胃而陷於大腸故腸鳴而轉轉則動其腸氣又從腸而下陷於少陰寒氣與腸氣俱聚於少陰則少陰之水氣不升而下聚於陰器故少陰脈不出其陰腫大之虛也以上知跌陽之氣從腸而下少陰之氣從腸而上腸口腸鳴而轉腸與胃俱屬土也

寸口脈微而濇微者衛氣不行濇者營氣不逮營衛不能相將三焦無所仰身體痺不仁營氣不足則煩疼口

難言衛氣虛則惡寒數欠三焦不歸其部上焦不歸者噫而吞酸中焦不歸者不能消穀引食下焦不歸者則

遺洩成氏曰養三焦者血也護三焦者氣也營衛俱損不能相將而行三焦無所依仰身體為之頑痺而

不仁營為血血不足則煩疼營屬心營弱心虛則口難言衛為陽陽微則惡寒衛為氣氣虛則數欠三焦因營衛不足無所依仰其氣不能歸其部上焦在膈上物未消之分也上焦之氣不至其部則物未能傳化故噫而

傷寒論集註卷六  
吐酸中焦在胃之中主熟腐水穀中焦之氣不歸其部則水穀不化故不能消穀引食下焦在膀胱上口主分別清濁下焦之氣不歸其部不能約制遺便故遺溺。方中行曰衛主氣不行言不用事也營主血不逮言不及也不能相將不相和諧也不歸其部言不還足其所

有之分也上焦主受納中焦主腐熟下焦分清濁主出而專約制此營衛不相將致三焦各廢其所司之職也

跌陽脈沉而數沉為實數消穀緊者病難治見於脾部

木來尅土鬼賊相刑故云難治節成氏註。跌陽主脾胃脾胃主穀穀氣實若脈數而陽熱勝陽能消穀雖病不為害若脈得緊而陰寒盛陰

不化穀病為難治節辨文

寸口脈微而濇微者衛氣衰濇者營氣不足衛氣衰面色黃營氣不足面色青營為根衛為葉營衛俱微則根

葉枯槁而寒慄欬逆唾腥吐涎沫也王宇泰曰子能令母虛肺主氣氣虛

則脾色見於面而黃心主血血衰則肝色見於面而青肺黃脾液漣也。大訥按方中行曰氣為衛色白屬金黃色土色金生於土金無氣色不顯故土色反見也血為營土色赤屬火青木色火生於木火無氣色不明故木色反見也營為根者言血營於人身之內猶根本也氣衛於人身之外猶枝葉也寒慄營不足以養而衛亦不能外固也欬逆唾腥吐涎沫者氣不利而血亦不調也

跌陽脈浮而芤浮者衛氣衰芤者營氣傷其身體瘦肌

肉甲錯浮芤相搏宗氣衰微四屬斷絕浮為風虛故云血故云營氣傷衛衰而形損營傷而枯折宗氣積於胸中出於喉嚨以貫心肺而行呼吸乃三焦隨氣之一也

三焦乃氣之道路衛氣衰而營氣傷所以宗氣亦衰微四屬不相維而斷絕也四屬皮肉肌髓也此體瘦肌肉甲錯之所由然也參成方二家。大訥按此言跌陽內循宗氣外行四末不獨主營衛也營為水穀之精氣衛為水穀之悍氣皆稟氣於胃者也今跌陽脈浮而芤是

中土虛微營衛無以稟受精悍之氣致衛衰而營傷營衛之氣不虛則能充肌肉澤毛膚若衰而且傷身體自瘦而肌肉甲錯矣甲錯者枯燥不潤澤也宗氣者衛之

大絡出於左乳下浮芤相搏則胃絡不行宗氣衰微且致四屬斷絕也

寸口脈微而緩微者衛氣疎疎則其膚空緩者胃氣實

實則穀消而水化也穀入於胃脈道乃行水入於經其

血乃成營盛則其膚必疎三焦絕經名曰血崩疎與實皆病也寸口脈微而緩微者衛氣疎衛主溫分肉肥腠理疎則分肉不溫腠理不肥故曰膚空也緩者胃氣實胃主散布水穀之氣以榮養經脈所謂穀入於胃脈道乃行水入於經其血乃成三焦得其常度乃能若此今

則穀消水化不能使水穀入經循其脈道營氣留滯而不與衛和根葉不相灌注是以三焦絕經而外則膚空內則血崩也

跌陽脈微而緊緊則為寒微則為虛微緊相搏則為短



氣成氏曰中虛且寒氣自短矣。方氏曰脾

少陰脈弱而瀉弱者微煩瀉者厥逆少陰脈弱陰虛也

部見陰脈非大虛也故生微煩少陰虛則發熱以陰

跌陽脈不出脾不上下身冷膚鞭脾胃為營衛之根脾

消磨水穀而營衛之氣不能通榮於外身冷者衛氣不

溫也膚鞭者營氣不濡也。人身血氣以平為期亦有

脾氣過強糟粕不去氣塞經隧不能升降脈亦不出而

身冷膚鞭一則不能上下一則阻其上下不可不兩審

也之

少陰脈不至腎氣微少精血奔氣促迫上入胸膈宗氣

反聚血結心下陽氣退下熱歸陰股與陰相動令身不

仁此為尸厥當刺期門巨闕厥氣客於腎木邪盛而腎

傷寒論集註卷六

氣上奔填塞胸膈宗氣者穀氣所化以貫心肺而行呼

吸其津液則注之於脈以榮四末今穀氣聚而不行血

結而不流陽氣為厥陰所壅不能宣發退下至陰股間

與陰相動令身寒熱痼瘕俱不覺知狀若尸也治之

法刺期門以通心下結血刺巨闕以行胸中宗氣。宗

氣者三焦歸氣也有名無形氣之神使也不榮玉莖故

宗筋聚

寸口脈微尺脈緊其人虛損多汗知陰常在絕不見陽

也成氏曰寸微為亡陽尺緊為陰勝故名虛損加

之多汗則愈損陽氣是陰常在而絕不見陽也

寸口諸微亡陽諸濡亡血諸弱發熱諸緊為寒諸乘寒

者則為厥鬱胃不仁以胃無穀氣脾瀉不通口急不能

言戰而慄也上四句概言之也諸乘寒者諸凡陰陽俱

厥鬱胃神昏也虛而為寒所乘陽氣抑伏不得宣發則成

上下故口急不能言寒在表而為戰寒在裏而為慄此

亦尸厥也但前條以腎虛未盛此

條以胃虛寒乘狀則同情則異也

濡弱何以反適十一頭師曰五臟六腑相乘故令十一

方氏曰萬物之生莫不始於濡弱五臟六腑相乘往反

初皆濡弱故濡弱者通該夫十一者之首事。大訥按

適和適也謂和適五臟六腑也經曰呼吸者

脈之頭謂濡弱之脈可以和平適此十一頭也

問曰何以知乘腑何以知乘臟師曰諸陽浮數為乘腑

諸陰遲澹為乘臟也言何以知胃氣之乘六腑也何以

知乘臟者言何以知胃氣之乘五臟也答以五臟六腑

不外陰陽諸陽浮數而濡弱為胃氣之乘五臟也答以

遲澹而濡弱為胃氣之乘五臟也答以五臟六腑

總以胃氣為本而傷寒論自始至終亦無不歸重於胃

氣素問傷寒先聖後聖其揆一也。又問曰浮數遲澹

是病脈何以見得胃氣且本文不言濡弱何以解內添

入濡弱二字恐仲師之意未必然也答曰文內雖不言

傷寒論集註卷六

濡弱而其意實解濡弱此古人言外之

意也不然何以問濡弱反適十一頭也

傷寒論集註卷六終

傷寒論集註卷第七

東吳徐

大誦吳士

長洲蔣

姪秉鈞衡望甫

男維鈞衡範甫

辨症濕暍脉證

傷寒所致太陽症濕暍三種宜應別論以為與傷寒相

似故此見之郭白雲曰自此以下皆論似傷寒非傷寒

經與傷寒為難辨故仲景論於傷寒之先以不能先別

傷寒論集註卷七

方論列於雜病疑似諸疾之中然疑似諸病非太陽所

感所以獨先症濕暍者為其與傷寒同為一經根源不

異證亦多同誤治則殺人是以前世所遺與霍亂等項

詳復恐亂傷寒證治之法乃依近世所遺與霍亂等項

別為一卷其疑似諸疾又附之後庶幾有所區別耳

大誦按程扶生曰此條是王叔和之言以此三種與傷

寒相似宜應別論愚謂春風溫夏暑長夏濕秋燥冬

寒四時之氣也張子以爲俱屬外感之邪而受白太陽

故以瘧濕暍合辨叔和疑此三者爲雜病之證而似於

傷寒故謂宜應別論然張子所謂辨證即辨此三種諸

證也以真傷寒爲似傷寒而治之誤也似傷寒爲真

傷寒而治之亦誤也故當以傷寒與溫熱瘧濕暍合辨

也瘧濕暍三病似傷寒瘧尤爲危惡故先

及之次則濕爲難治若暍則顯而易見矣

集註

增訂

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

參閱

是爲

太陽病發熱汗出不惡寒者名曰柔症太陽中風重感

濕故爲柔症大誦按方中行曰此以中風致變言汗

出不惡寒風傷衛也柔風性之與緩也經脈素虛筋

弛緩剛症爲邪勝屬陽柔症爲血虛屬陰金匱又有太

陽病其證備身強凡然脈反沉遲此爲陰虛桂枝

枝湯主之即桂枝湯加括蕞根其證備即發熱汗出不

惡寒等證也傷寒方中用桂枝加葛根矣此以脈之沉

遲知在表之邪爲濕所持不解即係濕熱二邪交聚不

當從風寒之表法起見故不用葛根而改用括蕞是表

法而兼利法也趙以德曰表虛感濕爲柔症即內經

表裏兼濕內攻大筋輭短小筋弛長之症也所謂柔症

者非不強也但剛有

力柔無力爲異耳

太陽病發熱脉沉而細者名曰瘧而反沉細是太陽中

風重感於濕而爲瘧也大誦按此揭瘧之狀發熱太

陽未除也沉寒也細濕也中風傷寒病猶在太陽而脉

傷寒論集註卷七

變如此者則是車感寒濕而變瘧不可仍以中風傷寒

稱也喻嘉言曰金匱以此語爲難治何也蓋發熱爲

太陽證沉細爲少陰脉陽證而得陰脉故難治非不治

仲景治發熱脉沉原方麻黃附子細辛湯之法正當比

例用之不知瘧病多兼濕濕勝脉必沉細苟邪風爲濕

氣所著身雖發熱而脉必不能浮數也但濕勝非麻黃

所宜恐一大汗則風去而濕存著於筋骨之間

二

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

感寒濕者也五條則狀痙也是因病而變痙者也大抵痙病似微柔軟發痙則極強直痙病專在太陽痙則諸經皆有郭白雲痙痙論全錄於後以備參考

### 補亡論辨痙痙論

郭白雲曰先兄子言明醫道嘗疑醫經中痙痙二字只是一字傳寫之誤蓋漢晉之書皆作痙如仲景言結胸證項亦強如柔痙狀千金方載曰項亦強如柔痙狀其二字傳寫之誤明矣然素問靈樞二經亦兼有痙痙二證不同則自仲景以來諸書皆有當爲痙當爲痙者後人傳錄皆不復辨別也政和間先人客京師有家人病招東平劉寅診視劉曰此痙病也治之

傷寒論集註

卷七

三

愈因問痙痙之別劉曰病以時發者謂之痙不以時發者謂之痙後歸洛有兄病傷寒汗後以時作痙者先兄以劉醫語用龐氏葛根加麻黃湯治之愈劉醫之言不見於諸書東平昔多名醫其言必有所受後頗讀醫書始悟劉醫之言雖當而未盡也蓋二字之誤固多有之在漢晉書中有當爲痙者亦有當爲痙者在隋唐時書中亦有當爲痙當爲痙者方知痙痙畢竟二字蓋痙者病名如曰中風傷寒之類也痙者證名如曰結胸痞氣之類也如此言痙濕喘三病則痙爲病名不可作痙也倉公當歸湯方云主賊風

口噤角弓反張而痙者則痙是病中一證之名不可作痙也蓋痙是經脉與筋強直反張之病故爲病中之一證所以諸風有痙傷寒有痙痙病之中亦有痙不痙者大率痙爲輕痙爲重痙而又痙者爲尤重劉氏雖不分病名與證名有異而痙病不以時發故有累日不知人事者痙則隨發隨止孫真入所謂須臾有十數發者則又與病以時發不以時發之言相應也故痙謂痙病名痙證名者究其源也劉謂以時發不以時發者別其流也活人書曰陰陽二痙者此言非古恐出於後世以意度之剛痙之痙名陽痙柔

傷寒論集註

卷七

四

痙之痙名陰痙朱氏雖言陰陽二痙而終不明辨第曰陽痙屬剛陰痙屬柔而已其證與藥俱不詳言之問曰痙病何由而感素問三十七曰肺移熱於腎傳爲柔痙仲景論曰瘡家雖身疼痛不可發汗汗出則痙叔和曰風病下之痙復發其汗必拘急此皆致痙之由也孫真人曰先因傷風後感寒濕則致痙故柔痙亦有不惡寒而惡風者

問曰痙脉何如仲景曰脉沉而細叔和曰脉來按之築而弦直上下行又曰其脉伏堅直上下巢氏病源曰策策而弦直上下行者風痙脉也伏堅直上下痙

而加瘧之脉也築築而弦策策而弦皆病脉築策亦疑一字誤出

問曰治瘧何如叔和曰太陽病無汗而小便反少氣上衝胸口噤不得語欲作剛瘧者葛根湯主之瘧曰叔和既論剛瘧次當言柔瘧今乃不言及再論剛瘧爲病胸滿口噤臥不着席脚攣急其人必齟齬可與大承氣湯以仲景傷寒論本無此一證故疑此亦非叔和之言誤從之殺人大承氣湯的非治剛瘧之藥縱是諸瘧皆不可用蓋瘧本太陽中風再感寒濕之疾太陽屬表中風在表及寒濕之疾皆不可下其脉

傷寒論集註

卷七

五

沉細伏弦亦不可下今又言胸滿非寒則虛痞口噤臥不着席又太陽中風之證脚攣急者脚踈也胞中有寒也皆不當行承氣湯用之必死龐朱二氏不明去之者意其是叔和之言不敢削也朱氏加密之二字蓋亦有疑矣嘗見庸愚用此以殺人知而不言不爲無罪然則柔瘧用何藥以治之曰龐氏治剛柔瘧加減葛根麻黃湯瘧無汗者加麻黃瘧自汗者去麻黃加葛根朱氏治柔瘧以桂枝加葛根湯皆藥治之切當者也叔和曰太陽病其證備身體強凡凡然脉沉遲此爲瘧括蕞桂枝湯主之龐氏曰括蕞不主項

傷寒論集註

卷七

六

強凡凡其意以治肺熱令不移於腎也桂枝湯內加括蕞四兩此移熱之瘧也若瘡家風家二瘧亦同治乎嘗見太陽傷寒出汗多而致瘧服此亦愈千金方曰其重者患耳中策策痛此風入腎經中也不治流入腎臟喜卒然體瘧直如此皆服小續命湯二三劑瘧曰亦須無汗乃可服千金又曰剛柔二瘧宜加減葛根湯瘧自汗者去麻黃加葛根此湯諸家未見惟龐氏載之又曰瘧病不宜大發汗及鍼灸宜小汗之叔和曰瘧病有灸瘡難愈瘧曰大抵瘡家忌灸惟孫真人云若耳痛腫生汁作癰癰者乃無害也活人書

曰柔瘧桂枝加葛根湯主之瘧曰此卽仲景治太陽病有汗之藥朱氏以叔和闕柔瘧藥故取而用之若然則剛瘧止宜用龐氏葛根麻黃湯也又朱氏論二瘧取千金說云竝宜用小續命湯此皆爲定法其熱甚而欲移於腎者必加瘧宜以桂枝加括蕞湯主之叔和曰瘧病發其汗也其脉冷冷如蛇暴腹脹大者爲欲解也其脉如故反復弦者必瘧曰既曰瘧病又曰必瘧何也必瘧當作必瘧則義通也此謂瘧病加瘧者也

問曰瘧病其詳何如孫真人曰太陽中風重感寒濕則

變瘧瘧者口噤不開背強而直如發癰之狀搖頭馬鳴腰反折須臾十數發氣息如絲汗出如雨瘧曰此卽正謂之瘧也瘧因他病而有初無本病或因中風而瘧或因傷寒而瘧或因瘧而加瘧其用藥皆相類大抵宜葛根續命也

問曰婦人小兒多作瘧何也孫真人曰新產婦人及金瘡血脈虛竭小兒臍風大人涼濕得瘧風者皆死又熱病熱入腎中爲瘧小兒病癰熱甚亦爲瘧瘧曰此二者可治之瘧也

問曰風瘧似瘧何如孫真人曰凡風瘧暴尸厥及鬼覺傷寒論集註卷七

不寤久厥及癰皆與瘧相類宜精察之瘧曰風瘧暴尸厥鬼魔不寤皆冥冥不知人皆似瘧癰皆似瘧賊風口噤者爲風瘧也倉公當歸湯主之龐氏曰瘧病臥不着席小兒腰背去席二指大人身側掌爲難治瘧曰難治尚可治非不治瘧雖強直不至如瘧則幸矣亦見有反張過掌而愈者嘗見口噤似瘧略知人事但坐而順掣腰脊仰倒者亦風瘧也服倉公當歸湯而愈

問曰瘧瘧二字相混以經別之何如瘧曰素問四十五日手陽明少陽厥逆發喉痺噤腫瘧此非太陽之疾

而言瘧故全元起本作瘧蓋諸經有瘧獨足太陽有瘧也

問曰巢氏分風瘧傷寒瘧何也瘧曰靈樞云熱病不可刺者有九九日熱而瘧者死腰折癰瘕噤齟也此傷寒瘧也又曰風瘧身反折見取足太陽及膈中及血絡出血此風瘧也靈樞有二瘧故巢氏亦分二瘧嘗見熱病汗後發瘧亦服桂枝加栝蒌湯而愈經言熱而瘧者死必謂未汗而瘧其熱甚有異耳

郭白雲曰龐氏言若汗出太多因而熱寐汗爲冷濕之氣復着太陽經故發瘧朱氏言先因傷風後感寒濕傷寒論集註卷七

而致瘧二者皆謂先因病變而爲瘧者皆勁瘧之一證如仲景言太陽病發熱無汗反惡寒太陽病發熱汗出不惡寒者乃瘧之正病也然瘧瘧二病終緣二字差誤諸書鮮有曉然無疑者所以近世無端確之論幸而用藥二病不甚相遠不至大誤也瘧深取朱氏治柔瘧用桂枝加葛根湯龐氏治剛瘧用葛根加麻黃湯叔和治太陽病欲作剛瘧用葛根湯熱甚而瘧用桂枝栝蒌湯大抵皆宜續命湯而千金以此治瘧朱氏以治二瘧不同此不須疑瘧瘧皆用惟無汗者可用也

又曰二病亦多有之各爲傷寒治或爲風治故不愈風猶近之而未的也雍親見者數人略言其狀一人初如傷寒三四日後冥冥不知人亦似柔軟不甚強直惟忘記口噤不口噤雍謂此瘧也一人初亦如傷寒數日後時作角弓反張作則口噤不知人罷則略知人而困雍謂此瘧也又有傷寒汗後方坐談語次忽瞠目口噤雖坐如故而四肢強直不可屈折少頃卽罷罷而復作正所謂須臾十數發者罷則言語如故雍謂此緣出汗多所致傷寒瘧也時服桂枝括蕒而愈又一小兒如傷風一二日後不知人冥冥臥不語

傷寒論集註 卷七 九

不食此瘧也忽四肢強直口噤手足皆如縈腫手足指皆皴開少頃卽定復稍柔但冥冥然雍謂此瘧而加瘧者也又一村人病一二日後口噤身強直反張覺臂腿長於平日略知人事齒縫中作聲不甚明曉飲冷水反要火炙尋衣縫摸床撮空無所不至其證甚怪時雍思之只是瘧用大巖密湯擦其齒須臾口得開數進小續命湯遂愈村人耐疾設富貴人安得不死又一家父子閉戶坐不出門人云患鎖牙風使偵之父子對坐各用兩手扳面前一橫木小頃病來則兩手俱脫偃仆後甦而復坐父子更起更偃仆以

倉公當歸湯主之其子遂愈父羸老不救問風來之狀則起自足循太陽經而上過膈中至股分兩支一支循股外而上入腰則猛掣便倒起一支循股內而上入少腹考之於經太陽無此別支應是入少陰也又有一人行次仰面顧者三衆謂仰首有所視少頃卽倒昇歸反張數日而沒此疾證甚不一歷驗瘧似微柔軟發瘧則極強硬前人敘此未能盡瘧則加詳焉

附錄治瘧瘧諸方後凡引用諸方悉行增補以備參考其已見者不復贅

龐氏葛根加麻黃湯方見龐氏總病論

傷寒論集註 卷七 十

葛根	麻黃	生薑	防風
白芍	白朮	人參	芎藭
黃芩	防已	桂枝	甘草
附子	一枚		各半

右咬咀水六升先煮麻黃葛根數沸去上沫內諸藥煮取二升去滓飲服一盞食頃再服日四五夜二三柔瘧自汗者去麻黃加葛根成一兩半

倉公當歸湯方見千金翼 主治賊風口噤角弓反張身體強直等證

當歸	細辛	防風	麻黃
		各一兩半	二兩半

獨活 三分 附子一枚炮去皮

右六味咬咀以酒八升水四升合煮四升分四服口不開者校口下湯一服當開二服小汗三服大汗

桂枝加括蕒根湯方 王宇泰云是仲景方主治柔瘧

桂枝 芍藥各三兩 括蕒根 甘草各二兩

生薑 三兩 大棗十二枚擘

右六味以水九升煮取三升分溫三服取微汗汗不出食頃啜粥發之

麻黃加獨活防風湯方 王宇泰云是仲景方主治剛瘧

傷寒論集註 卷七 十一

麻黃 去節 桂枝各二兩 白芍三兩 甘草半兩

獨活 防風各一兩

右剉細每服一兩用水二鍾煎至一鍾半溫服

葛根湯方

見前太陽證中

小續命湯方

白朮 千金不用 人參 川芎 麻黃去節湯泡三次

防己 外臺不用 黃芩 桂枝千金用炙甘草

白芍 各一兩 防風半兩 生附子五錢

右咬咀每服五錢水一盞半煎至一盞去滓入生薑

汁再煎三沸溫服日三夜二

桂枝加葛根湯方

見前太陽證中

大巖密湯方 治賊風腹中絞痛飛尸遁注發作無時

發即搶心脹滿脇下如錐刀刺并主少陰傷寒

梔子 十五枚 地黃 細辛 甘草

茯苓 吳茱萸 桂心 當歸

乾薑 芍藥 羊脂 青羊角亦得 川芎小品有此味

右十一味咬咀以水八升煮取三升去滓內脂令烱分溫三服相去如人行十里若痛甚加羊脂三兩當

傷寒論集註 卷七 十二

歸芍藥人參各一兩心腹脹滿堅急者加大黃三兩

○胡洽不用梔子羊脂茯苓桂心名巖密湯

小巖密湯方 治證同前并治角弓反張飛尸入腹傷

寒口噤不利

大黃 雄黃 青羊脂 各一兩 當歸

乾薑 桂心 地黃 芍藥

甘草 細辛 各四兩 吳茱萸 三兩

右十一味以水二斗煮取六升分六服重者加藥用

水二斗煮九升分十服

太陽病關節疼痛而煩脉沉而細者 活人書作脉沉而緩此名中



不止醫云此可發汗汗之不愈者何也答曰發其汗汗

也今竝車  
以備叅考

補亡論辨濕病論

問曰中濕風濕脉何以辨雍曰脉沉而緩者曰中濕脉浮惡風者曰風濕中濕無風脉故也

問曰何謂濕溫王叔和曰傷寒濕溫其人嘗傷於濕因而中暍濕熱相搏則發濕溫病苦兩脛逆冷腹滿又胸腹頭目痛苦妄言治在足太陰不可發汗汗出必不能言耳聾不知痛所在身黃而色變名曰重暍如此死者醫殺之也朱氏曰濕溫多汗頭目痛苦妄言其脉陽濡而弱陰小而急治在足太陰雍曰白虎加蒼朮湯主之活人書載中濕風濕濕溫三種之外尚傷寒論集註卷七五

傷寒論集註

卷七

五

非風溫也

仲景曰傷寒發汗已身目爲黃所以然者以寒濕在裏不解故也以爲不可汗也於寒濕中求之常氏云可五苓散雍曰濕病汗不出者濕留寒濕在裏不解也凡濕家發黃者宜五苓散

仲景曰濕家病在頭中寒濕則頭痛鼻塞而煩內藥鼻中則愈

千金方曰濕痺緩風身體疼痛如欲折如錐刺刀割七物附子湯主之又曰濕風體痛如折肉如錐刀所刺

八物附子湯主之

附治濕病諸方

麻黃加朮湯方

卽於麻黃湯中加白朮四兩

防已黃芪湯方

防已一兩

甘草半兩

白朮七錢

黃芪一分

右剉麻豆大每抄五錢七生薑四片大棗一枚水盞

半煎八分去滓溫服良久再服喘者加麻黃半兩

胃中不和者加白芍三分氣上衝者加桂枝三分下

有陳寒者加細辛三分服後當如蟲行皮中從腰下

傷寒論集註

卷七

六

如冰後坐被上又以一被繞腰下溫令微汗差

甘草附子湯方

桂枝附子湯方

五苓散方

以上三方俱見太陽篇

白朮附子湯方

白朮二兩

附子一枚半

生薑一兩

大棗六枚

右五味以水三升煮取一升去滓分溫三服一服覺身痺半日許再服三服都盡其人如蛻狀勿怪卽是

木附竝走皮中逐水氣未得除故耳

摘鼻瓜蒂散方

已據龐氏說載明註中

麻黃杏仁薏苡甘草湯方

麻黃去節半兩甘草一兩薏苡仁半兩杏仁十個去皮尖炒

右剉麻豆大每服四錢水一盞半煮八分去滓溫服

有微汗避風

白虎加蒼朮湯方

見後八卷不可汗證中

七物附子湯方

傷寒論集註卷七

附子三枚芍藥四兩桂心四兩甘草四兩

茯苓各三兩白朮四兩

右七味咬咀以水八升煮取三升分二服

八物附子湯方

附子炮去乾薑炮白芍各三兩茯苓各三兩

甘草炙桂心各三兩人參一兩白朮四兩

右每服四錢水一鍾半煎七分去滓食前溫服一

方去桂加熟地黃三兩

太陽中熱者喝是也其人汗出惡寒身熱而渴也金匱要略

曰白虎加人參湯主之雍曰亦有惡風者謂汗出太多也。大訥按中喝與傷寒相似傷寒則發熱惡寒初病

不至於煩渴惟中喝證一病即渴所以與傷寒不同耳故經曰脈甚身寒得之傷寒脈虛身熱得之傷暑以下三證與傷寒正相類故表而出之方中行曰蒸熱謂之暑傷暑謂之喝汗出惡寒者太陽表不固也身熱者暑邪傷陽也渴者亡津液而內燥也然喝為內證太陽主表而有喝何也炎暑之時陽浮外越人之津液本少渴為常事況更汗出乎且太陽溫病已有渴况喝乎

太陽中喝者身熱疼重而脈微弱此以夏月傷冷水水

行皮中所致也脈虛身熱謂之傷暑身熱脈微弱者喝重金匱要略曰瓜蒂散主之。大訥按周禹載曰仲景於此病用一物瓜蒂散去胸中之水且變散為湯并無於此過抑陽氣不能發越此因天暑使然雖曰中喝其實傷水也故以一物驅逐其水則陽氣行而身重疼重立解矣此則內因也由是推之如傷露露之從乎上者可內鼻而解地濕之從乎足者可利小便而解也上溫下流與下之上甚為熱者可一汗而解也

傷寒論集註卷七

六

太陽中喝者發熱惡寒身重而疼痛其脈弦細芤遲小便已灑灑然毛聳手足逆冷小有勞身即熱口開前板齒燥若發汗則惡寒甚加溫鍼則發熱甚數下之則淋

甚成氏曰病有在表者有在裏者此則表裏俱病者也暑脈虛也小便已灑灑然毛聳手足逆冷者太陽經氣不足也小有勞身即熱者謂勞動其陽而喝即發也口開前板齒燥者重有熱也內經曰因於暑汗煩而喘喝不開謂喘喝也喘喝不止故前板齒燥也暑汗煩而喘喝表邪則外虛陽氣故惡寒甚若以溫鍼助陽則火熱內攻故發熱甚若下之以除裏熱則內虛而陽脫故熱甚甚思按風寒濕為地氣為濁邪俱足經受之暑為天氣為清邪故中少陰心經其證發熱惡寒與傷寒相似但傷寒初病不即渴中喝者即便口渴傷寒脈盛中喝脈虛此為異耳本論無治法李東垣以清暑益氣湯主之前人所未及也郭白雲補亡論辨中暑中喝熱病甚詳今附載於後以備參考

補亡論辨暑暍熱病論

問曰中暑中暍熱病何以別之雍曰冬傷於寒因暑氣而發者爲熱病冬不傷於寒而夏傷於暑爲中暑中暑卽中暍也皆太陽經受病故熱病正爲傷寒而中暑爲與傷寒相似活人書曰夏月發熱惡寒頭痛身體肢節痛重其脉洪盛者熱病也夏月自汗惡寒身熱而渴其脉微弱者中暑也大抵中暑與熱病相似但以脉盛脉虛別之甲乙經曰脉盛身寒得之傷寒脉虛身熱得之傷暑蓋寒傷形而不傷氣所以脉盛熱傷氣而不傷形所以脉虛傷寒肢節疼重其脉洪

傷寒論集註

卷七

九

盛按之有力此冬月感寒深而至夏發耳中暑則背寒而垢手足微冷煩渴口燥但覺倦怠四肢却不痛重其脉微弱按之無力白虎湯主之其厥逆惡寒者橘皮湯主之頭痛惡心煩燥心下不快者五苓散爲最良

問曰中暑何故灑灑然毛聳惡寒朱氏曰經云四時八風之中人也因有寒暑寒則皮膚急腠理閉暑則皮膚緩腠理開開則灑然寒閉則熱而悶今人不知中暑或作熱病法治之復用濕熱藥必至發黃斑出更爲畜血尤宜戒之

問曰熱病暑病暍病三者異名諸家不分何如雍曰熱

病亦可謂之暑暍病亦可謂之暑故時言熱亦時言暑其始則當有熱暍病以其通可謂之暑是以難別素問曰熱病者皆傷寒之類也以熱而言也又曰先夏至日爲病溫後夏至日爲病暑此以暑而言也二者其實一也叔和口中而卽病者名曰傷寒不卽病者至春變爲溫病至夏變爲暑病又曰辛苦之人春夏多溫熱病此一病或言暑或言熱也是以巢氏於傷寒之外別出熱病一門而首言暑病者熱重於溫也是熱病亦謂之暑也龐安常復出暑病一篇而所

傷寒論集註

卷七

十

言實傷寒之熱病又二家所載皆以素問五臟熱病爲主是名同而實異也惟朱氏分別熱病與中暑不相差互然朱氏所謂熱病者傷寒也所謂中暑卽暍者是也其意甚明不令人惑當從朱氏名之其他諸家所論未嘗不同名特異耳

附治暑暍證諸方

清暑益氣湯方

黃芪	一錢五分	蒼朮	一錢	升麻	一錢
人參	去蘆五分	白朮		神麴	
澤瀉	各五分	甘草	炙	黃蘗	酒浸
				葛根	

青皮 去瓢 當歸身 麥門冬 去心各三分

五味子 九粒

右以水二大盞煎至一盞去滓食遠稍熱服劑之多

少臨時斟酌

白虎湯方 見前陽明病篇

五苓散方 見前太陽病篇

橘皮湯方

橘皮 四兩

生薑 半斤

右二味以水七升煮取三升溫服一升下咽即愈

辨霍亂病脉證并治法

傷寒論集註 卷七

三

問曰病有霍亂者何答曰嘔吐而利此名霍亂成氏曰

水穀之道路邪在上焦則吐而不利邪在下焦則利而

不吐邪在中焦則既吐且利以飲食不節寒熱不調清

濁相干陰陽乖隔遂成霍亂證輕者止於吐利重者揮霍撩亂

問曰病發熱頭痛身疼惡寒吐利者此屬何病答曰此

名霍亂自吐下又利止復更發熱也補亡論作霍亂吐利而復發熱也

曰此論霍亂似傷寒之證也成氏曰發熱頭痛身疼

惡寒者本是傷寒因邪入裏傷於脾胃上吐下利令為

霍亂利止裏和復更發熱者還是傷寒必汗出而解

傷寒其脉微濇者本是霍亂今是傷寒却四五日至陰

經上轉入陰必利本嘔下利者不可治也欲似大便而

反矢氣仍不利者屬陽明也便必鞭十三日愈所以然

者經盡故也今是傷寒指上更發熱也四五日以下

死判然成氏曰先霍亂裏氣大虛又傷寒之邪再傳為

吐利是重虛也故為不治欲似大便而反矢氣仍不利

者裏氣熱也此屬陽明便必鞭也十三日愈六日傳遍

三陽三陰後六日再傳經盡則陰陽和而大邪去也

大納按周禹載曰霍亂為胃有寒物鬱滯既嘔且利

必微瀉微瀉為陽虛瀉為積滯也今是傷寒則陽邪方盛

而陰脉如此至四五日轉至陰經之時利不能免矣

使先嘔至此復利則上逆下脫已成危候可妄治歟

利止而轉矢氣雖傳經者轉歸胃府便即鞭知十三日

可愈也何也寒物之滯既已利盡利盡陽復故令便硬

而又再周兩經之期則津液必回而便硬

下利後當便鞭鞭則能食者愈今反不能食到後經中

頗能食復過一經能食過之一日當愈不愈者不屬陽

明也利後便鞭若胃和而能食則愈今反不能食到七

日再經而頗能食是胃氣方和過之一日當愈而

不愈者非胃氣和也

惡寒脉微而復利利止亡血也四逆加人參湯主之郭

雲曰此論今是傷寒之證故言本經下利不可治若論

霍亂則必嘔吐而利也是傷寒而不屬陽明惡寒脉微

復利利止者則用四逆加人參湯主之此湯若霍亂亦

可服千金翼合上條為一條。大納按周禹載曰脉微

已屬陽虛兄兼惡寒耶不回陽其利漫無止期今利止

於四逆湯中幾何不益陰而反增其利耶故但

加人參遂使陽藥無劫陰之慮而陽生陰長也

四逆加人參湯

甘草 二兩 乾薑 一兩

附子 一枚 生去皮破八片

人參 一兩

右四味以水三升煮取一升二合去滓分溫再服

按周禹載曰陰盛陽微四逆在所必用然亡血則加  
入人參以其能助津液也此正與太陽亡陽桂枝湯中  
加湯同義

霍亂頭痛發熱身疼痛熱多欲飲水者五苓散主之寒

多不用水者理中丸主之成氏曰頭痛發熱則邪自風

分邪稍高者居陽分則為熱熱多欲飲水者與五苓散

以散之邪稍下者居陰分則為寒寒多不飲水者與理

理中丸方

人參 甘草 炙 白朮 乾薑 各三

右四味搗篩為末蜜和丸如彈子大以沸湯研一丸

溫服之日三夜二腹中未熱加至三四丸然不及湯

傷寒論集註 卷七

湯法以四物依兩數切用水八升煮取三升去滓溫

服一升日三服

加減法

若臍下築者腎氣動也去朮加桂四兩未味甘而壅

相易 吐多者去朮加生薑三兩嘔家不喜甘故去朮

下多者還用朮悸者加茯苓二兩木以去濕茯苓

渴欲得水者加朮足前成四兩半津液不足木

腹中痛者加人參足前成四兩半裏虛而痛加

寒者加乾薑足前成四兩半寒淫所勝

治以辛熱

腹滿者去朮加附子一枚服湯後如食頃飲熱粥一  
升許微自溫勿發揭衣被甘令人中滿故去朮加附

吐利止而身痛不休者當消息和解其外宜桂枝湯小

和之外臺云裏和表病汗之則愈。大訥按方中行曰

過也桂枝湯固衛以和表者也小和言少與服不令

止後而身痛不休是營衛不和亦非麻黃所宜和解其

枝之變脈變證而非復

吐利汗出發熱惡寒四肢拘急手足厥冷者四逆湯主

之上吐下利裏虛汗出雖發熱惡寒表證未解而四肢

傷寒論集註 卷七

退陰此亦先

既吐且利小便復利而大汗出下利清穀內寒外熱脈

微欲絕者四逆湯主之既吐且利小便復利下利清穀

汗出陽欲離其軀殼矣而外熱猶未去似可

溫其裏氣以招入散亡故以四逆湯主之

吐已下斷汗出而厥四肢拘急不解脈微欲絕者通脈

四逆加猪膽汁湯主之成氏曰陽氣大虛陰氣獨勝若

不得復入也與通脈四逆湯加猪膽汁胆苦入心而通

逆之甚者從

四逆加猪膽汁湯方

於四逆湯方內加入猪膽汁半合餘依前法千金翼

曰無猪膽以羊膽代之千金方別有加減法

吐利發汗後脉平小煩者以新虛不勝穀氣也郭白雲曰勿服藥損穀則愈。補亡論錄千金要方及活人書語最爲詳悉今附載於後以備參考

補亡論并所錄千金活人等書

問曰霍亂何由而致雍曰胸中逆亂之氣也初無疾而霍亂者往往飲食失節而致胸中逆亂也傷寒而霍亂者陰陽二氣亂於胸中也嘔極三十四日清氣在陰濁氣在陽營氣順脉衛氣逆行清濁相干亂於胸中是爲大惋又曰亂於腸胃則爲霍亂經之五亂霍亂其一也惟亂於胸所以吐亂於腸所以利也

傷寒論集註

卷七

五

孫真人曰飲食純膾復食乳酪海陸百品無所不暇眠臥冷席多飲寒漿胃中諸食結而不消陰陽二氣壅而伏疾陽氣欲升陰氣欲降陰陽乖隔變成吐利頭疼如破百節如解遍體之筋皆爲回轉雜病之中最爲可畏故古人語此者刺之則徐出徐入導氣而已非補寫也用藥者順其陰陽之氣而已無汗下也千金要方曰凡霍亂務在溫和將息若冷則遍體轉筋凡此病定一月不食爲佳仍須三日少少飲粥勿雜食爲佳所以養脾胃也

又曰凡諸霍亂忌與米飲胃中得米卽吐不止但與厚

朴葛根飲若冬瓜葉但沾漬咽喉不可多與若服湯時隨服吐者候吐定乃止診脉絕不通以桂台葛根爲飲吐下心煩內熱汗不出不轉筋脉急數者可犀角合葛根爲飲吐下不止發熱心煩欲飲水可少飲米粉汁爲佳若不止可與葛根薺芩飲服之

又曰霍亂吐多者必轉筋不渴卽臍上築霍亂而臍上築者爲腎氣動當先治其築治中湯主之去木加桂心去木者以腎虛故也加桂者恐作奔豚也霍亂而臍上築吐多者若下多者霍亂而驚悸霍亂而渴霍亂而腹中痛嘔而吐利嘔而利欲得水者皆用治中湯主之又曰治中湯治霍亂吐下脹滿食不消化心腹痛

傷寒論集註

卷七

五

又曰霍亂轉筋內冷汗出嘔哕者四順湯主之

又曰霍亂多寒手足厥冷脉絕者宜當歸四逆加吳茱萸湯舊方用棗三十枚今以霍亂病法多痞故除之如退棗入葛根二兩佳霍亂四逆加半夏一合附子小者一枚惡寒乃與大附子

又曰霍亂吐利已服理中四順熱不解者竹葉湯主之郭白雲注曰與竹葉石膏湯不同愚檢奇效良方竹葉湯是竹葉一味濃煎



又曰毒冷霍亂吐利煩嘔轉筋內冷汗出手足指皆腫  
喘息垂死語音不出百方不效脈不通者服人參湯  
取差乃止隨吐續更服勿止并灸之

又曰老人羸劣冷氣惡心飲食不化心腹虛滿拘急短  
氣霍亂嘔逆四肢厥冷心煩氣悶流汗扶老理中湯  
原係理中散常服以密爲丸

又曰霍亂四逆吐少嘔多者附子粳米湯主之

又曰婦人霍亂嘔逆吐涎沫醫反下之心下卽痞當先  
治其吐涎沫可服小青龍湯涎沫止次治其痞可與  
甘草瀉心湯

傷寒論集註

卷七

三

又曰中暑霍亂暴利心煩脈數欲得冷水者以新汲井  
水服一升

活人書曰夏月中暑霍亂上吐下利心腹撮痛大渴煩  
躁四肢逆冷汗自出兩腳轉筋宜服香薷散須井中  
沉冷極冷頓服之乃效雍曰霍香厚朴扁豆皆古人  
治霍亂要藥故此藥爲有理中暑霍亂惟納冷水飲  
則不復吐逆時有以新汲水服理中丸亦佳靈苑方  
煮良薑末沉冷極冷服

問曰傳信載柳州嘗得乾霍亂吐之愈諸家未見有言  
乾霍亂者有之乎雍曰有之第當時不能究其說其

言少僞耳近世之人尤不如也霍亂者五亂之一也  
皆作吐利無乾而不吐利者其不吐利者亂氣也按  
霧樞五亂之證惟亂於腸胃一證名霍亂故作吐利  
其餘四證皆不作吐利只謂之亂氣柳州之疾蓋氣  
亂於心之證非霍亂也謂爲乾霍亂者雖謬然尚不  
失爲五亂之一今則無復知有亂氣之名矣

附治霍亂證諸方

厚朴葛根飲方 未詳 千金有名無方

葛根薺苳飲方 凡先服石人因霍亂吐下服諸熱藥  
吐下得止因卽變虛心煩手足熱口燥欲得水嘔逆

傷寒論集註

卷七

三

迷悶脈急數者及時行熱病後毒未盡因霍亂吐下  
仍發熱心胸欲裂者以此解之

葛根 薺苳 人參 厚朴

知母 括蘘根 茯苓 犀角

藍子 枳實 桔梗 橘皮

黃芩 甘草

右十四味咬咀以水一斗煮取三升分爲三服

治中湯方 治霍亂吐下脹滿食不消化心腹痛

人參 乾薑 白朮 甘草 炙各

青皮 陳皮 千金無青皮陳皮

右咬咀以水八升煮取三升分三服不瘥頓服三劑如違行防霍亂依前作丸如梧子大服三十丸如作散服方寸匕酒服亦得若嘔加半夏若大便秘入大黃葶子大二枚

四順湯方 治霍亂轉筋肉冷汗出嘔啞者

附子生一兩 乾薑炮 人參 甘草炙各三兩

右四味咬咀以水六升煮取二升分三服

當歸四逆加吳茱萸湯方

見厥陰篇

竹葉湯方 治霍亂吐利已服理中四順等湯熱不解

傷寒論集註 卷七 羌

者

竹葉一握 小麥一升 生薑十棗 甘草

人參 附子 芍藥各一兩 橘皮

當歸 桂心各二兩 白朮三兩

右十一味咬咀以水一斗半先煮竹葉小麥取八升

去滓下各藥煮取三升分三服上氣者加吳茱萸半

升即瘥理中四順湯皆大熱苦有熱宜此古今錄驗無芍藥

人參湯方 治毒冷霍亂吐利煩嘔轉筋肉冷汗出手

足指皆腫喘息垂死絕語音不出百方不效脉不通

者服此湯取瘥乃止隨吐續服勿止

人參 附子 厚朴 茯苓

甘草 橘皮 當歸 葛根

乾薑 桂心各二兩

右十一味咬咀以水七升煮取二升半分為三服

附子粳米湯方 治霍亂四逆吐少嘔多者

中附子一枚 粳米五合 半夏半升 大棗十枚

乾薑仲景方無 甘草各一兩

右六味咬咀以水八升煮取米熟去滓分三服

小青龍湯方 千金云治婦人霍亂嘔吐

甘草瀉心湯方 千金云治婦人霍亂嘔逆吐涎沫

傷寒論集註 卷七 辛

反下之心下即痞當先治其涎沫服小青龍湯涎沫

止次治其痞可與此湯 二方見太陽篇

香薷散方 治一切暑熱腹痛及霍亂吐利煩心

香薷一斤 厚朴生薑汁炒 白扁豆炒各半斤

右咬咀為龕末每服三錢水一鍾酒半鍾同煎至七

分去滓用新汲水頻換浸極冷頓服之藥冷則效速

煎時勿犯鐵器 一本有黃連二兩生薑炒無扁豆

辨陰陽易差後勞復病脈證并治法

傷寒陰陽易之為病其人身體重少氣小腹裏急或引

陰中拘攣熱上衝胸頭重不欲舉眼中生花膝脛拘急

者燒視散主之麗安常曰陰陽交易陰陽相感其毒氣  
婦人得病名曰陽易婦人病新差男子與之交男子  
得病名曰陰易若二女一男則不相易然女犯男得病  
鮮有死者男犯女得病治稍緩則死無一生者又若女  
犯男而男自勞復則女不病男犯女而女自勞復則男  
得病亦輕富貴之家雖知其事後生忽姿意犯此多致  
不救田野之家業蒙昧昧只知傷寒能殺人犯此病足  
者十有三四皆不知其所以由深可憫也宜服此病足  
中視灰散陰頭毛際灸之男犯女初得病便服此根鼠屎  
湯出壯足大指旋毛上而男犯女初得病便服此根鼠屎  
少陰之精不藏厥陰之慾火始因肝火之動致傷少陰之精  
為病本於厥陰之慾火始因肝火之動致傷少陰之精  
少陰之精不藏厥陰之慾火始因肝火之動致傷少陰之精  
火為青頓令無病之人筋脈形氣為之一變此即溫疫  
傳染遺禍他  
人之一證也

燒視散方

傷寒論集註

卷七

三

右取婦人中視近陰處剪燒灰以水和服方寸七日

三服小便即利陰頭微腫則愈婦人病取男子視當

燒灰郭白雲曰男子初病傷寒其毒雖未必重及其

先太陽膀胱經白表入裏其傳有漸易人病所感必

證無表證病在臟不在經也至其所用藥必須隱微

之物與本臟相使者然後可敗而逐之至於灸法亦

必在隱微之處蓋病不在於經絡之中不可取也

活人書曰陰陽易病男子則體重少氣陰腫入腹絞

痛婦人則裏急腰膝連腹內痛又曰燒視散假鼠屎

湯竹葉湯乾薑湯青竹茹湯當歸白木湯皆可選用

雍曰千金赤  
帛燒散為奇

大病差後勞復者枳實梔子湯主之若有宿食者加大

黃如博碁子大五六枚成氏曰病有勞復有食復傷寒新

病者名曰勞復病熱少愈而強食之熱有所藏因其穀  
氣留傳兩陽相合而病者名曰食復勞復則熱氣浮越  
與枳實梔子鼓湯以解之食復則胃有宿食加大黃以  
下之。大訥按王守泰曰傷寒之邪自外入勞復之邪  
自內出汗吐  
下隨宜施治

枳實梔子鼓湯方

枳實三枚 梔子十四枚 鼓一升

右三味以清漿水七升空煮取四升內枳實梔子煮

取二升下鼓煮五六沸去滓溫服覆令微似汗

傷寒差後更發熱者小柴胡湯主之脈浮者以汗解之

脈沉實者以下解之成氏曰差後餘熱未盡更發熱者

在表也故以汗解脈沉者熱在裏也故以下解

常氏曰汗宜柴胡桂枝湯下宜調胃承氣湯

傷寒論集註

卷七

三

大病差後從腰以下有水氣者牡蠣澤瀉散主之成氏

病差後脾胃氣虛不能制約腎水水溢下焦腰下為腫

也金匱要略曰腰以下腫當利小便牡蠣澤瀉散利小

水而去

牡蠣澤瀉散方

牡蠣熬 澤瀉 括蔞根 蜀漆洗去

葶藶熬 海藻洗去 商陸根已上

右七味各搗篩為散白飲和服方寸匕小便利止後

服日三服

大病差後喜睡久不了了者胃上有寒當以丸藥溫之

宜理中丸成氏曰病後陽氣不足胃中虛寒不內津

傷寒解後虛羸少氣氣逆欲吐者竹葉石膏湯主之虛羸少氣熱則傷氣也氣逆欲吐胃有餘熱也竹葉石膏湯所以清胃化熱

竹葉石膏湯方

竹葉 二把 石膏 一斤 半夏 半斤 人參 三兩

甘草 二兩 麥門冬 一升 粳米 半升

右七味以水一斗煮取六升去滓內粳米米熟湯成去米溫服一升日三服

病人脈已解而日暮微煩以病新差人強與穀脾胃氣

尚弱不能消穀故令微煩損穀則愈陽明王於中酉戌日暮微煩。方中行曰脈已解邪去而無遺也強與穀謂壓其進食也損言當節減之也蓋飲食節則脾胃和

傷寒論集註 卷七 重

脾胃和則百體安此調理病餘之要法也。并附錄素問千金方及補亡論等語以備參考

素問千金補亡論等語

素問曰熱病已愈時有所遺者何也岐伯曰諸遺者熱

甚而強食之故有所遺也若此者皆病已衰而熱有

所藏因其穀氣相傳兩熱相合故有所遺也治遺奈

何曰視其虛實調其逆從可使必已矣又曰病熱當

奈何禁之岐伯曰病熱少愈食肉則復多食則遺此

其禁也

孫真人曰新病差後但得食糜粥寧少食令饑慎勿飽

不得他有所食雖思之勿與也引日轉久可漸食羊

肉白糜若羹汁雉兔鹿肉不可食猪狗肉也新差後

當靜臥慎勿早起梳頭洗面非但體勞亦不可多言

語用心使意勞煩皆令人勞復故督郵顧子獻得病

已差華敷視脈曰雖差尚虛弱未得復陽氣不足慎

勿勞事餘勞尚可女勞則死當吐舌數寸其婦聞其

夫差從百里來省之經宿交接中間三日發熱口噤

臨死舌出數寸而死病新差未滿百日氣力未平復

而以房室者略無不死有士名蓋正者疾愈後六十

日已能行射獵以房室即吐涎而死近有一士大病

差後十餘日犯之則小腹急痛手足拘攣而死

傷寒論集註 卷七 重

千金方又曰交接勞復陰卵腫縮宜取婦人衣服以覆

男子

又曰傷寒差後更頭疼壯熱煩悶宜服黃龍湯 註曰

即仲景名小柴胡湯方

又曰男子新病起近房室而復者宜服赤帛燒散

又曰疾後早起及食多名勞復者鼠屎豉湯崔氏加梔

子

又曰食飽不消勞復脈實者宜梔子香豉鼠屎大黃湯

又曰勞復氣欲絕宜麥門冬湯起死回生

龐安常曰病新差後氣血津液衰耗切勿為諸事勞動

凡言語思慮勞神梳浴澡類勞力勞則生熱而病復如初也又新差後精髓枯燥切不可為房事犯之必死如顧子獻是也此名女勞復又非陰陽易素問有言多食則難消化復病如初此名食復新差強人足兩月虛弱人足百日則無復病矣

又曰天行勞復頭痛四肢痛宜葱豉鼠屎湯此湯最妙又曰天行勞復作熱旦至晚則腰脊痛頭項強重宜葛根薑豉湯

又曰傷寒已差勞復如初脉浮自汗出煩躁甚者梔子石膏香豉湯加雄鼠矢

傷寒論集註

卷七

重

又曰天行差後勞復發熱嘔吐食不止宜蘆根橘皮枳

杷葉生薑湯

又曰男子勞房成復病宜鼠矢薤根湯兼治陰陽易神效

又曰男子房勞復發熱口噤舌出者死又始得勞復百節痛如被打渾身沉重恍惚失措脉促而絕不可治或有吐涎不已或有識妄煩亂者皆不治

又曰婦人病未平復因夫所動小腹築中急痛腰膝痛四肢不任舉動無熱證者宜附子黃耆湯

治陰陽易差後勞復證諸方

二灰散方 治傷寒陰陽易

手足指甲 二十片男病用中衣襦近陰處一片男病女女病用男者 右並燒灰研令細分三服不拘時用溫酒調下或用米湯調服亦可

薤根鼠屎湯方 治男子房勞復病

薤根 一升 鼠屎 二十一枚頭尖者

右用水三升先煮薤根至一升半去滓下鼠屎末再煎三沸溫服一盞相次三服衣覆必有黏汗為效未汗再作一劑治陰陽易神效

鼠屎尿湯方 治勞復

傷寒論集註

卷七

美

梔子 十四枚 雄鼠屎 二十七粒頭尖者 枳殼 三枚炒

右為細末每服四錢水一盞半入葱白二寸香豉三十粒同煎至一盞分二服勿令病人知鼠屎

竹葉湯方 治傷寒後虛羸少氣嘔吐

竹葉 一把 石膏 麥門冬 半夏 各一升

人參 一兩

右五味咬咀以水一斗煮取六升去滓內粳米一升米熟湯成飲一升日三服一方生薑五兩 仲景汗後用此方尚

有甘草

乾薑散方 治婦人得傷寒病雖差未滿百日不可與

交合爲陰陽易之病必身體俱急手足拳欲死丈夫  
病名陰易婦人病名陽易速當汗之可痊滿四日不  
可療宜令服此其病體重小腹急熱上衝胸頭重不  
能舉眼中生花膝脛拘急

乾薑四兩爲末沸湯調連進服以衣被覆出汗方解手足  
伸而愈

青竹茹湯方 治婦人病未平復因有所動致熱氣衝  
胸手足拘急搐搦如中風狀

瓜蒌根 一兩 青竹茹刮半升淡竹是

右二味以水二升煮取一升二合去查分二三服

傷寒論集註 卷七 三

當歸白朮湯方 治婦人病未平復因有所動小腹急  
痛腰膝四肢不任舉動發熱者

白朮 當歸 桂枝 附子生

甘草 芍藥 人參 黃芪各二錢半

生薑半兩

右咬咀水煎服食頃再服溫覆取微汗差

赤帛燒散方 治男子新病起房內復者

取女人月經赤帛燒灰服方寸匕亦治陰卵腫縮入

腹絞痛欲死

鼠屎豉湯方 治新瘥早起及食多勞復

雄鼠屎二十一枚失頭者 豉五合 崔氏加梔子

右二味以水二升煮取一升盡服之溫臥令小汗愈  
梔子香豉鼠屎大黃湯方 治食飽不消勞復

梔子 七枚 香豉 一升 鼠屎二十枚 大黃三兩

右四味咬咀以水六升煮取二升分二服微取汗應  
小鴨溲者止不溲者復作

麥門冬湯 治勞復氣欲絕

麥門冬 一兩 甘草 二兩 京棗二十枚 竹葉切一升

右四味咬咀以水七升煮粳米一升令熟去米內諸  
藥煎取三升分三服不能服者綿滴湯內口中用之

傷寒論集註 卷之 三

葱豉鼠屎湯方 治天行勞復頭痛四肢痛

葱白 豉半升

右以水二升半煎葱爛去滓入雄鼠屎三七枚末之  
和勻分二服未差更作

葛根薑豉湯方 治天行勞復作熱腰痛頭項強痛

葛根 二兩 芍藥 生薑各一兩半 豉

葱白各二合半

右咬咀以水三升煎二升下豉煎一升半去滓溫飲

一盞

梔子石膏香豉湯 療傷寒勞復如初自汗出脉浮滑

煩躁甚者

梔子 十六個

石膏 四兩

香豉 一兩 綿裹

右以水三升先煮二味至二升半下豉煮取一升半

去滓溫服一盞 一法湯成入雄鼠矢二七枚末良

蘆根湯方 治天行差後勞復發熱嘔吐食不下

蘆根 半升

生薑 二兩

橘皮

枇杷葉 各一兩

右咬咀水三升煮一升半去滓溫飲一盞大熱心煩

躁加石膏二兩加水一升煮二升

附子黃耆湯 治婦人病未平復因夫所動小腹篡中

急痛無熱證者

傷寒論集註 卷七

芩

附子

白朮

當歸

桂枝

甘草

芩藥

人參 各半兩

黃耆 三分

生薑 一兩半

右咬咀以水四升煮取一升半去滓通口服一盞食

久再服溫覆取小汗

傷寒論集註卷七 終

傷寒論集註卷第八

東吳徐

大訥吳士

漢張機仲景著

長洲蔣

姪秉鈞衡望

男維鈞衡範

參閱

辨不可汗病脉證并治法

夫以爲疾病至急倉卒尋按要者難得故重集諸可與不可方治比之三陰三陽篇中此易見也又時有不止是三陰三陽出在諸可與不可中也

傷寒論集註 卷八

王照堂

脉濡而弱弱反在關濡反在顛微反在上濇反在下微則陽氣不足濇則無血陽氣反微中風汗出而反躁煩濇則無血厥而且寒陽微發汗躁不得眠 成氏曰寸關盛弱反在關則裏氣不及濇反在顛則表氣不逮衛行脉外浮爲在上以候衛微反在下是陽氣不足營行脉中沉爲在下以候營濇反在上是無血也陽微不能固外膜理開疎風因客之故令汗出而躁煩無血則陰虛不與陽相順接故厥而且寒陽微無津液則不能作汗若發汗則必亡陽而躁經曰汗多亡陽遂虛惡風煩躁不得眠也 郭氏曰宜與小建中湯 動氣在右不可發汗發汗則衄而渴心苦煩飲即吐水成氏曰動氣者築築然氣動也在右者在臍之右也難經曰肺內證臍右有動氣按之牢若痛肺氣不治正氣內虛氣動於臍之右也發汗則動肺氣肺主氣開竅於鼻氣虛則不能衛血而溢妄行隨氣出於鼻爲衄亡津

傷寒論集註

卷八

二

玉照堂

液胃燥則煩渴而心苦煩肺惡寒飲冷則傷肺故飲即吐水。麗氏曰動氣者謂心腹中虛氣動若誤汗者先服五苓散一服次服竹葉湯。朱氏曰凡脈濡弱不可發汗諸動氣宜小建中湯煩躁者宜竹葉湯。郭氏曰諸動氣不可發汗者皆宜茯苓桂枝甘草大棗湯。動氣在左不可發汗發汗則頭眩汗不止筋惕肉瞤。成氏曰難經云肝內證膈上有動氣按之牢若痛肝氣不治正氣內虛氣動於膈之左也肝為陰之主發汗汗不止則亡陽外虛故頭眩筋惕肉瞤甲乙經曰上虛則眩。建中湯朱氏同。郭氏曰汗不止筋惕肉瞤者皆由失津液證不可茯苓湯也。動氣在上不可發汗發汗則氣上衝正在心端。成氏曰心內證膈上有動氣按之牢若痛心氣不治正氣內虛氣動於膈之上也心為陽發汗亡陽則愈損心氣腎乘心虛欲上凌心故氣上衝正在心端。麗氏曰李根湯主之。朱氏曰可奔豚湯。傷寒論集註 卷八 二 玉照堂

傷寒論集註

卷八

三

諸脈得動數微弱者不可發汗發汗則大便難腹中乾胃燥而煩其形相像根本異源。成氏曰動數之脈為熱裏發汗亡津液胃中乾燥故大便難腹中乾胃燥而煩根本雖有表裏之異逆治之後病形相象也腹中乾一作胞中乾。郭氏曰宜小建中湯。脈微而弱弱反在關濡反在巔弦反在上微反在下弦為陽運微為陰寒上實下虛意欲得溫微弦為虛不可發汗發汗則寒慄不能自還。成氏曰弦在上則風傷氣下則寒傷血血傷者裏為之陰寒外氣拂鬱為上實裏有陰寒為下虛表熱裏寒意欲得溫若反發汗亡陽陰獨故寒慄不能自還。常氏曰可當歸四逆湯主之。欬者則劇數吐涎沫咽中必乾小便不利心中飢煩時而發其形似瘧有寒無熱虛而寒慄欬而發汗澀而苦滿腹中復堅。成氏曰肺寒氣逆欬者則劇吐涎沫亡心中飢而煩一日一夜氣大會於肺邪上相擊時而發形如瘧但寒無熱虛而寒慄發汗攻陽則陽氣愈虛陰寒愈甚故澀而苦滿腹中復堅。郭氏曰脈經以二證合而為一雍謂自欬者之下為欬者劇證欬者之上為不欬未劇之證二證之脈皆濡而弱也欬證裏寒多宜小建中湯理中九附子湯微溫之。厥脈緊不可發汗發汗則聲亂咽嘶舌萎聲不得前。成氏曰厥而脈緊則少陰傷寒也法當溫裏而反發汗則損少陰之氣少陰之脈入肺中循喉嚨挾舌本腎為之本肺為之標本虛則標弱故聲亂咽嘶舌萎聲不得前。郭氏曰厥陰脈緊則引舌與卵故舌卷而囊縮若緩則舌萎不得前故緩脈緊者不可發汗恐其脈緩也厥脈緊者宜四逆湯緩者宜小建中湯或言宜小柴胡湯白虎湯皆不可用。



諸逆發汗病微者難差劇者言亂目眩者死命將難全  
成氏曰不可發汗而強發之輕者因之而重重者脫其  
陰陽之氣而死難經曰脫陽者見鬼是此言亂也脫陰  
者目盲是此目眩也眩非

欬而小便便利若失小便者不可發汗發則四肢厥逆冷  
成氏曰肺經虛冷上虛不能治下者欬而小便便利或失  
小便上虛發汗則陽氣外亡四肢者諸陽之本陽虛則  
不與陰相順接故四肢厥逆冷。郭氏曰

設誤發汗宜甘草乾薑湯當歸四逆湯

傷寒頭痛翁翁發熱形象中風常微汗出自嘔者下之

益煩心中懊憹如饑發汗則致瘥身強難以屈伸重之

則發黃不得小便發熱發汗則發瘥身強難以屈伸重之

白嘔則傷寒之邪傳而為熱欲行於裏若早下之邪熱  
乘虛流於胸中為虛煩心中懊憹如飢若發汗則虛表

傷寒論集註卷八

熱歸經絡熱甚生風故身強直而成瘥若重之則火熱  
相合消燥津液故小便不利而發黃肺惡火灸則火熱

傷肺必發咳喘而吐膿。郭氏曰雲曰頭痛發熱出汗小  
柴胡湯心煩喜嘔亦小柴胡症而身強桂枝加葛根不

得小便而欬吐即小青龍湯重之發黃即茵陳蒿湯也  
。已上十三條皆三陰三陽篇中所無以下則重集正

經以備倉卒尋按成氏以為經註

已具更不復出今復叔和之舊

少陰病脉細沉數病為在裏不可發汗

太陽病脉浮緊者法當身疼痛宜以汗解之假令尺中

脉遲者不可發汗何以知然以營氣不足血少故也

曰前陽明病脉遲汗出多微惡寒宜桂枝湯不責營不  
足蓋尺脉長大而遲此必軟緊而遲不可汗宜建中湯

郭氏曰桂枝本為解肌不動經故前

陽明證用之麻黃則發汗動經也

少陰脉微不可發汗亡陽故也

湯

太陽病得之八九日如瘧狀發熱惡寒熱多寒少其人  
不嘔清便欲自可續自汗一日二三度發脉微緩者為

欲愈也脉微而惡寒者此陰陽俱虛不可更發汗也

曰可小柴胡湯郭氏

曰先服小建中湯

太陽病發熱惡寒熱多寒少

陽也不可發汗

咽乾乾燥者不可發汗

亡血家不可發汗發汗則寒慄而振

汗家不可重發汗發汗必恍惚心亂小便已陰疼宜禹

傷寒論集註卷八

餘糧丸

淋家不可發汗發汗必便血

瘡家雖身疼痛不可發汗發汗則瘡重見太陽

下利清穀及下利不可發汗汗出必脹滿

傷寒一二日至四五日厥者必發熱前熱者後必厥厥

深者熱亦深厥微者熱亦微厥應下之而反發汗必口

傷爛赤

傷爛赤

傷爛赤

傷寒脉弦細頭痛發熱者屬少陽少陽不可發汗常氏曰可

小柴胡湯

太陽與少陽併病頭項強痛或冒眩時如結胸心下痞鞭者不可發汗當刺大椎第一間肺俞肝俞發汗則譫

語脉弦五六日譫語不止者當刺期門

太陽發汗因致瘧前本病云太陽病發汗太多因致瘧瘧當作瘧

太陰病欬而下利譫語者此被火氣劫故也小便必難

以強責少陰汗也常氏曰可桂枝去芍藥加蜀漆牡蠣龍骨救逆湯小便難者五苓散

少陰病但厥無汗而強發之必動其血未知從何道出

或從口鼻或從目出者是名下厥上竭為難治

傷寒論集註 卷八

六

病人脉數數為熱當消穀引食反吐者以醫發其汗令

陽氣微膈氣虛脉則為數數為客陽不能消穀胃中虛

冷故令吐也常氏曰小半夏湯溫中湯。已上諸條皆出傷寒論六經篇中以下並載補亡論所

錄王叔和及朱奉議語

王叔和曰傷寒四五日其脉沉煩而喘滿脉沉者為在

裏不可發汗津液越出大便為難表虛裏實久則譫

語常氏曰可麻黃杏仁甘草石膏湯脉沉裏實譫語

者調胃承氣湯

又曰其人素傷於風因復傷於熱風熱相搏則發風溫

四肢不收頭痛身熱常汗出不解治在少陰厥陰不

可發汗汗出譫語獨語內煩躁擾不得臥善驚目亂無精治之復發其汗如此死者醫殺之耳出醫律。

朱氏曰風溫不可發汗宜葳蕤湯

又曰傷寒濕溫其人常傷於濕因而中暍濕熱相搏則發濕溫病若兩脛逆冷腹滿又頭目痛苦妄言治在

足太陰不可發汗汗出必不能言耳聾不知痛所在

身青面色變名曰重暍如此死者醫殺之耳朱氏曰

宜白虎加蒼朮湯龐氏曰不當汗而強汗之則津液

枯槁而死

附治不可發汗證諸方

傷寒論集註 卷八

七

防風白朮散方

防風 一兩 白朮 三分 牡蠣粉 半兩

右為細末溫米飲調下二錢日二三服汗出續與建

中湯

李根湯方

半夏 半兩 桂枝 當歸 芍藥

黃芩 甘草 人參 各一分 茯苓 三分

右為粗末每服五錢以水二盞薑三片甘草李根白皮

一團如雞子黃大煎八分通口日三五服

奔豚湯方

甘草	芎藭	當歸	芍藥
黃芩	半夏	生薑	生葛
<small>各二兩</small>	<small>一升</small>	<small>各四兩</small>	<small>五兩</small>
甘李根白皮			
右九味以水二斗煮取五升溫服一升日三夜一服			
茯苓湯方			
茯苓	白朮		
	<small>炒各五錢</small>		
右二味咬咀以水煎服			
小半夏湯方			
半夏	生薑		
<small>一升</small>	<small>半斤</small>		
右二味以水七升煮取一升半分溫再服			
傷寒論集註	卷八	八	
栝葉艾葉湯方			
栝葉	乾薑	艾葉	
	<small>各三兩</small>	<small>三把</small>	
右三味以水五升取馬通汁一升合煎取一升分溫再服			
小柴胡加芍藥地黃湯			
即於小柴胡湯內加芍藥生地黃二味			
白虎加蒼朮湯方			
即於白虎湯內加蒼朮三兩			
萎蕤湯方			
見後外篇第三卷			

溫中湯方			
白朮	當歸	人參	附子
<small>炮</small>	<small>各二兩</small>		<small>炮去皮臍</small>
乾薑	甘草	蜀椒	桂心
<small>炮</small>	<small>炙</small>	<small>去目炮</small>	<small>各一兩</small>
右咬咀挫如麻豆大每服四錢七以水一盞半煎取八分去滓溫服日三			
桂枝加葛根湯	竹葉湯		
桂枝去桂加龍牡救逆湯	甘草乾薑湯		
麻黃杏仁甘草石膏湯	葛根黃芩黃連湯		
以上諸方俱已見前篇			
辨可發汗病脈證并治法			
傷寒論集註	卷八	九	
大法春夏宜發汗	<small>龐氏作春宜汗</small>		
凡發汗欲令手足俱周時出以漿漿然一時間許益佳			
不可令如水淋漓若病不解當重發汗汗多必亡陽陽虛不得重發汗也			
凡服湯發汗中病便止不必盡劑也			
凡云可發汗無湯者尤散亦可用要以汗出為解然不如湯隨證良驗	<small>金匱玉函經曰水能淨萬物故用湯也</small>		
病人脈浮大問病者言但便鞭耳設利者為逆	<small>者字作之字看</small>		
大便鞭為實汗出而解何以故脈浮當以汗解	<small>成氏曰便鞭雖為裏實亦當先解其外若下利藥是為大逆結胸雖急脈浮大者猶不可下下之則死況此便鞭乎</small>		

下利後身疼痛清便自調者急當救表宜桂枝湯發汗可發汗成本止此六條以下重集三陰三陽篇可發汗證以復叔和之舊并錄諸家之說以備參考

太陽中風陽浮而陰弱陽浮者熱自發陰弱者汗自出

營衛惡寒淅淅惡風鼻鳴乾嘔者桂枝湯證

病常自汗出者此為營氣和營氣和者外不諧以衛氣

不共營氣和諧故爾以營行脈中衛行脈外復發其汗

營衛和則愈宜桂枝湯

脈經云病自汗出此為營氣和也營行脈中為陰主內衛行脈外為陽主外復發其汗

衛和則愈郭氏曰營衛二氣本相和共循脈內外而行也今寒不傷營而營獨和風反傷衛而衛氣不和則營

衛不相通不得循脈內外而並行是其外不解也必營去衛中所中之風邪然後營衛諧和而病解矣所以用桂枝者以桂枝能和衛而不至營也所以不用麻黃

傷寒論集註卷八

者以麻黃兼入營衛反復動已和無疾之營氣便營衛俱虛遂令汗漏不止則人殆矣此古人解表精微之意

因世人疑營氣和而外

不諧之語故解明之

病人臟無他病時發熱自汗出而不愈者此衛氣不和

也先其時發汗則愈宜桂枝湯

郭氏曰前證言營氣和而不及營其實一也

但前證言發熱而汗出者此證發熱汗出有時者故言先其時發汗則愈其用桂枝湯

則同

太陽病脈浮者可發汗宜桂枝湯

太陽病脈浮而數者可發汗宜桂枝湯

太陽病外證未解脈浮弱者當以汗解宜桂枝湯

太陽病頭痛發熱汗出惡風者宜桂枝湯

太陽病發熱汗出者此為營弱衛強故使汗出欲救邪

風者宜桂枝湯

郭氏曰營弱者自和也衛強者風邪乘之也欲逐風邪須令桂枝入衛則不動

也營

太陽病初服桂枝湯反煩不解者先刺風池風府却與

桂枝湯則愈

龐氏曰風池足少陽之經陽維之會不鍼天柱而取風池者陽維維諸陽太陽為諸

陽主氣故也

燒鍼令其汗鍼處被寒核起而赤者必發奔豚氣從小

腹上搶心者灸其核上各一壯與桂枝加桂湯

傷寒不大便六七日頭痛有熱者未可與承氣湯其小

便清者知不在裏仍在表也當須發汗宜桂枝湯若頭

傷寒論集註卷八

痛者必衄

常氏疑其誤以謂發汗當麻黃湯不然桂枝麻黃各半湯郭氏曰亦當分有汗無汗

二證而用二湯也其小便清者知不在裏故不用小承氣而用二湯也

下利腹脹滿身體疼痛者先溫其裏乃攻其表溫裏宜

四逆湯攻表宜桂枝湯

郭氏曰下利裏證身疼痛表證也

下利後身疼痛清便自調者急當救表宜桂枝湯

太陽病下之後其氣上衝者宜桂枝湯

脈經云氣不上衝者不可與服

太陽病微喘者表未解也宜桂枝加厚朴杏子湯

太陽病不解熱結胸臑其人如狂血自下下者愈其外

不解者尚未可攻當先解外宜桂枝湯外解已血未下

小腹急結者乃攻之宜桃核承氣湯

傷寒其脉不弦緊而弱弱者必渴被火者必譫語弱者發熱脉浮解之當汗出愈

病人煩熱汗出則解又如瘧狀日晡所發潮熱者屬陽明也脉浮虛者當發汗宜桂枝湯

太陽病桂枝證醫反下之利遂不止脉促者表未解也喘而汗出者葛根黃芩黃連湯

龐氏論桂枝證曰凡桂枝證病者常自汗出小便不利手足溫和或手足指稍露之則微冷覆之則溫渾身

熱微煩而憎寒始可行桂枝湯若病者身無汗小便數或手足逆冷不惡寒反惡熱或飲酒後切不可行

傷寒論集註

卷八

主

桂枝湯也此則中風自汗用桂枝湯證也又論麻黃

湯證曰傷寒之脉緊盛而按之濇是也脉浮而緊浮為風緊為寒風傷衛寒傷營營衛俱病骨節煩疼外

證必發熱無汗或喘其人但憎寒手足指末必微厥厥久而復溫掌心不厥此傷寒無汗用麻黃湯證也

太陽病頭痛發熱身疼腰痛骨節疼痛惡風無汗而喘者麻黃湯主之

脉浮者病在表可發汗宜麻黃湯

枝麻黃二湯也

太陽病脉浮緊無汗發熱身疼痛八九日不解表證仍

在當發其汗服湯已微除其人發煩目瞑刺者必衄衄乃解所以然者陽氣重故也麻黃湯主之

傷寒脉浮緊不發汗因致衄者麻黃湯主之

陽明病脉浮無汗而喘者發汗則愈宜麻黃湯

陽明中風脉弦浮大而短氣腹都滿脇下及心痛久按之氣不得通鼻乾不得汗嗜臥一身及面目悉黃小便

難有潮熱時時噦耳前後腫刺之小差外不解病過十傷寒論集註

卷八

主

日脉續浮者

麻黃湯若不尿腹滿加噦者不治

太陽中風脉浮緊發熱惡寒身疼痛不汗出而煩躁或頭痛者大青龍湯主之若脉微弱汗出惡風者不可服

之服之則厥逆筋惕肉瞤者為逆也

傷寒脉浮緩身不疼痛但重乍有輕時無少陰證者可與大青龍湯發之

汗出者安敢更用青龍發表故仲景又曰若脈微弱汗出惡風者不可服之服之則厥逆筋惕肉瞤此為逆也蓋謂服之則漏汗不止至於亡陽也極則反厥逆而生筋惕肉瞤之證不可治也世醫所以多誤用者正謂此如是則大青龍一證不當於中風見寒脈之中再分有汗無汗作為兩證則大青龍當有三證其兩證無汗者不可服大青龍湯其一證有汗者不可服也其兩證有汗不可服大青龍湯則有證無藥矣自仲景以來皆未嘗議此一證所以後人多誤謂此一證當用桂枝麻黃各半湯仲景本以此湯治發熱惡寒形如瘧者且瘧之發寒本因傷於寒瘧之發熱本因傷於風惟瘧具風寒二證故與大青龍其源相似但惡病重藥輕瘧具風寒青龍三證皆可代用惟無汗者微加麻黃有汗者微減麻黃用之則尤善雖曰藥輕其實對證又無誤用之失不猶愈乎赤按中風脈浮緊傷寒脈浮緩只有二證並無三證惟二證皆不汗出而煩躁煩躁由於不汗出故皆以大青龍發之不汗出與單傷寒之無汗不同也若脈微弱汗出惡風便不此證所以不可服之服之則有厥逆筋惕肉瞤之變也亦猶太陽桂枝證云桂枝本為解肌若其人脈浮緊發熱汗不出者不可與也一類

傷寒論集註

卷八

丙

文法豈得謂桂枝證中又分出無汗一證耶竊意脈微弱汗出惡風者不惟大青龍不可服即桂枝麻黃各半湯亦且有亡陽汗漏之失也若謂大青龍太峻以各半湯代之亦必施之二證之稍輕者不可施之脈微汗出惡風者也

傷寒表不解心下有水氣欬而微喘發熱不渴小青龍湯主之服湯已渴者此寒去欲解也

傷寒表不解心下有水氣乾嘔發熱而欬或渴或利或噎或小便不利小腹滿或喘者宜小青龍湯

太陽病項背強几几無汗惡風者葛根湯主之

太陽與陽明合病必自下利不嘔者宜葛根湯

太陽與陽明合病不下利但嘔者葛根加半夏湯

中風往來寒熱傷寒五六日以後胸脇苦滿默默不欲飲食心煩喜嘔或胸中煩而不嘔或渴或腹中痛或脇下痞鞭或心下悸小便不利或不渴身有微熱或欬者小柴胡湯主之

傷寒四五日身熱惡風頸項強脇下滿手足溫而渴者宜小柴胡湯

傷寒六七日發熱微惡寒肢節煩疼微嘔心下支結外證未去者柴胡桂枝湯主之

太陽病十日以去脈浮細而嗜臥者外已解也設胸滿脇痛者與小柴胡湯脈但浮者與麻黃湯

傷寒論集註

卷八

壬

少陰病始得之反發熱脈沉者麻黃附子細辛湯主之

少陰病得之二三日麻黃附子甘草湯微發汗以二三

日無裏證故微發汗也

脈浮小便不利微熱消渴者宜五苓散發汗利小便

太陽病下後脈促胸滿者桂枝去芍藥湯主之龐氏曰芍藥味酸脈促胸滿或結胸故去芍藥全用辛甘發散也

服桂枝湯或下之仍頭痛項強翕翕發熱無汗心下滿

微痛小便不利者桂枝去桂加茯苓白朮湯主之此胃虛停飲故無汗邪不在表故去桂枝加茯苓白朮得小便利水飲行腹滿減而熱自除頭亦不痛矣以下附錄龐氏發汗諸說以備參考

發汗諸說以備參考

龐氏發汗諸說

龐安常曰傷寒三日後與諸湯不差脉勢如故陽氣猶在經絡未入臟腑宜桂枝石膏湯此湯可夏至後代桂枝湯用之若加麻黃可代麻黃青龍湯用之

又曰傷寒療治四五日不差身體毒熱面赤者葛根龍胆湯主之

又曰凡發散以辛甘為主復用此苦藥何也辛甘者折陰氣而助陽氣也今熱盛於表故加苦以發之素問云熱淫於內以苦發之是也

又曰時行熱病六七日未得汗脉洪大或數面目赤身

傷寒論集註

卷八

六

體大熱煩躁狂言欲走大渴甚又五六日以上不解熱在胃中口噤不能言為壞傷寒醫所不能治如已死人或精魂已竭心下纔緩撥開其口灌藥下咽即活兼治陽毒麥奴丸活人書名黑奴丸

又曰傷寒差後目不了了謂至十日或半月二十日終不惺惺常昏沉似失精神言語錯亂或無寒熱有似鬼祟或潮熱煩赤或有寒熱如瘧狀此乃發汗不盡餘熱在心包絡間所致也宜知母麻黃湯

又曰太陽病下之後氣上衝其脉必浮可依證發汗不與發汗必成結胸也凡發汗脉浮大雖大便秘小便

少者可發汗而解也

又曰當汗不汗諸毛孔閉塞悶絕而死

又蒸法曰傷寒連服發汗湯七八劑汗不出者死如中風法蒸之使溫熱之氣外迎無不得汗也古用薪火燒地良久去火掃地以水洒之取蠶沙栢桃荆葉糠皮麥麩皆可用鋪燒地上可側手厚鋪席令病人臥席上溫覆之熱月只可夾被覆其汗立出候周身至胸心皆澀澀乃用溫粉撲止移之牀上即愈如無蠶沙則用麥麩之類亦得

附錄龐氏發汗諸方

傷寒論集註

卷八

七

桂枝石膏湯方

石膏 三兩 梔子 二十個 生薑 一兩 桂枝

黃芩 甘草 各一兩 升麻 葛根 各一兩

右咬咀以水五升煮取二升半去滓溫飲一盞食頃

再服若得汗即止後服

葛根龍膽湯方

葛根 生薑 升麻 生者四兩 乾者用二兩

大青 龍膽 桂枝 甘草

麻黃 芍藥 各半 姜蕤 一兩 石膏 一兩

右咬咀以水四升半煮麻黃數沸去上沫內諸藥煎

二升去滓溫飲一湯盞日三夜二凡葛根須用家園佳誤用味苦野葛多吐人轉增病

麥奴丸方

麻黃三分 釜底煤 小麥奴 黃芩

竈底墨 梁上塵 竈中黃土各一分

芒硝 大黃各半兩

右爲細末密丸彈子大新汲水三合和一丸研服之渴者但令冷水足意飲之須臾當寒竟汗出便差若日移五尺不汗依前法再服一丸差卽止須微利乃小麥未熟時叢中黑麥稔之成黑勃者是也

傷寒論集註 卷八 六

知母麻黃湯方

知母一兩半 麻黃一兩 芍藥 黃芩

甘草 桂枝各半兩

右咬咀以水二升半煮麻黃數沸去上沫內諸藥煮取一升三合去滓每服溫飲一大盞半日可相次三服溫覆令微汗若心煩欲水當稍與之令胃中和則愈未汗盡劑

辨發汗後病脈證并治法

發汗後亡陽譫語者不可下與柴胡桂枝湯和其營衛以通津液後自愈成氏曰胃爲水穀之海津液之主發汗多亡津液胃中燥必發譫語此非

實熱則不可下與柴胡桂枝湯和其營衛通其津液津液生則胃潤譫語自止。成氏止載此一證以存篇第而已汗後病仲景原文三十條雖前有詳說今仍錄之以無失叔和重集之意

二陽併病太陽初得病時發其汗汗先出不徹因轉屬

陽明續自微汗出不惡寒若太陽病證不罷者不可下

下之爲逆如此者可小發汗設面色緣緣正赤者陽氣

怫鬱在表當解之熏之若發汗不徹不足言陽氣怫鬱

不得越當汗不汗其人躁煩不知痛處乍在腹中乍在

四肢按之不可得其人短氣但坐以汗出不徹故也更

發汗則愈何以知汗出不徹以脈濇故知之龐氏用麻黃湯常氏

曰可柴胡桂枝湯

傷寒論集註 卷八 九

未持脈時又手自冒心師因教試令欬而不卽欬者此

兩耳無聞也所以然者以重發汗虛故如此常氏云可服小建中湯

郭氏曰宜先服小建中湯

發汗後飲水多必喘以水灌之亦喘常氏云治喘可麻黃杏子甘草石膏

湯郭氏曰傷水者五苓散

發汗後水藥不得入口爲逆若更發汗必吐下不止常氏

曰可小半夏加橘皮湯郭氏曰可類要四味橘皮湯

陽明病本自汗出醫更重發汗病已差尚微煩不了了

者此必大便秘故也以亡津液胃中乾燥故令大便秘

當問小便日幾行若本小便日三四行今日再行故知



大便不久出今爲小便數少以津液當還入胃中故知不久必大便也常氏云可小柴胡湯郭氏云小便少者津液還入胃中則不須服藥也發汗多若重發汗者亡其陽譫語脉短者死脉自和者不死

傷寒發汗已身目爲黃所以然者以寒濕在裏不解故也以爲不可下也於寒濕中求之常氏云可五苓散郭氏云黃者加茵陳湯

病人有寒復發汗胃中冷必吐蚘常氏云可理中丸烏梅丸

太陽病發汗遂漏不止其人惡風小便難四肢微急難以屈伸者宜桂枝加附子湯龐氏曰小便難爲有津液可作汗若小便數不可誤

認爲桂枝證也

傷寒論集註

卷八

三

傷寒脉浮自汗出小便數心煩微惡寒脚攣急反與桂枝欲攻其表此誤也得之便厥咽中乾煩躁吐逆者作

甘草乾薑湯以復其陽若厥愈足溫者更作芍藥甘草湯與之其脚卽伸若胃氣不和譫語者少與調胃承氣

湯若重發汗復加燒鍼與四逆湯郭白雲曰此證首尾誤今詳重發汗復加燒鍼恐是火劫亡陽驚狂者則當與桂枝去芍藥加蜀漆牡蠣龍骨救逆湯若止是火逆因燒鍼煩躁則當與桂枝甘草龍骨牡蠣亦救逆也故恐四逆本是救逆湯字考正曰誤書人誤出四逆湯一方

服桂枝湯大汗出脉洪大者與桂枝湯如前法謂刺風池風府

若形似瘧一日再三發者汗出必解宜桂枝二麻黃一

湯

服桂枝湯大汗出後大煩渴不解脉洪大者白虎加人

參湯主之

傷寒發汗已解半日許復煩脉浮數與桂枝湯

發汗後身疼痛脉沉遲者桂枝加芍藥生薑各一兩人

參三兩新加湯主之

發汗後不可更行桂枝湯汗出而喘無大熱者可與麻

黃杏子甘草石膏湯

發汗過多其人叉手自冒心心下悸欲得按者宜桂枝

甘草湯

傷寒論集註

卷八

三

發汗後其人臍下悸者欲作奔豚宜茯苓桂枝甘草大

棗湯

發汗後腹脹滿者厚朴生薑半夏甘草人參湯主之

發汗後病不解反惡寒者虛故也芍藥甘草附子湯主

之

發汗後惡寒者虛故也不惡寒但熱者實也當和胃氣

宜調胃承氣湯

太陽病發汗後大汗出胃中乾煩躁不得眠欲得飲水

者少少與飲之令胃中和自愈若脉浮小便不利微熱

消渴者宜五苓散

發汗已脉浮數煩渴者宜五苓散

傷寒汗出而渴者宜五苓散不渴者宜茯苓甘草湯

太陽病發汗汗出不解其人仍發熱心下悸頭眩身瞤動振振欲擗地者真武湯主之

傷寒汗出解之後胃中不和心下痞鞭乾噫食臭脇下有水氣腹中雷鳴下利者生薑瀉心湯主之

傷寒發熱汗出不解心下痞鞭嘔吐下利者大柴胡湯主之

陽明病自汗出若發汗後小便利者此為津液內竭雖鞭不可攻之須自欲大便宜蜜煎導而通之若土瓜

傷寒論集註

卷八

三

根大猪胆汁皆可為導

太陽病三日發汗不解蒸蒸發熱者屬胃也宜調胃承氣湯

發汗後不解腹滿痛者急下之宜大承氣湯

大汗出熱不去內拘急四肢疼又下利厥逆而惡寒者屬四逆湯也

附錄補亡論問答九條千金方二條

問曰古所謂陰陽交者何也雍曰素問三十三曰有病溫者汗出輒復熱而脉躁疾不為汗衰狂言不能食病者為何岐伯曰病名陰陽交交者死也帝曰願聞

其說岐伯曰人所以汗出者皆生於穀穀生於精今邪氣交爭於骨肉而得汗者是邪却而精勝也精勝則當能食而不復熱復熱者邪氣也汗者精氣也今汗出而輒復熱者是邪勝也不能食者精無俾也汗而熱者其壽可立而傾也

問曰素問言汗出而脉尚躁盛者死何也雍曰此則陰陽交也靈樞二十三曰熱病已得汗而脉尚躁盛此陰脉之極也死其得汗而脉靜者生熱盛脉盛躁而不得汗者此陽脉之極也死脉盛躁得汗靜者生

傷寒論集註

卷八

三

交則爭而亂矣故不可極也有生者何如曰靜則生交則死也陰脉脉靜陽脉人靜皆生之證也

問曰何以謂之盛躁雍曰靈樞九篇所謂人迎一盛二盛三盛脉口一盛二盛三盛此之謂盛也一盛而躁二盛而躁三盛而躁此之謂躁也極者何也人迎脉口四盛為極矣人迎四盛名曰溢陽為外格脉口四盛名曰溢陰為內關內關外格死不治即陰陽交也人迎不為衰陽交也脉口不為衰陰交也脉口即氣口也

問曰有躁而不盛者何如雍曰靈樞二十三曰熱病也

得汗出而發躁且發熱者勿膚刺膚刺喘甚者死是也此雖不盛而喘亦非其宜故喘甚則死也

問曰有煩滿不為汗解者何也雍曰素問三十三日有熱病身熱汗出煩滿不為汗解岐伯曰汗出而身熱者風也汗出而煩滿不解者厥也病名曰風厥巨陽主氣故先受邪少陰與為表裏也得熱則上從之從之則厥也治者表裏刺之飲之湯劑雍曰仲景言傷寒感異氣變為壞病如風溫濕毒之類則此風厥亦其類也宜刺太谿崑崙服茯苓桂枝甘草大棗湯

問曰汗後脈洪者何也雍曰洪大者非不為汗衰衰而傷寒論集註卷八

未盡去非若躁盛全不為汗衰也故仲景以為可治之疾然洪大亦有輕重如一盛二盛之說若洪大而無他證者刺風池風府却與桂枝湯是也洪大而大煩渴不解者白虎加人參湯除其裏熱也

問曰汗後飲水多者必喘而治熱病飲之寒水何也雍曰素問三十二日治諸熱病以飲之寒水乃刺之必寒衣之居止寒處身寒而止也此謂治五臟熱病各刺手足諸經證治與傷寒有異詳刺熱終篇可見傷寒不可多飲水

問曰汗後之證或治或不治何也雍曰汗後之證多矣

動於脈者重見於證者輕如汗後脈躁盛是邪之會不退也脈洪大者刺之如汗後尚發熱心下痞喘滿吐利小便或利或不利之類皆正病已衰餘毒未退依仲景隨證治之則愈

千金翼曰發汗後身熱又重發其汗胃中虛冷必反吐也雍曰宜小建中湯四味橘皮湯

又曰發汗後重發其汗亡陽譫語其脈反和者不死服桂枝湯汗出大煩渴不解若脈洪大者與白虎湯

辨不可吐病脈證并治法

成氏止存篇名註曰今四證已具太陽篇中今全錄以還叔和之舊

傷寒論集註卷八

五

太陽病當惡寒發熱今自汗出反不惡寒發熱關上脈細數者以醫吐之故也若得病一二日吐之腹中饑口不能食三四日吐之者不喜糜粥欲思食冷食朝食暮吐以醫吐之所致也此為小逆常氏曰可小半夏加橘皮湯

太陽病吐之者但太陽病當惡寒今反不惡寒不欲近衣者此為吐之內煩也常氏曰可金匱竹皮湯竹葉石膏湯雍曰大橘皮湯四味橘皮湯

少陰病飲食入口即吐心中溫溫欲吐復不能吐始得之手足寒脈弦遲者此胸中實不可下也若膈上有寒飲乾嘔者不可吐也常溫之常氏曰可小半夏加橘皮湯溫中湯

諸四逆厥者不可吐之虛家亦然麗氏曰諸四逆脈微弱細或弦遲雖中滿  
悶不可吐宜梔皮湯枳實散又曰虛家當吐而不敢吐者以枳實散壓氣毒痰水過日毒氣入胃乃可微下之

辨可吐病脈證并治法

大法春宜吐

成氏曰春時陽氣在上邪氣亦在上故宜吐

凡用吐湯中病則止不必盡劑也

病如桂枝證頭不痛項不强寸脈微浮胸中痞鞭氣上衝咽喉不得息者此為胸有寒當吐之一云以內有久痰當吐之常氏

日可瓜蒂散

病胸上諸實胸中鬱鬱而痛不能食欲使人按之而反有涎唾下利日十餘行其脈反遲寸口脈微滑此可吐

傷寒論集註

卷八

三

之吐之利則止

常氏曰可瓜蒂散

少陰病飲食入口則吐心中溫溫欲吐復不能吐者宜

吐之

常氏曰宜瓜蒂散

宿食在上脘當吐之

常氏曰可瓜蒂散

病人手足厥冷脈乍繁邪結在胸中心下滿而煩欲食不能食者病在胸中當吐之

常氏曰可瓜蒂散

附錄千金及麗氏總病論

千金傷寒論曰得病無熱但狂言煩躁不安精采言語不與人相主當者勿以火迫之但以猪苓散一方寸匙服之當與新水一升若二升強飲之令以物刺喉

中吐之病隨吐愈若不能吐者勿強與之小水停則結心下也當更以餘藥吐之雍曰心停水飲難治之疾須早吐之

麗安常曰胸膈痞悶痰壅塞碍脈得浮滑並宜瓜蒂散吐之產後六七日內下瀉諸藥不效得此脈者吐之立止

附發汗後并不可吐可吐病證諸方

應刺穴詳外篇可針等篇

小半夏加橘皮湯

半夏一升

生薑半觔

橘皮二兩

右三味以水七升煮取一升半分溫再服

傷寒論集註

卷八

三

四味橘皮湯方

橘皮三兩

人參半兩

半夏一升

生薑一觔

右咬咀以水七升煮取三升去滓分三服日二夜一

黃耆加茵陳蒿湯方

即於茵陳蒿湯內加黃耆一味

見發黃證

竹皮湯方

即金匱橘皮竹茹湯

橘皮二觔

竹茹二升

大棗三十枚

生薑半觔

甘草五兩

人參一兩

右六味以水一斗煮取三升溫服一升日三服

大橘皮湯方

傷寒論集註卷八

動氣在上不可下下之則掌握熱煩身上浮冷熱汗自

泄欲得水自灌成氏曰動氣在上心之動也下之則傷胃內動心氣心為火主熱甲乙經曰心所生病者掌中熱肝為臟中之陰病則雖有身熱臥則欲跪作表熱裏寒也心為臟中之陽病則身上浮冷熱汗自泄欲得水自灌作表寒裏熱也二臟陰陽寒熱明可見焉。常氏云宜小建中湯。

動氣在下不可下下之則腹脹滿卒起頭眩食則下清成氏曰動氣在下腎之動也下之則傷脾腎氣則動穀腎寒乘脾故有腹滿頭眩下清穀心下痞之證也。龐氏常氏皆云心下痞宜半夏瀉心湯。

咽中閉塞不可下下之則上輕下重水漿不下臥則欲蹠身急痛下利日數十行成氏曰咽中閉塞胃已不利也下之則閉塞之邪為生輕復傷胃氣為下重至水漿不下臥則欲蹠身急痛下利日數十行知虛寒也。宋下宜桔梗湯猪膚湯下後宜甘草乾薑湯。

傷寒論集註 卷九 玉照堂

諸外實者不可下下之則發微熱若無脈厥者當臍握成氏曰外實者表熱也汗之則愈下之為逆下後裏熱虛表熱內陷故發微熱厥深者熱亦深亡脈厥者則陽氣深陷客於下焦故當臍握熱。郭氏曰宜服去白木理中湯以大利臍間血故也。

諸虛者不可下下之則大渴求水者欲愈惡水者劇成氏曰金匱玉函經曰虛者十補勿一瀉之虛家下之為虛虛內竭津液故令大渴求水者陽氣未絕而猶可愈惡水者陽氣已竭則難可制。郭氏曰宜小建中湯。

脈濡而弱弱反在關濡反在顛弦反在上微反在下弦為陽運微為陰寒上實下虛意欲得溫微弦為虛虛者不可下也成氏曰虛家下之是為重虛難經曰實實虛虛損不足補有餘如此者是中工所害也。微則為欬欬則吐涎下之則欬止而利因不休利不休

則胸中如蟲齧粥入則出小便不利兩脇拘急喘息為難頸背相引臂則不仁極寒反汗出身冷若冰眼睛不慧語言不休而穀氣多入此為除中成氏曰內經云感於寒則受病微則為欬甚則不得前為泄為痛肺感微寒為欬則脈亦微也下之氣下欬雖止而利因不休利不止則奪正氣而成危惡胸中如蟲齧粥入則出小便不利兩脇拘急喘息為難者裏氣損也頸背相引臂為不仁極寒反汗出身冷若冰者表氣損也脫陽者見鬼脫陰者目盲陰陽脫者應不能食而穀入多者此為除中是胃氣除去也口雖欲言舌不得前氣已衰脫不能運也。郭氏曰此不治之證故諸家無治法惟龐氏云諸脈濡弱微虛細相搏俱不可下。

傷寒論集註 卷九 三

脈濡而弱弱反在關陰氣濡反在顛陽氣浮反在上數反在下浮為陽虛數為無血浮為虛數為熱浮為虛浮為熱在上則衛氣在下則營不足故云無血。浮為虛自汗出而惡寒虛風寒數為痛振寒而慄亡血則不能濡潤。微弱在關胸下為急喘汗而不得呼吸呼吸之中痛在於脇振寒相搏形如瘡狀此裏邪未實表邪未解之時醫反下之裏氣益虛邪醫反下之故令脈數發熱狂走見鬼心下為痞熱陷。熱中焦。小便淋瀝少腹甚鞭小便則尿血也。熱氣深陷則客於下焦。

脈濡而緊四字濡則衛氣微緊則營中寒陽微衛中風發熱而惡寒營緊胃氣冷微嘔心內煩醫為有大熱解

肌而發汗一誤亡陽虛煩躁心下苦痞堅表裏俱虛竭

裏先不足發汗又虛其表卒起而頭眩客熱在皮膚悵悵不得眠不

知胃氣冷緊寒在關元技巧無所施汲水灌其身再誤

客熱應時罷慄慄而振寒重被而覆之三誤汗出而胃

顛陽氣愈虛體惕而又振小便為微難亡陽寒氣因水發清

穀不容問下為嘔變反腸出上為嘔吐顛倒不得安手足為

微逆外為厥逆身冷而內煩內為遲為從後救安可復追還

此條胃冷營寒陽微中風發熱惡寒微嘔心煩當先溫

其裏而後和其表醫不救裏但責表熱所以誤也。常

氏曰可灸關元郭氏曰仍服通脈

四逆湯。分明是一首漢人古詩

脈浮而大浮為氣實大為血虛血虛為無陰孤陽獨下

傷寒論集註卷九四

陰部者小便當赤而難胞中當虛今反小便利而大汗

出法應衛家當微今反更實津液四射營竭血盡乾煩

而不得眠血薄肉消而成暴液醫復以毒藥攻其胃此

為重虛客陽去有期必下如汚泥而死無陰則陽孤

部小便當赤而難今反小便利汗大出者法應衛家微

今反實是津液四射營血之陰內爭外奪不至乾竭不

止是以血薄肉消而成暴液醫者不知建中以致胃而

反以毒藥攻之此為重虛向者下於陰部之客陽亦必

建中湯已經下者不治

脈數者久數不止止則邪結正氣不能復正氣却結於

臟故邪氣浮之與皮毛相得脈數者不可下下之則必

煩利不止止歇止也脈數而止邪結陽分故不可下下

之邪熱乘虛而入裏虛而協熱必煩且利也

脈浮大應發汗醫反下之此為大逆

病欲吐者不可下嘔多雖有陽明證不可攻之嘔吐邪

故不可下

太陽病外證未解不可下之下之為逆外證未解者雖

外外解而後可攻裏也

若先下之治之逆也

夫病陽多者熱下之則鞭陽多者表熱也

無陽陰強大便鞭者下之則必清穀腹滿成氏曰無陽

陰強者寒多也大便鞭則為陰結下之虛胃陰寒內甚

必清穀腹滿。赤按此當溫之潤之。常氏云可密煎

導

傷寒發熱頭痛微汗出發汗則不識人熏之則喘不得

傷寒論集註卷九五

小便心腹滿下之則短氣小便難頭痛背強加溫鍼則

衄成氏曰傷寒則無汗發熱頭痛微汗出者寒邪變熱

欲傳於裏也發汗則亡陽增熱故不識人若以火熏

之則火熱傷氣內消津液結為裏實故喘不得小便心

腹滿若反下之則內虛津液邪欲入裏外動經絡故短

氣小便難頭痛背強若加溫鍼

益陽增熱必動其血而為衄也

傷寒脈陰陽俱緊惡寒發熱則脈欲厥厥者脈初來大

漸漸小更來漸漸大是其候也如此者惡寒甚者翕翕

汗出喉中痛熱多者目赤脈多睛不慧醫復發之咽中

則傷若復下之則兩目閉寒多者便清穀熱多者便膿

血若熏之則身發黃若熨之則咽燥若小便利者可救

之小便難者為危殆成氏曰脈陰陽俱緊則清邪中上

濁邪中下太陽少陰俱感邪也惡

寒者少陰發熱者太陽脈欲厥者表邪欲傳裏也惡寒甚則變熱翁翁汗出喉中痛以少陰之脈循喉嚨也熱多者太陽多也目赤脈多者睛不慧以太陽之脈起於目故也發汗攻陽則少陰之熱因發而上行故咽中傷若復下之則太陽之邪因虛而內陷故兩目閉陰邪下行爲寒多必便清穀陽邪下行爲熱多必便膿血熏之則火熱甚身必發黃熒之則火熱輕必爲咽燥小便利者爲津液未竭猶可救之小便難者津液已絕則難可制而危殆矣

傷寒發熱口中勃勃氣出頭痛目黃衄不可制食水者必嘔惡水者厥若下之咽中生瘡假令手足溫者必下重便膿血頭痛目黃者若下之則兩目閉食水者脈必厥其聲嚶咽喉塞若發汗則戰慄陰陽俱虛惡水者若下之則裏冷不嗜食大便完穀出若發汗則口中傷舌傷寒論集註 卷九 六

上白胎煩躁脈數實不大便六七日後必便血若發汗則小便自利也成氏曰傷寒發熱變熱也口中勃勃者熱蒸於上也千金曰無陽者脈無陰者嘔食水而嘔則陰虛也惡水而厥則陽虛也發熱口中勃勃氣出者咽中已熱也若下之亡津液則咽中生瘡熱因裏虛而下若熱氣內結則手足必厥設手足溫者熱氣不結而內伏則口開也食水爲陰虛下之又虛其裏陽氣內陷故脈聲嚶咽喉塞陰虛發汗又虛其陽使陰陽俱虛而戰慄也惡水爲陽虛下之又虛胃氣虛寒內甚故裏冷不嗜食大便完穀出也陽虛發汗則上焦虛燥故口中傷爛舌上白胎而煩躁也經曰脈數不解合熱則消穀善飢至六七日不大便者此有瘀血此脈數實不大便六七口熱畜血於內也七日之後邪熱漸解迫血下行必便血也便血發汗陰陽俱虛故小便利

下利脈大者虛也以其強下之故也設脈浮革因爾腸

鳴者屬當歸四逆湯主之成氏曰脈大爲虛以未應下之不足也革者實大而長微弦也浮爲虛革爲寒寒虛相搏則腸鳴與當歸四逆湯補虛散寒

脈浮而緊浮則爲風緊則爲寒風則傷衛寒則傷營衛俱病骨節煩疼當發其汗不可下也自此條以下皆重集六經原文。常氏曰可桂枝麻黃各半湯郭氏曰仲景又用麻黃湯。赤按無汗而不煩躁者用麻黃湯若汗不出而煩躁者是大青龍湯也

跌陽脈遲而緩胃氣如經也跌陽脈浮而數浮則傷胃數則動脾此非本病醫特下之所爲也營衛內陷其數先微脈反但浮其人必大便鞭氣噫而除何以言之脾脈本緩玉函經有今以數脈動脾作動脾脈數看其數先微故

傷寒論集註 卷九 七

知脾氣不治大便鞭氣噫而除今脈反浮其數改微邪氣獨留心中則飢則字作雖字看邪熱不殺穀潮熱發渴數脈當遲緩言跌陽脈脈因前後度數如法言變數變微病本當遲緩而不變微則生惡瘡也

脈浮而大心下反鞭有熱屬臟者攻之不令發汗屬腑者不令溲數溲數則大便鞭汗多則熱愈汗少則便難脈遲尚未可攻郭氏曰此條必有誤字俟求舊本証之

二陽併病太陽初得病時發其汗汗先出不微因轉屬陽明續自微汗出不惡寒若太陽證不罷者不可下下之爲逆



結胸證脉浮大者不可下下之爲逆

太陽與陽明合病喘而胸滿者不可下常氏曰可麻黃杏仁甘草石膏湯

湯

諸四逆厥者不可下之虛家亦然常氏曰可當歸四逆見四逆者是失下後氣血不通使然手足微厥

掌心常溫時復指稍溫即可下之勿拘泥也

病發於陽而反下之熱入因作結胸病發於陰而反下

之因作痞

脉浮而緊而復下之緊反入裏則作痞

本虛攻其熱必嘔

太陰之爲病腹滿而吐食不下自利益甚時腹自痛若

傷寒論集註卷九

八

下之必胸下結鞭太陰之脉布胃中邪氣壅而爲腹滿上不得降則嘔吐而食不下不得

升則自利腹痛本經表邪干裏故不常痛而時或痛也

若脉浮者可桂枝湯若下之則陰邪結於胸下爲結鞭

厥陰之爲病消渴氣上衝心中疼熱飢不欲食食則

吐衄下之利不止

少陰病飲食入口則吐心中溫溫欲吐邪在胸中故欲吐

中溫溫始得之手足寒脉弦遲陽受氣於胸中邪雷胸中陽氣不得宣發故手

足寒而此胸中實不可下也熱實可下寒實不可下也常氏曰飲食入口即吐

可瓜蒂散

傷寒五六日不結胸腹濡脉虛復厥者此爲無血不可

下下之則死此爲當歸四逆湯證也若其人有久寒者則加吳茱萸。常氏曰可小建中湯已下

治者不

臟結無陽證不往來寒熱或寒而不熱其人反靜舌上

胎滑者不可攻也常氏曰可刺關元穴在臍下郭氏曰灸九奇

傷寒嘔多雖有陽明證不可攻郭氏曰不可攻恐厥逆也宜小半夏加茯苓湯

陽明病潮熱大便微鞭者可與承氣湯不鞭者不可與

之若不大便六七日恐有燥屎欲知之法少與小承氣

湯湯入腹中轉矢氣者此有燥屎也乃可攻之若不轉

矢氣者此但初頭鞭後必溏不可攻之必脹滿不能

傷寒論集註卷九

九

食也欲飲水者與水則噦其後發熱者大便必復鞭而

少宜小承氣湯和之不轉矢氣者切不可攻也

傷寒中風醫反下之其人下利日數十行穀不化腹中

雷鳴心下痞鞭而滿乾嘔心煩不得安醫見心下痞謂

病不盡復下之其痞益甚此非結熱但以胃中虛客氣

上逆故使鞭也宜甘草瀉心湯

陽明病面合赤色不可攻之必發熱色黃小便不利也

陽明病當心下鞭滿者不可攻之攻之利遂不止者死

利止者愈常氏曰心下鞭滿者可半夏瀉心湯已攻而利者四逆湯

陽明病自汗出若發汗小便自利者此爲津液內竭雖

鞭不可攻之當須自欲大便宜密煎導而通之若土爪根及猪膽汁皆可為導麗氏曰不當下而強下之令人洞泄而死

少陰病脉微不可發汗亡陽故也陽已虛尺脉弱濇者復不可下之此為少陰汗下者辨脉而防其誤也。郭氏曰宜小建中湯

### 辨可下病脉證并治法

大法秋宜下成氏曰秋時陽氣在下邪亦在下故宜下

凡服下藥用湯勝丸中病即止不必盡劑也

下利三部脉皆平按之心下鞭者急下之宜大承氣湯

成氏曰下利者脉當微厥今反和者此為內實也下利三部脉平者已為實而又按之心下鞭者則邪甚也故宜急下之。麗氏曰凡脉沉細數為熱在裏又兼腹滿咽乾或口燥舌乾而渴者或六七日不大便小便自和

### 傷寒論集註 卷九

十

或目中瞳子不明無外證者或汗後脉沉實者或下利三部脉皆平按之心下鞭者或連發汗不惡寒者或已經下其脉沉按之有力者皆宜大承氣湯

陽明少陽併病必下利其脉不負者順也負者失也互

相尅賊名為負也麗氏曰陽明土其脉大小陽木其脉已困矣若脉不弦為土不負弦者為土負必死。郭氏曰此合病一證至負也而終按本論與宿食一證相連者非也脉經以宿食一證另列為當蓋脉滑數有宿食故仲景可用承氣湯若胃為木尅因而下利安有承氣之理今依脉經離而為二宿食依仲景用承氣惟合病下利調治法今以負不負宜理中九厥者宜四逆湯

麗氏曰依舊本合為一證疑其非是大抵仲景書仍須以脉經參校之

下利脉遲而滑者內實也利未欲止當下之宜大承氣

湯脉遲而滑胃有宿食也脾胃有宿食水穀不消以致下利此為內實若以溫中厚腸之藥治之利必不止

以大承氣湯下其宿食利當自止。郭氏曰常氏疑本論之誤欲以葛根黃芩治下利殊不思仲景以承氣下宿食而合病下利元無治法也葛根黃芩湯以太陽未解誤下之利不既協熱下利又表邪未罷故用之合病下利胃氣受困只當救胃宜用溫藥仲景特論脉之負不負蓋欲後人思陽明少陽土木尅賊而治之可謂盡善矣以是知合併病之論雖二陽俱受病邪氣俱當去又須審二經五行之氣抑強扶弱以致和氣非天下之至精孰能與於此

問曰人病有宿食何以別之師曰寸口脉浮而大按之

反濇尺中亦微而濇故知有宿食當下之宜大承氣湯

浮大者氣實也按之濇尺中微而濇胃有宿食則裏氣滯也寸口日尺中日浮日按者寸以候外尺以候內浮以候表沉以候裏也然按之濇尺中濇亦有血虛者須審惡食噎氣胸膈飽悶等證確知其有宿食而後可用承氣下之

### 傷寒論集註 卷九

十一

下利不欲食者以有宿食也當下之宜大承氣湯傷食故之傷風惡風傷寒惡寒其理一也。亦有熱在胃口不能食者不可下也丹溪以人參黃連二味開關此獨得之秘妙也

下利差後至其年月日復發者以病不盡故也當下之

宜大承氣湯去邪未盡早用補塞病則留連至其元受故當下之宜

大承氣湯

下利脉反滑當有所去下之乃愈宜大承氣湯

病腹中滿痛者此為實也當下之宜大承氣湯金匱要略口病者腹滿按之不痛為虛痛為實可下之今腹中滿痛裏氣壅實也故以大承氣湯下之

傷寒後脉沉沉者內實也下解之宜大柴胡湯傷寒差後更發

然脉沉數或沉實有力當以下  
解之若沉而微弱遲不可下也

脉雙弦而遲者必心下鞭脉大而緊者陽中有陰也可

下之宜大承氣湯方中行曰雙弦謂左右皆弦也弦則為陰遲則為寒心下鞭者謂客寒結

滯於腸也大為陽虛緊為陰勝陽以腑言陰以寒言謂陰寒之邪內實於胃腑也

陽明病發熱汗多者急下之宜大柴胡湯發熱不惡寒汗多者邪熱

入腑熱逼津液將竭故宜急下玉函經作大承氣湯。此條以下成氏不載今從玉函經全載

少陰病得之二三日口燥咽乾者急下之宜大承氣湯

日雖淺而邪熱已傳少陰即入胃腑口燥咽乾則腎水不供而胃土之尅制太過故下之急

少陰病下利清水色純青反與陰邪無異心下必痛口

乾燥者此則陽邪之驗可下之宜大柴胡湯大承氣湯

傷寒論集註 卷九

主

腹滿不減減不足言當下之宜大柴胡湯大承氣湯

傷寒六七日目不了了睛不和無表裏證大便難身微

熱者此為實也急下之宜大柴胡湯大承氣湯

太陽病未解脉陰陽俱停必先振慄汗出而解但陽脉

微者先汗之而解但陰脉微者先下之而解陽脉微一作陽脉實

陰脉微龐氏作陰脉實

結胸者項亦強如柔瘕狀下之則和龐氏曰宜大陷胸湯

病人無表裏證外無惡寒裏無譫語發熱七八日雖脉浮數者可

下之宜大柴胡湯許叔微曰凡傷寒下證皆從太陽陽明在經之邪而入於腑今不言陽明

病而但云病人云云此非自表之裏而病也但為可下則下之云爾亦按此內傷似傷寒之證發熱七八日消

燥津液恐熱不已而變生焉脉雖浮數有不得拘泥者蓋以全其津液也

太陽病六七日表證仍在脉微而沉反不結胸其人發

狂者以熱在下焦小腹當鞭滿而小便自利者下血乃

愈所以然者以太陽隨經瘀熱在裏也宜下之以抵當

湯

太陽病身黃脉沉結少腹鞭滿小便不利者為無血也

小便自利其人如狂者血證諦也宜抵當湯

傷寒發熱少腹滿應小便不利今反利者為有血也當

下之宜抵當湯

陽明病發熱汗出者此為熱越不能發黃也但頭汗出

傷寒論集註 卷九

主

身無汗劑頸而還小便不利渴飲水漿者以瘀熱在裏

身必發黃宜下之茵陳蒿湯郭氏曰先服茵陳五苓散黃退則不須更下

陽明病其人喜忘者必有畜血所以然者本有久瘀血

故令喜忘屎雖鞭大便反易其色必黑宜抵當湯

汗出譫語者以有燥屎在胃中此為風也須下之過經

乃可下之下之若早語言必亂以表虛裏實故也下之

則愈宜大柴胡湯大承氣湯補亡論作汗出不譫語

病人煩熱汗出則解復如瘧狀日晡所發熱者屬陽明

也脉實者可下之宜大柴胡湯大承氣湯

陽明病譫語有潮熱反不能食者熱實則胃中必有燥不能食

尿五六枚也大承氣湯下之若不能食者熱未實但鞭耳下利譏語者有燥屎也與小承氣湯初一服譏語止若更衣者停後服不爾盡與之

得病二三日脉弱無太陽柴胡證煩躁心下痞至四五日雖能食以承氣湯少少與微和之令小安至六日與承氣湯一升若不大便六七日小便少者雖不能食但初頭鞭後必溏此未成鞭也攻之必溏須小便利屎定鞭乃可攻之宜大承氣湯

太陽中風下利嘔逆表解者乃可攻之其人黎黎汗出發作有時頭痛心下痞鞭滿引脇下痛乾嘔短氣汗出傷寒論集註卷九 西

不惡寒者此表解裏未和也十棗湯主之

太陽病不解熱結膀胱其人如狂血自下下者愈其外未解尚未可攻當先解其外外解已但小腹急結者乃可攻之宜桃核承氣湯龐氏曰不惡寒為外解

傷寒七八日身黃如橘子色小便不利腹微滿者宜茵陳蒿湯熱氣甚於外而津液不得下行故身黃如橘子色小便不利腹微滿也

傷寒發熱汗出不解心下痞鞭嘔吐而利者宜大柴胡湯

傷寒十餘日熱結在裏復往來寒熱者宜大柴胡湯但結胸無大熱者以水結在胸膈也但頭微汗出者宜大

### 陷胸湯

陽明病其人多汗以津液外出胃中燥大便必鞭鞭則譏語宜小承氣湯

陽明病不吐不下心煩者宜調胃承氣湯吐後心煩為煩為虛煩不吐不下心煩是胃家熱也

陽明病脉遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已鞭也大承氣湯下之若汗出多微發熱惡寒者外未解也其熱不潮未可與承氣湯若腹大滿不通者與小承氣湯微和胃氣勿令大泄下

傷寒論集註卷九

五

陽明病潮熱大便微鞭者可與大承氣湯不鞭者不可與之若不大便六七日恐有燥屎欲知之法少與小承氣湯入腹中轉矢氣者此有燥屎也乃可攻之若不轉矢氣者此但初頭鞭後必溏不可攻之攻之必脹滿不能食也欲飲水者與水則噦其後發熱者大便必復鞭而少也宜小承氣湯和之不轉矢氣者不可攻之郭氏曰不轉矢氣勿服藥待一晝夜熱氣不發泄定成鞭屎然後可攻

陽明病譏語發潮熱脉滑而疾者小承氣湯主之因與承氣湯一升腹中轉矢氣者更服一升若不轉矢氣者勿更與之明日不大便脉反微濇者裏虛也為難治不

可更與承氣湯常氏曰可人參黃耆建中湯

二陽併病太陽證罷但發潮熱手足漿漿汗出大便難而讞語者下之則愈宜大承氣湯

病人小便不利大便乍難乍易時有微熱喘冒不能臥者有燥屎也宜大承氣湯

大下後六七日不大便煩不解腹滿痛者此有燥屎也所以然者本有宿食也宜大承氣湯

附錄總病論補亡論說

龐氏曰脉朝夕駛實者可下朝平夕駛者不可下駛謂脉數六七至者也若脉數一息八九至切不可下之

傷寒論集註卷九

下之則躁煩下利不止而死脉數與皮毛相得者不可下也雖數為虛客熱

又曰合下不下令人腹脹滿通身浮腫而死

郭氏曰凡汗下皆不宜太過故汗下後易將理若汗下太過則病人虛難將理易勞復凡用大承氣亦宜消息用調胃承氣代之蓋仲景自有承氣之戒故也

傷寒論集註卷第九

傷寒論集註卷第十

東吳徐 赤五成甫集註

漢張機仲景著

大訥吳士鎮申培甫增訂

長洲蔣 榮誦先甫參較

姪秉鈞衡望 參閱

男維鈞衡範

辨發汗吐下後病形證治

太陽病三日已發汗若吐若下若溫鍼仍不解者此為

壞病桂枝不中與也觀其脉證知犯何逆隨證治之

太陽病先下之而不愈因復發汗以此表裏俱虛其人

傷寒論集註卷十

因致冒冒家當汗出自愈所以然者汗出表和故也得表和然後復下之

太陽病寸緩關浮尺弱其人發熱汗出復惡寒不嘔但

心下痞者此以醫下之也常氏曰可生薑半夏二瀉心湯

太陽病醫發汗遂發熱惡寒因復下之心下痞表裏俱

虛陰陽氣並竭無陽則陰獨復加燒鍼因胸煩面色青

黃膚瞶者難治今色微黃手足溫者易愈郭氏曰心下痞者枳實理

中丸燒針胸煩桂枝加龍骨牡蠣湯外證未除者桂枝加人參湯

太陽病先發汗不解而下之脉浮者為不愈浮為在外

而反下之故令不愈今脉浮故知在外當須解外則愈

宜桂枝湯

郭氏曰此證本當先汗所  
謂若先發汗治不為逆也

下之後復發汗晝日煩躁不得眠夜而安靜不嘔不渴

無表證脉沉遲身無大熱者乾薑附子湯

郭氏曰此證  
本當先下所

謂若先下之  
治不為逆也

太陽病重發汗而復下之不大便五六日舌上燥而渴

日晡所小有潮熱從心下至小腹鞭滿而痛不可近者

大陷胸湯

太陽病下之後其氣上衝者可與桂枝湯若不上衝不

可與之

不上衝者當與  
下三證合參之

太陽病下之後脉促胸滿者宜桂枝去芍藥湯若微惡

傷寒論集註

卷十

二

玉照堂

寒者桂枝去芍藥加附子湯

太陽病桂枝證醫反下之利遂不止脉促者表未解也

喘而汗出者葛根黃芩黃連湯

太陽病下之微喘者表未解也桂枝加厚朴杏子湯

太陽病若吐若下若發汗後微煩小便數大便因鞭者

與小承氣湯愈

太陽病外證未除而數下之遂協熱而利利不止心下

痞鞭表裏不解者宜桂枝人參湯

本太陽病醫反下之因爾腹滿時痛者桂枝加芍藥湯

主之大實痛者宜桂枝加大黃湯

時痛者下有屬  
太陰也四字

太陰之為病腹滿而吐食不下自利益甚時腹自痛若  
下之必胸下結鞭

寸口脉浮而大醫反下之此為大逆浮則無血大則為

寒寒氣相搏則為腹鳴醫乃不知而反飲冷水令汗大

出水得寒氣冷必相搏其人則餒

脉浮數者法當汗出而愈若下之身重心悸者不可發

汗當自汗出而解所以然者尺中脉微此裏虛須表裏

實津液自和即自汗出愈

凡病若發汗若吐若下若出血無津液而陰陽自和者

必自愈

傷寒論集註

卷一

三

大下後復發汗小便不利者亡津液故也勿治之得小

便利必自愈

下之後復發汗必振寒脉微細所以然者內外俱虛故

也

本發汗而反下之此為逆也若先發汗治不為逆本先

下之而反汗之為逆若先下之治不為逆

吐利發汗後脉平小煩者以新虛不勝穀氣故也

發汗若下之後病仍不解煩躁者茯苓四逆湯

發汗吐下後虛煩不得眠若劇者必反覆顛倒心下懊

憊宜梔子豉湯若少氣者梔子甘草豉湯若嘔者梔子

生薑豉湯

發汗若下之煩熱胸中窒者宜梔子豉湯

大汗若大下而厥冷者宜四逆湯

火逆下之因燒鍼煩躁者宜桂枝甘草龍骨牡蠣湯

本以下之故心下痞與瀉心湯痞不解其人渴而燥煩

小便不利者宜五苓散

脈經云一方言忍之一日乃愈

下後不可更行桂枝湯汗出而喘無大熱者宜麻黃杏

子甘草石膏湯

病人無表裏證發熱七八日脈雖浮數者可下之假令

已下脈數不解合熱則消穀善饑至六七日不大便者

傷寒論集註

卷十

四

有瘀血也宜抵當湯

脈經曰若脈數不解而

脈微而濇者此為醫所病也大發其汗又數大下之其

人亡血病當惡寒後乃發熱無休止時夏月盛暑欲着

複衣冬月盛寒欲裸其身所以然者陽微則惡寒陰弱

則發熱此醫發其汗使陽氣微又大下之令陰氣弱五

月之時陽氣在表胃中虛冷以陽氣內微不能勝冷故

欲着複衣十一月之時陽氣在內胃中煩熱以陰氣內

弱不能勝熱故欲裸其身又陰脈遲濇故知亡血也

傷寒吐下發汗後虛煩

邪氣獨存

脈甚微

正氣內虛

八九日心下

痞鞭脇下痛氣上衝咽喉眩冒

正氣不復邪氣留結而不去

經脈動

惕者久而成痿

經絡之氣久虛熱氣還經久而成痿

傷寒大吐大下之極虛復極汗出者其人外氣拂鬱復

與之水以發其汗因得噦所以然者胃中虛冷故也

郭氏

日胃寒甚者理中湯噦者小半夏湯

傷寒若吐若下後心下逆滿氣上衝胸起則頭眩脈沉

緊發汗則動經身為振搖者宜茯苓桂枝白木甘草湯

傷寒五六日已發汗而復下之胸脇滿微結小便不利

渴而不嘔但頭汗出往來寒熱心煩者此為未解也宜

柴胡桂枝乾薑湯

傷寒發汗若吐若下解後心下痞鞭噫氣不除者宜旋

傷寒論集註

卷十

五

覆代赭湯

傷寒大下之復發汗心下痞惡寒者表未解也不可攻

痞當先解表表解乃可攻痞解表宜桂枝湯攻痞宜大

黃連瀉心湯

傷寒吐下後七八日不解結熱在裏表裏俱熱時惡

風大渴舌上乾燥而煩欲飲水數升者白虎加人參湯

傷寒若吐若下後不解不大便五六日上至十餘日其

人日晡所發潮熱不惡寒獨語如見鬼狀若劇者發則

不識人循衣摸牀惕而不安微喘直視脈弦者生瀇者

死微者但發熱譫語者宜大承氣湯

傷寒五六日大下之後身熱不去心中結痛者未欲解也宜梔子豉湯

若身熱去而胸中結痛則為結胸身熱不去散漫為煩則為虛煩

傷寒下後心煩腹滿臥起不安者宜梔子厚朴湯

邪據胸腹

之間故起臥不安此湯上下分消之法也

傷寒醫以丸藥大下之身熱不去微煩者宜梔子乾薑湯

丸藥不能除熱徒損正氣故身熱不去而微煩梔子以除虛煩乾薑以益正氣

傷寒下之續得下利清穀不止身疼痛者急當救裏後

身疼痛清便自調者急當救表救裏宜四逆湯救表宜

桂枝湯

傷寒八九日下之胸滿煩驚小便不利譫語一身盡重

傷寒論集註 卷十

六

不可轉側者宜柴胡加龍骨牡蠣湯

傷寒五六日嘔而發熱者柴胡湯證具而以此藥下之

柴胡證仍在者復與柴胡湯此雖已下之不為逆必蒸

蒸而振却發熱汗出而解若心下滿而鞭痛者此為結

胸也大陷胸湯主之若但滿而不痛此為痞柴胡不中

與之宜半夏瀉心湯

傷寒中風醫反下之其人下利日數十行穀不化腹中

雷鳴心下痞鞭而滿乾嘔心煩不得安醫見心下痞謂

病不盡復下之其痞益甚此非結熱但以胃中虛客氣

上逆故使鞭也宜甘草瀉心湯

傷寒服湯藥下利不止心下痞鞭服瀉心湯已復以他

藥下之利不止醫以理中與之利益甚理中者理中焦

此利在下焦宜赤石脂禹餘糧湯復不止者當利其小

便

傷寒六七日大下後寸脈沉而遲手足厥冷下部脈不

至咽喉不利唾膿血泄利不止者為難治宜麻黃升麻

湯

傷寒本自寒下醫復吐之寒格更逆吐下食入口即出

宜乾薑黃芩黃連人參湯

陽明病不能食下之不解者其人不能食若攻其熱必

傷寒論集註 卷十

七

噦所以然者胃中虛冷故也以其本虛攻其熱必噦

陽明病脈遲食難用飽飽則微煩頭眩必小便難此欲

作穀疸雖下之腹滿如故所以然者脈遲故也郭氏曰此當煎

茵陳一物調五苓散作茵陳蒿湯也常氏用茵陳湯五苓散

陽明病脈浮而緊咽燥口苦腹滿而喘發熱汗出而不

惡寒反惡熱身重若發汗則躁心憤憤而反譫語若加

溫鍼必怵惕煩燥不得眠若下之則胃中空虛客氣動

膈心下懊憹舌上胎者梔子豉湯

陽明病下之心中懊憹而煩胃中有燥屎者可攻其人

腹微滿初頭硬後必溏者不可攻之若有燥屎者宜大



承氣湯

陽明病下之其外有熱手足溫不結胸心中懊憹饑不能食但頭汗出者梔子豉湯

太陽病過經十餘日反二三下之後四五日柴胡證仍在者先與小柴胡湯嘔不止心下急其人鬱鬱微煩者爲未解可與大柴胡湯下之愈

傷寒十三日不解胸脇滿而嘔日晡所發潮熱已而微利此本柴胡證下之不得利今反利者知醫以丸藥下之非其治也潮熱者實也先宜服小柴胡湯以解外後以柴胡加芒硝湯主之

傷寒論集註

卷十

八

傷寒十三日過經讞語者以有熱也當以湯下之若小便利者大便當鞭而反下利脉調和者知醫以丸藥下之非其治也若自下利者脉當微厥今反和者此爲內實也宜調胃承氣湯

三陽合病腹滿身重難以轉側口不仁面垢讞語遺尿發汗則讞語下之則額上生汗手足逆冷若自汗出者宜白虎湯

傷寒論集註卷第十

終

傷寒論集註外篇卷第一

東吳徐

大訥吳士鑑

長洲蔣 榮誦先甫參較訂

姪徐秉鈞衡望 男徐維鈞衡範 參閱

病可溫證

仲景本論自三陰三陽至發汗吐下以後證而終自

病可溫以下本論原無門目其論說皆仲景之言已

見於三陽三陰諸篇者王叔和重出於脉經以備倉

傷寒論集註外篇卷一

玉照堂

卒尋按今依脉經撰錄如後

大法冬宜服熱藥及灸

病發熱頭痛脉反沉若不差身體更疼痛當救其裏宜

溫藥四逆湯郭白雲曰凡溫藥皆用四逆湯厥逆脉細者宜當歸四逆湯凡脉微欲絕及脉不出

者通脉四逆加吳茱萸生薑湯

下利腹滿身體疼痛先溫其裏宜四逆湯

自利不渴者屬太陰其臟有寒故也當溫之宜四逆輩

少陰病其人飲食入口則吐心中溫溫欲吐復不能吐

始得之手足寒脉弦遲若膈上有寒飲乾嘔者不可吐

當溫之宜四逆湯

少陰病脉沉者急溫之宜四逆湯

下利飲食者就當溫之

下利脉遲緊爲痛未欲止當溫之得冷者滿而便腸垢

下利其脉浮大此爲虛以強下之故也設脉浮革因爾

腸鳴當溫之宜當歸四逆湯

少陰病下利脉微瀉者必嘔汗出必數更衣反少當溫

之

傷寒醫下之續得下利清穀不止身體疼痛急當救裏

宜溫之以四逆湯龐氏以凡病發熱頭疼脉反沉身體

者汗出熱不去內拘急支節疼四逆者下利厥逆惡寒

者下利腹脹滿身疼痛脉浮者凡五證先用四逆湯溫

傷寒論集註外篇卷一 二 玉照堂

其裏得利止乃可隨證用藥攻其表也

微數之脉慎不可灸因火爲邪則爲煩逆追虛逐實血

散脉中火氣雖微內攻有力焦骨傷筋血難復也

脉浮當以汗解而反灸之邪無從出因火而盛病從腰

以下必重而痺名爲火逆若欲自解當先煩乃有汗隨

汗而解何以知之脉浮故知汗出當解

火逆下之因燒鍼煩燥者桂枝甘草龍骨牡蠣湯主之

脉浮熱甚而灸之此爲實實以虛治因火而動必咽燥

唾血

傷寒脉浮醫以火劫發之亡陽必驚狂臥起不安者桂

枝去芍藥加蜀漆牡蠣龍骨救逆湯龐氏曰灸及燒針

並宜火劫法治之煩躁驚狂柴胡加龍骨牡蠣亦通用

又曰不當灸而誤灸令火邪入腹干錯五臟重而加煩

死

燒鍼令其汗鍼處被寒核起而赤者必發奔豚氣從少

腹上衝心者灸其核上各一壯與桂枝加桂湯

少陰病得之一二日口中和其背惡寒者當灸之

少陰病吐利手足不逆冷反發熱者不死脉不至者灸

少陰七壯郭氏曰凡灸少陰下利諸證皆兼服四逆湯

傷寒論集註外篇卷一 三

少陰病下利脉微瀉嘔即汗出必數更衣反少者當溫

其上灸之

諸下利皆可灸足大都五壯商丘陰陵泉皆三壯大誦

都穴在足大趾本節後內側骨縫白肉際商正在內踝

下微前陷中陰陵泉在膝下內輔骨下陷中伸足取之

或曲膝取之皆足太陰脾經穴每穴左右各一

下利手足厥無脉灸之不溫脉不反反還反微喘者死

少陰負趺陽者爲順也

傷寒六七日其脉微手足厥逆煩躁灸其厥陰厥不還

者死

傷寒脉促手足厥逆可灸之爲灸少陰厥陰主逆龐氏

灸不灸令病人冷結久而彌固氣衝心死

病不可刺證

脉經於不可刺可刺二門所載素問靈樞語其文有小異者今改從本經字有當者即從脉經仍詳所出之處以別非仲景之言

靈樞經曰九刺之禁新內勿刺已刺勿內大怒勿刺已刺勿怒方醉勿刺已刺勿醉大勞勿刺已刺勿勞大饑勿刺已刺勿饑大渴勿刺已刺勿渴大驚大恐必定其氣乃刺之粗工不察是謂伐身

又曰無刺熇熇之熱無刺漉漉之汗無刺渾渾之脉無

傷寒論集註 外篇卷一

四

刺病與脉相逆者

又曰五臟之脉出於背者灸之則可刺之則不可

又曰熱病身熱甚陰陽皆靜脉經作爭者勿刺之其可刺者

急取之不汗出則泄所謂勿刺者有死徵也

又曰上工刺其未生者也其次刺其未盛者也其次刺

其已衰者也脉經曰粗工逆此謂之伐形

又曰熱病不可刺者有九一曰汗不出大額發赤噦者

死二曰泄時腹滿甚者死三曰目不明熱不已者死四

曰老人嬰兒熱而腹滿甚者死五曰汗不出嘔下血者

死六曰舌本爛熱不已者死七曰欬而衄汗不出出不

至足者死八曰髓熱者死九曰熱而瘰者死凡此九者不可刺也

仲景曰太陽傷寒者加溫鍼必驚也常氏曰宜服救逆湯

病可刺證

太陰病頭痛至七日自愈者其經竟故也若欲作再經

者鍼足陽明使經不傳則愈麗氏曰補三里穴。大訥按針足陽明則麗氏所云

補三里穴是下三里也穴在膝下三寸胛骨外廉大筋宛宛中可刺五分小兒忌灸

太陽病初服桂枝湯反煩不解者先刺風池風府卻與

桂枝湯則愈按風池穴在耳後顙額後腦空下髮際陷中按之引耳左右各一穴係足少陽胆經

穴風府在項上入髮際一寸大筋宛宛中係奇經督脉穴

傷寒論集註 外篇卷一

五

傷寒腹滿而譫語寸口脉浮而緊者此為肝乘脾名曰

縱刺期門按期門穴在直乳下第二肋端不容旁一寸五分左右各一

傷寒發熱齋齋惡寒其人大渴欲飲水漿者其腹必滿

而自汗出小便利其病欲解此為肝乘肺名曰橫當刺

期門

陽明病下血譫語此為熱入血室但頭汗出者當刺期

門隨其實而瀉之澱然汗出則愈

婦人中風發熱惡寒經水適來得之八九日熱除脉遲

身涼胸脇下滿如結胸狀譫語此為熱入血室當刺期

門

太陽與少陽併病頭痛頸項強而眩時如結胸心下痞  
堅當刺大杼第一間肺俞肝俞慎不可發汗發汗則譫  
語譫語則脈弦五日不止當刺期門按大杼穴在項後  
第一椎下兩旁各一寸相去脊中各二寸陷中正坐取之

婦人懷身傷寒腹滿不得小便從腰以下重如有水氣

狀懷身七月太陰當養不養此心氣實當刺勞宮及關

元小便利則愈按勞宮穴在掌中央動脈屈無名指取  
之係心包絡穴關元俞在背部第十七

椎下兩旁相去各二寸刺三分雷六

呼係奇經在脈穴俱左右各一穴

傷寒喉痺刺手少陰在腕當小指後動脈是也鍼入三

分補之

傷寒論集註 外篇卷一 六

素問曰有病身熱汗出煩滿不為汗解此為何病岐伯

曰汗出而身熱者風也汗出而煩滿不解者厥也病名

曰風厥巨陽主氣故先受邪少陰與為表裏也得熱則

上從之從之則厥也表裏刺之飲之湯劑郭氏曰此傷  
而為風厥也宜刺太溪崑崙服茯苓桂枝甘草大棗湯

少陰腎經穴崑崙穴在足外踝後五分後跟骨陷中係足

中細動脈應手係足太陽膀胱經穴俱左右各一

靈樞經曰熱病三日氣口靜人迎躁者取之諸陽五十

九刺以瀉其熱而出其汗實其陰以補其不足所謂五

十九刺者兩手內外側各三凡十二瘡五指間各一凡

八瘡足亦如之亦八頭入髮一寸旁三分各三凡六瘡

更入髮三寸邊各五凡十瘡耳前後口下項中各一凡  
六瘡顛上一顛會一髮際一廉泉一風池二天柱二此

五十九穴也五十九刺出於素問靈樞經見於仲景叔和  
此畧存端緒以俟詳考全書而問之能者按顛上顛  
會髮際俱在頭頂及腦上正中廉泉穴在頷下結喉上  
中央舌本下仰而取之俱係任督二脈穴風池已詳前  
註天柱穴在項後大筋外廉髮際陷中左右各一穴

病不可水證

發汗後飲水多者必喘以水灌之亦喘常氏曰宜麻黃  
湯郭氏曰飲水多者宜五苓散或

日形寒飲冷而喘此小青龍證

傷寒大吐大下之極虛復極汗出者其人外氣怫鬱復

與之水以發其汗因得嘔所以然者胃中寒冷故也郭氏

傷寒論集註 外篇卷一 七

日胃寒者理中湯者半夏湯五苓散

陽明病潮熱大便微堅可與承氣湯不堅勿與之若不

大便六七日恐有燥屎欲知之法可與小承氣湯若腹

中不轉矢氣者此但初頭硬後必溏不可攻之攻之必

脹滿不能食欲飲水者與水則嘔郭氏曰可溫中湯  
嘔者小半夏湯

陽明病若胃中虛冷其人不能食飲水則噦

下利其脈浮大此為虛以強下之故也設脈浮革因爾

腸鳴當溫之與水則噦郭氏曰宜溫中湯

病在陽當以汗解而反以水噀之若灌之其熱被却不

得去彌更益煩皮上粟起意欲飲水反不渴宜文蛤散

若不差與五苓散若寒實結胸無熱證者與三物小陷  
胸湯白散亦可服身熱皮粟不解欲引衣自覆若以水  
嚥之洗之益令熱却不得出當汗而不汗即煩假令汗  
出已腹中痛與芍藥三兩如上法止

寸口脉浮大醫反下之此為大逆浮則無血大則為寒

寒氣相搏則為腸鳴醫乃不知而反飲冷水令汗大出

水得寒氣冷必相搏其人即餉

常氏曰宜草豆蔻散

寸口脉濡而弱濡則惡寒弱則發熱濡弱相搏臟氣衰

微胸中苦煩此非結熱而反薄居水漬布冷銚貼之陽

氣遂微諸府無所依陰脉凝聚結在心下而不肯移胃

傷寒論集註 外篇卷一

八

中虛冷水穀不化小便縱通復不能多微則可救聚寒

心下當奈何也

太陽病小便利者為飲水多必心下悸

郭氏曰宜小半夏加茯苓

凡得時氣病至五六日而渴欲飲水飲不能多不當與

也何者以腹中熱尚少不能消之便更與人作病也至

七八日大渴欲飲水者猶當依證而與之與之常令不

足勿極意也能飲一斗與五升若飲而腹滿小便不利

若喘若噦不可與之也飲而忽然大汗出是為自愈也

凡得病反能飲水者此為欲愈之病其不曉病者但聞

病人飲水自愈小渴者亦強與之飲因成其禍不可復

救也

龐氏曰凡病非大渴不可與冷水若小渴口燥少少呷水滋潤之其大渴煩躁甚者若不與則乾燥無由作汗煩喘而死矣但勿令足意能飲一升止與半升若大汗將出躁渴甚者是意欲飲之勿疑常見人因渴飲水而得汗見小渴遂強與之致停飲心下而喘者死亦多矣其有熱脉數尚可作汗而解者出於天幸也

病可水證

太陽病發汗後若大汗出胃中乾燥煩不得眠其人欲

得飲水者當稍稍與飲之令胃中和則愈

厥陰病渴欲飲水者少少與之愈

太陽病寸緩關浮尺弱其人發熱汗出復惡寒不嘔但

心下痞者此為醫下之也若其不下病人不惡寒而渴

者為轉屬陽明小便數者大便則堅不更衣十日無所

傷寒論集註 外篇卷一 九

苦也渴欲飲水少少與飲之但以法救之

寸口脉洪而大數而滑洪大則營氣長滑數則胃氣實

營氣長則陽盛怫鬱不得出身胃實則堅難大便則乾

燥三焦閉塞津液不通醫發其汗陽盛不周復重下之

胃燥熱畜大便遂燥小便不利營衛相搏心煩發熱兩

眼如火鼻乾面赤舌燥齒黃焦故大渴過經成壞病鍼

藥所不能制與水灌枯槁陽氣微散身寒溫衣覆汗出

表裏通利其病即除形脉多不同此愈非法治但醫所

當慎妄犯傷營衛

千金翼曰霍亂而頭痛發熱身體疼痛熱多欲飲水者

屬五苓散

又曰嘔吐而病在膈上後必思水急與猪苓散飲之水亦得也

又曰若頭痛無熱但狂言煩躁不安精神不與人相當勿以火導之但以猪苓散方寸七服之當連飲新汲水一二升即令指探喉中吐去之病隨手愈若不能吐者強與水水停則結心下也當以藥吐之不爾更致危病若當吐不以猪苓散吐之其死殆速矣鍼之亦佳水飲膈實難治此三死一生也

病不可火證

傷寒論集註 外篇卷一

十

太陽中風以火劫發其汗邪風被火熱血氣流洩失其常度兩陽相薰灼其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾烟燥或不大便久則譫語甚者至噦手足躁擾循衣摸床小便利者可治 郭氏曰宜桂枝去芍藥加蜀漆牡蠣龍骨救逆湯  
太陽病醫發汗遂發熱惡寒復下之則心下痞此表裏俱虛陰陽氣並竭無陽則陰獨復加燒鍼因胸煩面色青黃膚潤者難治今色微黃手足溫者易愈 郭氏曰發熱惡寒宜小柴胡湯心下痞者生薑瀉心湯火逆宜救逆湯  
陽脉浮陰脉弱則血虛血虛則筋急其脉沉者營氣微

也其脉浮而汗出如流珠者衛氣衰也營氣微者加燒鍼則血流不行更發熱而煩躁也 郭氏曰和營衛宜柴胡桂枝湯因燒針煩躁者宜桂枝甘草龍骨牡蠣湯

傷寒脉浮醫以火劫迫之亡陽必驚狂臥起不安者屬桂枝去芍藥加蜀漆牡蠣龍骨救逆湯

問曰得病十五六日身體黃下利狂欲走師脉之言當下清血如脉肝乃已後如師言何以知此師曰寸口脉陽浮而陰濡陽浮為風陰濡為弱為少血浮虛受風少血發熱惡寒洒淅項強頭眩醫加以火熏鬱令汗出惡寒遂甚客熱因火而發怫鬱蒸肌膚身因而黃小便微

傷寒論集註 外篇卷一

十一

難短氣從鼻中出血而復下之胃無津液泄利遂不止熱瘀在膀胱畜結成積聚狀如豚肝當下未下心亂迷瞋狂走赴水不能自制畜血若去目明心了此皆醫所為無他禍患微輕得愈極者不治 郭氏曰宜犀角地黃湯

形作傷寒其脉不弦緊而弱弱者必渴被火者必譫語弱者發熱脉浮解之當汗出愈 郭氏曰宜救逆湯

太陽病以火熏之不得汗其人必躁到經不解必清血 郭氏曰宜犀角地黃湯

陽明病被火額上微汗出而小便不利必發黃 常氏曰可茵陳

湯五  
苓散

陽明病其脉浮緊咽乾口苦腹滿而喘發熱汗出不惡寒反惡熱身體重發汗則躁心憤憤而反譫語加溫鍼必怵惕煩躁不得眠龐氏曰脉浮緊不可下恐變風溫宜詳之

少陰病欬而下利譫語是為被火氣却也故小便必難為強責少陰汗也常氏曰宜救逆湯解其火氣五苓散通其小便

太陽病二日反躁反熨其背而大汗出大熱入胃胃中

水竭躁煩必發譫語十餘日振慄自下利者此為欲解

也故其汗從腰以下不得汗其人欲小便不得反嘔欲

失溲足下惡風大便鞭小便當數而反不數反多大便

傷寒論集註 外篇卷一

三

已頭卓然而痛其人足心必熱穀氣下流故也

病可火證

下利穀道中痛當溫之以為宜熬食鹽熨之一方灸枳

實熨之千金翼曰炒蠶沙之類皆可熨。龐氏曰枳實未與鹽相兼用益佳或單用枳實未非龐氏又

日臍中冷結不可便熨冷氣攻心腹必死須先用藥溫之久而可熨之又曰臍下冷結成關陽者大小便不通

服藥雖多不見效炒鹽熨臍下須臾即通若病人已服巴豆甘遂大黃輕粉之類過多者皆道則大利而損人

宜詳之

傷寒兩感證

素問曰人之傷於寒也則為病熱熱雖甚不死其兩感

於寒而病者必不免於死

又曰兩感於寒者病一日則巨陽與少陰俱病則頭痛口乾煩滿而渴二日則陽明與太陰俱病則腹滿身熱不欲食譫語三日少陽與厥陰俱病則耳聾囊縮而厥水漿不入不知人六日死

帝曰五臟已傷六腑不通營衛不行如是之後三日乃

死何也岐伯曰陽明者十二經脉之長也其血氣盛故

不知人三日其氣乃盡故死矣

按仲景論兩感為必死之證而傷寒序例有兩感俱作

治有先後發表攻裏本自不同之說蓋不忍坐視而

冀萬一之可治也活人書曰宜先救裏以四逆湯後

傷寒論集註 外篇卷一

三

救表以桂枝湯趙嗣真活人書釋疑曰經云太陽與

少陰俱病則頭痛為太陽邪盛於表口乾而渴為少

陰邪盛於裏也陽明與太陰俱病則身熱譫語為陽

明邪盛於表不欲食腹滿為太陰邪盛於裏也少陽

與厥陰俱病則耳聾為少陽邪盛於表囊縮而厥為

厥陰邪盛於裏也三陽之頭痛身熱耳聾救表已自

不可三陰之腹滿口乾而渴囊縮而厥不下可乎活

人書引下利身疼痛虛寒救裏之例而欲施於煩渴

腹滿囊縮熱實之證然乎否乎序例所謂發表者葛

根麻黃是也所謂攻裏者調胃承氣是也活人書所

謂救裏則是四逆救表則是桂枝以救爲攻豈不相背若用四逆是以火濟火而腹滿譫語囊縮等證何由而除藏府何由而通營衛何由而行而六日死者可立而待也吁兩感雖爲不治之證然助正除邪虛虛實實補不足損有餘之法學者不可無定識於胸中也龐氏郭氏兩家論之甚詳今附錄於後

附總病論補亡論說

龐安常曰兩感素問不言脉候今詳之凡脉沉者皆屬陰也一日脉當沉而大沉者少陰也大者太陽也二日脉當沉而長三日脉當沉而弦乃以合表裏之脉

傷寒論集註

外篇卷一

五

沉長沉弦皆隱於沉大也凡三陰無合病惟三陽有合病今三陰與三陽合病故其脉似沉緊而大似沉實而長亦類革至之死脉也

郭白雲曰兩感之病脉陰陽表裏兩經俱傳至三日則六經陰陽已傳盡水漿不入不知人是時五藏已盡傷六府已不通營衛已不仁如是之後三日乃死帝疑之故再舉問岐伯謂是時陽明之氣獨未盡故又三日而後死是以其言曰陽明者十二經脉之長也其氣血盛故不知人三日其氣乃盡故死矣蓋不知人者兩感陰陽俱傳三日之證也陽明爲諸經之長

其氣血盛所以滋養諸經其氣血已散入諸經者各隨其經絕矣其在陽明未散入諸經者又須三日而後乃盡以是知六日者三日傳陰陽遍經又三日陽明之氣乃盡是爲六日而世之讀經者以六日爲陰陽再傳經而死則誤矣若陰陽尚能再傳則非必死之證矣

又曰三日邪至少陽欲傳太陰之間而太陰已先與陽明同受邪不能更容再傳之邪雖太陰復欲以邪傳之三陽而三陽邪氣皆滿亦不更容受兩邪相拒六經皆滿俱不能流注傳泄是以六府不通營衛不行

傷寒論集註

外篇卷一

五

水漿不入不知人以待陽明之氣盡而後死蓋陽明胃也胃爲水穀之海朝夕灌注五藏六府營衛十二經者皆胃之氣血也諸經雖絕獨陽明氣血未盡故又三日而後死也六日三日只爲一證或謂再傳爲六日死邪氣直入陽明爲三日死遂分兩等殊未通經義

又曰孫真人謂兩感雖爲不治然乘其三日內邪氣未滿營衛可通之時早爲療治十人中或差三四稍遲則經邪既滿水漿不入湯藥何緣得納然初感之日誰能斷然不疑知其爲兩感擬議之間已不及矣是



以至於必死也。雍謂湯藥不如鍼灸藥以攻內而內攻未必至。惟鍼艾可以外泄。隨其輕重必有洩而出者。昔號太子之死。扁鵲治之。蓋外泄之法也。方其厥氣上行。絕陽破陰。有甚於兩感。不知人者。扁鵲謂陽脉下墜。陰脉上爭。令氣閉而不通。夫厥氣亦邪氣也。陽脉陰脉。卽陽經陰經也。陰陽邪實氣閉不通。則水漿不入矣。越人於是不施湯劑。而遽用鍼石。外取三陽五會。有間。太子蘇。是知陽不能達於外。而鍼可泄之於外也。既蘇而得爲五分之熨。以逐餘邪。邪去乃得服湯二句。而復故。倘使先湯。必不能得何緣有復。

傷寒論集註

外篇卷一

七

蘇之理。今兩感與尸厥之邪。其殺人一也。誠能效越人先鍼後湯之術。取之三陽。使三陽氣緩。然後灼三陰之會。以泄邪氣。邪氣未盡。方以湯攻之。使無所逃。雖生死未可必。而其爲治有據。而不謬矣。故愚意欲先取崑崙委中去其血。以泄太陽。次取三里。以泄陽明。後取正虛陽陵泉。以泄少陽。三陽氣既緩。急灸三陰交穴。以泄三陰之邪。此穴亦難取。或上下左右少差。卽能中一陰二陰。不中必三陰。皆不中。仍須審度。再分灸之上。陰陵泉可泄太陰。太溪可泄少陰。大敦可泄厥陰。炷如麥粒。緩緩灸之。徐泄其氣。不必以多。

傷寒論集註

外篇卷一

七

爲貴也。雖其如此。亦不可不灸。三陰交先併泄之。然後分得陰陽。得陰陽。緩乃可服湯。泄不患多。治不厭速。蓋有三日之期。不可得也。二者皆陰陽氣閉之疾。大略相似。由是推之。則三陽合病之中。脉有負者。亦宜灸刺以治之。且如陽明少陽合病。其脉負者。少陽木氣盛也。瀉正虛陽陵泉。則少陽木氣不得不平。補三里。則陽明之土不得不旺。或不精補瀉者。第以刺爲瀉。灸爲補。古人皆有是法。如是。則雖死證亦有可生之理。所謂十人中可愈三四。未必不如孫氏之說也。按三陽穴在臂上。大交脉支溝上一寸。手少陽三焦經穴。左右各一。五會穴在足小指次指本節後。陷中。足少陽胆經穴。左右各一。委中穴在膝後。腓中。央約文動脉中。屈足取之。足太陽膀胱經穴。左右各一。正虛穴在足外踝下一寸。外廉陷中。去膝下三寸。陽陵泉在膝下一寸。外廉陷中。去膝下三寸。陽明經穴。左右各一。三陰交穴在內踝上。除蹠三寸。骨下陷中。足三陰之交會也。足太陰脾經穴。左右各一。妊娠不可刺。大敦穴在足大指端去爪甲如韭葉三毛中。足厥陰肝經穴。左右各一。上三三穴在兩臂。臨泣下二寸。兌肉之端。手陽明大腸經穴。左右各一。其崑崙正虛陰陵泉下三里。俱見前註。

陰陽交證治論

素問三十三曰。有病溫者。汗出輒復熱。而脉躁疾。不爲汗衰。狂言不能食。岐伯曰。病名陰陽交。交者死也。人所交爭於骨肉。而得汗者是邪却。而精勝也。精勝則當能

穀氣化爲陰精。泄於表爲汗出。今邪氣

至足汗出亦死陰陽俱進汗出已熱如故亦死陰陽俱退汗出已寒慄不止鼻口氣冷亦死

又曰熱病所謂并陰者熱病已得汗因得泄是謂并陰

故治治一作活

又曰熱病所謂并陽者熱病已得汗脉尚躁盛大熱汗

出雖不得出若衄者是謂并陽故治郭氏曰并陰陽二證諸書無所見以

類陰陽交故脉經繼之於後

### 附補亡論說

郭白雲曰傷寒兩感陰陽交二證皆出於素問仲景發

明兩感而不及陰陽交叔和載陰陽交而不及兩感

傷寒論集註外篇卷一

元

後世因仲景而明兩感之證獨陰陽交多所未解余

攻陰陽交之證大抵傷寒脉不為汗解者皆陰陽交

也何以不為汗解曰獨陰獨陽之病一汗則解陰兼

陽陽兼陰之疾一汗不能解蓋汗解其陰陽脉不得

退汗解其陽陰脉不得退此所以不為汗衰也然則

陰兼陽陽兼陰者何病也余悉索之則兩感之證似

之一日太陽與少陰俱病二日陽明與太陰俱病皆

陰兼陽陽兼陰也陰陽相兼而病故其病名曰交是

以太陽汗解而少陰未得解陽明汗解而太陰未得

解豈非因其相交而不為汗衰乎觀二證之言初若

不相符合二證陰陽之理則無異也故素問言兩感

不謂之病名主陰陽交則曰名曰陰陽交蓋兩感言

其始感陰陽交者著其名也故陰陽交之證有曰復

得汗脉靜者生是邪氣再出而復生也仲景亦曰發

表攻裏本自不同豈非再乎故遇斯疾者當參二證

而治之然則仲景發明兩感而不及陰陽交叔和載

陰陽交而不言兩感意豈異乎更俟賢哲明之

### 合病併病

龐安常曰凡三陰無合病惟三陽有合病其三陰三

陽相併而病者即兩感是也。合併病已見三陽經

傷寒論集註外篇卷一

平

今重列於下非惟便於檢按亦相附參考庶無差矣

太陽與陽明合病必自下利葛根湯主之

太陽與陽明合病不下利但嘔者葛根加半夏湯主之

太陽與陽明合病喘而胸滿者不可下宜麻黃湯兩經合病

而偏用麻黃湯者意在於肺也肺主氣氣逆則喘喘乃

太陽傷寒之本證胸乃陽明之部分喘而胸滿故為合

病肺不屬太陽陽明而太陽陽明合病之傷

寒治專在肺麻黃湯用之恰當何偏之有

太陽與少陽合病自下利者與黃芩湯若嘔者黃芩加

半夏生薑湯陽明間太少而居中太少合病陽明獨能

緩中黃芩除少陽寒熱而主腸胃下利太棗益胃甘草

和中是四味為湯非合三家而和調一氣乎然一氣也

下奪則利上逆則嘔半夏逐水生薑止嘔加所當加也

陽明少陽合病必下利其脉不負者順也負者失也互相尅賊名曰負也郭氏曰宜理中湯下利而厥者宜四逆湯其脉不弦者爲順脉弦者陽明

土負也急瀉工虛陽慶泉以泄少陽木急灸三里以補陽明土也

三陽合病脉浮大上關上但欲眠睡目合則汗但欲眠睡也少陽少血寒屬於陰虛則盜汗出也

三陽合病腹滿身重難以轉側口不仁而面垢譫語遺尿發汗則譫語益甚下之則額上生汗手足逆冷若自汗

出者白虎湯主之喻嘉言曰按三陽經之受外邪太陽則頭痛脊痛陽明則目痛鼻乾不得眠少陽則寒熱往來口苦乾嘔各有專司合病則兼司二陽三陽之證歸重於下利嘔喘胸滿之內證蓋以邪既相合其人腹內必有相合之徵驗也再按少陽篇傷寒六七日發熱微惡寒支節煩疼微嘔心下支結外證

傷寒論集註 外篇卷一 三

未去者柴胡桂枝湯主之一條其證全是太陽與少陽合併之象但內無下利其嘔甚微即不謂之合病心下支結又與心下痞硬時如結胸者不同即不謂之併病乃知合併之病重在內有合併之徵驗也後人於此等處漫不加察是以不知合病爲何病耳

太陽病項背強几几及汗出惡風者桂枝加葛根湯主之

太陽病項背強几几無汗惡風者葛根湯主之喻嘉言曰此二條雖不名合病其實乃合病之初證也頸屬陽明既於太陽風傷衛證中纔見陽明一證即於桂枝湯內加葛根一味太陽寒傷營證中纔見陽明一證即於麻黃湯內加葛根一味此天然不易之數率也然第二條不用麻黃全方加葛根反用桂枝全方加麻黃葛根者則以寒邪既欲傳於陽明胸間之喘必自止自可不用杏仁而頸項背俱是易於得汗之處故不用麻黃全方加葛根大發其汗也

太陽病項背強几几無汗惡風者葛根湯主之

二陽併病太陽初得病時發其汗汗先出不徹因轉屬陽明續自微汗出不惡寒若太陽病證不罷者不可下

下之爲逆如此可小發汗設面色緣緣正赤者陽氣怫鬱在表當解之熏之一作蒸之若發汗不徹不足言陽氣怫鬱不得越當汗不汗其人躁煩不知痛處乍在腹中乍在四肢按之不可得其人短氣但坐以汗出不徹故也

更發汗則愈何以知汗出不徹以脉濇故知也

二陽併病太陽證罷但發潮熱手足漿漿汗出大便難而譫語者下之則愈宜大承氣湯

太陽與少陽併病頭項強痛或眩冒時如結胸心下痞

傷寒論集註 外篇卷一 三

鞭者當刺大椎第一間肺俞肝俞慎不可發汗發汗則譫語脉弦五六日譫語不止當刺期門喻嘉言曰少陽併入太陽之邪則與結胸相似而實非也肝與膽合刺肝俞所以瀉膽也膀胱不與肺合然肺主氣刺肺俞以通其氣斯膀胱之氣化行而邪自不能留發汗則譫語與合病木盛剋土之意同脉弦亦合病內少陽勝而陽明負之互詞所以刺期門隨木邪之實而瀉之也。按大椎穴在項後第一椎上陷中肺俞穴在第三椎下去脊三寸肝俞穴在第九椎下去脊二寸

太陽少陽併病心下鞭頸項強而眩者當刺大椎肺俞

肝俞慎勿下之通下條看

太陽少陽併病而反下之成結胸心下鞭下利不止水漿不下其人心煩誤下之變至結胸下利上下交征而陽明之居中水漿不入此之太陽一

漿不下其人心煩

經之結胸殆有甚焉其人心煩似不了之語然太陽經結胸證悉具煩躁者死此謂其人心煩者死乎

本太陽病不解轉入少陽者脇下鞭滿乾嘔不能食往來寒熱尚未吐下脉沉緊者與小柴胡湯

### 結胸證

結胸痞氣陽毒陰毒狐惑百合六證雖有見於前證中者而龐氏皆以其異證故別列於後今益以斑黃血衄爲十證

問口病有結胸有藏結其狀何如曰按之痛寸脉浮關脉沉名曰結胸龐氏曰寸脉浮關上尺中皆沉或沉緊

何謂藏結答曰如結胸狀飲食如故時時下利寸脉浮

傷寒論集註

外篇卷一

三

關脉小細沉緊名曰藏結舌上白胎滑者難治常氏曰可刺關

元穴在

臍下藏結無陽證不往來寒熱一云寒而不熱其人反靜舌上胎滑

者不可攻也常氏曰可刺關元穴

病人脇下素有痞連在臍旁痛引小腹入陰筋者此名

臍結死常氏曰可刺大赫穴在腹部第二行氣穴下一寸去中行五分係足少陰腎經穴

病發於陽而反下之熱入因作結胸病發於陰而反下

之因作痞所以成結胸者此下之太早故也

若心下滿而硬痛者此爲結胸也大陷胸湯主之但滿

而不痛者此爲痞宜半夏瀉心湯

結胸證其脉浮者不可下下之則死朱氏曰宜發汗也脉浮是表證以小

柴胡湯先發表表證罷後以結胸藥下之常氏曰用巴豆黃連餅子封臍中灸之

結胸證悉具煩躁甚者死

太陽病脉浮而動數浮則爲風數則爲熱動則爲痛數

則爲虛頭痛發熱微盜汗出而反惡寒者表未解也醫

反下之動數變遲膈內拒痛胃中空虛客氣動膈短氣

躁煩心中懊憹陽氣內陷心下因鞭則爲結胸大陷胸

湯主之此即病發於陽而反下之之證若不結胸但頭汗出餘處無汗

刺頸而還小便不利身必發黃也可茵陳蒿湯郭氏曰單服茵陳濃汁調五

苓散亦可

傷寒論集註

外篇卷一

五

傷寒六七日結胸熱實脉沉而緊心下痛按之石硬者

大陷胸湯主之

傷寒十餘日熱結在裏往來寒熱者與大柴胡湯但結

胸無大熱者此爲水結在胸脇也但頭微汗出者大陷

胸湯主之

太陽病重發汗而復下之不大便五六日舌上燥而渴

日晡所小有潮熱從心下至少腹硬滿而痛不可近者

宜大陷胸湯

小結胸證正在心下按之則痛脉浮滑者小陷胸湯主

之

太陽病二三日不得臥但欲起心下必結脉微弱者此  
本有寒分也反下之若利止必作結胸利未止者四日  
復下之此作協熱利也常氏曰脉微弱有寒者可增損  
理中丸結胸者大小陷胸湯協

熱利者白  
頭翁湯

太陽病下之後其脉促不結胸者此爲欲解也脉浮者  
必結胸脉緊者必咽痛脉弦者必兩脇拘急脉細數者  
頭痛未止脉沉緊者必欲嘔脉沉滑者協熱利脉浮滑  
者必下血

病在陽應以汗解之反以冷水灌之誤之其熱被却不  
得去彌更益煩肉上粟起意欲飲水反不渴者服文蛤

傷寒論集註 外篇卷一

蓋

散若不差者與五苓散寒實結胸無熱證者與三物小  
陷胸湯白散亦可麗氏曰無熱證者宜三物白散小陷  
胸湯非也愚謂熱者小陷胸湯寒者

三物白散疑經  
文必有誤字

結胸者項亦強如柔瘕狀下之則和麗氏言宜  
大陷胸湯

太陽少陽併病而反下之成結胸心下硬下利不止其

人心煩常氏曰可半夏  
生薑二瀉心湯

附諸家說

活人書云西晉崔行功云傷寒結胸欲絕心膈高起手  
不得近服大陷胸湯不差者此是下後虛逆氣已不  
理而毒復上攻氣毒相搏結於胸中當用枳實理中

丸先理其氣次療諸疾古今用之如神應手而愈常  
氏所謂增損理中丸是也

又曰結胸有三種有大結胸不按而胸痛連腹堅硬大  
陷胸湯主之有小結胸者按之心下痛小陷胸湯主  
之有水結胸在膈間亦名結胸小半夏加茯苓湯小  
柴胡去棗加牡蠣主之又有寒熱二證有熱實結胸  
者胸中煩躁心內懊懣舌上燥渴脉沉滑者皆熱證  
也大陷胸湯主之有寒實結胸無熱證者三物白散  
枳實理中丸主之

麗氏曰近世治結胸多用鍼頭丸用硫黃陽起石者若  
傷寒論集註 外篇卷一

美

病熱毒甚者必死惟治冷結寒實耳

王仲弓曰治結胸當用小陷胸湯甚佳大陷胸湯太峻  
如不得已則用大陷胸丸脉浮者不得用也宜小陷  
胸枳實理中丸結胸用黃連巴豆灸法得解心下痞  
硬宜旋覆代赭湯若外未解胸滿脇痛者宜小柴胡  
湯郭氏曰凡用仲景藥皆當准此爲式蓋古今不同  
病人氣血不能勝藥醫者又不如古人精於診視故  
用藥寧不及無太過如脉浮者尤宜用發表藥表證  
罷以結胸藥治之

心下痞證

病發於陰而反下之因作痞朱氏曰傷寒本無痞因身

理中先最良

心下但滿而不痛名為痞宜半夏瀉心湯朱氏曰此湯

參黃芩湯也審知是痞先用枳實瀉心湯尤妙緣枳實枯梗行氣下膈故先之 瀉心湯朱氏曰設使下後津液入裏胃虛上逆寒結在心下故宜用辛甘發散之今用半夏以

下氣用苦以去濕兼通心氣又甘草力大使乾薑黃連不相惡此用半 夏瀉心湯意也

脈浮而緊而復下之緊反入裏則作痞按之自濡但氣痞耳

心下痞按之濡其脈關上浮者大黃黃連瀉心湯主之

麗氏曰寒濕迫心氣不行欲作熱也未氏曰結胸與痞關脈皆須沉若關浮則熱結故用此湯也

傷寒論集註

外篇卷一 心下痞而復惡寒汗出者附子瀉心湯主之

本以下之故心下痞與瀉心湯痞不解其人渴而口燥煩小便不利者五苓散主之

傷寒汗出解之後胃中不和心下痞硬乾噎食臭脇下有水氣腹中雷鳴下利者生薑瀉心湯主之麗氏曰胃中不和為

少陽木氣所制故用生薑之辛味

傷寒中風醫反下之其人下利日數十行穀不化腹中

雷鳴心下痞硬而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣

上逆故使鞭也甘草瀉心湯主之麗氏曰胃虛故加甘味

傷寒服湯藥下利不止心下痞硬服瀉心已復以他藥

下之利不止醫以理中與之利益甚理中者理中焦此利在下焦赤石脂禹餘糧湯主之復不止當利其小便

麗氏曰宜五苓散

傷寒大下後復發汗心下痞惡寒者表未解也不可攻

痞當先解表表解乃可攻痞解表宜桂枝湯攻痞宜大黃黃連瀉心湯麗氏曰前證加附子是汗出多而惡寒汗而惡寒故先須解表而裏結未除也此證是發汗無

結胸與痞表未解者不可攻也

傷寒發熱汗出不解心下痞硬嘔吐而下利者大柴胡湯主之麗氏曰汗出嘔吐下利是胃中津液燥

裏有結實非胃虛也故大柴胡湯下之

傷寒論集註

外篇卷一

天

傷寒發汗若吐若下解後心下痞硬噎氣不除者旋覆代赭湯主之朱氏曰有旋覆代赭湯證其人或欬逆氣虛先服四逆湯胃寒先服理中丸次服此

良湯

太陽病外證未除而數下之遂協熱而利利不止心下

痞硬表裏不解者桂枝人參湯主之

傷寒吐下後發汗虛煩脈甚微八九日心下痞硬脇下

痛氣上衝咽喉眩冒經脈動惕者久而成痿常氏曰可服茯苓甘

草白朮生薑湯

太陽中風下利嘔逆表解者乃可攻之其人漿漿汗出

發作有時頭痛心下痞硬滿引脇下痛乾嘔短氣汗出

不惡寒者此表解裏未和也十棗湯主之朱氏曰此湯證罷身涼不惡寒者乃可用若表未解者切不可用也郭氏曰十棗湯乃攻裏太峻藥非和裏藥也誤用殺人常氏言此證傳寫之誤故朱氏亦畏而戒之

太陽病醫發汗遂發熱惡寒因復下之心下痞表裏俱虛陰陽氣竝竭無陽則陰獨復加燒鍼因胸煩面色青

黃膚瞶者難治今色微黃手足溫者易愈常氏曰痞者可生薑瀉心湯發熱惡寒可小柴胡湯火逆可桂枝去芍藥加蜀漆牡蠣龍骨救逆湯

病如桂枝證頭不痛項不强寸脉微浮胸中痞鞭氣上衝咽喉不得息者此為胸有寒也當吐之宜瓜蒂散

太陽少陽併病心下鞭頸項强而眩者當刺大椎肺俞

傷寒論集註

外篇卷一

完

肝俞切勿下之

太陽病寸緩關浮尺弱其人發熱汗出復惡寒不嘔但

心下痞者此以醫下之也郭氏曰此證汗出惡寒發熱表證未罷宜先服柴胡桂枝湯次服枳實理中丸

太陰之為病腹滿而吐食不下自利時腹自痛若下之

必心下結鞭常氏曰可桂枝加芍藥湯增損理中丸

陽明病心下鞭滿者不可攻之攻之遂利不止者死常氏曰可半夏瀉心湯已

攻而利者四逆湯

脉雙弦而遲者必心下鞭脉大而緊者陽中有陰也可

下之宜大承氣湯

附活人書說

活人書曰外證未解而心下妨悶者非痞也謂之支結柴胡桂枝湯主之胸脇滿微結小柴胡加乾薑牡蠣湯主之

傷寒論集註

外篇卷一

三

傷寒論集註外篇卷二

東吳徐

大訥吳士

長洲蔣

姪徐秉鈞衡望

男徐維鈞衡範

瘀血便血清血證

太陽病不解熱結膀胱其人如狂血自下下者愈其外未解者尚未可攻當先解外屬桂枝湯外解已血未下但小腹急結者乃可攻之宜桃仁承氣湯

攻也

太陽病六七日表證仍在脈微而沉反不結胸其人發狂者以熱在下焦小腹當鞭滿小便不利者下血乃愈所以然者以太陽隨經瘀熱在裏故也宜下之抵當湯主之

太陽病身黃脈沉結小腹鞭滿小便不利者為無血也

小便自利其人如狂者血證諦也抵當湯主之

利為無血者是五苓散證也

傷寒有熱小腹滿應小便不利今反利者為有血也當下之不可餘藥宜抵當湯

陽明證其人喜忘者必有蓄血所以然者本有久瘀血故令喜忘屎雖鞭大便反易其色必黑宜抵當湯下之

病人無表裏證發熱七八日雖脈浮數者可下之假令

已下脈數不解合熱則消穀善飢至六七日不大便有

瘀血者宜抵當湯

少陰病八九日一身手足盡熱者此熱在膀胱必便血

也

傷寒熱少厥微指頭寒默默不欲食煩躁數口小便利

色白者此熱除也欲得食其病為愈若厥而嘔胸脇煩

滿者其後必便血

淋家不可發汗發汗必便血

太陽病以火熏之不得汗其人必躁到經不解必清血也

也

附郭氏說

郭氏曰病有輕重治之亦有輕重且如瘀血一證用抵

當丸不可易也若病輕或治之早者只服犀角地黃

湯若證稍重治之略遲則用桃仁承氣湯其重及治

之遲者方用抵當湯丸他證用藥倣此

衄血吐血證

太陽脈浮無汗發熱身疼痛八九日不解表證仍在此



當發其汗麻黃湯主之原文此服藥已微除其人發煩  
目瞋劇者必衄衄乃解所以然者陽氣重故也

太陽病脈浮緊發熱身無汗自衄者愈

傷寒脈浮緊不發汗因致衄者麻黃湯主之

傷寒不大便六七日頭痛有熱者未可與承氣湯其小

便清者知不在裏仍在表也當須發汗宜桂枝湯原文此句

在若頭痛者必衄常氏曰疑字誤也設須發汗當用麻

末而反郭氏曰此證不言有汗無汗故後人用藥有疑

然反覆詳讀亦無可疑者仲景以病仍在表雖當發汗

而裏證不大便已六七日既不敢用承氣湯攻裏又不

宜以麻黃湯發汗故用桂枝湯微逐表邪表解若見可

痛者必衄六字是此證中一小變證仲景不言治衄法

傷寒論集註外篇卷二 三

蓋以其初裏證似重後言仍在表者是表證輕也表輕

則衄而解矣雖桂枝亦不當服移宜桂枝湯四字於當

須發汗之下看則義曉然矣

陽明病口鼻燥但欲嗽水不欲嚥者此必衄常氏曰可

脈浮發熱口乾鼻燥能食者必衄常氏曰可

動氣在右不可發汗汗則衄而渴心苦煩飲則吐水郭

氏曰此有衄渴吐水三證故龐氏先五苓散

止渴次竹葉湯以止煩煩止則衄退矣

### 附諸家說

王仲弓曰久衄之家既已亡血故不可汗今緣失發其

汗致衄當分其津液乃愈

龐安常曰脈浮緊無汗服湯未中病其人發煩目瞋極

者必衄小衄而脈尚浮者宜麻黃湯衄後脈已微者

不可再行也凡脈浮自汗服湯不中病桂枝證尚在

頭痛者必致衄小衄而脈尚浮者再與桂枝湯衄已

脈微者不可再行也郭氏曰此分有汗無汗麻黃桂

枝脈浮脈微最為當理以是論之則小衄者有發汗

分津液之理大衄者病必自解當聽之惟慮其衄不

肯止則依活人書以藥止之若小衄發汗不得汗則

反成大衄也鼻衄不止活人書以茅花濃煎汁止之

如無花以根代

少陰病但厥無汗而強發之必動其血未知從何道出

傷寒論集註外篇卷二 四

或從口鼻或從目出是名下厥上竭為難治

咽喉閉塞不可發汗發汗則吐血氣欲絕手足厥冷欲

得蹶臥不能自溫常氏曰咽中閉塞可小柴胡湯發汗

者當歸四逆湯郭氏曰宜灸三陰交湧泉

穴切勿服小柴胡湯。按湧泉穴在足心

附治血證諸方

犀角地黃湯方

犀角 磨汁 生地 各二錢

大黃 三錢

黃連 黃芩 各一錢

右咬咀以水二鍾煎一鍾入犀角汁和勻溫服

藥皮湯方

葉皮 三錢

黃芩

黃連 各二錢

右咬咀以水二鍾煎至一鍾去滓入阿膠一錢半煎烱溫服

狐惑病證治 愚病附

金匱要略曰狐惑之為病狀如傷寒默默欲眠目不得

閉臥起不安蝕於喉為惑蝕於陰為狐不欲飲食惡聞

食臭其面目乍赤乍白乍黑趙以德曰狐惑者為蟲蝕上下也世謂風中有蟲凡

蟲自風生固矣然風陽也獨陽不生必有所憑而後化蓋因濕熱久停蒸腐氣血而成瘡獨於是風化所腐為

蟲矣設風不由濕熱而從寒涼者肅殺之氣縱有腐物蟲亦不化也由是知此病也蟲生於濕熱敗氣瘡血之

中其來漸矣至極乃發非若傷寒一日而暴病者也然然欲眠目不得閉臥起不安者皆五臟久受濕熱傷其

傷寒論集註 外篇卷二 五

陰精衛不內入神不內寧故也不欲食惡聞食臭者倉廩之府傷也面目乍赤乍白乍黑者五臟不足更為衰

壯迭見其色也蟲從濕熱之極處所發者而蝕之故或蝕於喉或蝕於陰也

蝕於上部則聲喝一作甘草瀉心湯主之趙以德曰蝕

心肺外傷咽喉肺為氣之主咽喉為聲音之戶由是其聲啞矣甘草瀉心治其濕熱分利其小便而黃連非惟

治心脾熱而亦治蟲然則與瀉心湯治痞之意蓋迥乎異也

蝕於下部則咽乾苦參湯淹洗之趙以德曰蟲蝕下部

所在任脈附焉腎水也濕熱於下則蟲蝕於下而腎水受傷經脈乏水以資之使濕熱逆而燥其咽隘故用

苦參湯洗苦參能除熱毒療下部蟲因以洗之雖然此

外治之法耳若究其源病自內而出者豈獨治其標而

已哉自上部用瀉心湯者觀之則上部咽喉亦必有外治之藥自下部有洗法者觀之則上部咽喉亦必有外治之

理仲景特交互發之後之學者當反隅而自得也

蝕於肛者雄黃散熏之千金方肛字下有外字。脈經云病人或從呼吸上蝕其咽或

從下焦蝕其肛陰蝕上為惑蝕下為狐狐惑病者皆主散主之趙以德曰蝕於肛濕熱在下二陰雖皆主於

腎然肝脈循於肛肛又為大腸之門戶大腸金也濕熱傷之則木來侮是以蟲蝕於此焉雄黃本主蠱瘡殺蟲

又有治風之義故用熏之脈經諸苓散主之者亦分別濕熱之意耳

苦參湯洗方

苦參 八兩

槐白皮

狼牙根 各四兩

右三味以水五升煎取三升半洗之 一方獨用苦

參煎湯洗

雄黃散熏方

雄黃 一合

傷寒論集註 外篇卷二 六

右一味為末以筒瓦二塊合之燒向肛門熏之使其

氣達於大腸

病者脈數無熱微煩默默但欲臥汗出初得之三四日

目赤如鳩眼七八日目四皆黑若能食者膿已成也赤

小豆當歸散主之龐氏皆作週一本皆下有黃字。趙

在血不在衛故不發熱但微煩耳汗出者以血病不與

衛和血病則惡煩故欲微煩耳不和則陽陷故欲臥勝理

因開而津液泄也三四日目赤如鳩眼者熱血循脈理

上注見於目也七八日目四皆黑者其血凝畜則色變

成黑也若能食膿已成者濕熱之散漫則毒血流而中

焦之氣無擾故能食也赤小豆能消熱毒散惡血治煩

膿補血脈用之為君當歸補血生新去陳為佐藥水味

酸解熱毒療煩入血轉使也

赤小豆當歸散方

赤小豆一升浸令芽出暴乾 當歸一兩

右爲細末漿水調服方寸七日三服漿酢也吹粟米熱投冷水中五

七日生白花色類漿者

千金方曰傷寒不發汗變成狐惑狐惑者此自傷寒氣

而變也又曰此由濕毒氣所爲也濕當作溫

活人書曰狐惑與蠱證或初得狀如傷寒或因傷

寒成此疾郭白雲曰狐惑與蠱雖二病治法不相遠也

是證也凡熱病皆能生蟲也

又曰大抵傷寒病腹內熱入食少腸胃空虛三蟲行作

傷寒論集註外篇卷二 七

求食蝕人五臟及下部爲蠱病其候齒無色舌上盡白

甚者唇黑有瘡四肢沉重忽忽喜眠蟲蝕其肛爛見五

臟則死當數看其上下唇上唇有瘡蟲蝕其臟下唇有

瘡蟲蝕其肛也殺人甚急多因下利而得治蠱桃仁湯

黃連犀角湯雄黃銳散主之病源作上唇內下唇內

桃仁湯方

桃仁去皮尖雙仁者炒 槐子碎 艾葉各一兩

棗十五枚去核

右以水二大盞半煎至一盞半分三服

黃連犀角湯方

黃連半兩 犀角一兩鎊 木香一分

烏梅七箇

右以水二大盞半煎至一盞半分三服

雄黃銳散方

雄黃研 青箱子 苦參

黃連 桃仁去皮尖研各一分

右爲散以生艾搗汁和如棗核大綿裹內下部扁竹

汁更佳冬無艾只用散綿裹內下部亦得

附錄補亡論說

郭白雲曰狐惑蠱病亦多有之因醫者既汗又吐或又

傷寒論集註外篇卷二 八

下或利小便亡津液太過熱毒內攻臟腑枯焦蟲不

得安故上下求食亦有不發汗內熱枯焦而成者凡

人之喉及陰肛皆有是其他肌肉津潤處蟲緣津潤

而食之蠱病又不止因傷寒而成多自下感之因居

濕地下利不止日久者必得依朱氏服湯用銳散若

在肛外可見用蘆苳龍膽塗之尤妙然必先湯內攻

而後淋洗外塗也夏秋之交小兒因下利感此疾尤

多當須淋洗肛外頻視之見細紅點初有卽急治之

稍遲則增多經宿卽十數倍如倉卒不能辨只先以

蘆苳赤小豆塗之他藥能殺蟲而不能毒人者亦可

用醫工不識誤小兒多矣若夫湯淹之法屢驗

百合病證治

金匱要略曰百合病者百脉一宗悉致其病也意欲食復不能食常默默然欲臥復不得臥欲出行復不能行飲食或有美時或有不聞食臭時如有寒實無寒如有熱實無熱口苦小便赤千金作至朝口苦小便赤澀諸藥不能治得藥則劇吐利如有神靈所加者身形如和其脉微數其候每溺時覺頭痛者六十日乃愈溺時頭不痛淅淅然寒者四十日愈若溺時覺快然但頭眩者二十日愈其證或未病而預見或病四五日而出或病二十日或傷寒論集註外篇卷二九

附錄趙氏衍義說

趙以德曰經脉十二絡脉十五此云百脉果何脉歟蓋脉者血之府卽是血行於脉灌溉表裏聯絡俞會遍布形體言其百者舉夫數之衆多也猶言百骸爾且脉之循行與天地合度應水漏百刻是故脉之流行各有定位因之而爲百脉亦宜矣又何以一宗而悉

致病乎蓋盡歸手心主也而手心主主血脉而心

又火之主心君也君不用事而手心主代之由是手

心主得專行一身陰血之生化因號之爲母氣百脉

皆宗之若火淫則熱熱畜不散則積積則毒生而傷

其血熱毒之血流於脉本因母氣之淫邪是故百脉

一宗悉致其病也考之素問有解你證與此百合證

無少異解你既屬之熱中無血百合豈非亦是熱中

無血者乎血屬陰陰者腎水之所主內經曰腎虛則

飢不欲食故欲食復不能食也陰虛者惡煩所以常

默默也衛氣者夜行陰則寐今衛氣因陰虛不得降

故欲臥而不得臥也足得血則能步血既病於是欲

行不能行也飲食者由血氣運化而後安脾屬血而

喜香血時和則食美時不和則聞食臭也氣陽而血

陰若氣盛則熱氣衰則寒今病在血不干於氣所以

雖如寒而無寒雖如熱而無熱也血氣和合則流通

不和則塞塞則熱生上熱爲口苦下熱爲便赤也藥

雖治病然必藉胃氣以行之若毒血在脾胃經絡而

閉塞之藥雖入亦莫行也胃弱不安於藥者得藥則

反劇吐利有如鬼神之爲祟也病不在皮肉筋骨則

身如和惟熱在於血而血虛故脉微數也脉之微數

傷寒論集註外篇卷二

十

陰之虛也陰虛則腎虛腎與膀胱爲表裏腎虛則膀胱不得引精於腎而亦虛膀胱之脉下入會陰上至巔爲諸陽主氣今溺而膀胱之脉爲氣下泄輕則不能舉之於上而上虛上虛則漸然頭眩重虛氣逆上於巔而爲頭痛此之輕重可知愈口之遠近也夫病有定所則可言定期今以百脉之病故其證之發見亦無定期或未病而見或數日一月而見用是以察其病之表裏淺深出見形狀如下文陰陽見者隨證而救之

治汗後百合病百合知母湯

傷寒論集註 外篇卷二

百合十枚 知母一兩半

土

百合先洗漬一宿當白沫出去其漬水別以新泉水一升半煮百合去滓又別以泉水一升煮知母去滓同百合湯再煮至一升分溫三服

治下後百合病滑石代赭湯

百合十枚 滑石一兩半 代赭石半兩

如前方煎服

治吐後百合病百合雞子湯

百合十枚 雞子黃二枚

如前漬煎百合去滓內雞黃攪勻煎五分溫服

治不經汗吐下百合病形如初者百合地黃湯

百合十枚 地黃汁半斤

如前漬煎去滓內地黃汁煎一升五合分溫再服中病卽止大便當如漆

治百合病一月不解變成渴者百合湯洗之

百合一升

更以水一斗煎數沸洗周身慎風仍食白湯餅勿以鹽豉也

治百合病渴不差者括蕒根牡蠣散主之

括蕒根無黃脉者 牡蠣粉等分

傷寒論集註 外篇卷二

三

右爲細末飲調方寸七日三服

治百合病變成發熱者百合滑石散

百合一兩 滑石三兩

右爲細末清飲調方寸七當微利熱則除已利勿服未利再服

附趙氏衍義說

趙以德曰日華子謂百合安心定膽益志爲能補陰也治產後血暈爲去血中熱也除痞滿利大小便爲能導滌血之瘀塞也而是證用之爲主若汗之而失者是涸其上焦也上焦陽也陽宜體輕之藥故用知母

佐以救之知母瀉火生津液潤心肺若下之而失者則損其陰瘀血下積而下焦陰也陰宜鎮重之劑故用滑石代赭佐以救之滑石開結利竅代赭除脈中風痺瘀血若吐而失者則損上中二焦之血用雞子黃補血佐以救之若不經吐下發汗未有所治之失病形得如初者但佐以生地黄汁補血涼血涼則熱毒消補則新血生蘊積者行而自大便出如黑漆矣其一月不解百脈壅塞津液不化而成渴者故用百合洗則一身之脈皆得通暢而津液行其渴自止勿食鹽豉以味鹹而凝血且走之也若渴不差是中無

傷寒論集註

外篇卷二

三

津液則以括蕤牡蠣主之若變發熱者乃因脈塞鬱而成熱以滑石通利佐之滑石性涼又可治熱血之積塞者自微利而出故熱除矣夫百合病自見金匱要略後諸方書皆不收獨朱奉議收之謂傷寒變成斯疾此乃病由之一端爾切嘗思之是病多由心生或因情欲不遂或因離絕苑結或憂惶煎迫致二火鬱之所成百脈既病故百體皆不安所以見不一之病狀自今觀之諸方書不收百合病乃有勞瘵之名殆將以百合病與勞瘵同形狀或瘀血積於脈亦同因而不收并其方而棄之深為可惜

百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復下之此為逆

附千金方補亡論及程氏說

千金方曰百合病見在於陰而攻其陽則陰不得解也復發其汗為逆也見在於陽而攻其陰則陽不得解也復下之其病不愈

郭白雲曰金匱之意謂見陽當攻陰若不攻陰而發其汗則為逆見陰當攻陽若不攻陽而復下之亦為逆此為易明千金言見陰攻陽陰未解之間不可復發

傷寒論集註

外篇卷二

四

汗恐陽再受攻故為逆見陽攻陰陽未解之間不可復下之恐陰再受攻其病不愈其意難明

新安程雲來曰百合病得之於陰陽俱虛此言不可下不可汗也見陽不足則調其陰以養陽見陰不足則和其陽以養陰內經曰用陰和陽用陽和陰是卽以法救之之意豈一汗下便盡治百合之法乎以上諸證有一可汗下者乎觀者無泥可也

陽毒陰毒證

金匱要略曰陽毒之為病面赤斑斑如錦文咽喉痛吐膿血五日可治七日不可治升麻鱉甲湯主之

陰毒之爲病面目青身痛如被杖咽喉痛五日可治七日不可治升麻鱉甲湯去雄黃蜀椒主之

升麻

甘草

當歸

蜀椒

炒去汗

雄黃

鱉甲

右六味以水四升煮取一升頓服之老少再服取汗

肘後千金方陽毒用升麻湯無鱉甲有桂陰毒用甘草湯無雄黃。赤按陰陽二毒不見於玉函經傷寒論二書叔和脈經論證二條陽毒用升麻湯陰毒用甘草湯都不載方味金匱要略合爲一治曰陰毒陽毒升麻鱉甲湯主之龐氏升麻甘草二湯方味皆同又與要略異趙以德雖發明要略方旨然二證一治終屬可疑惟活人書二方用藥不同差可依據今備錄之以俟能者論定焉

傷寒論集註

外篇卷二

五

附錄諸家說以明方旨

趙以德曰按古方書謂陽毒者陽氣獨盛陰氣暴衰內外皆陽故成陽毒謂陰毒者陰氣獨盛陽氣暴衰內外皆陰故成陰毒二者或傷寒初得便爲是證或服藥後變而成之陽毒盡治以寒涼陰毒盡治以溫熱藥劑如冰炭之異何仲景用一方治之乎雖曰陰毒者去雄黃蜀椒則是反去其溫熱者矣且註曰肘後千金方云陽毒用升麻湯無鱉甲有桂陰毒用甘草湯無雄黃豈非皆是熱毒之傷於陰陽二經絡耶在陽經絡則面赤斑斑如錦文吐膿血在陰經絡則面

傷寒論集註

外篇卷二

六

青身如被杖此皆陰陽水火動靜之本象如此豈是寒熱之邪乎嘗以升麻鱉甲之藥考諸本草謂升麻能解時氣毒厲諸毒攻咽喉痛與熱毒成膿血開壅閉療發斑當歸能破惡血養新血補五臟肌膚甘草和中利血脉緩急止痛調養奏功鱉甲去惡血雄黃破骨節積聚辟鬼邪惡風骨蒸熱極蜀椒通血脉調關節療死肌去雷結破血治天行時氣諸藥所能如此卽此觀之仲景於陰陽二毒之證總用一方蓋可知矣病形雖由陰陽發證論邪則一屬熱毒與血病也所以不分表裏俱以升麻解熱毒爲君當歸和血爲臣餘者佐之而已但雄黃蜀椒理陽氣藥也故病在陰者去之如肘後千金陽毒去鱉甲有桂枝者鱉水族乃陰中之陽不如桂枝能調陽絡之血陰毒不去蜀椒者蜀椒亦陰中之陽非若雄黃陽中之陽故畱之以治陰也方旨如此而已所謂五日可治七日不可治者五日乃土之生數熱未極也尚可以治七日爲火之成數熱之極陰陽消滅不可治矣其邪比傷寒加之以毒故傷寒至七日猶得再經而此至七日不惟滅其陰且火極亦自滅矣

脈經曰陽毒爲病身重腰背痛煩悶不安狂言欲走或

見鬼或吐下利其脉浮大而數面赤斑斑如錦文咽  
喉痛唾膿血五日可治七日不可治有傷寒二三日  
便成陽毒或服藥吐下後變成陽毒升麻湯主之陰  
毒爲病身重背強腹中絞痛咽喉不利毒氣攻心心  
下堅硬短氣不得息嘔逆唇青面黑四肢厥冷其脉  
沉細緊數身如被杖五日可治七日不可治或傷寒  
一二日便成陰毒或服藥六七日以上至十日變成  
陰毒甘草湯主之

龐安常載陰陽二毒證文與脉經同升麻甘草二湯藥  
味俱同惟分兩異耳較之要略升麻鱉甲湯多一味

傷寒論集註

外篇卷二

二

桂枝

活人書曰傷寒陽氣獨盛陰氣暴絕必發躁狂走妄言  
面赤咽痛身斑斑若錦文或下利黃赤脉洪實或滑  
促宜用酸苦之藥令陰氣復而大汗解矣陽毒升麻  
湯

又曰陰毒之爲病初得病手足冷背強咽痛糜粥不下  
毒氣攻心小腹短氣四肢厥逆嘔吐下利身如被  
杖宜服陰毒甘草湯

又曰近人治傷寒脉洪大內外結熱舌卷焦黑鼻如烟  
煤者以水漬青布薄之疊布數重新水漬之稍揆去

水搭於胸上須臾蒸熱又漬冷冷如前薄之仍換新  
水日數十易熱甚者置人於水中熱勢纔退卽已亦  
良法也○郭氏曰置病人於水中之法勢甚不得已  
雖可用亦難用須內熱少衰外熱未解則可不然水  
迫外熱併歸於內則不可支也大抵狂躁與傷寒下  
證不同下證只坐臥不安陽毒則必欲起走且有  
力人不能制雖見江河亦入也亦有偶然得解者非常  
道也嶺南熱瘴取蚯蚓研爛新汲水漬取清汁飲之  
余嘗苦病後潮熱以冷水調獺肝服之則止

龐氏曰或素表氣虛冷始得便成陰毒或因涼藥冷物  
傷寒論集註

外篇卷二

六

所變多在四五日間也服甘草湯仍作返陰丹  
又曰陰毒脉沉微欲絕四肢逆冷大躁而渴不止附子  
飲子

活人書曰陰盛傷寒心間煩躁四肢逆冷返陰丹主之  
○郭氏曰朱氏返陰丹比之龐氏加附子乾薑桂爲  
六物其灸法臍下一寸間若其人手足冷少腹硬卽  
更於臍下兩邊各一寸三處齊灸之仍與四逆返陰  
二藥頻服方可解退若加以小便不利及陰囊縮入  
小腹絞痛欲死更於臍下三寸石門穴灸之仍服前  
藥切不可與尋常利小便藥也



活人書又曰若陰毒已深疾勢困重六脉附骨取之方有按之則無一息八至以上或不可數至此則藥餌難爲功矣但於臍中用葱熨法或灼艾三五百壯手足不溫不可治也如手足溫更服前藥以助之若陰散陽回則漸減熱藥而調治之熱氣乍復往往煩躁切不可投涼藥煩躁甚者再與返陰丹則定也

又曰六脉俱浮大沉取之而不甚疾者非陰證也大抵陽毒傷寒其脉多弦而洪數陰毒傷寒其脉沉細而弦疾

又曰陽毒則身熱而無汗陰毒則身冷而有汗岐伯曰

傷寒論集註

外篇卷二

尤

陽盛則身熱腠理開喘粗爲之俛仰汗不出而熱陰勝則身寒汗出身常清數慄而寒寒而厥

郭白雲曰從兄盛年時健不善攝生極飲冷酒食冷物內外有所感初得疾便身冷自利手足厥額上冷汗不止遍身痛呻吟不絕偃臥不能轉側心神昏憤恍惚呼醫視之治不效余言曰此疾甚重而人甚靜又覺昏憤身重不能起自汗自利四肢厥此陰病無疑又遍身痛不知處所則身如被杖陰毒證也安得不急治醫者之謬誤不足聽乃急令服四逆湯灸關元及三陰交未知加服九鍊金液丹利厥汗皆少止稍

緩藥艾則諸證復出再急救治如此進退者三比三日兩夜灸十餘壯服金液六十餘粒四逆湯一二斗方能住火灸湯藥陽氣雖復而汗不出證復如太陽證未敢服藥以待汗二三日大煩躁飲水次則譫語斑出熱盛無可奈何復與調胃承氣湯得利大汗而解陰陽反覆有如此者前言煩躁不可投涼藥此則可下證具非止小煩躁而已故不同也

關元穴在臍下三寸

附治陰陽二毒諸方

陽毒升麻湯方

升麻 二分

犀角

射干

黃芩

傷寒論集註

外篇卷二

干

人參

甘草 各一分

右咬咀以水一盞半煮取一盞溫服食頃再服溫覆手足出汗則解不解重作

陰毒甘草湯方

甘草

升麻

當歸

桂枝 各二分

鱉甲 一分  
半 蜀椒 一分

右咬咀每服五錢以水一盞半煎至八分去滓溫服如人行五里頃更服溫覆取汗毒從汗出愈未汗再作

返陰丹方

硫黃五兩 研末 太陰玄精石味塩者 研細 硝石研末 各二兩

右用鐵銚子先鋪玄精石一半次鋪硝石一半中間下硫黃又以硝石蓋硫黃又以玄精石蓋之用蓋子合定用三觔炭火燒令得所勿以烟出多急取出以瓦盆合地下四面灰擁勿令烟出直候冷取起細研蒸餅丸豌豆大艾湯下十五丸病重者加二三十丸此法甚驗喘促吐逆者入口便安服此藥三五服不退便於臍下一寸半灸之須大炷百壯未愈可至二百壯若手足極冷小便澀小腹鞭疔痛囊縮即更於臍下四寸灸之如前法仍與當歸四逆加吳茱萸湯

傷寒論集註 外篇卷二

三

同返陰丹頻頻與服內外迫逐方可解若稍緩則死矣慎勿與尋常利小便藥此是陰毒氣結在小腹所致也有以炒鹽及熱藥熨臍下者其冷氣在小腹被熱物所熨無處逼出即奔上衝心其死尤速也當先服溫劑然後熨之則有益

附子飲子湯

附子一枚炮去皮尖四破

右以水九升煎至三升去滓入瓶油紙封固沉井底候極冷取飲之仍下硫黃丸甚妙

治陰毒硫黃丸方

硫黃二兩 水銀一兩

右同研入銚子洒少醋慢火炒似烟出再出火酒醋如此三四遍地上放冷研之蒸餅丸桐子大每服二十三十丸艾湯吞下日三服

金液丹方

硫黃十觔先飛揀去沙土石杵研爲細末用磁合盛

以水和赤石脂封口鹽泥固臍臍乾地內先埋慢火養七日七夜候足加頓火一煅候冷取出

右研爲細末每一兩用炊餅一兩湯浸握去水爲丸如桐子大每服三十丸多至百丸溫米飲下空心服

發斑證

傷寒論集註 外篇卷二

三

發斑一證緣仲景書中遺逸不詳見故諸家之說無所統大抵斑證數種惟熱毒入胃者當下之非下斑也下其胃中之毒也而胃中之毒由斑而後見也若皮間暴作癰疹無他裏熱證者不可下當服平涼去風解肌藥及以摩膏治之若在春末及夏不宜火灸及重覆隨其淺深略分內外不可一切用藥亦表虛不可發汗也

千金方載華元化之言曰傷寒熱毒之氣五日在腹六日在胃乃可下也若熱毒在外未入於胃而先下之者其熱乘虛入胃則爛胃也然熱入胃要須下去之不可

留於胃中胃若實其熱為病三死一生胃虛熱入爛胃也其熱微者赤斑出此候五死一生劇者黑斑出此候十死一生

千金又曰病者過日不以時下則熱不得泄亦爛胃斑出郭氏曰發斑有下之太早者有失下者故王仲方出謂下早熱入胃者斑出下之遲失下者亦斑出

活人書曰發斑有兩證溫毒熱病皆有斑也溫毒發斑者冬時觸冒寒毒至春始發病初在表或已發汗吐下而表證未罷毒氣不散故發斑黑膏主之

黑膏方

香豉 乙升

生地黃 半觔切

傷寒論集註

外篇卷二

三

右以猪膏二觔合露之煎令三分減一絞去滓內雄黃麝香各如豆大攪和盡服之毒便從皮中出則愈

忌蕪荑

又曰冬月溫暖人感乖戾之氣冬未即病至春或被積寒所折毒氣不得泄至天氣暄熱溫毒始發則肌肉斑爛癰疹如錦文內攻心悶但嘔清汁葛根橘皮湯主之

葛根橘皮湯方

橘皮

杏仁

去皮尖研

知母

黃芩

麻黃

去節泡

甘草

炙各半兩

右咬咀每服五錢以水一大盞半煎至一盞去滓溫

服

郭白雲曰發斑有陽毒溫毒熱病熱病即今之傷寒也

溫毒發斑於三日之內毒氣在表時即出以此驗其

溫毒非熱病也蓋其毒久鬱而發病不在裏故不可

下必隨表證治之當用藥解肌熱麻黃桂枝皆不可

用也如三日毒不解其病入裏則同傷寒治之

活人書又曰熱病發斑與時氣發斑同或未汗下或已

經汗下而熱毒不散表虛裏實熱毒乘虛出於皮膚所

以發斑蓋溫毒之毒本在裏久為積寒所折發理閉塞

不得出及天氣暄熱腠理開疎乃因表虛鬱發為斑是

時在裏之毒已發在表故可解肌而不可下也傷寒之

傷寒論集註 外篇卷二 三

毒初亦在裏久不能出及春再感溫氣腠理方開隨虛

而出於表遂見表證而未成斑也醫者昧於表裏之證

下之太早時內無毒氣可下所損皆胃之真氣真氣既

損則胃為之虛矣邪毒乘虛而出乘虛而入者也以

先損之虛胃而當復入之今毒力必不勝而胃將爛是

以其華見於表而為斑則傷寒之毒初起於裏出而之

表耳既見於表又見於表是毒氣往來者再矣諸經者

血脈之道路也今邪毒往來於道路而營衛氣血不通

人其可久乎此其所以不通也然溫毒之斑雖感於動

而復從之散入於胃如升堂入室不復可逐必使下泄

於腸胃則不可出故必下之所以救胃爛也華元化曰要

須下去之不可留於胃中是也故溫毒之斑鬱發之毒

也傷寒之斑胃爛之證也發則可去爛則不可生是以

何曰毒熱焚於內則胃為瘡爛矣

又曰大抵發斑不可用發表藥蓋表虛裏實若發汗重

令開泄更增斑爛也當用化斑湯玄參升麻湯大青四

物湯猪膽雞子湯可選而用之郭氏曰溫毒發斑感在表惟可解肌不可發汗  
傷寒發斑毒氣在胃當下不當汗也故皆不可用發表藥

### 又附補亡論說

郭白雲曰發斑一證以仲景不言故諸書少至當之論既不分溫毒傷寒在表在裏不同又不別發斑癰疹諸瘡之異雖朱氏亦然活人書曰斑瘡癰疹如錦文俗名麤瘡素問謂之疹此亦發斑癰疹瘡三病爲一證也雍詳發斑未嘗成瘡也傷寒之斑初如硃砂細點又如狗虱嚙痕初甚稀漸加稠密是也癰疹略如風尸亦有赤白二種赤者如錦文也不如風尸之

### 傷寒論集註 外篇卷二

重

高起微隱起而相連續初起臂腿次滿腹背皆成錦花者是也溫毒之斑略似赤色癰疹又不與傷寒斑同在俗名麤瘡者乃是陽毒諸瘡之類與斑疹二者不同古有陽毒瘡者即本俗名豆瘡麻子瘡少鈴瘡麤瘡皆是也皆因形名之每有輕重惟豆瘡爲至重其他若誤服涼藥亦皆能殺人又有暴發錦文癰疹者初無傷寒證但前一二日減食情思不佳次必臂腿瘙癢搔之隨手錦文出丹毒治之塗赤小豆雞子清甚佳胸中餘毒不去則胸中煩悶不入食二三日服解毒藥去毒盡乃安

又曰斑證陽毒最爲重其斑爲內自有之治從本方溫毒內外熱盛不能偏表偏裏須兩解之以去內外熱宜白虎加人參湯化斑湯若內外熱太盛者依陽毒治之常時傷寒誤下失下致斑出者其毒已入胃審其無表證有下證宜用調胃承氣湯以除胃中熱又曰仲景本論不見斑證惟千金方載華佗之說最爲切當而近世醫家多不見取故其論不分毒在表裏仍并瘡疹混爲一說設誤汗下寧不害人雖龐氏朱氏善究根源持論亦如此若不用華言則無用調胃承氣之理今觀其效驗故主其說且已經孫真人之

### 傷寒論集註 外篇卷二

美

手復何疑哉

### 附治斑證諸方

化斑湯方

人參 石膏各半兩 姜蕤 知母

甘草各一分

右咬咀每服五錢以水一盞半入糯米一合煎八分米熟去滓溫服

玄參升麻湯方

玄參 升麻 甘草各半兩

右咬咀以水一盞半煎至七分去滓溫服

大青四物湯方

大青 四兩 香豉 八合 阿膠 甘草各一兩

右咬咀每服五錢以水一盞半煎至七分溫服

猪胆雞子湯方

猪胆汁 一合 雞子 一枚 苦酒 三合

右三味和合煎三沸盡服之羸人煎六七沸服汗出

卽差

發黃證

脉浮而動數醫反下之動數變遲陽氣內陷心下因硬

則爲結胸但頭汗出餘處無汗劑頸而還小便不利身

傷寒論集註 外篇卷二 宅

必發黃 常氏曰茵陳煎濃汁調五苓散。郭氏曰凡黃皆用二藥重者茵陳蒿湯輕者五苓散。

傷寒脉浮而數手足自溫者是爲繫在太陰太陰當發

身黃若小便自利者不能發黃 治在陽明證中

陽明病無汗小便不利心中懊憹身必發黃

陽明病被火額上微汗出而小便不利者必發黃

陽明病發熱汗出者此爲熱越不能發黃但頭汗出身

無汗劑頸而還小便不利欲飲水漿者此爲瘀熱在裏

身必發黃宜下之蒿陳蒿湯主之

傷寒六七日身黃如橘子色小便不利腹微滿者茵陳

蒿湯主之

傷寒身黃發熱梔子檉皮湯主之

傷寒瘀熱在裏身必發黃麻黃連軹赤小豆湯主之

傷寒發汗已身目爲黃所以然者以寒濕在裏不解故

也以爲不可下也於寒濕中求之 常氏曰可五苓散

傷寒頭痛翕翕發熱形象中風下之益煩心發汗則致

瘧熏之則發黃

陽明病脉遲食難用飽飽則微煩頭眩必小便難此欲

作穀疸雖下之腹滿如故所以然者脉遲故也 常氏曰可茯苓

湯五苓散。郭氏曰宜千金方穀疸丸

太陽中風以火劫發汗兩陽相熏灼其身發黃陽盛則

傷寒論集註 外篇卷二 宅

欲衄陰虛則小便難陰陽俱虛竭身體則枯燥但頭汗

出劑頸而還小便利者其人可治

陽明中風脉弦浮大而短氣腹都滿脇下及心癰久按

之氣不通鼻乾不得汗嗜臥一身及面目悉黃小便難

傷寒發熱口中勃勃氣出頭痛目黃衄不可制

得病六七日脉遲浮弱惡風寒手足溫醫二三下之不

能食而脇下滿痛面目及身黃頸項強小便難 千金方

黃胆宜利其小便假令脉浮當以汗解宜桂枝黃著湯

寸口脉陽浮而陰濡弱陽浮則爲風陰濡弱爲少血浮

虛受風少血發熱醫以火熏熨令汗出惡寒遂甚客熱

因火而發身因爲黃小便難鼻中出血復下之熱瘀在膀胱畜結成積聚狀如狎肝當下不下心亂狂走赴水畜血若去目明心了此皆醫所爲輕者得愈極者不治郭氏曰先下積血大身黃小便難治如前法

千金方曰傷寒熱出表發黃疸麻黃醒酒湯冬月宜酒春用宜水

又曰治黃疸鼻中取黃汁宜瓜蒂赤小豆秫米末名瓜丁散

麻黃醇酒湯方

麻黃三兩以醇酒五升煮取一升半盡服之溫覆汗

傷寒論集註 外篇卷二

完

出卽愈

瓜丁散方

瓜蒂

秫米

赤小豆各二七枚

右三味治下篩病重者取如豆大二枚內著鼻孔中痛縮鼻須臾當出黃汁或從口中出汗升餘則愈病輕者如一豆不差間日復用

巢氏曰傷寒陽明病無汗小便不利心中懊憹必發黃被火額上微汗出而小便不利亦發黃其人狀變黃如橘色或如桃枝色腹微滿此由寒濕氣不散瘀熱在於脾胃也

又曰時氣發黃候曰濕氣盛畜於脾胃脾胃有濕則新穀鬱蒸不能消化大小便結澇故發黃又溫病候曰發汗不解溫毒氣瘀結在內小便爲之不利故發黃郭氏亦甚略也言簡多不盡意大抵瘀熱在裏必爲黃不必脾胃故熱在膀胱亦爲黃也桃枝色者孫真人云久則變作桃皮色也

又巢氏黃病論曰黃病一身盡痛發熱面色洞黃七八日後熱結在裏有血當下如豚肝狀其人少腹滿急若眼睛澇痛鼻骨疼兩膊及項強腰背急則是黃候多大便澇但得小便利則不慮死矣不用大便秘多則心腹脹不佳此由寒濕在裏則熱蓄於脾胃腠理不開瘀熱

傷寒論集註 外篇卷二

辛

與宿穀相搏鬱蒸不得消散則大小便不通故身體面背變黃色凡黃候其寸口近掌無脈鼻口氣冷並死不治

活人書曰發黃與瘀血外證及脈俱相似但小便不利爲黃小便自利爲瘀血要之發黃之人心脾蘊積發熱引飲脈必浮滑而緊數若瘀血證發狂大便必黑此爲異耳凡病人身體發熱頭面汗出身無汗劑頸而還渴飲水漿小便不利如此必發黃茵陳蒿湯五苓散加茵陳主之又茵陳蒿湯十分五苓散五分三藥拌勻每服三錢溫酒調日三服卽以茵陳蒿湯調五苓散服之最

良病人服湯得小便利如皂角色赤一宿腹減則黃從小便中出也梔子蘗皮湯麻黃連軹赤小豆湯皆可選用

又曰傷寒欲發黃者急用瓜蒂末口含水搐一豆許入鼻中出黃水甚驗

又曰太陽病一身盡痛發熱身如熏黃者何也太陽中濕也郭氏曰宜五苓散

又曰白虎證與發黃相近遍身汗出此為熱越白虎證也頭面汗出頸以下不得汗發黃證也郭氏曰白虎證遍身汗出安能

發黃故仲景言陽明熱越不得發黃也

傷寒論集註 外篇卷二

至

附補亡論說

郭白雲曰巢氏黃病一論未為該通而諸家傷寒論中多從之夫致黃之由非一或誤下或火熏皆能成黃非止寒熱穀氣而已大抵寒邪中人久不能去變為熱毒假春風發動表為可出之時既動則不可復回而腠理不開無由作汗而出鬱而在裏終不能散淫邪汙衍血脉傳流其毒之重者過血相搏不能勝為之交結如豚肝或如墨色此為邪氣所敗之血也無以泄其邪則血枯而人死矣其輕者鼓血而上隨衄而散濟者因促滑氣而下隨溺可出既不能與血相

搏又不能開腠理而生汗上不可散下不可出乃遂巡於毛竅之際已失所舍而無可定止進退不能鬱為黃色以待汗與溺而後通此毒非不欲出也猶人之行及於門而無路也醫者踈通其道而指示之不為汗則溺未有不去之理然毒在腠理之內與正氣爭持正邪相窒毛空益不可開是以小能作汗必從開竅利小便而出此所以毒氣在裏不能出者必成黃血二證雖輕重上下不同其理一也有可汗而出者乎曰脉浮甚者其表必踈可汗而出之也

附治發黃證諸方

傷寒論集註 外篇卷二

至

梔子蘗皮湯方

麻黃連軹赤小豆湯方

茵陳蒿湯方

以上三方俱見陽明證中

茯苓湯方 見前可發汗證

穀疸丸方

苦參 三兩 龍胆 一兩

右二味為末用牛膽汁和為丸如梧子大先食以麥粥飲服五丸三日不知稍加之

桂枝黃耆湯方

桂枝 芍藥 生薑各三兩 甘草二兩

黃耆五兩 大棗十二枚

右六味咬咀以水八升微火煎取三升去滓溫服一升發微汗不汗者飲稀熱粥以助湯若不汗更服

傷寒論集註外篇卷二終

傷寒論集註外篇卷二 重

傷寒論集註外篇卷三

東吳徐 撰錄

大訥吳士 校訂

長洲蔣 榮誦先甫參較

姪徐秉鈞衡望 參閱

男徐維鈞衡範

痰病食積虛煩脚氣證

赤按四證之挾外邪者皆三陽篇中所有法以解表為先其不由外感者痰從內動發汗必至迷塞經絡留滯不去食積胸中陽氣不布發汗則陽氣外越陰

傷寒論集註外篇卷三 一

氣獨盛致成危候虛煩者胃中津液已竭發汗則津液盡亡脚氣即地之濕邪從足先受者在濕家禁汗之例昔賢皆指四者為類傷寒證今特以為非傷寒證則其義顯矣喻嘉言於六經後獨出痰病一門亦欲學者反隅而得之耳茲與下學者談醫不憚辭費仍收活人書四證以備參考活人書於四證亦夾外邪著論今既討論詳明於兼外邪不兼外邪者分別施之亦可不失仲景之意也  
活人書曰人病有憎寒發熱惡風自汗寸口脉浮胸膈痞滿氣上衝咽喉不得息而頭不疼項不强者此為有



痰也宜柴胡半夏湯金沸草散大半夏湯若氣上衝咽  
喉不得息者用瓜蒂散吐之古人用吐法凡用一錢七  
久不吐以三錢七湯二合和服以手指探之便吐矣不  
吐稍增之以吐爲度若吐病不除明日如前法再服之  
但不可令人虛也藥力過時不吐飲熱湯一升以助之  
吐訖便飲藥若無復餘毒服藥過多者飲水解之凡吐  
後藥忘生冷油膩

柴胡半夏湯方

柴胡 八兩 人參 甘草 炙 黃芩 各三

麥門冬 三兩 半夏 二兩 白朮 二兩

右咬咀每服五錢生薑五片棗一枚以水一盞半煎  
至八分去滓溫服

傷寒論集註 外篇卷三

金沸草散方

前胡 旋覆花 各三兩 荊芥 四兩 半夏 洗薑汁浸

細辛 甘草 炙各一兩 赤芍藥 二兩

右咬咀爲末每服二錢生薑五片棗一枚以水一盞  
煎至六分去滓熱服未知再服

大半夏湯方

半夏 湯洗薄切焙乾每遇膈間有痰用 茯苓 各一分

右以水二盞半煎至一盞去滓臨臥溫呷如有熱痰  
加炙甘草一分如脾胃不和去甘草入陳皮一分同

煎服

活人書曰頭痛脈數發熱惡寒而身不疼痛左手脈平  
和者食積也甲乙經云人迎緊盛傷於寒氣口緊盛傷  
於食蓋氣口主中人迎主外以此別之傷食之證由脾  
胃伏熱因食不消發熱故似傷寒若膈寒嘔吐者食在  
上脘宜吐之若心腹滿痛者宜下之治中湯五積散黑  
神丸可選用也

治中湯方 見前霍亂證

五積散方

枳殼 五兩 蒼朮 二十四兩 桔梗 十二兩 白芷 四兩  
厚朴 去皮 芍藥 茯苓 當歸 洗

傷寒論集註 外篇卷三

麻黃 去節 半夏 洗 乾薑 各三兩 陳皮 八兩

甘草 炙二兩 官桂 去皮 川芎 人參 各二兩

右十六味除枳殼官桂外餘並一處生搗爲粗末分  
作六分於大鑊內文武火炒令黃熟攤冷入枳殼官  
桂末一處和勻入磁瓶內每服二錢水一盞生薑三  
片煎至七分去滓服傷食入葱白一莖豆豉七粒同  
煎服出汗或脾胃不和內傷冷食身疼頭昏無力胸  
膈不利食不下四肢覺冷至晚心躁困倦入鹽少許  
同煎或是陰經傷寒手足逆冷或睡中虛驚及虛汗  
不止脈細疾面青嘔逆入附子同煎加減多少並在

臨時

黑神丸方

巴豆擇新好者一兩輕搥去皮急流水浸一宿煮三  
五沸候冷濾出去心膜研如膏用原紙十重  
裹以重物 五靈脂二分黑色大戟生用去皮如  
捍去油者爲上

杏仁燒過

荆三稜生用各

豆豉二兩新軟

者爲上

右先以三味爲極細末方始入巴豆豉研勻後入

杏仁泥更研令勻別入飛麵半匙以井花水調如糊

漸次拌藥搜和得所入臼中搗三千下丸如菜豆大

晒乾如遇有食積者脉細結身不熱卽下之量人加

減丸數薑棗湯送取微利爲度若身熱者下之則爲

傷寒論集註

外篇卷三

四

結胸痞氣若病在上可吐者用生薑乾嚼三五丸

活人書曰諸虛煩熱與傷寒相似然不惡寒身不疼頭

不痛故知非傷寒也不可發汗脉不緊數故知非裏實

也不可下如此內外皆不可攻攻之必遂損竭多死也

但當與竹葉湯若嘔者與橘皮湯

竹葉湯方

淡竹葉半把

石膏四兩碎

人參半兩

麥門冬一分

半夏六錢

炙甘草半兩

右咬咀每服五錢以水一盞半入生薑三片粳米百

餘粒煎至八分米熟湯成去滓溫溫服之

橘皮湯方

陳皮去白二兩

人參一分

甘草半兩

青竹茹一團

薑四片

棗一枚

右以水一盞半煎至八分去滓溫服一服不愈再與

之孫真人云此法屢用甚驗傷寒虛煩亦宜用之王

叔和云有熱不可大攻攻之熱去則寒起矣正宜服

竹葉湯此二湯前已見過但分兩不同故復出之

活人書曰傷寒頭疼身熱支節痛大便秘或嘔逆而脚

屈弱者脚氣也其脉浮而弦者起於風濡而弱者起於

濕洪而數者起於熱遲而濇者起於寒風者汗而愈濕

傷寒論集註

外篇卷三

五

者溫而愈熱者下而愈寒者熨而愈脚氣之病毒氣入

腹則小腹頑痺不仁令人嘔吐死在朝夕矣然終與傷

寒不同者脚氣之人病必從脚起或先緩弱疼痺或行

起忽倒或兩脛腫痛亦有不腫者或脚膝枯細或心中

忪悸或小腹不仁或舉體轉筋或見食嘔吐惡聞食臭

或胸滿氣急或遍身酸痛皆脚氣候也黃帝所謂緩風

濕痺是也頑弱爲緩風疼痛爲濕痺寒中三陽所患必

冷越婢湯小續命湯主之

暑中三陰所患必熱小續命去附子減桂一半主之太

便秘者脾約丸主之頭痛身熱支節痛而脚屈弱者

其人素有脚氣此時發動也脚腫者栴榔散主之脚氣方論千金外臺最詳大抵越婢湯小續命湯薏苡仁酒法木瓜散脚約丸皆爲要藥仍鍼灸爲佳用補藥與湯淋洗俱大禁也

栴榔散方

橘葉 沙木 各一握

右二味以小便一盞酒半盞煎數沸調栴榔末二錢

食後服

越婢湯方

石膏 四兩 麻黃 去節 三兩 附子 炮一兩 白朮 炒二兩

傷寒論集註 外篇卷三

六

甘草 炙一兩

右咬咀每服四錢入生薑三片棗一枚以水一盞半

煎至八分去滓溫服

小續命湯方 見瘕瘕證

薏苡仁酒方

薏苡仁 牛膝 各二兩 五加皮 海桐皮

獨活 防風 杜仲 去皮切片用生薑汁拌炒

枳殼 炒各一兩 生地黃 二兩半

右以無灰酒五升浸春秋冬二七日夏月盛熱分作

十劑逐旋浸酒空心溫服一盞或半盞日三四服常

令酒力不絕久服覺皮膚中如虫行卽風濕氣也

木瓜散方

木瓜散方 大腹皮 一枚 木瓜 蘇葉 甘草 炙

木香 羌活 各一分

右各細剉爲散分作三服用水一盞煎至半盞去滓

服

脾約丸方

大黃 二兩 酒厚朴 去皮薑汁炒 枳殼 麩炒 白芍藥 各半兩

麻子仁 一兩半 杏仁 去皮尖雙仁者 三分 麩炒透熟

右爲細末煉蜜和杵千下丸如桐子大每服二十丸

傷寒論集註 外篇卷三

七

溫水下不拘時候未知加五九至十九止下利後糜

粥將理

溫瘧

問曰溫瘧類傷寒何如素問三十五曰溫瘧得之冬中於風寒氣藏於骨髓之中至春則陽氣大發邪氣不能自出因遇大暑腦髓燦肌肉消腠理發泄或有所用力邪氣與汗俱出此病藏於腎其氣先從內出之於外也如是者陰虛而陽盛陽盛則熱矣衰則氣復反入入則陽虛陽虛則寒矣故先熱而後寒名曰溫瘧郭氏曰溫瘧始感之時與傷寒異故不爲傷寒而爲瘧也曰傷寒亦變瘧乎千金三十五卷曰時行後變

成瘧瘧者大  
五補湯主之

大五補湯方

桂心三十  
銖

遠志

桔梗

芎藭各二  
兩

茯苓

乾地黄

芍藥

人參

白朮

當歸

黃耆

甘草各三  
兩

竹葉五兩

大棗二十  
枚

生枸杞根

生薑各一  
斤

半夏

麥門冬各一  
升

右十八味咬咀以水二斗煮竹葉枸杞根取一斗次

內諸藥煎取六升分六服一日一夜令盡

酒病

傷寒論集註

外篇卷三

八

問曰酒病似傷寒何如巢氏曰酒有毒而性熱飲之過

多故毒熱流溢經絡浸淫藏府而諸疾生也或煩躁壯

熱而似傷寒或洒淅惡寒有同溫瘧或吐利不安或嘔

逆煩悶隨藏氣虛實而發為病焉郭氏曰凡癰疽病及

多類寒。赤按太陽篇酒客病不可與桂枝湯得湯則

吐服桂枝湯吐者其後必吐膿血所謂酒客者蓋謂是

酒病人也

溪毒

郭氏曰孫真人於傷寒後附溪毒一證詳其狀類以

明其證與傷寒別是亦以疑似而辨之也

孫真人曰江南有射工毒虫一名短狐溪毒一名蠙形

如甲虫無目而利耳有一長角在口前如弩以氣為矢

用水勢射人人或聞其在水中鈹鈹作聲要須得水沒

其口便以口中毒射入此虫畏驚驚能食之其初始證

候先惡寒發熱筋急仍似傷寒中風便不能語言朝蘇

晡劇寒熱悶亂是其證也始得三日內急治之稍遲者

七日死其虫小毒輕者及相逐者射着人影者皆不即

作瘡先病寒熱自非其地之人不知其證便謂傷寒作

治乖謬是以致禍

又曰中人頭面尤急腰以上近心多死腰以下稍寬不

治亦死

傷寒論集註

外篇卷三

九

巢氏曰南方郡縣山谷溪源有水毒病亦名溪溫以其

病與射工相似欲通呼溪病其實有瘡是射工無瘡是

溪毒也

又曰水毒有雌雄脉洪大而數者為陽是雄溪易治宜

先發汗及浴脉沉細而遲者為陰是雌溪難治欲審知

是中水者手足指冷即是不冷非也又呼為蜚病

郭氏傷寒溫疫論

郭白雲曰傷寒時氣證類多端或名溫病或曰時行或

曰溫疫或曰溫毒或以為輕或以為重論說不一蓋令

人惑大抵其病有二種即時發者必輕經時而發者必

重且如傷寒一病序例曰冬時嚴寒君子固密則不傷於寒觸冒之者乃名傷寒蓋初感卽發無蘊積之邪氣雖爲傷寒其病亦輕又曰不卽病者寒毒藏於肌膚至春變爲溫病至夏變爲暑病是以旣傷於寒又感於溫兩邪相搏合爲一病如人遇盜又有同惡濟之何可支也故傷寒冬不卽病遇春而發者比於冬之傷寒爲重也又有至夏而發者爲尤重也蓋寒邪淺近在膚腠正氣易勝則難久留是以卽發若邪稍深則入於肌肉正氣不能勝必假春溫之氣開腠理而後可發是以出爲溫病又其邪之甚者經時旣久深入骨髓非假大暑

傷寒論集註

外篇卷三

十

消燦則其邪不可動此冬傷於寒至夏爲熱病者所以又重於溫也故古人謂冬傷於寒輕者夏至以前發爲溫病甚者夏至以後發爲暑病也此三者其爲傷寒本一也惟曰卽發不卽發之異隨脉變動遂大不同又有冬不傷寒至春感不正之氣而病其病無寒毒之氣爲之根雖名溫病又比冬傷於寒至春再感溫氣者爲病尤輕也然春溫冬寒之病乃皆自感自致之病也若夫一邦一鄉一家皆同患者是則溫之爲疫者然也非冬傷於寒自感自致之病也蓋以春應暖而反寒夏應熱而反涼秋應涼而反熱冬應寒而反溫氣候不正盛強

者感之猶輕衰弱者得之必重故名溫疫亦曰天行時行也設在冬寒之日而一方一鄉一家皆同病者則時行之寒疫也大抵冬傷於寒經時而後發者有寒毒爲之根再感四時不正之氣而病則其病安得不重如冬病傷寒春病溫氣與夫時行溫疫之類皆無本根隨感卽發中人淺薄不得與寒毒蘊畜有時而發者同論也惟溫毒一病旣非傷寒又非溫病乃在冬時表嘗感寒先感冬溫不正之氣後復爲寒所折膚腠閉密其邪進不得入退不得泄必假天氣暄熱去其外寒而後溫氣得通鬱積旣久毒傷肌肉故斑如錦文或爛爲瘡而後

傷寒論集註

外篇卷三

十一

可出是以序例曰其冬有非節之暖名爲冬溫冬溫之毒與傷寒大異謂此溫毒也亦有所感輕淺則易出所感深重則非節之暖人人皆感故爲疫其實先溫後寒所以與傷寒大異然而時之氣有正與不正何也曰春氣溫和夏氣暑熱秋氣清涼冬氣冷冽此則四時正氣之序所謂四時正氣之病者也又曰非其時而有其氣一歲之中長幼之病多相似者此則時行之氣是爲不正之氣毒傷人者也

太陽病發熱而渴不惡寒者爲溫病

若發汗已身灼熱者名曰風溫風溫爲病脉陰陽俱浮

自汗出身重多眠睡鼻息必鼾語言難出小便不利不利四字汪琥移在被下之上若被下者直視失溲若被火者微發黃色劇則如驚癇時瘳癰若火熏之一逆尙引日再逆促命期

千金方曰風溫之病脉陰陽俱浮汗出體重其息必喘其形狀不仁嘿嘿欲眠下之者小便難發其汗者必譫語加燒針者則耳聾難言但吐吐則遺矢便利如此疾者宜服萎蕤湯

萎蕤湯方

萎蕤 三分 石膏 一兩 白薇 麻黃 泡

傷寒論集註 外篇卷三 主

川芎 葛根 羌活 甘草 炙

杏仁 去皮尖及雙仁者各半兩 青木香 一分冬用一兩春用半兩炒

右咬咀每服五錢以水一盞半煎至一盞去滓服日

三治風溫兼療冬溫及春日中風傷寒頭疼發熱咽

乾舌強胸疼痞滿腰強

活人書曰病人素傷於風因復傷於熱風熱相薄則發

風溫主四肢不收傳曰風溫末疾頭疼身熱常自汗出不解治

在少陰厥陰少陰火厥陰木不可發汗宜萎蕤湯風溫身灼熱

者宜知母葛根湯風溫加渴甚者栝蒌根湯風溫脉浮

身重汗出者漢防已湯

知母葛根湯方

知母 三錢 葛根 八錢 石膏 六錢 萎蕤 五錢

麻黃 去節四錢 甘草 炙 黃芩 木香

升麻 南星 人參 防風

杏仁 炒 川芎 羌活 以上各二錢

右咬咀每服五錢以水一盞半煎至一盞去滓溫服

未知再服

栝蒌根湯方

栝蒌根 三分 石膏 二兩 人參 防風

炙甘草 各半兩 葛根 一兩半

傷寒論集註 外篇卷三 主

右咬咀每服五錢以水一盞半煎至一盞去滓溫服

漢防已湯方

漢防已 四兩 黃耆 甘草 炙各二兩 白朮 炒三兩

右咬咀每服五錢入生薑四片棗一枚以水一盞半

煎至一盞去滓服仍坐被中汗出如虫行或被臥取

其汗

活人書曰初春病人肌肉發斑癰疹如錦文或咳心悶

但嘔清汁此名溫毒也冬時觸冒寒毒至春始發病初

在表證如傷寒或已發汗吐下而表證未罷毒氣不散

故發斑黑膏主之成瘡者自作瘡治不用黑膏又有冬月溫暖人感

乖戾之氣冬未卽病至春或被積寒所折毒氣不泄至天氣暄熱溫毒始發則肌肉斑爛隱疹如錦文而咳心悶但嘔清汁葛根橘皮湯主之

方見前斑門

附補亡論說

郭白雲曰不必初春春夏皆發其斑與傷寒不同癰疹如錦文而不作瘡爛者是也其發瘡膿爛者卽時行熱毒豌豆瘡也二者皆先有表證如傷寒又有癰疹赤白二種初無表證暴感溫氣而作其毒輕淺風尸之類也又有一種遍身如錦初亦無表證如丹如疹其毒亦輕皆詳見小兒瘡疹後斑瘡癰疹論辨中

傷寒論集註

外篇卷三

古

又曰傷寒序例言風溫溫毒二證又與二說不同序例之言傷寒過十三日以上不問尺寸陷者大危若更感異氣變爲他病者當依後壞病證而治之若陽脉浮滑陰脉濡弱者更遇於風變爲風溫陽脉洪數陰脉實大者更遇溫熱變爲溫毒溫毒爲病最重此乃傷寒後四種壞病此病最爲重也又非但前所謂風溫溫毒而已其用藥亦當不同然則序例所言傷寒壞病中風溫溫毒也諸家所言者冬春自感之風溫溫毒也其治之輕重不得不異也四種壞病之中又有濕溫一證見不可汗門中

又曰天行溫疫雖證不見多用藥亦多端如千金方言辟溫疫氣并斷溫疫相染諸方及千金翼彈鬼丸螢火丸皆可選用然治疫先要辨寒溫故龐安常述其治寒疫諸方如赤散解聖散之類皆宜治寒疫若施之溫疫則益熱矣

彈鬼丸方

雄黃

丹砂

各二兩

石膏

四兩

烏頭

鼠婦

各二兩

右五味以正月建除日執厭日搗爲散白蠟五兩銅器中火上消之下藥攪令凝丸如棟實以赤穀裹一

傷寒論集註

外篇卷三

五

丸男左女右肘後帶之

螢火丸方

一名冠將丸又名武威丸

螢火

鬼箭

削去皮羽

蒺藜

各一兩

雄黃

雌黃

礬石

火燒枯

各二兩

殺羊角

殺存性

銀靛灰

鐵鎚柄

入鐵處燒焦各一兩半

右爲末以雞子黃丹雄雞冠一具和搗千下如杏子大作三角絳囊盛五丸帶左臂上如從軍繫腰中能避五兵白刃盜賊辟疾病惡氣百鬼虎狼蛇虺蜂蠆諸毒勿離身居家掛戶上辟絕盜賊溫疫

華佗赤散方

月砂 <small>二分</small>	蜀漆	蜀椒	乾薑
細辛	黃芩	防己	桂枝
茯苓	人參	沙參	桔梗
女萎	烏頭	常山 <small>各三分</small>	雄黃
吳茱萸 <small>各五分</small>	麻黃	代赭石	
右除細辛丹砂乾薑雄黃桂外皆熬治作散酒服方寸七日二耐藥者二七覆令汗出治瘧先發一時服藥二七半			
聖散子方			
肉豆蔻 <small>十箇</small>	木猪苓	石菖蒲	高良薑
傷寒論集註 外篇卷三 六			
茯苓	獨活	柴胡	吳茱萸
附子 <small>炮</small>	麻黃	厚朴 <small>薑炙</small>	藁本
芍藥	枳殼 <small>麩炒</small>	白朮	澤瀉
藿香	防風	半夏 <small>薑汁製</small>	細辛
吳朮 <small>蜀人謂蒼朮之白者爲白朮蓋茅甘草一兩朮也謂今之白朮爲吳朮各半兩</small>			
右剉焙作煮散每服七銖水一盞半煎至八分去滓熱服餘滓兩服合爲一服重煎皆空心服			
小品方療溫病有熱飲水暴冷噦者 <small>俗云冷呃</small> 茅根湯			
茅根湯方			
茅根	葛根 <small>各半升</small>		

右以水四升煮取二升稍溫飲之碗止則停古今錄驗方去茅根加枇杷葉又一方加橘皮桂心以共胸中有停飲故用辛溫辛熱以散之			
刪繁方療肺府藏熱暴氣發斑點香豉湯			
香豉湯方			
香豉 <small>一升綿裹</small>	葱鬚 <small>四兩</small>	石膏 <small>八兩</small>	梔子仁 <small>三兩</small>
大青 <small>二兩</small>	升麻	礞石 <small>各三兩</small>	生薑 <small>八兩</small>
右咬咀以水六升先煮七味取二升去滓下礞石分三服雖云療肺府藏熱實則清陽明胃府鬱熱之神方也			
傷寒論集註 外篇卷三 七			
溫病發斑赤者五死一生黑者九死一生龐安時云大疫難療麥奴丸主之			
麥奴丸方 見前八卷發汗證按此方治時行熱病六七日未得汗脉洪大或數面赤目瞪身體大熱煩躁狂言欲走大渴甚又五六日不解熱在胸中口噤不能言爲壞傷寒醫所不能治棄爲死人或人精魂已竭心下纔緩撥開其口灌藥下咽卽活兼治陽毒發斑更治火逆煩躁驚狂大渴引飲譫語便秘內外實熱者最神			
赤按風溫溫毒溫疫諸證自叔和序例以來王太僕			



註內經熱論已宗其旨南宋郭白雲發明序例尤詳  
其他名賢著述無不踵是爲說西昌喻嘉言有春溫  
溫疫論之作以駁序例辨四變之非欲大破叔和之  
藩而主張亦太過矣然議論軒豁能使觀者耳目爲  
之一醒可見天下之義理無窮固不可以一說拘也  
今錄之以擴心胸

論春溫大意并辨四變之非

喻昌曰春溫之證內經曰冬傷於寒春必病溫又云冬  
不藏精春必病溫此論溫起之大原也傷寒論云太陽  
病發熱而渴不惡寒者爲溫病若發汗已身灼熱者名

傷寒論集註

外篇卷三

六

曰風溫風溫爲病脉陰陽俱浮自汗出身重多眠睡鼻  
息必鼾語言難出若被下者小便不利直視失溲若被  
火者微發黃色劇則如驚癇時瘵瘵若火熏之一逆尙  
引日再逆促命期此論溫成之大勢也仲景以冬不藏  
精之溫名曰風溫其脉陰陽俱浮正謂少陰腎與太陽  
膀胱一藏一府同時病發所以其脉俱浮也發汗後身  
反灼熱自汗出身重多眠睡鼻息必鼾語言難出一一  
盡顯少陰本證則不可復從太陽爲治况脉浮自汗更  
加汗之醫殺之也所以風溫證斷不可汗卽誤下誤火  
亦經氣傷而陰精盡皆爲醫促其亡而一逆再逆促命

期矣於此見東海西海心同一理先聖後聖其揆一也  
後人不察惜其有論無方詎知森森治法全具於太陽  
少陰諸經乎晉王叔和不究仲景精微之蘊栽風種電  
爲不根之談妄立溫瘧風溫溫毒溫疫四變不思時發  
時止爲瘧瘧非外感之正病也春木主風而氣溫風溫  
卽是溫證之本名也久病不解其熱邪熾盛是爲溫毒  
溫毒亦病中之病也至溫疫則另加一氣乃溫氣而兼  
瘟氣又非溫證之常矣今且先辨溫瘧溫瘧正冬不藏  
精之候但其感邪本輕故止成瘧耳黃帝問溫瘧舍於  
何藏岐伯對曰溫瘧得之冬中於風寒氣藏於骨髓之  
傷寒論集註

外篇卷三

九

中至春則陽氣大發邪氣不能自出因遇大暑腦髓燥  
肌肉消腠理發泄或有所用力邪氣與汗皆出此病藏  
於腎其氣先從內出之於外也如是者陰虛而陽盛則  
熱矣衰則氣復反入入則陽虛陽虛則寒矣故先熱而  
後寒名曰溫瘧此可見溫瘧爲冬不藏精故寒邪得以  
入腎又可見溫瘧遇溫尙不易發必大暑大汗始發之  
也叔和反以重感於寒立說豈其不讀內經乎抑何不  
思之甚耶今且再辨風溫春月時令本溫且值風木用  
事風溫二字自不得分之爲兩凡病溫者悉爲風溫卽  
如初春地氣未升無濕溫之可言也天氣微寒無溫熱

之可言也時令和煦無溫疫之可言也其所以主病之故全係於風試觀仲景於冬月正病以寒統之則春月正病定當以風統之矣夫風無定體在八方則從八方在四時則從四時春之風溫夏之風熱秋之風涼冬之風寒自然之道也叔和因仲景論溫條中重挈風溫故謂另是一病不知仲景於溫證中特出手眼致其叮嚀見冬不藏精之人兩腎間先已習習風生得外風相召而病發必全具少陰之證故於溫字上加一風字以別太陽之溫耳叔和妄擬重感重變乃至後人作賦云風溫濕溫今發正汗則危惡難醫又云因知風溫汗不休傷寒論集註 外篇卷三 辛

當用漢防已隔靴搔癢於本來之面目安在哉今且再辨溫毒夫溫證中之有溫毒一如傷寒中之有陽毒陰毒也傷寒不以寒毒另爲一證則溫病何以溫毒更立一名耶況溫毒復有陰陽之辨太陽溫證病久不解結成陽毒少陰溫證病久不解結成陰毒叔和不知風溫爲陰邪故但指溫毒爲陽毒以致後人襲用黑膏紫雪陰毒當之慘於鋒刃其階厲亦至今未已耳其溫疫一證另辨致詳

### 論溫疫

喻昌曰聖王御世春無愆陽夏無伏陰秋無凄風冬無

苦雨乃至民無天扎物無疵癘太和之氣瀰滿乾坤安有所謂溫疫哉然而周禮儼以逐疫方相氏掌之則溫疫之由來舊矣古人元旦汲清泉以飲芳香之藥重滌穢也後漢張仲景著傷寒論欲明冬寒春溫夏秋暑熱之正自不能并入疫病以混常法然至理已畢具於脈法中叔和不爲細繹乃謂重感於寒變爲溫疫又謂春時應暖而復大寒夏時應熱而反大涼秋時應涼而反大熱冬時應寒而反大溫非其時而有其氣一歲之中長幼之病多相似者此則時行之氣也又謂冬溫之毒與傷寒大異冬溫復有先後更和重沓亦有輕重爲治傷寒論集註 外篇卷三 壬

不同又謂從春分節以後至秋分節前天有暴寒者皆謂時行寒疫也蓋以春夏秋爲寒疫冬月爲溫疫所以又云三月四月或有暴寒其時陽氣尙弱爲寒所折病熱猶輕五月六月陽氣已盛爲寒所折病熱則重七月八月陽氣已衰爲寒所折病熱亦微後人奉此而廣其義謂春感清邪在肝夏感寒邪在心秋感熱邪在肺冬感溫邪在腎損篋遞奏舉世若狂矣嗟嗟疫邪之來果寒折陽氣乘其所勝而直入精神魂魄之藏人無應類久矣更有謂疫邪無形象聲臭定時定方可言是以一歲之中長幼莫不病此至病傷寒者百無一二治法非

疎裏則表不透非戰汗則病不解愈募愈遠究竟所指之疫仍爲傷寒傷溫傷暑熱之正病疎裏則下早可知戰汗則失表可知祇足自呈敗闕耳夫四時不正之氣感之者因而致病初不名疫也因病致死病氣尸氣混合不正之氣斯爲疫矣以故雞瘟死雞猪瘟死猪牛馬瘟死牛馬推之於人何獨不然所以飢饉兵凶之際疫病盛行大率春夏之交爲甚蓋溫暑熱濕之氣交結互蒸人在其中無隙可避病者當之魄汗淋漓一人病氣足充一室況於連床並榻沿門闔境共釀之氣益以出戶尸蛆載道腐墮燔柴掩席委壑投崖種種惡穢上瀦

傷寒論集註

外篇卷三

三

蒼天清淨之氣下敗水土物產之氣人受之者親上親下病從其類有必然之勢如俗所稱大頭瘟者頭面腮頤腫如瓜匏者是也所稱蝦蟆瘟者喉痺失音頸筋脹大者是也所稱瓜瓢瘟者胸高脇起嘔汁如血者是也所稱疙痞瘟者遍身紅腫發塊如瘤者是也所稱絞腸瘟者腹鳴乾嘔水泄不通者是也所稱軟脚瘟者便清泄白足重難移者是也小兒痘瘡尤多以上疫證不明治法咸委劫運良可傷悼大率溫疫痘疹古昔無傳不得聖言折衷是以墮落叔和坑塹曾不若俗見摸索病狀反可顧名思義也 昌幸微窺仲景一班其平脉篇中

云寸口脉陰陽俱緊者法當清邪中於上焦濁邪中於下焦清邪中上名曰潔也濁邪中下名曰渾也陰中於邪必內慄也凡二百六十九字闡發奧理全非傷寒中所有事乃論疫邪從入之門變病之總所謂赤字綠文開天闢地之寶符人自不識耳篇中大意謂人之鼻氣通於天故陽中霧露之邪者爲清邪從鼻息而上入於陽入則發熱頭痛項強頸攣正與大頭瘟蝦蟆瘟之說符也人之口氣通於地故陰中水土之邪者爲飲食濁味從口舌而下入於陰入則其人必先內慄足膝逆冷便溺妄出清便下重膈築湫痛正與俗稱絞腸瘟軟脚

傷寒論集註

外篇卷三

三

瘟之說符也然從鼻從口所入之邪必先注中焦以次分布上下故中焦受邪因而不治中焦不治則胃中爲濁營衛不通血凝不流其釀變卽現中焦俗稱瓜瓢瘟疙痞瘟等證則又陽毒癰膿陰毒遍身青紫之類也此三焦定位之邪也若三焦邪瀦爲一內外不通藏氣薰蒸上焦拂鬱則口爛食斷衛氣前通者因熱作使遊行經絡臟腑則爲癰膿營氣前通者因召客邪噎出聲咽塞熱擁不行則下血如豚肝然以營衛漸通故非危候若上焦之陽下焦之陰兩不相接則脾氣於中難以獨運斯五液注下下焦不闔而命難全矣傷寒之邪先

行身之背次行身之前次行身之側由外廓而入溫疫之邪則直行中道流布三焦上焦爲清陽故清邪從之上入下焦爲濁陰故濁邪從之下入中焦爲陰陽交界凡清濁之邪必從此區分甚者三焦相溷上行極而下下行極而上故聲咽塞口爛食斷者亦復下血如豚肝非定中上不及下中下不及上也傷寒邪中外廓故一表卽散疫邪行在中道故表之不散傷寒邪入胃府則腹滿便堅故可攻下疫邪在三焦散漫不收下之復合此與傷寒表裏諸法有何干涉奈何千年憤憤試折衷以聖言從前謬迷寧不渙然冰釋也哉治法未病前

傷寒論集註

外篇卷三

雷

預飲芳香正氣藥則邪不能入此爲上也邪旣入急以逐穢爲第一義上焦如霧升而逐之兼以解毒中焦如瀉疏而逐之兼以解毒下焦如瀆決而逐之兼以解毒營衛旣通乘勢追拔勿使潛滋

有問春夏秋蒸氣爲疫豈冬溫獨非疫耶旨曰冬月遇溫腎氣不藏感而成病正與不藏精之春溫無異計此時有春無冬三氣卽得交蒸成疫然遇朔風驟發則蒸氣化烏有矣是以東南冬月患正傷寒者少患冬溫及痘瘡者最多西北則秋冬春皆患正傷寒殊無溫疫痘瘡之患矣蓋以西北土高地燥卽春夏氣難上升何況

冬月之凝沍東南土地卑濕爲霧露之區蛇龍之窟其溫熱之氣得風以播之尙有可耐設旦暮無風水中之魚衣中之虱且爲飛揚況於人乎蒸氣中原雜諸穢益以病氣死氣無分老幼觸之卽同一病狀矣此時朔風了不可得故其氣轉積轉暴雖有薰風但能逆熱不能解涼盛世所謂解慍阜財者在兵荒反有注邪布穢之事矣叔和以夏應熱而反大寒爲疫詎知大寒正疫氣消彌之候乎故疫邪熾盛惟北方能消受詩經人思欲投畀有北以熄其燄析斯義矣

傷寒論集註外篇卷三

終

傷寒論集註外篇卷三

雷

傷寒論集註外篇卷四

東吳徐

大訥吳士

長洲蔣

姪徐秉鈞衡望

男徐維鈞衡範

參閱

婦人傷寒

婦人中風發熱惡寒經水適來得之七八日熱除而脉遲身凉胸脇下滿如結胸狀讞語者此為熱入血室也當刺期門隨其實而瀉之

傷寒論集註外篇卷四

一

婦人中風七八日續得寒熱發作有時經水適斷者此為熱入血室其血必結故使如瘧狀發作有時小柴胡湯主之

婦人傷寒發熱經水適來晝日明了暮則讞語如見鬼狀者此為熱入血室無犯胃氣及上二焦必自愈陽明病下血讞語者此為熱入血室但頭汗出者刺期門隨其實而瀉之瀝然汗出則愈

活人書曰男子調其氣婦人調其血血室不畜則二氣和諧血氣凝結則水火相刑傷寒氣口緊盛則宜下人迎紫盛則宜汗婦人左關脉浮緊不可下當發其汗以

救血室營衛得和津液自通快然汗出而解問婦人先調血男子先調氣何如曰此大略之言耳要之脉緊無汗為傷寒脉緩有汗為傷風熱病脉洪大中暑脉細弱其證一也假如中喝者用白虎胃實者用承氣豈必調血而後行湯耶仲景論傷寒不分婦人良亦由此又曰婦人傷寒發熱惡寒四肢拘急口燥舌乾經脉凝滯不得往來宜桂枝紅花湯

桂枝紅花湯方

桂枝

芍藥

甘草

炙各三兩

紅花二兩

右咬咀每服五錢入生薑四片棗二枚以水一盞半傷寒論集註外篇卷四二

煎至七分去滓溫服良久再服汗出而解

又曰婦人傷寒口燥咽乾腹滿不思飲食宜黃芩芍藥湯

黃芩芍藥湯方

黃芩

白芍

白朮

地黃各一兩

右咬咀每服五錢以水一盞煎至七分去滓溫服寒則加生薑

又曰婦人傷寒喘急煩躁或戰而作寒陰陽俱虛不可

下宜柴胡當歸湯

柴胡當歸湯方

柴胡	白朮 <small>各二兩</small>	人參	炙甘草
當歸	赤芍 <small>各一兩</small>	五味子	木通 <small>各五錢</small>
右咬咀每服五錢生薑四片棗二枚以水一盞半煎至七分去滓溫服			
又曰婦人傷寒六七日胃中有燥屎大便秘難煩躁譫語目赤毒氣閉塞不通宜大黃黃連瀉心湯			
大黃黃連瀉心湯方			
大黃	黃連 <small>各等分</small>		
右咬咀每服四錢以水一盞半煎至七分去滓服取微利如目赤睛疼加白茯苓嫩竹葉瀉肝餘之氣			
傷寒論集註	外篇卷四	三	
又曰婦人傷寒差後猶有餘熱不去謂之遺熱宜乾地黃湯			
乾地黃湯方			
乾地黃	大黃	黃連	黃芩 <small>各一兩</small>
柴胡	芍藥	炙甘草 <small>各一兩半</small>	
右咬咀每服四錢以水一盞半煎至七分去滓溫服取微澹汗出解			
妊娠傷寒			
活人書曰妊娠傷寒仲景無治法用藥宜有禁忌不得與尋常婦人一概論治也			

又曰妊娠傷寒藥性宜涼切不可行桂枝半夏桃仁等藥小柴胡去半夏名黃龍湯蓋為孕婦而去也大抵產前先天胎產後先補血次服傷寒藥若病稍退則止藥不可盡劑此為大法黃帝問婦人重身毒之何如岐伯曰有故無殞亦無殞也大積大聚其可犯也衰其半而止過者死			
千金要方治妊娠傷寒頭疼壯熱支節煩疼石膏前胡湯			
石膏前胡湯方			
石膏	前胡	知母	梔子仁 <small>各四兩</small>
傷寒論集註	外篇卷四	四	
又治妊娠傷寒頭疼壯熱心煩嘔吐不下食生蘆根湯			
生蘆根湯方			
知母	梗米	生蘆根	青竹茹
右四味以水五升煮取二升半稍稍飲之盡更作瘥止			
又治妊娠傷寒服湯後頭疼壯熱不歇用竹葉石膏湯拭其身			

竹葉石膏湯方

麻黃<sup>半斤</sup>

竹葉<sup>切一升</sup>

石膏<sup>三升爲末</sup>

右三味以水五升煮取一升去滓稍冷用拭身體又

以故布掄頭額胸心燥則易之患瘡者加恒山五兩

又治妊娠熱病葱白五兩豉一升煮服取汗

又曰大熱煩悶者葛根汁二升分三服如人行五里進

一服

活人書妊娠傷寒安胎宜阿膠散

阿膠散方

阿膠

桑寄生

吳白朮

茯苓<sup>等分</sup>

傷寒論集註

外篇卷四

五

右爲細末每服二錢煎糯米飲調下日進二服愈

又云安胎宜白朮散

白朮散方

白朮

條芩<sup>等分同炒香</sup>

右爲細末每服三錢生薑三片大棗一枚以水一盞

煎至七分溫服但覺頭疼發熱便可服二三服即差

惟四肢厥冷陰證見者未可服

龐氏治妊娠時氣令子不落用護胎伏龍肝散伏龍肝

爲末水調塗臍下乾即易之疾差乃止

龐氏曰妊娠傷寒內熱極甚令不傷胎取雞子以絹袋

盛貯投井底浸令極冷旋敲破吞至五六枚佳

又曰妊娠傷寒大熱甚胎不安者宜用阿膠末一錢半

竹瀝調下或用小麥竹葉煎湯調下

又曰妊娠傷寒服汗下諸藥熱已退覺氣虛不和須與

安胎宜人參黃耆湯

人參黃耆湯方

人參

黃耆

半夏

陳皮

麥冬

當歸

赤茯苓<sup>等分</sup>

右咬咀每服四錢薑三片水二盞煎至七分去滓卜

阿膠末一小匕溶化日進二三服

傷寒論集註

外篇卷四

六

活人書曰妊娠傷寒憎寒發熱發其汗宜葱白湯

葱白湯方

葱白<sup>十莖</sup>

生薑<sup>二兩</sup>

右二味切以水二盞煎至一盞連服取汗

又曰妊娠傷寒頭痛壯熱肢節疼痛宜前胡湯

前胡湯方

前胡<sup>一兩</sup>

石膏<sup>二兩</sup>

甘草<sup>炙半兩</sup>

桔梗

豉<sup>各七錢半</sup>

右咬咀每服五錢薑五片以水一盞煎至七分去滓

熱服如三五服後熱尚未退加豉三十粒再服

又曰妊娠傷暑頭疼惡寒身熱躁悶四肢疼痛項背拘急唇口乾燥宜柴胡石膏湯

柴胡石膏湯方

柴胡 四兩 石膏 八兩 甘草 二兩

右爲末每服三錢生薑五片水一盞煎至六分去滓溫服虛者加人參三兩

又曰妊娠傷寒四日至六日以來加心腹脹上氣渴不止食飲不多腰疼體重宜三物枳實湯

三物枳實湯方

枳實 一兩微黃 麥門冬 半兩去心 陳皮 三分湯浸去白焙

傷寒論集註 外篇卷四

七

右三味咬咀每服三錢生薑半分葱白七寸以水一盞煎至六分去滓溫服

又曰妊娠傷寒頭目疼壯熱心煩宜旋覆花湯

旋覆花湯方

旋覆花 半兩 前胡 二兩 白朮 黃芩

人參 麻黃 各三分去根節 赤芍藥 炙甘草 各半兩

石膏 一兩

右九味咬咀每服四錢生薑半分水一盞半煎至六分去滓溫服

又曰妊娠傷寒壯熱嘔逆頭疼不思飲食胎氣不安宜

麥門冬湯

麥門冬湯方

麥門冬 半兩去心 人參 石膏 各一兩 前胡

黃芩 各三分 葛根 半兩 淡竹茹 一分

右咬咀每服五錢入生薑四片棗二枚水一盞半煎至八分去滓溫服

又曰妊娠發斑變爲黑色宜梔子大青湯

梔子大青湯方

梔子仁 升麻 各二兩 大青 杏仁 去皮

黃芩 各一兩兩半

傷寒論集註 外篇卷四

八

右咬咀每服五錢入葱白三寸以水一盞半煎至一盞去滓溫服

又曰婦人產後傷風十數日不解頭微痛惡寒時時有熱心下堅乾嘔汗出宜陽旦湯

陽旦湯方

桂枝 芍藥 甘草 黃芩 各二兩

右咬咀每服五錢生薑三片以水一盞半煎至一盞去滓溫服

自汗者去桂加附子 渴者去桂加栝

蒹根 利者去芍藥加乾薑 心下悸者去芍藥加

茯苓 虛勞裏急者去陽旦加膠飴 若脉浮緊無



汗者不可與也

又曰產後傷風發熱面赤喘而頭疼竹葉防風湯

竹葉防風湯方

竹葉半把 葛根三兩 防風 桔梗

人參 桂枝 甘草炙各半兩

右咬咀每服四錢入生薑三片棗一枚以水一盞半煎八分去滓溫服使汗出頭項強用炮附子剉一大錢同煎嘔加半夏一錢

又曰尊中傷風四肢苦煩熱頭疼與小柴胡湯頭不疼但煩宜三物黃芩湯

傷寒論集註 外篇卷四 九

三物黃芩湯方

黃芩半兩 苦參一兩 乾地黄二兩

右咬咀每服四錢水一盞半煎至八分去滓溫服

麗氏曰妊娠熱病胎死腹中用鹿角屑一兩葱白五莖豉半合水一碗煎六分去滓溫作二服又方益母草絞

汁飲半升卽出胎已出而惡露爲熱蒸斷不行地黃藕

汁各一碗薑汁一盞煖分三四服微有冷煎二十沸服

亦下死胎

又曰傷寒產後血暈欲死宜紅花散

紅花散方

紅花 荷葉 生薑 薑黃等分

右爲細末用童便調二錢服

又曰凡傷寒小產夏月宜少用醋炭多有煩悶暈死者郭氏曰寒月用炭宜多

又曰傷寒產後惡露衝心悶亂口乾用生地汁藕汁童便各一盞和煎三兩沸作三服元本闕生薑宜加之

又曰傷寒產後惡露爲熱搏不下煩悶喘狂言者抵當湯桃仁承氣湯主之

又曰傷寒小產後煩悶大躁渴者宜石膏栝蒌湯

石膏栝蒌湯方

傷寒論集註 外篇卷四 十

石膏半兩 栝蒌根 甘草 黃芩

黃連各一兩

右咬咀每服四錢水一盞半煎八分溫服

又曰凡妊娠傷寒發汗用桂枝可炒止吐用半夏熱湯洗多遍則不損胎氣

小兒傷寒

千金方論曰小兒未能涉冒霜雪不病傷寒也然天行非節之氣其亦得之有時行疫疾之年小兒出腹患斑者治其時行節度故如大人法但用藥分劑小異藥小冷耳

又曰治兒未滿百日傷寒鼻衄身熱嘔逆宜麥門冬湯  
麥門冬湯方

麥門冬十八銖

石膏

寒水石

甘草

桂心八銖

右五味咬咀以水二升半煮取一升每服一合日三服

又曰治小兒傷寒以葛根汁淡竹瀝各六合二味相和煮服二三歲兒分三服百日兒酌與服

又曰治小兒時氣用桃葉三兩搗以水五升煮十沸取汁日五六遍淋之若復發熱燒雄鼠屎二枚用水調服

傷寒論集註

外篇卷四

十一

之又曰治小兒傷寒發黃者搗土瓜根汁二合服之又曰搗青麥汁服之又曰韭根汁澄清滴兒鼻中如豆許卽出黃水愈又曰小豆二七粒瓜蒂二七枚糯米四十粒共末之以少許吹鼻中

活人書曰小兒風壅發痰嗽煩渴惺惺散主之

惺惺散方

桔梗

細辛

人參

白朮

荏荑根

炙甘草

茯苓

川芎等分

右爲細末每服二錢入生薑二片薄荷二葉以水一盞同煎服五歲以下作四五服五歲以上分二服凡

小兒發熱不問傷風傷熱先與此散數服往往輒愈咽喉不利痰實咳嗽鼠粘子湯主之

鼠粘子湯方

鼠粘子四兩

妙香甘草炙一兩

防風半兩

荊芥穗二兩

右共爲細末每服二錢沸湯點食後臨臥日三服大利咽喉化痰涎止嗽若春冬間常服免生瘡癰老幼皆宜

頭顱身體溫熱大便赤黃腹中熱四順散連翹飲

四順散方

大黃製熟

甘草炙

當歸

芍藥等分

傷寒論集註

外篇卷四

十二

右共爲細末每服二錢以水一盞入薄荷一葉煎至七分溫服小兒量歲數與之三歲以上每服一錢

加減法

虛熱者加甘草下利者減大黃冒風寒者加麻黃中風舌強戴眼者加獨活並於一兩中加減半錢

連翹飲方

連翹

防風

甘草

梔子炒等分

右爲細末每服二錢以水一盞煎七分溫服頭顱身體溫熱大便白而酸臭者胃中有食積雙紫九主之小兒無異疾惟飲食過度不能自節心腹脹滿身

熱頭疼雙紫丸悉主之

雙紫丸方

甘遂 半兩

麩仁 四兩半 麥門冬 去心 牡蠣 煅各二兩半

硃砂 一錢

巴豆 六十粒去心皮膜研以新布絞去油晒之白如霜

甘草 炙一兩

右以麥冬甘草甘遂牡蠣四味爲細末入巴豆硃砂

麩仁合和搗二千杵更入少蜜搗和極熟旋丸半歲

兒服如蘇子大一雙一歲兒服如半麻子大分爲一

雙二歲兒服如麻子大一枚分一雙三四歲兒服如

麻子大二枚五六歲兒服如大麻子大二九七八歲

傷寒論集註

外篇卷四

三

兒服如小豆大二九十歲兒微大於小豆二九常以

雞鳴時服如至日出時不下者以熱粥數合投之卽

下藥丸皆雙出也下利甚者濃煎粥飲候冷與之卽

止

小兒身體潮熱頭目碎痛心神煩躁小便赤大便燥此

熱極也洗心散調胃承氣湯主之

洗心散方

當歸 炒

芍藥 生用

甘草 炙

荊芥

麻黃 去節

炒

大黃

以米泔水浸一炊間漉出令乾漫火炒熟各四兩

白朮

炒

右爲細末每服二錢以水一盞入生薑一片薄荷二

葉同煎至八分放溫和平服了仰臥仍去枕少時如

五臟壅實煎四五錢七若要溏轉則熱服

調胃承氣湯方 見前太陽證

小兒頭痛發熱惡寒者此傷寒證也升麻湯主之

升麻湯方

升麻

白芍藥

炙甘草

乾葛 等分

右咬咀每服五錢以水一盞半煎至八分去滓服若

大段寒卽熱服熱卽溫服瘡疹准此

頭痛發熱惡寒無汗者升麻黃芩湯

傷寒論集註

外篇卷四

四

升麻黃芩湯方

升麻

葛根

黃芩

芍藥 各三錢

甘草 炙一錢半

右咬咀每服二錢以水一盞煎至六分去滓溫服若

時行瘡豆出不快煩躁不眠者加木香一錢五分

小兒尋常不可通常服涼藥胃中冷亟動其證與驚相

類醫者不能辨往往復進驚藥如腦麝之類遂發吐胃

虛而成慢驚者多矣小兒須有熱證方可疎轉仍忌用

九子藥利之以大黃川芎等咬咀作湯液以蕩滌蘊熱

蓋九子巴豆只可攻食積耳

又曰小兒風熱及傷寒時氣瘡疹發熱宜惺惺散

又曰傷寒中風頭痛憎寒發熱肢節疼痛惡寒鼻乾不得寐兼治大人小兒瘡疹已發未發皆可服兼治寒暄不時人多疾疫乍暖脫着乃暴熱之次忽變陰寒身體疼痛沉重如石者升麻湯主之

又曰治胃中客熱口舌咽中生瘡赤眼目臉重不欲開瘡疹已發未發宜甘露飲子

甘露飲子方

生地

熟地

天冬

麥冬

枇杷葉

枳殼

黃芩

石斛

傷寒論集註

外篇卷四

五

山茵陳

炙甘草

各等分

右爲細末每服二錢以水一盞煎至八分去滓食後

臨臥溫服

又曰洗心散通治麤豆瘡時行瘟疫狂語多渴者

又曰連翹飲子治一切小兒熱

又曰解大人小兒隔熱退壅盛涼心經四順散

又曰治小兒傷寒發熱咳嗽頭面熱宜石膏麻黃湯

石膏麻黃湯方

石膏

芍藥

甘草

炙各半兩

麻黃湯泡

黃芩

各一兩

桂心

一分

杏仁

十枚去

皮尖

右七味爲細末每服二錢水一盞入生薑一片煎至八分溫服

龐氏曰小兒傷寒發熱自汗多啼宜葛根芍藥湯

葛根芍藥湯方

葛根

三分

芍藥

甘草

黃芩

桂枝

等分

右咬咀每服四錢水一盞煎至六分去滓溫溫相次三服熱盛者去桂枝加升麻半兩無汗者加麻黃一

兩喘者加杏仁半兩

又曰小兒傷寒結胸其項強眼翻弄舌搐搦如發癇狀

傷寒論集註

外篇卷四

六

久則哽氣啼聲不出醫多作驚風治之其脉浮滑或以指探心下則痛而啼宜半夏黃連括蕒湯斟酌兒大小

服當出黃涎便差

半夏黃連括蕒湯方

卽小陷胸湯方在第二卷太陽證下

又曰小兒傷寒始自壯熱不除被湯丸下後其證一如

前結胸狀但啼聲不出醫又以驚風治之多服硃砂牛

黃巴豆之類無驗此由誤下後毒氣結於心胸內熱生

涎裹諸藥不能宣行所致宜服粉霜散

粉霜散方

粉霜炒一錢 輕粉炒二錢 芫花米醋浸糊乾瓦上炒二錢半

右爲末暖漿水調一歲半錢病勢大加服取下黑黃涎猶包裹諸藥啼聲一出卽安

又曰小兒傷寒不解發驚妄言狂躁潮熱鈎藤大黃湯鈎藤大黃湯方

鈎藤鈎 當歸 炙甘草 芍藥炒各半兩

大黃三分

右咬咀每服三錢水一盞煎六分溫服以利爲度如難利者間茵陳九服此方不但傷寒常時小兒傷食作驚癇不乳壯熱皆可斟酌與服

傷寒論集註 外篇卷四 七

又曰小兒傷寒蒸起風熱發癇手足搐搦而不省蛇皮湯

蛇皮湯方

蛇退一錢 麻黃 大黃 牡蠣

黃芩各四錢 寒水石 白石英 石膏

赤石脂 紫石英 滑石各八錢 人參

桂枝 龍齒各二錢 甘草三錢

右十五味咬咀每服四錢以水一盞半煎七分去滓溫服熱多者日三服以竹瀝一半代水尤佳

又曰小兒傷寒胃中有熱煩悶不食日晚潮熱頰赤躁

亂或嘔吐蘆根湯

蘆根湯方

生蘆根 生茱根 赤茯苓 黃芩

麥門冬 炙甘草各一分 小麥二百粒 糯米二百粒

生薑半分

右咬咀以水三盞煎二盞以下分四服止效

又曰小兒傷寒後盜汗體熱咽乾犀角黃耆湯犀角黃耆湯方

犀角 黃耆 人參 麥門冬

茯苓各半兩 甘草一分

傷寒論集註 外篇卷四 六

右咬咀每服二錢以水一盞煎至五分溫服

傷寒論集註外篇卷四